


SILTANÊ FÎLAN

Yaşar Kemal

Ji tirkî: Mustafa Aydogan



NÜDEM

SILTANÊ FÎLAN

SILTANÊ FÎLAN

Yaşar Kemal

Roman

Wergera ji tirkî: *Mustafa Aydogan*

NÜDEM

Weşanên NÜDEM 36

Siltanê Filan

Stockholm: 1998

© Kurdiya wê Weşanên Nûdem
Pergala bergê û rûpelan NÜDEM
Wêneya bergê: Filek
Çapa bergê: Jakobsbergs Tryckeri
ISBN: 91 88592-36 7

Adres:

Nûdem Box 177
177 23 Järfälla-Sweden
Tel û Fax: 8-580 131 62, 8-583 564 68

PÊSGOTIN

Di destpêka salên heyştêyî de ez li taxeke derveyî Stockholmê bi cih bûbûm. Mala min nêzîkî kitêbxaneya taxê bû. Herçiqas ez hinekî hînî zimanê swêdî bûbûm jî, dîsan min bi pîranî pirtûkên bi tirkî dixwendin. Salên ku ez behsa wan dikim hê bi zimanê kurdî çi bigire pirtûk tunebûn. Ji nav pirtûkên ku min ji pirtûkxanê bi emanetî dibirin malê û dixwendin gelek jê romanen Yaşar Kemal bûn. Romanen Yaşar Kemal ez ber bi cîhana çîrokî û zaroktiyê ve dikişandim. Bi *Ince Memed* re ez jî dibûm İnce Memedek û min li dijî zilma Abdî Axa serî hildida. Di romanen wî de ez dibûm şahidê tevkuijiya ermeniyan, min mîrxasî û bedewiya kurdan nas dikir. Ez gav bi gav li Çûkûrovayê digeriyam. Min têkiliyên axê û traktorê û bi wê re mirina sîstema feodalîzmê û pêşketina kapîtalîzmê didît. Çûkûrova geh li ber çavên min dibû deryaya kul û derdan geh jî dibû dermanê çareseriya wan. Erê, min romanen Yaşar Kemal dixwendin û min şiroveya wan ji hevalên xwe yên nêzîk re dikir. Rojekê, min ji pirtûkxaneyeke tîrkan ya li Stockholmê çend pirtûkên Yaşar Kemal kirîn. Dudu ji wan pirtûkên çîrokan bûn û li ser yekê jî "romana zarokan" hatibû nivîsandin. Min romana "zarokan" danîbû quncikekê. Demek di ser re derbas bû. Ez li romana ku li ser bergerê wê "romana zarokan" hatibû nivîsandin vege riyan. Min

çend rûpel jê xwendin, min xwest ez dev jê berdim, lê min nikarîbû. Min ew xwend. Min xwe tê de dît, min kurd tê de dîtin, min jîrîtû û liberxwedana gêrikan şiband ya kurdan û hovîtî û êrîşkeriya filan jî şiband ya serdestên tirkan.

Fil têne welatê gêrikan, dixwazin gêrikan asîmîle bikin, dibistânen filan vedikin, gêrikan tê de bi zimanê filan perwerde dikan, dixwazin ew ji gêriktiya xwe bi dûr bikevin, bibin fil û welatê wan jî bibe welatê filan. Gêrik jî perçe dibin, hinek flîtiyê qebûl dikan, hinek jî qebûl nakin, li ber xwe didin, dixwazin gêriktiya xwe û gêrikistana xwe biparêzin.

Yaşar Kemal di vê romana xwe de du karakterên heywanan hilbijartine; fil û gêrik. Fil ji ber girsbûna xwe nîşana zilmê hatiye hilbijartin û gêrik jî ji ber hûrbûna xwe nîşana xebat û liberxwedanê... Ev romana ku mîna romanekê zarokan hatibû pêşkêşkirin, di destpêkê de bala xwendevanan nekişandibû. Lê paşê hin çepên tirkan ew mîna serîhildana karkeran ya li dijî serdestan dîtibûn, gelek der û doran jî ew mîna serîhildana çîna karker ya li dijî emperyalîzmê anîbûn zimên. Dibe ku jî weha be, mirov gelek motîvên çînayetiyye jî tê de dibîne û ji ber çepîtiya Yaşar Kemal ya wê demê wê xwestibe motîvên çînayetiyye jî bi kar bîne. Lê ga-vâ wek kurd mirov romanê dixwîne, mirov digel motîvên çînayetiyye bi giranî motîvên milî tê de dibîne. Tevî hewildanên rengê sor û motîvên çînayetiyye yên bi vî rengî hatine xemilandin jî pirtûk her wek pirtûkeke berxwedana gelê gêrikan ya li dijî êrîşen kolonyalîzmê ye. Di vê maneyê de serîhildan û şoreşke neteweyî ya pêşengê wê hesinkerekî ku di bin tesîra Kawayê hesinker de hatiye hilbijartin. Bi vê ve girêdayî ew berxwedana gelê kurd e. Ez bawer dikim wê ji ber van motîvên milî û ji ber tirsa Yaşar Kemal ya ji sîstemê be ku wî ev romana xwe mîna romanekê zarokan pêşkêş kiriye. Di sîstemên nedemokratik û dîktator de ge-

lek caran nivîskar û hunermend bi riya sembolan neheqîya sis-tem û civatê tînin zimên.

Berî bi heft-heyst salan min pir dixwest ku ev roman wergere kurdî. Min rojekê bi dostê xwe Mustafa re li ser vê romanê sohbet kir û min pêşniyaza ku ew romanê wergerîne kurdî jê re bir. Wî jî roman xwendibû û pir kêfa wî jê re hatibû. Wî pêşniyaza min maqûl dît û tavilê dest bi wergerandina wê kir. Lê bi tenê çend rûpelên pêşî jê wergerandin û wisa hişt. Gava me weşanxane ya Nûdemê ava kir, min dîsan jê xwest ku ew vê romanê wergerîne zimanê kurdî. Wî behsa zehmetiyên wergera vê romanê kir. Bi rastî jî weha bû, zehmet bû. Wergerandina romana ku bi idyoman mişt e ne hêsan bû. Me di dawiya sala 1996an de bi hev re Yaşar Kemal li Stokholmê dît. Wê demê Yaşar Kemal ji ber gotareke xwe ya ku di *Der Spiegel*ê de weşandibû ji Tirkîye-yê gelek êrîş hatibûnê. Kemal di gotara xwe de behsa fil û gêri-kan dikir; yanî behsa tirk û kurdan, behsa polîtîkaya tîrkan ya asîmîlekirina kurdan kiribû û ji ber gotinênen xwe mehkûm bûbû. Hin dosten wî yên nêzîk jê xwestibûn ku ew xwe bide alî û demekê ji Tirkîye-yê bi dûr bikeve. Ew jî çend mehekî hatibû Stokholmê. Nivîskarekî dinyayî ji bo çend rêzan surgun bûbû. Gava me di hevdîtina xwe de jê re behsa wergerandina *Sultanê Filan* kiribû, ew bi qelafetê xwe yê girs ji cihê xwe pengizî bû û mîna zarokekî kêfxweş bûbû. Ne ji ber ku pirtûkeke wî werdigeriya zimanekî din kêfxweş dibû, lê ji bo ku wê *Sultanê Filan* wergeriya zimanê kurdî kêfxweş dibû. Wî digot ecêb e, ku heta niha kurdan ev romana wî ferq nekiribûn. Bi xwe got, ku hilbijartina me hilbijartineke pir baş e û xwe da ber hemû piştgirî û alîkariyan. Gava Mustafa jê re behsa zehmetiya zimanê wî û term û idyoman kir, wî dîsan bi kêfxweşî xwe da ber şirovekirina hemû gotin, term û idyomên zehmet. Wê rojê Yaşar Kemal bi dilekî ges

pesnê nivîsandina kurdî da, ji stran û destanên kurdî bi kurtî be jî nimûne anîn, ji bo kurtedemekê be jî bi kurdbûna xwe şâ bû, şabûna xwe anî zimên û ji me hêviya berdewamiya nivîsandina kurdî kir.

Di hemû sohbeta me de ew bi kêt bû, devbiken bû, dilşa bû. Kurdîtiya wî ji tirkîtiya wî girantir bû. Bi zimanê "em" û "ew" dipeyivî. Yanî "em kurd" û "ew tirk". Behsa dewlemendiya edebiyata kurdî ya devkî kir. Behsa stran û destanên kurdî, dengbêjiya kurdî, bedewî û mîrxasiya kurdan kir. Gava me jî pirsa "çima tu bi kurdî nanivîsinî?" jê kir, wî got, ku ew pir dixwaze lê mixabin ku ew nikare. Erê ew bi kurdiya devkî dikare bipeyive û ji stran û destanên kurdî baş fêhm dike, lê herçî nivîsandina kurdî ye ew nikare û ji niha û pê ve jî jê re pir zehmet e ku hîn bibe.

Loma min xwest ez hinekî dakevim jîyana wî ya zaroktiyê û bibînim bê çîma ev nivîskarê mezin û gerdûnî ji zimanê xwe bi dûr ketiye û ziman û kultureke din gerdûnî kiriye.

Kurdbûyin û nekurdbûyina Yaşar Kemal hem ji aliyê kurdan ve û hem jî ji aliyê tîrkan ve hertim hatiye minaçeşekirin. Ji herdü aliyan ve jî bi zimanekî tûj hatiye rexnekirin. Kurd çûne ser wî ku çîma ew bi kurdî nanivîsîne, çîma ew nabêje ew nivîskarekî kurd e, an jî çîma ew stran û destanên kurdî didize, bi tirkî dinivîsîne û dike malê ziman û edebiyata tîrkan. Herçî tirk in, çî cara ku Yaşar Kemal tiştek di derheqê gelê kurd de an jî di derheqê demokratîzekirina Tîrkiyeyê de nivîsandibe, ew bûye hedefa rexne û êrîşen tûj. Lê Yaşar Kemal nivîskariya xwe dewam kîriye û iro bûye nivîskarekî cîhanî. Tiştê ku min ji devê vî nivîskarê mezin î cîhanî bihîst ku ew kurd e, ji malbateke kurd e û bi vê jî serbilind e. Di çavkaniyê nivîskî de jî tê gotin ku Yaşar Kemal di malbateke kurdîaxêv de hatiye dinyayê. Hê Yaşar Kemal biçûk e, malbata wî ji Wanê surgunî Çûkûrovayê dibe. Ew li gun-

dê Hemiteyê bi cih dibin. Li gorî çavkaniyên nivîskî gundê Hemiteyê gundekî tirkan e û ji malbata Yaşar Kemal pê ve kes li wî gundî bi kurdî napeyivin.

Bavê Yaşar Kemal di sê-çar saliya Yaşar Kemal de ji aliyê zarekekî nav mala xwe (ewladlixê) xwe ve li mizgeftê, di ser nimêjê de bi kêran tê kuştin. Ew bûyera ha, li welatê xerîbiyê dilê Yaşarê biçük perçe dike, ew şok dibe û ji ber wê şokê, piştî mirina bavê xwe bi çend salan nikare bipeyive, gava dipeyive zimanê wî li hev digere. Kuştina bavê wî, mîna ewrekî reş bi ser malbata wî ya surgunbûyî de digire, ji ber adet û toreyên kurdan yên kevin, apê Yaşar Kemal bi diya wî re dizewice û Yaşar Kemal li ber destê apê xwe digihê. Apê wî ku berê jî zewicî bû dibe xwediyê du jinan. Jina wî ya duwem, yanî diya Yaşar Kemal jî ji Wanê, ji malbateke esilzade ye û bi kurdîtiya xwe jî heta mirina xwe serbilind bûye. Ji ber ku mala bavê wê maleke xuyayî bûye, li Wanê stranbêj û dengbêj ji mala wan kêm nebûne û diya wî hertim bi gotina ku "Evdalê Zeynikê li mala me destê xwe dida ber guhê xwe û distira, an jî em ji maleke ku Evdalê Zeynikê hertim lê dibû mîvan tê" digot û pê xwe serbilind û bi esil hîs dikir. Wê ji ber tesîra stranbêj, dengbêj û bi gotina diya Yaşar Kemal Evdalê Zeynikê be ku Yaşar Kemal hê di pêncsaliya xwe de dest bi stranbêjî û çîrokbehîyê dike. Ew stran û çîrokên xwe di civatan de dibêje û gelekî bala guhdaran dikişîne. Piştî demekê ew li gundê Hemiteyê û li gundên der û dorê bi navê Aşiq Kemal tê bi nav kirin. Aşiq Kemal, bi aşiqêñ din re -mîna Aşiq Alî ku ew paşê wî dike yek ji qehremanê romana xwe ya bi navê *Dara Hınarê*- davêjin ber hev. Aşiq Alî jê re dibêje, ger ew bi zaroktiya xwe evqasî jîr be, gava ew mezin bibe ew ê bibe mîna Karacaoglan. Karacaoglanê biçük gava ji Wanê koç dikin û li Hemiteyê bi cih dibin, di serjêkirina qurbanan de, gava mîrê metika wî pez

digurêne, kêra wî dişemite û li çavê Yaşêr dikeve. Ew roj ev roj e Yaşar Kemal bi çavekî dijî.

Yaşar Kemalê surgunbûyî, ji bavê sêwî, bi çavekî û nexwendî li gundê Hemiteyê û li gundên dorhêlê mîna cinekî ye, jîr e, bi kêrî xwe tê, xwe zû dixe çavêن xelkê û xwe dide hezkirin. Li gundê wan kesî ku bi xwendin û nivîsandinê bizanibin nîne. Hemû nexwendî ne û dibistan jî li gund tuneye. Yaşar Kemal cara pêşî di heşyt saliya xwe de nivîsê bi riya etarekî dibîne. Rojekê etarek tê gundê wan. Yaşarê bi meraq dibîne ku etar bi pênusekê tiştekî li defterê dinivîsîne. Yaşar Kemal ji etêr dipirse bê ew ci ye. Etar jî jê re dibêje, ku ew deynê gundiyan dinivîsîne û ji bo ku ew ji bîr neke, paşê wan dixwîne û bi wî awayî dikare deynê xwe ji nava gundiyan bide hev. Ew tişte ha gelekî bala Yaşar Kemal di-kişîne. Ew tavilê têdigihiye ku ger ew hînî wê nivîsandinê bibe ew ê bikaribe bi riya nivîsandinê stran, şîr, çîrok û destanê xwe bi-nivîsîne û bi wê yekê ew ê bikaribe bi hêsanî bi bîr bîne.

Piştî wê bûyera etêr ew dixwaze zû hînî nivîsandinê bibe. Lê dibistan li gundê wan tuneye. Ji bo xwendinê divê ew biçe gun-dekî din. Ger ew bikaribe xwe bigihîne gundekî din jî, ji ber ne-bûna peran, ji ber feqîriyê ew ê nikaribe dibistanê bixwîne. Yaşar Kemal ji xwe re soz dide ku ew ê herî dirêj di hundurê sê mehan de hînî nivîsandinê bibe. Ew berê xwe dide gundê Burhanli-yê. Diçe ba mamosta û dibêje, ez dixwazim bixwînim. Mamosta li vî xortikê nehsalî yê bi çavekî dinihêre, li kinc û qerpalên lê dinihêre û bawer nake ku ew ê bikaribe bi wî awayî tu xwendinê bike. Yaşar Kemalê ku bûye evîndarê xwendinê, li ber mamosta digere û sozê didê ku ew ê di hundurê sê mehan de hînî nivîsandinê bibe. Û bi rastî jî piştî xwendina sê mehan êdî Yaşar Kemal dest bi xwendina rojnameyan dike. Ew êdî bûye gurekî xwendinê. Ew li ku çav li ci dikeve, dixwîne, ci tê bîrê dinivîsîne. Gava

ew sinifa pêncan xelas dike, dixwaze xwendina xwe bidomîne. Lê dibistana navîn li gund tunebû. Di wê navê de wan mal bar kiribûn Edenê û di xaniyekî xerabeyî de diman. Yaşar Kemal di bin şerdên zehmet de li Edenê dest bi xwendinê dike. Ew ji ber bêîmkaniyê di sala 1939an de mecbûr dimîne ku dibistana navîn di sinifa dawî de nîvcî bihêle.

Êdî Yaşar Kemal xortik e, divê ew bixebite û alîkariya apê xwe û diya xwe bike. Çi kar dikeve ber wî ew dike. Ew ji tevrikê, ji hevdana pembo, ji paletî û şifertiya traktorê bigire heta be-kçîtiya nava erdan dike. Lê di her karî de jî dîsan ew li stran û destanên xwe difikire. Ew difikire û dinivîsîne. Dinivîsîne û dixwaze bi xelkê bide xwendin...

Di salên 1941-1942an de Yaşar Kemal li gundê bi navê Baxçe ku nêzîkî gundê Hemiteyê ye dibe alîkarê mamosta. Paşê rola mamostetiyyê digire. Ew mîna mamosta jî gelekî jîr e. Xwendevanê xwe bi huner û edebiyatê perwerde dike. Ji wan re stran û dengbêjan tîne, di sinifê de bi wan dide gotin û bi wê yekê şagirtên wî bêhawe kêfxwes dîbin û bi qasî wê kêfxweşiyê bi mamos-teyê xwe ve têne girêdan. Herweha Yaşar Kemal bi şagirtên xwe komeke tiyatroyê ava dike û şagitan dikişîne nava cîhana tiyatroyê jî. Lê ji ber ku meyla wî li ser edebiyat û nivîsandinê ye, ew dibe aboneyên gelek kovaran û kovar jê re têne dibistanê. Ew di-be xwendevanevêkî baş û paşê dixwaze bibe nivîskarekî baş. Ew dest pê dike hêdî hêdî şîrên xwe ji kovaran re dişîne û şîrên wî di kovaran de têne weşandin. Gava ew cara pêşî di kovarê de çav li navê xwe dikeve, ew bêhawe dilşa dibe û ew dilşahiya wî dike ku ew heta îro jî dev ji nivîskariyê, dev ji êş û xweşiyên nivîskariyê bernede. Ew li Edenê di kovarên mîna "Görüşler", "Çig", "Kovan", "Ülkü", "Millet" û "Başpinar" de şîrên xwe belav dike. Di wê navê de jî ew li gundan digere, çîrok û destanên ku ji

gundiyan dibihîze, di deftera xwe de dinivîsîne û paşê li ser wan dixebite.

Di wan salan de jî ew li Edenê ji xwe re deqtîloyekê peyda dike û dibe "erzûhalcî". Yanî ew bi perê xwe ji xelkê re erzûhalan dinivîsîne. Bi riya nivîsandina erzûhalan ew xelkê wir, kul û derdêñ wan, êş û azarêñ wan, cîhana wan ya hundurî baştir nas dike û ew yeka ha di pêş de dibe çavkaniyên romanên wî yên bingehîn. Yaşar Kemal piraniya gernasêñ xwe ji wan mirovan hildibijêre û serpêhatiya wan ji nû ve dinivîsîne.

Her wê demê ew li Edenê Arif û Abidîn Dîno nas dike. Arif û Abidîn Dîno di jiyana Tirkîyeyê ya edebî û hunerî de du navêñ girîng bûn. Herdu bira wê demê ji aliyê karbidestan hatibûn surgunkirin û li Edenê dijîyan. Herciqas hevnaskirina Yaşar Kemal û herdu biran bi tesadufî be jî, lê dostaniya wan heta dawiya jiyana herdu biran dom dike. Hevnaskirina Yaşar Kemal ya bi Arif û Abidîn Dîno re, dibe destpêka jiyanekê nû. Wî ê êdî jiyana gundîtiyê li dû xwe bihiştâ û bi riya Stembolê bibûya nivîskarekî cîhanî. Êdî Edene ji Yaşar Kemal re teng tê, ew dixwaze biçe Stembolê. Lê ew li Stembolê kesî nas nake, tu navnîşanên wî, tu dostêñ wî yên nêzîk nînin. Abidîn û jîna xwe Guzîn Dîno navnîşana Azra Erhat didinê. Piraniya nivîskar û wergerên ku li Stembolê bûn, nas û dostêñ Abidîn û Guzînê bûn. Yaşar Kemal li Stembolê diçe ba Azra Erhat. Ji wê re behsa herdu dostêñ wê û jiyana wan ya li surgunê dike. Pêşî tiştek ji vî xortê bi qelafetê gundiyan nakeve serê Azrayê, lê paşê ew li wî û li fikir û fantaziyên wî ecêbmayî dimîne. Azra wî dibe mala xwe û pê re li ser ziman û edebiyatê, li ser edebiyata devkî û kulturêñ cihê sohbet dike.

Yaşar Kemal, li Babîaliyê, di rojnameya Cumhuriyetê de dibe xwedî kar. Karbidestêñ rojnameyê ji bo jîrîtiya Yaşar Kemal û ji

bo ku ew bi kurdî dizane ji bo roportajan wî dişîne Diyarbekirê. Yaşar Kemal ji Diyarbekirê jî derbasî Wanê dibe û diçe gundê zaroktiya xwe, nava merivên xwe. Gava merivên wî çav li wî di-kevin li ser serê wî kom dibin û bi hemêz û maçîkirinan vî xortê jêhatî dilşa dikan. Ew li wir li ser jiyana kurdan, li ser şertên zehmet yên jiyanê ji rojnameya Cumuhuriyetê re roportajan dişîne. Lê ji ber ku rojname nakeve destêن wî ew nizane ka gelo roportajên wî têne weşandin an na. Lê haya wî jê nîne ku roportajên wî li Stembolê deng didin û herkes vî navê nû meraq dikan. Gava Yaşar Kemal bi xwe cara pêşî çav li roportajên xwe dikeve, gele-kî kîfa wî tê, radihêje rojnameyê û baz dide dereke xalî û dixwîne. Ew di roportajên xwe de êş û zehmetiyêن ku xelk dikişînin û jiyana kurdan ya zehmet î di şikeftan de tîne zimên.

Rojnameya Cumuhuriyetê ji bo roportajên wî pereyekî baş diiyê û êdî deriyê şansê li ber vedibe û roj bi roj ber bi pêş ve diçe.

Piştî roportajên Kurdistanê ku bi navê roportajên "Rohilatê" dihate bi nav kirin, Yaşar Kemal vedigere Stembolê. Ew di wê navê de jî çîrokên xwe diweşîne. Projeya nivîsandina *Ince Memed* jî wê demê dest pê dibe. Gava Yaşar Kemal di sala 1953an de nivîsandina romana *Ince Memed* xelas dike pêşkêşî berpirsiyare Cumuhuriyetê yê wê demê Cevat Fehmi Başkut dike, Cevat Fehmi Başkut radihêje romanê û datîne dera hanê. Ew naxwîne jî, ew bawer nake ku wê ev "rohilatî" bikaribe romanekê binivîsîne. Gava piştî çend rojan Yaşar Kemal diçe ba wî û jê dipirse bê ka gelo wî roman xwendîye an na, Cevat Fehmi dibêje, ku wî hê xelas nekiriye, bi tenê nîvê wê xwendîye. Yaşar Kemal dibêje, ez bawer nakim ku te nîvê wê xwendîbe, dibêje, ger te dest pê kîribe tu ê nikaribî dev jê berdî, divê tu wê xelas bikî. Berpirsiyare Cumuhuriyetê li bixwebaweriya vî ciwanî ecêbmayî dimîne û bi rastî jî gava dest bi xwendina wê dike nikare dev jê berde, heta

destê sibehê dixwîne û bêhawê jê hez dike.

Lê Yaşar Kemal ew romana xwe bêtir ji bo peran nivîsandibû. Roman pêşî di rojnameya Cumhuriyetê de tê weşandin, paşê ji mîna du cildan derdikeve. Derdikeve û li seranserî Tirkiyeyê deng dide. Yaşar Kemalê rojnamevan êdî dibe romannivîs. Dibe romannivîs û dibe romannivîsê herî baş. Dibe romannivîsê herî baş û navê wî hêdî hêdî sînorêni Tirkiyeyê derbas dike. Ew romana wî ji bilî navdariyê jê re gelek peran ji tîne. Rewşa wî ya aborî bi carekê ve tê guhertin û ew dibe yek ji nivîskarêni Tirkiyeyê yê herî halxweş. Di anketên kovar û rojnameyêni Tirkiyeyê de Yaşar Kemal dibe yek ji nivîskarêni ku herî pir tê xwendin. Ew tam di wan salan de di meydana navneteweyî de dibe navekî girîng û gelek kovar û rojnameyêni fransiz û îngilîzan nivîsîn pesintijî ji bo wî dinivîsînin. *İnce Memed* di sala 1957an de werdigere zimanê bulgarî, di 1959an de wedigere zimanê rûsî, di 61ê de li Îngiltere û Amerîkayê bi îngilîzî derdikeve. Di 62an de jî ew bi zimanê almanî û bi spanyolî derdikeve. Hema çi bigire ji bilî zimanê kurdî ew bi hemû zimanê dinyayê yê mezin hate weşandin. Pir bi derengî be jî ew wergeriyaye zaravayê soranî jî.

Di sala 1964an de şîrketa *20th Century Fox* dixwaze *İnce Memed* bike film, lê karbidestêni Tirkiyeyê ji bo kişandina film des-tûrê nadin ku ew li Tirkiyeyê were kişandin, film ji mecbûrî li Yugoslavyayê tê kişandin.

Yaşar Kemal ji ber neheqiyêni civatê, ji ber berberiya sinifan û ji ber birçîbûn û nedemokratîkbûna Tirkiyeyê, cihê xwe di nav çepan de digire. Di wan salan de piraniya kurdêni hisyar jî di nava çepan de bûn. Yaşar Kemal dikeve Partiya Karkerêni Tirkiyeyê. Ji xwe ew serokê Partiyê Mehmet Ali Aybar ji salêni xwe yê eskeriyê nas dike, dostê wî yê nêzîk e. Hingî piraniya kurdan jî cihê xwe di nava vê partiyê de digirin. Ji ber ku ev partî hem ji

bo demokratîzekirina Trikiyeyê têdikoşa hem jî li gorî partiyên din li ser pirsgirêka kurdan radiwestiya. Lê ji ber vê nêrîna Yaşar Kemal dewlet dev jê bernade, dide dû û gelek caran wî digirin û tade û neheqiyên nedîtî lê dikin.

Êdî navê Yaşar Kemal navekî girîng e. Ew hem rojnamevan e, hem çep e, hem jî nivîskar e. Piştî romana *Ince Memed* dikeve nava hewildanêñ derxistina kovaran. Bi Fethi Naci re kovara bi navê "Ant" derdixin. Paşê bê rawestan romanêñ xwe dinivîsîne. *Teneke, Ölmez Ötu, Ağrı Dağı Efsanesi, Yer Demir Gök Bakır, Kimsecik, Yılanı Oldürseler, Kale Kapısı, Yusufçuk Yusuf, Kuşlarda Gitti* û bi dehan çîrok û romanêñ din... Gelek ji çîrok û romanêñ wî bi temamî li ser stran û destanêñ kurdî ava bûne, çav-kaniya gelek çîrok û romanêñ wî dîsan stran û destanêñ kurdî ne û di gelek çîrok û romanêñ wî de tîpêñ kurdî yên erînî hene. Yaşar Kemal di vî warî de yekemîn nivîskarê zimanê tirkî ye ku kurdan bi awayekî erînî dide nîşandan. Romanêñ wî ji aliyê jina wî Thilda ve tavilê dihatin wergerandin û bi wê yekê deriyê cîhan-nîbûnê lê vedibû. Bi riya wergerên Thildayê yên îngilîzî ew werdigeriyan zimanêñ din ên cîhanê. İro çi bigire romanêñ Yaşar Kemal wergeriyane hemû zimanêñ dinyayê yên muhîm. Wî hem di qada Tîrkiyeyê de hem jî di qada navneteweyî de bêhejmar nîşan û xelat girtine.

Di salêñ heştêyî de gava em hatibûn Swêdê navê pêşî ku me dibihîst navê Yaşar Kemal bû. Herkesî, hemû xwendevanêñ Swêdê Yaşar Kemal nas dikirin. Çi bigire herkesî *Ince Memed* xwendibû, hekesî jê hez kiribû. Navê wî ji salêñ heyştêyî û bi vir de di akademiya Swêdê de ji bo xelata Nobelê aktuel e. Lê heta niha jî ew nebûye xwedîyê xelata Nobelê. Ew nebûye xwedîyê xelata Nobelê ya edebiyatê lê bi dehan bi xelatêñ mezin yên çi neteweyî û çi jî navneteweyî hatiye xelatkirin.

Ji ber nenivîsandina wî ya bi kurdî herçiqasî em jê dilşikestî bûbin jî, me dîsan xwest em jî bi vê wergera Mustafa Aydogan ya rewan wî xelat bikin, careke din wî bi zimanê dayika wî ve bikin yek û zimanê zaroktiya wî careke din di bîra wî de bînin.

Em bi pêşkêşkirina vê berhema ku gêrik zimanê xwe bi destê filan ve bernadin, hêvî dikin ku daxwaza gelê kurd a di warê xwestina zimanê xwe de xurttir bibe û pêşdetir biçe.

Firat Cewerî
Stockholm, 1998

Fil digirin ser welatên gêrîkan, bajarêن wan hildiweşînin û wan dikin hêsîr.

Siltanê Filan, filekî ku ji kevokeke spî spîtir, gir û bi heybet bû. Li ser textê xwe rûniştibû û li bende qasidê xwe bû. Di her tevgera wî de, xuya dibû ku ew nikarîbû di cîhê xwe de rawestiya.

Piştî kurte-demekê, Serkumikê Berz ew qasidê ku Siltan li bendê bû, hat. Ev çûkê ha, Serokê hudhudan bû. Xuya bû ku baskên wî yên fireh, reş û spî westiyabûn. Rengê kumika wî ya dirêj a ku li ser serê wî û li dora situyê wî, wek kevane-kê bilind bûbû, turuncî bû. Perîkên wî bi turunciyekî wek şewqa tavê dibiriqand. Perîkên sînga wî yên tenik û zirav jî pitik pitikî bûn.

Piştî ku sê caran di ser serê Siltanê Filan re firiya û sê xelekên turuncî çekirin, çû xwe li ser guliyê dara ku li ber bêvila Siltên bû, danî.

Siltanê Filan bi lez got:

– Tu bi xêr û bi selamet hatiyî... Ka bibêje... Bibêje, ci xebêren gêrîkan hene, ma te ji min re tu mizgîniyeke xêrê anîye?

Serkumikê Berz pir westiya bû. Baskên xwe tam çar caran vezelandin û li hevdu xistin. Bi lihevduxistica baskên wî re, pelên guliyê dara çinarê yê ku ew li ser bû, kil bûn.

Serkumikê Berz got:

– Bila tu sax bî, Siltanê min. Tu her hebî, Siltanê min. Min ji welatên gêrîkan deng û behsên xweş anîne. Ez tam heft mehan li welatê wan mam. Ji min re gelekî qenc bûn. Bi xwarin û vexwarineke bêqusûr, dostanî û mazûbanîyeke pir baş nîşanî min dan. Min di vê dînyayê de mexlûqên weha ne dîtine.

Siltanê Fîlan boriya:

– Ev mexlûqin çawa ne? Min qet gêrîk nedîtine.

Serkumikê Berz baskên xwe sê caran vekirin û got:

– Tiştên pir piçûk in. Ew mexlûqin ewqas piçûk in ku tu pir ji nêzîk ve li gêrîkekî nenihêrî, tu ê nikaribî wî bibînî.

Siltanê Fîlan got:

– Ka behs bike, behsa hunerên wan mexlûqên piçûk bike. Mezinbûn an piçûkbûna wan ji min re ne lazim e. Lê hune-rênen wan lazim in.

Serkumikê Berz êdî westandina ji ber rîwîtiyê, ji ser xwe avêtibû û bêhna wî hatibû ber wî.

Got:

– Siltanê min î delal, çavê min, tu îcar bala xwe bide hune-rênen gêrîkan.

Serkumikê Berz dest pê kir. Her ku wî digot, Siltanê Fîlan ji kêfa, ji ser bişê xwe diçû. Ji ser hişê xwe diçû û bê rawestan, pirs li dû pirsê ji Serkumikê Berz dikir.

– Bajarin ava kirine, qet ne pirse Siltanê min, di bin erdê de... Bajarin medenî, bi heybet. Embarêن wan sal duwanz-deh meh heta ber dev bi xwarin, hunguv, navika kuşîkkan, zad û kêzikêن mirî ve dagirtîne. Paytextên xwe tam di orta deştên fireh de ava kirine. Ev deşt ji peravêن Nilê jî ji Çûkûrovayê jî hîn bi berekettir in. Tew deştek heye, welatek heye ku ew qas bi bereket e, tu filan lê biçinî dê şîn bibin.

Aliyê bakur ê vî welatî hemû daristan e. Daristaneke weha ye ku piling têkevê nema dikare ji nav derkêve. Aliyê başûr jî sal duwanzdeh meh tev şînkayî ye. Deşteke fireh û hera çav çavan dibire rast û sal duwanzdeh meh heta ber dev bi kulîkan ve dagirtî... Rojhilatê wê zevî, rojavayê wê zevî, tu can lê bîçînî, tu çûkan lê hiçînî, tu gêrîkan lê bîçînî dê şîn bibin.

Her ku Serkumikê Berz digot, ji kêfa difûriya û her ku difûriya digot. Şev û rojekê bê rawestan ji Siltanê Filan re behsa gêrîkan, bajarên wan, welatên wan kir. Siltanê Filan jî xwe wenda kiribû û li vî çûkê ku ji kêfa difûriya guhdarî dikir.

Serkumikê Berz dît ku Siltanê Filan ji nişka ve çeng bû ser piyan û kir qêrîn.

– Hemû filên min, hicivin!

Ji dengê wî yê bilind çiya hejîyan.

Filan dest pê kir û civiyan. Heta ji welatên dûr jî hatin. Civanâna wan sê roj û sê şevan ajot.

Gava ku hema hema hemû fil civiyan, Siltêن ji Serkumikê Berz re got:

– Biþeyive! Behsa hunerên gêrîkên bi qasî ku çavên me nikarin wan bibînin pir piçûk in, bike.

Serkumikê Berz baskên xwe li hevdu xistin û firiya. Di ser koma filan re fireh fireh firiya, xelekên turuncî çekirin û dest bi gotinê kir. Her ku wî digot fil mest dibûn, av bi devê wan diket û girêza wan diherikî.

Di dawiyê de, Siltan derket ser bêrzana gir. Textê wî yê fireh û kevin li wê derê vegirtîbû. Li ser textê xwe mexel bû û pirsî:

– We bihîst, we hunerên gêrîkan bihîstin?

Wan got:

– Me bihîst.

Siltêن got:

– Filek, filek bi tenê, belkî bi qasî çend milyar gêrîkan me-

zin e.

Ü ji Serkumikê Berz jî pirsî:

– Ma ne weha ye?

Serkumikê Berz:

– Dibe ku hîn jî zêdetir.

Siltêن got:

– Hûn ji bo vê meseleyê çi dibêjin, hûn çi dibêjin?

Wan got:

– Em ê çi bibêjin, Siltanê me hertiştî baştir dizane.

– Ger weha he, de heydê em herin ser welatê gêrîkan. Bilezînin...

Siltan di herî pêşiyê de, tam li ser serê wî Serokê hudhudan Serkumikê Berz difiriya, li dû wî jî artêşa filan bi rê ketin.

Serkumikê Berz ji Siltêن pirsî:

– Ma tu dihêje, ez bangî hudhudên xwe jî nekim? Dibe ku alîkariyeke artêşa me jî bigihêje me.

Siltêن got:

– Gidî, tu çi sekinîyî, birayê min î Serkumik, zû bangî wan jî bike. Alîkariya wan ê bigihêje me, çi gotin e. Bêyî artêşa hudhudan, bêyî wan hudhudên xwedîyên baskên sivik û kumikên turuncî, ez li vê dînyayê dikarim çi bikim... Zû bangî wan bike, ez wan hemuyan dixwazim.

Serkumikê Berz fîriya û got:

– Dibe, ez ê a nuha, heta bîstikekê hemuyan bînim, Tu her hebî, Siltanê min. Rêya te vekirîbe. Bila sefera me ya ser gêrîkan bi serkevtinê biqedede.

Siltan qêriya:

– Dê bi serkevtinê biqedede!

Hemû filan jî ev gotinên wî dubare kirin.

Piştî bîstikekê, ezman bi dengên şelpîna başkan hat dagirtin. Ewrekî ku ji hudhudan, ji baskên belek û ji serkumikan

pêkhatî, ser serên filan girt. Ezman nexuya bû.

Serkumikê Berz bang kir:

– Sefera me ya li ser gêrîkan dê bi serkevtinê biqedê.

Hemû hudhud û filan jî mîna wî, bi dengê wî re bang kir.

Bi kêfxweşî rêya xwe didomand. Her ku artêsa filan pê li erdê dikir, dinya dihejiya. Tam li hember wan li jorê, hudhud bask hi hask, di ewrekî turuncî yê rengîn de dibiriqîn û difiriyan. Li jêrê, filan xwe kil dikir û zik bi zik dimeşîyan. Guhêñ wan ên mezin her ji bîstekê carekê jî mîna merşan vedibûn.

Ü Siltanê Filan spîboz, bîriqandî, şuştî û veşuştî bi tena se-re xwe di pêşiyê de dimeşîya. Serokê hudhudan dostê wî yê kevin Serkumikê Berz jî hihustekê li ser serê wî difiriya. Ew û Siltanê Filan dipeyivîn. Siltanê Filan ê pir jîr û fenek kûr difikiñ. Di van gêrîkan de gelek feyde hebûn. Piştî ku li din-yayê ew qas gêrîk hebin, ma dibû ku mirov weha bijî? Ma Xwedê ji ho çi gêrîk ew qas pir çêkirine? Bê guman dê sebebek hebûya ku gêrîk ew qas pir hatine çêkirin. Li gora goti-nêñ Serokê hudhudan Serkumikê Berz ê serpêhatî, kevir û kuçik hemû gêrîk bûn û gêrîk ew qas pir dixebeitîn, bajarêñ ew qas xweşik ava dikirin, ew qas pir xwarin hiltanîn ku... Bê guman dê ji van hemuyan re sebebek hebe. Gava Siltanê Filan dimeşîya, ji xwe re weha difikiñ û ji ber ku wî ev gêrîk berê di xortaniya xwe de nas nekiribûn, li ber diket. Zemanekî pir hêja wenda kirihû. Xortaniya wî, hemû jiyanâ filan di nav bêimkaniyan de heder hûbû. Lê ma li vê dinyayê fil, van filêñ pir mezin û bi heybet divê weha bûna, weha di tengasiyê de hijiyana? Lê Siltan dê çi bike, çi bûye hey bûye. Di-viyahû mirov zemanê ji nuha û pê ve baş bi kar bianiya.

Piştî qonaxa sê rojan, Serkumikê Berz got:

– Em gîhaştin welatê gêrîkan Siltanê min.

Siltêñ pirsî:

– Ka kî der e?

Serkumikê Berz:

– Tu vê deşte dibînî Siltanê min, ev deşta fireh ku bi qasî deryayeke mezin xwe digihîne deverên ku êdî çav çavan ne-ma dibîne, ji serî heta binî welatê gêrîkan e. Di orta vê deşte de çiyayek beye. Li pişt wî çiyayî jî welatekî ji vî welatî fireh-tir... Ev welat jî welatê gêrîkên din e. Li pişt wî jî welatê din...

Berê xwe bi rojhilat vekir, daristana ku heta çav çavan di-bire dirêj dibû nîşan da. Berê xwe bi rojava vekir, mîrga ku heta ber dev bi kulîlkên bişkivî ve dagirtî nîşan da. Berê xwe bi bakur, bi başûr vekir, çiya, gol, kulîlk û dar nîşan dan. Fîl rawestiyabûn û bi awayekî bi heyran li vî welatê vit î vala, xweşik û rohnî temaşe dikir.

Siltanê Fîlan bang kir:

– Amade bibin!

Fîl ketin rewşa amadebûnê.

– Hebekî li jor binihêre!

Fîlan hemuyan bi hevdu re xortimên xwe ber bi jorê ve bi-lind kirin.

– A va, yê li jorê li ser serê we difire Serkumikê Berz e. Ew rîberê we ye. Ew ê di pêsiya we de bifire û bajarêñ gêrîkan nîşanî we bide. Hun ê heta ku ew teslîm bibin, heta ku kevir li ser kevirî nemîne, bajarêñ gêrîkan hilweşînin. Piştî ku teslîm bûn jî bila bêñ huzûra min û xwe biavêjin min. Leşkerêñ min, filêñ min ez careke din dubare dikim, heta ku gêrîk ne-bêjin çîz, hûn ê li hêşirêñ çavêñ wan nenihêrin. Serleskerêñ min, ez ji we re dibêjim; hûn ê filê ku dilê wî piçekî jî hi gê-rîkan bişewite, bikujin. Dilêñ leşkerêñ filan bi kesî naşewi-tin. Leşkerêñ filan ji bo paraztina dewleta filan a herî dawiyê, eşê nêzîkî dilêñ xwe jî nakin. Fîlno, birayêñ min, ev şerê we yê mezin î yekem e. Ger em di vî şerî de bi ser kevin, em ê

hihin zalêñ dinyayê. Filno, birayêñ min, hemû mexlûqêñ dinyayê û dîrok rawestiyane û li me û li vî şerê me yê pîroz temaşe dikin. Ger em îroj serêñ gêrîkan netewînin, hemû mexlûqêñ dinyayê û dîrok dê me efû nekin. Dîrok dê serkevtina me ya îroj, bi herfêñ zêfînî binivîsîne. Filan di vî şerê îroj de, serkevtin heq kiriye. Ji ber ku fil bi îhtişam in, ji ber ku fil bi esil in, ji ber ku fil jêhatî ne. Dîroka filan a cil sed salî li wê derê, li ezmêñ rawestiyaye û li me dinihêre.

Ger em di vî şerê îroj de, li hember gêrîkên ku dijminatiya me dikin û êrîşî welatê me dikin, tam bi ser nekevin, dîrok, dîroka filan dê me qet efû neke. Filno, birayêñ min, leşkerêñ min, ger em di vî şerê îroj de, li hember gêrîkan têk biçin, ev gêrîkên ku dixwazin xwîna me vexwin, dê yekî jî ji me nehêlin. Ew ê me hemuyan bixwin. Nesilê filan dê ji ser ruyê dinyayê rahe. Ji her vê yekê, filno, birayêñ min, leşkerêñ min, divê em di vî şerê îroj de bi ser kevin û li welatê gêrîkan kevir li ser kevirî û tu benderuhan nehêlin.

Siltanê Filan rabû ser lingêñ xwe yên dawiyê, herdu lingêñ xwe yên pêsiyê ji hevdu vekirin, xortima xwe dirêj kir û weha peyivî. Li hember gêrîkan halan di filan de hilda û di hundurê her filekî de agirekî heyfhilanînê yê bêşînor pê xist.

Û di bin rêberiya Serokê hudhudan de pênc sed fil, pênc sed dêwêñ kujek, pênc sed xezeb, mîna pênc sed bivirêñ tûj dibiriqand û xwe bera ser bajarê gêrîkan da.

Şerekî pir giran li dar ket. Gêrîkên sor, reş, zerî, siwarî di bin lingêñ filan de tev welatêñ xwe, bajarêñ xwe bi erdê re bûn yek. Şerekî bi qasî ku di çarçoveya gotina şerekî pir giran de hilnayê hat kirin, ket dîroka filîtiyê. Û di dîroka filan a şer de, destana herî mezin hat nivîsin.

Hawar û gazî bi derbekê re di ezmêñ re derketin. Moraneke hilweşandinê, dûmaneke mirinê ji nişka ve girt ser wela-ten gêrîkan. Roj li nîvroj, ji toz û dûmanê, çav çavî nema di-

dît. Gava roj çû ava, hejmara gêrîkên li welatan daketibû nê-vî. Gêrîkên ku reviyabûn xelas bûbûn û yên ku nikaribû bi-reviyana jî batibûn pelçiqandin.

Siltanê Filan li dûr rawestiyabû, li meydana şer temâşe di-kir û dipesinî li şerê ku filan dimeşand, dinihêri. Toz û dû-mana li ser welatên gêrîkan her ku diçû bêtir dibû.

Siltêng bangî Serokê budhudan kir û got:

– Ci bû? Ger ev deverên ku xuya dibilin welatên gêrîkan bin, ger tiştên ku ez dibînim rast bin, hemû welat bi erdê re bûn yek. Ew ji bo ci hîn jî nabêjin çîz? A, ez li vê ecêbmayî dimînim.

Di tuyê wî de tirs û taswasek xuya bû.

Serkumikê Berz got:

– Ez di bextê de me, Siltanê min, ez di bextê te de me, Sil-tanê min, çîz ci gotin e, ji kerema xwe re, xwe daqûl bike û lê binihêre, bi hezaran gêrîk ji gava ku şer dest pê kiriye û vir de, heta hîn berî ku şer dest pê bike, bi hezaran gêrîk ji bo ku tu wan efû bikî, xwe avêtine lingên te... Ji kerema xwe re xwe daqûl bike û li wan binihêre.

Siltanê Filan got:

– Ez nabînim.

Serkumikê Berz got:

– Ew pir piçûçik in. Her yek ji wan bi qasî serê derziyê ye. Fîlek nikare ew qas ji dûr ve wan bibîne.

Siltanê Filan got:

– Baş e, min dengê wan jî seh nekir.

Serkumikê Berz:

– Dengê wan pir zirav e. Baş bû ku te dengê wan seh ne-kir. Ger te seh bikira, dilê te dê bi wan bişewitiya... Weha digirîyan, weha lavelav dikirin ku ya sitar, yê ku dilê wî hebûya, nikarîbû idare bikira. Tevî ku ez çivîk bûm, tevî ku ez mexlûqekî li ser dinyayê, li derveyî dinyayê dijiyam jî, gava

wan bi dengekî şewat li ser kuştiyên xwe digotin, min bi xwe jî nikarîbû idare bikira. Dilê min ji êşê peritî. Te qet, te qet idare nedikir, Siltanê min, te qet! Baş bû ku te hawar û gaziya wan nebihîst ... Leşkerên te jî gava ew diavêjin ser kuştiyên xwe, dengê wan nabîsin, xwîna wan a diherike û serên wan ên têjekirin nabînin... Baş e ku nabînin, ji ber vê yekê, dikarin şer weha bê merhamet bidomînin. Li vî ezmanî binihêre, li çivîkên min binihêre, Siltanê min, ma qet tu ji wan di ser welatên gêrîkan re difire? Ma tu dil dikare li hember vê rewşa gêrîkan, vê hilweşandina bajarêن wan idare bîke, ma dilê ku dil be, dikare xwe li ber ragire?

Siltêن got:

- Idare nake. Baş e ku em nabîhîsin û nabînin.
- Ji xwe, ger hemû mexlûqan şer bidîta, bibîhista, hemû mexlûqan bikarîba qêrînên şer bibîhistana, li vê dinyayê şer çenêdibû. Ji ber ku kirêtiya şer nayê zanîn... Ji ber ku xerabiyâ şer tê veşartin, hemû mexlûq vî şerî qebûl dîkin.

Siltêن got:

- Hela gêrîkan li ser baskêن xwe bike û bîne, ez wan bibînim. Ez ê bi wan re bipeyivim. Heyf bû, me baş nekir ku me bajarêن hemû welatan hilweşandin.

Serkumikê Berz got:

- Na, ne heyf bû. Ji ber ku gêrîkan baş fahm kir, bê fil kîne, careke din heta qiyametê, nema dikarin li hember filan şerî rakin. Ji bo gêrîkên pelçiqîn jî serê xwe neêşîne. Li vê dinyayê, ew qas pir welatên gêrîkan, ew qas pir gêrîk hene ku em nikarin wan bi mejiyê elektronîk jî bihejmîrin, em nikarin wan ne bi pelçiqandinê û ne jî bi kuştinê biqedînin...

Siltêن got:

- Baş hû ku weha bû. Nuha jî hela ka van gêrîkan li ser baskêن xwe bike û bîne, ez ê bi wan re bipeyivim. Ez ê lê binihêrim, em ê lê binihêrin bê ev gêrîk çi teba ne.

Serkumikê Berz daket ber lingên Siltên, li wê derê gêrîk bi ser hev de dixulxulîn û diqêriyan.

Serkumikê Berz bang kir:

– Dengê xwe mekin.

Gava gêrîk çav li dostê xwe yê kevin Serkumikê Berz ketin, kêfa wan ew qas hat, ew qas hat ku nayê gotin. Lorînên ser kuştiyên xwe, nifîr û qêrînên xwe rawestandin û bi kêf bang kir.

Gêrîkan ji Serkumikê Berz re got:

– Tu di roja me ya teng de, baş di hawara me de hat. Wekî din jî tu hi zimanê filan dizanî, rîyekê bibîne û me bigihîne Siltên.

Serkumikê Berz got:

– Ez jî ji ho vê yekê hatim ba we. Siltan we dixwaze. Li baskêni min siwar bibin.

Berê Gêrîkê Rîhsor li baskêni Serkumikê Berz siwar bû. Bi dû wî re jî yên din, mezinên gêrîkan pir perîsan li ser pişt û baskêni Serkumikê Berz civiyan.

Serkumikê Berz firiya, li dora serê Siltên sê caran zîvirî. Sê xelekên tutuncî yên şewq dida, mîna taceke zêrînî di ser serê Siltên de bîriqîn. Dû re jî hat û xwe li ser serê xoruma Siltên danî.

Siltên emir da:

– Xwe li deveke hîn nêzikir deyne. Ez nikarim van tiş-tên piçûcik bibînim. Navê wan gêrîk e, çi ye?

Serokê hudhudan baskêni xwe li hevdu xistin, xwe li deveke tam binya çavêni Siltên danî û got:

– Gêrîk.

Siltên ji kêfa kir wîrqînî:

– Min ew dîtin! Ma gêrîk ev in, ev ên ku bi qasî serê derzî-yê ne?

Serkumikê Berz got:

– Ev in. Tew ev ên ku li ser baskên min, mezintirînên gêrîkan in, pêşevanên wan in.

Siltanê Filan şaş ma:

– Hella hella! Hella hella! Ev çi mesele ye, ev mexlûqin çawa ne ku her yek ji vana dinya li pişta xwe kiriye? Ma rast e?

Serkumikê Berz got:

– Rast e, her gêrîkek dikare dinyayekê, heta filekî bi pişta xwe hilgire.

Siltan dîsa ji kêfa qêriya:

– Ez dengên wan jî dihilhîsim.

Siltên guhêñ xwe yên wek merşan baş vekirin û got:

– Dengê wan çi ecêb e. Ji dengê vizîniyekê ziravtir e, ne weba? Çi dibêjin? Gotinêñ wan wek ku ew dibêjin, ji bo min wergerîne û yên min jî ji bo wan.

Serkumikê Berz:

– Li ser serê min, ez ê gotinêñ wan, wek ku ew dibêjin wergerînim. Li baskê min hinihêre.

– Min lê nihêrî.

– Gêrîkê ku li ser serê vî baskê min rabûye ser lingan, Rîbsoro ye. Ji serî beta binî di nav xwînê de maye.

Siltanê Filan got:

– Ez dibînim.

Serkumikê Berz got:

– Ew hesinkerek e.

Siltanê Filan ecêbmayî ma.

– Ne xwe, ne xwe, hesinkerê gêrîkan jî heye!

Serkumikê Berz got:

– Heye. Li dinyayê çi qas meslek hebin, bemû li ba gêrîkan jî hene. Di nav bemû mexlûqan de mîmar û mihendi-sên herî baş, ji nav gêrîkan derdikevin. Tê gotin ku di nav mexlûqan de, hesinkerên yekem jî gêrîk bûn. Siltanê min, sulala vî yê Rîhsor ji gava ku dinya hatiye avakirin û vir de

hesinker e. Ew jî Siltanê hesinkeran e. Dibêje ku filan bîstikeke berê, dikana wî ya hesinkeriyê bi ser serê wî de hilwesandiye, lingê wî yê rastê di bin dîwêr de maye û jê hûye.

Siltên got:

– Wax wax, ez li ber ketim ku lingê yê Hesinker jê bûye.
Lê ger milê wî jê bûbûya?

Rihsorê di nav xwînê de mabû, bang kir:

– Wê gavê mirin dê baştir bûya. Hesinkerê ku milê wî jê bibe, mirî tê hesibandin.

Siltên dilê xwe bi Rîhsorê ku di nav xwînê de mabû şewitandû got:

– Mirî tê besabkirin.

Rihsoro bang kir:

– Dilê te ji bo çi bi min dişewite?

Siltên got:

– Ez li ber dikevim ku hesinkerek ketiye vî halî. Ger gêrîk be jî gava lingê hesinkerekî jê bibe, ez li ber dikevim.

Rihsoro tev êşa canê xwe, xwe li hember Siltên zivir kir û peyivî:

– Me çi bi te kiribû, me çi bi te kiribû ey Siltanê siltanan? Me çi bi te kiribû ku te em xistin vî halî? Li hember binihêre bê welatên gêrîkan di çi halî de ne, bibîne, bibîne ku ji berdêla ew dilê te yê kevirî dê bi min biêşe, bila bi van welatên dinyayê ên herî xweş ku hatine hilwesandin û şewitandin, biêşe.

Gava ku Serkumikê Berz peyv di devê xwe de dimilmiland û di wergera gotinên Rîhsoro de zehmetî dikişand, Siltanê Filan bang kir:

– Tu dê gotinên vî yê Kulek eyn wek ku ew dibêje, ji min re wergerîne. Ger tu xwe di ser gotineke re çeng bikî, ez ê bi baskên te bigirim û te bikim du şeqan.

Û Serkumikê Berz gotinên Rîhsoro ji Siltên re wek ku di-

hat gotin wergerandin.

Siltanê Filan lingên xwe yê rastê bi hêrs li erdê xist, çermê wî yê spîboz ji hêrsa spîsor bû û bû qirçe qirça qîlên wî:

– Ma min, ma filan êrîşî we kir? Ma tu dîn î, Hesinkero? Neteweyê filan tu carî êrîşî tu neteweyan nake. Neteweyê filan aştîxwaz e, xebatkar e, egîd e. Ji bo çi ew ê bê sebeb êrîşî welatê gêrîkan bike? Tu divê vêya baş bizanîbî Serokê hesinkeran ku em, fil bi tenê xwe diparêzin. Tu ji ber êşê, ji ber ku lingê te jê bûye, vê êrîşê dike sûcê filan. Ev hilweşandin, toz û dûmana ku em li hember dibînin, ne êrîşa me ye, lê ya we gêrîkan e. Hemû dinya vê weha dizane. Êrîşa yekem ji gêrîkan hat, we, gêrîkan malên me û bajarên me bi ser serên me de hilweşandin. A, we bersiva xwe jî stend. Belê, belê we stend. We filên aştîxwaz anîn xezebê. Gava fil hatin xezebê jî va, we dît bê çi qewimî. Ji ber ku hûn bi xwe û bi pirbûna xwe zêde bawer bûn, we êrîşî welatê filan kir. We bi temamî pê li qanûna mexlûqên yekbûyî kir. Fil hindikayiyê û hûn jî piraniyê pêk tînin. Lê divê we bizanîba ku hindikayiya biheq jî piraniya bêheq xurttir e.

Siltanê Filan rawestiya, hilma xwe stend, piştî ku xortima xwe bi vir de û wê de kil kir, got:

– We bi êrîşa xwe ya ser welatê filan, çewtitîyeke mezin kir. Binihêre, hûn jî bi awayê herî hatin cezakirin.

Ne zimanê Rîhsoro û ne jî yên gêrîkên din digeriya, Peyy ji wan çênedibû. Bi tenê, carinan ji devê wan ev gotin derdi-
ketin:

– Ma me, ma me êrîşî filan kir, ma me?

Ew qas.

Di dawiyê de, zimanê Rîhsorê ku devê wî zuha bûbû, geri-
ya:

– Em çawa dikarin êrîşî filên weha qerase ku bi qasî Xwe-
dê mezin in, bikin Siltanê min?

– Hûn bi piraniya xwe bawer bûn û we êrîşî filan kir.

– Me êrîş nekir.

Siltan qêriya:

– Çî? Tew, tew li hember gotinên min derdikeve! Serkumikê Berz, wan ji ser pişta xwe biavêje ber lingên min...

Serkumikê Berz li ber geriya û got:

– Ez di bextê te de me Siltanê min, ez di bextê te de me Siltanê min, gotinên wan çewt hat fahmkirin. Wan tiştekî din got.

Siltên bang kir:

– Wa? Wa?

Ji ber dengê wî, erd, daristan, ezman û çiya wek ku zelzele li wan rabûbe hejiyan.

Di serî de Gêrikê Kulek û dû re yên din got:

– Gotinên me şaş hatin fahmkirin. Me êrîşî filan kir, me malên wan bi ser serên wan de hilweşandin. Me fil hemû pe-lçiçqandin û kuştin, ancax piştî wê fil jî bêrs bûn û ketin welatê me. Aaax, xwezî me ew neanîna xezebê.

Siltên bang kir:

– Hib, nuha bû.

Yên din soz da û got:

– Me di te de kir, tu di me de neke, Siltanê me. Careke din tu gêrik dê pê li erdê welatê filan neke.

Siltên bang kir:

– Ew ê pê lê bike!

Ji dengê wî ezman qelişî.

Gêrikân dubare kir:

– Ew ê pê lê bikê.

– Ew ê bi çavêن xerab li welatê filan nenihêrin.

Gêrikân dubare kir:

– Em ê bi çavêن xerab lê nenihêrin.

Ji nuha û pê ve, gêrik dê dev ji êrîşen xwe yên ku di bemû

demêñ dîrokê de dikir, berdin. Ew ê qet tu careke din, bi çâ-vêñ xerab li welatêñ filan nenihêrin.

Gêrîkan bang kir:

– Ew ê qet, qet nenihêrin.

– Gêrîk dê heta qiyametê, dev ji wan adetêñ xwe yên êriş-ker betdin.

Gêrîkan peyva wî tesdîq kir û got:

– Ew ê dev jê berdin.

Piştî demekê bêdengiyeke mezin çêbû. Ne gêrîk û ne jî Siltanê Filan peyivî. Ji welatêñ gêrîkan dengêñ qêrîn, qelebalixî, girî û nalînan dihatin. Ezmanê welatê gêrîkan bi dûmaneke gûr û sor ku mîna dûmana şewatê bû, hatibû nixumandin. Yên li wê derê, demekê weha li ser rewşa welêt daxil bûn.

– Siltanê me, me di te de kir, tu di me de neke. Lê binihê-re, ger şer weha dewam bike, li welatê me dê gêrîkek bi tenê jî nemîne. Pirraniya wan dê bimirin, birîndar bibin, hin ji wan jî dê xwe li çiya û daristanan bigrin û li hemberî we dest bi şer bikin.

Siltanê Filan bi awayekî ecêbmâyî pitsî:

– Ew ê dest bi şer bikin? Gêrîk dê li hember filan dest bi şer bikin?

Rîhsoro got:

– Ew ê dest bi şer bikin.

– Ne xwe, gêrîk dê li hember filan dest bi şer bikin! Ev ê çawa çêbibe?

– Ew ê rîyekê jê re peyda bikin.

– Çawa?

– Ez çi dizanim, qey ew ê rîyekê jê re peyda bikin.

Siltân dubare kir:

– Ew ê rîyekê jê re peyda bikin. Wa, ew ê rîyekê jê re peyda bikin, ha?

Siltân dest bi ken kir. Bi zikê xwe girt, ji xoruma wî girêz

diherikî û dikeniya. Fikra ku gêrîk ê li hemher wan dest hi şer bikin û ew ê xwe li daristan û çiyayan bigrin û vî şerî bi-domînin, pê pir heneko hatibû. Bê tawestan dikeniya. Mirov dikarîbû tehamula hertiştî bikira, lê ev ken nedihat idarekirin.

Rîhsoro hertişt da ber çavêن xwe û peyivî:

– Em ê heyfa van welatan û vê şikenandinê hilînin, hey Siltanê zâlim, hey Siltanê bêmejî, hey Siltanê gêj. Em ê vêya ji te re nehêlin, heeey yê ku ji şerî heta binî de, di nav xwînê de dakirî, tu heeey çiyayê zilmê yê kor î zirecêb. Ev tiştê ku te kiriye, dê ne ji te re û ne jî ji wî Serkumikê Berz ê kal re bimîne... Di demeke pir nêzik de, tu ê ji wan gêrîkên piçûçik ên ku bi qasî serê derziyê piçûçik bela xwe bibîne û li hemher hemû mexlûqên dinyayê rezîl bibe, tu ê rezîl û riswa bibe...

Rîhsoro weha got, xwe ji ser haskêن Serkumikê Berz avêt erdê û reviya. Piştî ku ew çû, pertavêن gêrîkên din ketin avê û sist hûn. Bi awayekî nedîtî xwe avêtin Siltêن:

– Tu ci emir bikî, em ê bikin, Siltanê me. Bes bila ev şerê bi xwîn raweste. Wî gêrîkê ku tu hêrs kirî, wî Rîhsorê Kulek ê Hesinker hîstikeke berê xwe ji vê derê çeng kir jêrê.

Siltan ket taswasê û got:

– Ma mir? Wa, ma gava gêrîk xwe ji deverike weha bilind biavêjin erdê dimirin? Ger ne miribe, ez wî a nuha, mirî an jî bi saxî dixwazim.

Serkumikê Berz ji jor ve bi tirs xwe bera xwarê da. Wî fahm kiribû, bê Siltan ci dixwaze. Dest bi lêgerandina Rîhsoro kir. Gêrîkan bangî gêrîkên din, Serkumikê Berz jî bangî çivîkên din kir, li her deverê geriyan, lê wan Rîhsoro ne bi saxî peyda kir û ne jî bi mirîti. Bêhn û berata gêrîkê birîndar ê ku di nav xwînê de mabû, tune bû. Çawa kirin, ci kirin jî, ci qas lê geriyan û pîrsîn jî dîsa li piça şopa Hesinkerê Kulek

rast nehatin. Li ser pişta Serkumikê Berz bi awayekî destvala û sûcdar, dîsa derketin huzûra Siltêن û got:

– Me Rîhsoro peyda nekir, bû toz û ji erdê hilat. Gava mexlûqek xwe ji ser pişta Serkumikê Berz, ji deveke ew qas bilind biavêje erdê, ma qet tu xêr tê de dimîne, ma wenda nabe, Siltanê me.

Serkumikê Berz got:

– Wenda bûye çûye.

Siltêن ferman da:

– Hun ê heta qiyametê, li toza wî Rîbsorî jî bigerin. Mayina toza wî jî, ez ji we re dibêjim, li min guhdarî bikin gêrîkno, ji bo gêrîkan mirin e. Hun ê li şopa wî nemerdî, wî bêbavî, wî kûçikî... herroj, hertim bigerin.

Gêrîkan got:

– Em ê lê bigerin. Ew mirin e, ew zilm e. Ew Gêrîkê Kulek ji xwe ji berê de belaya serê neteweyê gêrîkan e. Ew nemerd e, hatiye firotin, cahş e. Ew Gêrîkê Kulek ji xwe, ji ber cahşıya xwe ji lingekî xwe bû.

Ma li ser Gêrîkê Kulek ci gotin ci ne gotin. Li vê dinyayê dê bêhna toza wî xayinî jî nemaba. Gêrîkên milahîm dê toza wî şeytanê serî hildaye, piç bi piç peyda bikira û ji ortê raki-ra. Gêrîkên milahîm dê ji nesilê Kuleko gêrîkek jî nehiştiba.

Siltêن got:

– Yênu ku dinyayê tev li hevdu dikin, yênu filan dicixirîne û welatê we hildiweşînin, ev hesinkerên kulek in, ev ên rîbsor in, ev xayin in.

Gêrîkên din bang kir:

– Bila hesinkerên kulek bimirin!

– Bila rîhsor bimirin!

– Bila hesinker bimirin!

– Nuha, hûn ci ji min dixwazin, bixwazin.

– Em saxiya te dixwazin, Siltanê me.

– Tu feydeya saxiya min, ji we re tune ye. Daxwaza xwe bibêjin.

Gêrîkan got:

– Wê gavê, bila ev şer raweste. Daxwaza me ev e.

– Haaa, ev?

Gêrîkan got:

– Ev e. Ji ber ku fîlên aştîkwaz ji şer bez nakin.

Siltanê Filan got:

– Em jê bez nakin.

Gêrîkan got:

– Me dersa xwe stend, em jî bûn aştîkwaz. Careke din êrîşî welatê filan kirin, ya sitar, Xwedê neke. Bila ev şer a nuha raweste, ger bebekî din dom bike, gêrîkek bi tenê jî dê nemîne. Me efû bike, Siltanê me.

Siltêن xortima xwe ber bi ezmêñ ve bi serbilindî tam rep kir û got:

– Edî bila şer raweste.

Gêrîkan kêfa xwe anî û got:

– Bila tu sax bî, Siltanê me.

Siltêن got:

– Lê ji bo rawestandina şer, bin şertêñ min bene. Ji ber ku we dest bi vî şerî kir û we gelek zerar da welatê filan. Ji bo vê, hûn ê zerara welatê min bidin.

Gêrîkan got:

– Em ê bidin.

– Wê gavê, nuha li daxwazêñ min guhdarî bikin...

– Bila ev şer a nuha raweste, Siltanê min.

– Şertêñ min qebûl bikin.

– Em ê qebûl bikin. Ger şer hebekî din jî dom bike, li ser ruyê dinyayê gêrîkek jî namîne ku em bikaribin daxwazêñ te pêk bînin... Kerem bike, daxwazêñ xwe bibêje, daxwazêñ te li ser serê me ne.

Siltan e ev, kêfa wî hat.

Got:

– Wê gavê li min guhdarî bikin. Hun ê hemû gêrîk bicingin û ji min re serayeke krîstal ava bikin. Seraya krîstal dê li serê vî çiyayê hilind bê avakirin, divê ji aliyê dinyayê yê din ve jî bê dîtin. Ev seray dê ew qas bi şewq be ku ji ber şewqa wê, dinya mîna ku roj qet neçûbe ava, bi şev jî rohnî be. Hezar, du hezar, sê hezar fil dê têkevin hundurê wê, lê ev seray dê neyê xwarê.

Gêrîkan dest bi gazindan kir:

– Em gêrîkên pir pir piçûcik in. Lê em pir pir piçûcik in. Em ew qas piçûcik in ku heywanên din me ji mexlûqan jî nahesibînin. Em ê serayeke weha çawa ava bikin?
– Hûn ê hem jî di maweya salekê de ava bikin.
– Em di hextê de ne, Siltanê me...
– Bext mext tune ye, hûn ê ava bikin.
– Tu dihînî ku Siltanê me, bê em ci qas zeîf in, em ci qas jî piçûcik in.

Hemû bi hevdu re li ser baskê Silêmanê Dunikil, bê rawestan li ber Siltanê Fîlan geriyan, gazind kirin, hêşirên dilşewat barandin, lê nikarîbû rehmek têxista dilê Siltêن ê kevirî.

Siltanê Fîlan bang kir:

– Nabe, nahe! A, ev qet nabe. Şerm e, weha gazindan nekin û li her min negerin. Ev bi gêrîktiya we nakeve. Min bi-hîst ku hûn mexlûqên pir xurt in.
– Lê serayeke weha di salekê de....

Siltan keniya û got:

– Hûn ê ava bikin. Hûn ê ava bikin. Behsa we ji min re hatiye kirin, her yek ji we dikare bi qasî sê qatî giraniya xwe, pênc qatî giraniya xwe, deh qatî giraniya xwe bar hilgire.

– Rast e, Siltanê me lê...
– Hûn ê çêbikin... Neteweyê gêrîkan li vê dinyayê bi qasî

axê pir e...

– Pir e, Siltanê me, lê di salekê de...

Siltan ji nişka ve di xezebike bêsinor de sorîkur bû. Bû çirke çîrka qîlên wî yên dirêj û bang kir. Gêrik ji vî dengî ew qas tirsyan ku got qey dinya bi ser serêwan de hilweşıya.

– Hûn ê çêbikin, çêbikin! Hûn li vê dinyayê, neteweyê herî xurt in.

Gêrik li ser baskê Silêmanê Dunikil lerizîn.

– Em ê çêbikin, çêbikin, lê... Di salekê de tew serayeke krîstal, em ne gêrik, lê em mirov bin jî em nikarin çêbikin. Me efû bike, Siltanê me.

Siltanê Fîlan bi serbilindî got:

– Hûn ê çêbikin. Hûn ê çêbikin, hûn ê hem li serê vî çiyayî serayeke krîstral ava bikin, hem jî embarênen wê, kîlerên wê bi hunguv, rûn, îksîr, her celeb xwarin û ava heyatê dagirin. Hem jî hem jî di hundurê salekê de. Hem jî hûn ê ji min te, ji Siltanê xwe re almas, durr, yaqût û zimrûdêne herî mezin ên dinyayê bînin. Ez xezîneyan ji we dixwazim, xezîneyan... Hun li vê dinyayê hemû deverên bin erdê û cîhê defîneyan nas dikin. Karê we, bajarêne we bi piranî di bin erdê de ne. Ji ber vê yekê, hûn ê ji min re hemû zêr û defîneyen kaînatê bînin.

– Em di bextê te de ne, Siltanê me...

Siltanê Fîlan ew rawestandin û got:

– Bext mext tune ye. Ez li tu tiştî guhdarî nakim. Hûn li vê dinyayê mexlûqên ku nesilê wan herî pir in. Hûn bi qasî axê pir in. Bila ev Serokê hudhudan ê bi navûdeng şahid be, ger hûn tiştên ku ez dibêjim, tavilê pêk neñin, tavilê dest bi pêkanînê nekin, hem jî van karan di hundurê salekê de ne-qedînin, ev şer dê raneweste. Madem hûn gêtîkên piçûçik in, wê gavê we ji bo ci êrîşî welatê bav û kalan ê filên zirecêb kir û welatê me şewitand û hilweşand? Ger hûn tiştên ku ez

dixwazim, di hundurê salekê de, bi temamî pêk neînin û teslimî min nekin, bila Xwedê şahidê min be ku dê ne li ser ruyê erdê û ne jî li bin erdê gêrîkek bimîne, nesilê gêrîkan dê ji vê dinyayê rabe. Hûn ê di bin lingên filên min û leşkerên min ên girs de bipelçiqin, bipelçiqin.

Gêrîkên li ser pişta Silêmanê Dunikil dest bi girî kir û bû zûre zûra wan:

– Em ê di maweya salekê de, çawa bikaribin van karan hemuyan pêk bînin.

Siltan dîsa lê sor bû û got:

– Hûn ê çêbikin, çêbikin. Dev ji girî berdin û bi lez dest bi kar bikin.

Gêrîk kelogirî bûn û got, Serkumikê Berz jî gotinên wan bi eynî dengî wergerandin.

Gêrîkan digot:

– Siltanê me, Siltanê me yê bilind, muhtesem, payebilind, bi hêz û dilovan. Gava her filek pê li erdê dike, bi milyaran gêrîkan dikuje, ger tu pêşî li wan negirî, ger tu a nuha, berî ku deqîqeyek jî di ser re derbas bibe, vî şerî ranewestînî, tu ê ji bo avakirina seraya xwe nikaribî ne gêrîk, ne mêshekê, ne mêsake gêrîkan jî peyda bikû. Tu şerê filan rawestîne, em ê biçin vê pîrsê di komcivîna gêrîkan de munaqeşe bikin û bigihêjin encamekê. Ger em bibêjin, em nikarin çêbikin, wê gavê hertişt di destê we de ye, hûn ê ji nû ve dest bi şer bikin û me hemuyan bikujin.

Siltên got:

– Bila, bila ez ê şer, a nuha rawestînim. Her karkerekî min, yanî gêrîkekî min berberî dinyayê ye. Ji bo Xwedê bila gêrîkekî min bi tenê jî nemire! Gava nenûka yekî jî di ber kevir keve, dilê min dê biperite. Ji nuha û pê ve, ez nahêlim gêrîkek jî bimire. Yê ku destê xwe bi gêrîkekî min bike, ez ê wî bipelçîqînim. Kî, kîjan mexlûq destê xwe ber bi gêrîkên min

bibe, ez ê mala wî bişewitînim.

Siltanê Fîlan ji kêfa difûriya. Piştî ku ev gêrîk bebûn, êdî ser erdê jî bin erdê jî bûbûn ên wî. Di hundurê xwe de, pir li ber diket ku ji bo çi beta nuha gêrîk nehatibûn bîra wî. Ji ber vê yekê, dikir ax û wax. Heta nuha, dê serayên wan ên muhteşem bebûna, filan dê destêن xwe di ava sar û germ da-nekiribûna. Devê wan di çıkış de û qûna wan jî di kuçik de dê bi embaran xwarina wan, bi sindoqan zêr, almas, zimrûd, yeşîm û yaqûtêن wan hebûna. Ax ax aaax!

Siltan bi helûbelekê bi ser hudhudan de boriya:

– Zû, zû xeberê bigihînin filên ku welatê gêrîkan hildiweşîne, bila zû, a nuha rawestin. Bila a nuha rawestin, bem jî dest bi alîkariya dermankirina birînêن gêrîkên birîndar bikin. Hûn jî alîkariya wan bikin, birînêن gêrîkên me derman bikin. Gêrîkekî min bi tenê berberî dinyayê ye.

Gêrîkan bi hevdu re dest pê kir:

– Em di bextê de ne, Siltanê me, em di bextê te de ne, Padîşahê me bila ew alîkariya me nekin, bila ew bi şûn de vekişin û biçin, besî me ye. Bila fil jî bi mebesta alîkariyê, bi her pêlêkirinekê sed hezarekî ji me nekujin. Em di bextê te de ne, Siltanê me, ev fil dê bi mebesta alîkariyê, me hemuyan bi nizanî bikujin. Hudhud jî dê me hemuyan bixwin.

Siltan:

– Wê gavê, bila fil destêن xwe qet nedin tu tiştî, ji welatê gêrîkan vekişin û biçin daristanê. Bila li wê derê, qûnêن xwe di daran de bidin û bixurînin. Bila darêن daristanê jî jê nekin, min ew daristan û deryaya li jêrê dan gêrîkên ku karke-reñ min in. De hudhudno, bi lez têkevin rê.

Hudhud fîriyabûn, tam gava ku ji Siltanê Fîlan bi dûr ketibûn, bi dengelkî ku erş û ezman dihejandin, veciniqîn:

– Bi şûn de werin!

Hudhud tevî gêrîkên li ser pişta xwe, tavilê bi şûn de firi-

yan.

– Komcivîn divê tavilê çêbibe. Divê hûn heta êvarî, enca-
ma komcivînê bigihînin min. Ez li vê derê li benda encama
komcivînê mim. De herin, bilezînin.

Hudhud tevî gêrîkên li ser pişta xwe hatin welatê gêrîkan.
Hatin, lê ci bibînin, ji toz û dûmanê, ne bajar xuya bûn, ne
fil xuya bûn û ne jî daristana mezin a li wê dorê xuya bû. Ji
tozê, ezman jî ne xuya bû. Bi tenê şer û xircireke mezin he-
bû, dengê şer û xircirê jî perê deryayê, ji aliyê dinyayê yê din
ve jî dihat bihîstin.

Hudhudan dest pê kir û bi dengê bilind, emirê Siltêni ji fi-
lan re got. Bi bêrs bang kir, ketin heta hundurê guhêni filên
ku di nav toz û dûmanê de mabûn û bi hemû hêza dengê
xwe ve, ji wan re emirê Siltêni got. Tevî vê jî nikarîbû tu tiş
bi filên hatibûn xezebê, bida fahmkirin. Wan ê nuha ci biki-
ra, ger bîstikeke din jî derbas bibe, li welatê gêrîkan dê ne
dareke çikandî, ne xaniyek, ne dîwarek, ne serayek û ne jî
embarek bima. Li vê derê mexlûqekî ruhber bi tenê jî dê ne-
maba.

Dîsa tavilê firiyân çûn ba Siltêni, ji wî re got ku Siltanê me,
rewş ji vir heta vir e. Siltan e ev, ket taswasê, hêrsek bêsinor
hatê û bi wê hêrsê tevî wî laşê xwe yê girs ber bi jor ve çeng
bû û qêriya. Bi qêrîna wî re çiya û deşt hejiyan, dengê wî li
dinyayê olan da. Gava filên hêrsbûyî yênu ku şer û talanê ew
zirdîn kiribûn, ev deng bihîst, bi derbekê re, li cîhê xwe ra-
westiyan û man.

Siltanê ku piştî bîstikekê aram bû, got:

– De biçin wê derê, heta ku hûn bigihêjin wê derê, filek bi
tenê jî nikare ji cîhê xwe tev bilive, biçin emirê min bigihî-
nin wan.

Hudhud dîsa firiyân û xwe gîhand wan welatan. Toza ku
ber bi ezmên ve hilkişiyabû, hêdî hêdî dadiket, fil di nav tozê

de bi zorê xuya dibûn. Çivîk ji jor ve hêdî hêdî ber bi filan ve daketin û emirê Siltêن ji wan re got. Fil di nav xwêdanê, toz û heriyê de mabûn, ji hal de ketibûn. Tavilê ji welatên gêrîkan vekişîyan.

Nal nala welatan bû. Di bin lingên her filekî de, komeke gêrîkên mirî, birîndar... Ew welatên delal ji deverên hatibûn şewitandin jî xerabtir bûn. Ne mûristaneke ku gêrikek bika-ribe lê rûnê û ne rîyeke saxlem mabû. Mirov digot, qey wan rahiştiye çiyayekî û bi ser van welatan de wergerandiye û çiya jî li vê derê, li ser serê van bajatan bela wela bûye. A, rewş tam weha bû. Li meydanê jî, ji derveyî birîndar û mirîyan tu gêrîk nexuya bû.

Serkumikê Berzê ku di xwîna gêrîkan de xemîlî bû, got:

– Wax, wax! Tu gêrîkê saxlem nemaye. Hin ji wan mirî, hin ji wan birîndar. Ew welatê gêrîkan ê muhtesem nema, wax! Wax wax, heyfa gêrîkan, waaax!

Hudhudê din jî li ber vî bajarê ku demekê mîna nimûne-yeke ji bihuştê bû, ketin. Ji çavên wan hêşirên germ herikîn. Kî çav li halê vî bajarê şewitî û hilweşiyayî biketa, dê nikarîba xîlollikêن xwe bigirtana.

Yek ji wan gêrîkên bixwîn ên li ser pişta çivîkan bûn, bi hêrs û bi xemgînî peyivî:

– Bila Siltanê Fîlan îcar hilde xwe, bila bê hunerên xwe bi-bîne, bila îcar seraya xwe bi gêrîkên kuştî bide avakirin, bila îcar hemû xezîne û defîneyên dînyayê bi gêrîkên kuştî, bi wan gêrîkên ku wî ew hemû dan kuştin, bide anîn.

Weha got û xwe ji jorê bera xwarê da û çû. Gêrîkên ku li ser pişta çivîkan bûn, li hember vê rewşê xwe negirt û ji ser baskan wek baranê hêşir barandin xwarê.

Piştî bîstikekê, dinya xêz û fêz bû, toz û dûman hêdî hêdî belav bûn, bajar xuya bûn, ya sitar, mirov nikarîbû lê binihê-riya.

Gava gêrîkên li ser pişta hudhudan, ev welatê ku hatiye şewitandin, hilweşandin û tarûmarkirin dît, digot:

– Divê mirov tiştekî bike, divê mirov tiştekî bike, divê mirov li hember van filan tiştekî bike.

Ü ji derveyî vê gotinê tu tiştekî din nedigot. Lê ma gêrîkên piçûçik dikarîbû çi bi wan zirecêbên filan bikira?

Hudhud ji ber firîna li ser welatê gêrîkan û dîtina vê hilweşandina nedîtî westiyan, ji bo bêhnberdanê, tevî gêrîkên li pişta xwe ber bi daristanê ve firiyan. Li welêt gêrîkek bi tenê jî nemabû, wan ê ji Siltanê Fîlan re çi bigota? Li daristanê, divê çivîk û gêrîk li hevdu rûniştana û hem bêhna xwe berda û hem jî bifikiriyana... Ew ê ji xezeba Siltên çawa xelas bûbûna? Gava Siltên bibîhista ku nesilê gêrîkan ji ortê rabûye û li welêt gêrîkek bi tenê jî nemaye, wê gavê, ne hudhud û ne jî gêrîkên li ser pişta wan dikarîbû ji destê wî xelas bûbûna. Weha difikirîn û bi tirs berê xwe da daristanê. Gava wan nêzîkî li daristanê kir, lê nibêrî ku çi bibînin, aliyekî daristanê reşiqîr, aliyek zer, alîyek jî sorîkur bûbû. Ji bo fahm bikin bê ev çi ye, xwe gîhand daristanê. Haho ji bo Xwedê, her dareke daristanê ji serî heta binî bi gêrîkan ve hatiye seyandin... Gêrîkan ji tırsa, xwe bi daran weha zeliqandibû ku mîna qaşîlên daran hişk pê hatibûn seyandin. Gêrîkên reş li aliyê daristanê yê reşbûyî, yên zer li aliyê wê yê zerbûyî, yên mor li aliyê wê yê dûmania mor jê diçû, yên sor jî li deverên wê yê sorîkur bi ser hevdu de kom bûbûn. Daristan perçe perçe û rengareng bûbû, tu deverike şîn nexuya bû. Gêrîkên siwarî jî bi alîkariya lingên xwe yên dirêj û zirav dipekiyan, hildikişîyan ser hemû daran û dadiketin, û belasebeb vir de û wê de baz dida.... Daristan êdî ne daristan bû, gulokeke wek çiya-yekî ya ji gêrîkên ku tev digerîyan pêkhatî bû. Ser ruyê erdê, ezman bi temamî bûbû gêrîk, mirov ax biavêta, li erdê nediket. Hemû dinya ketibû ber xezeba tevgerekê. Bi milyaran

çav, di êş û xezeba çirûskekê de, bi şewqeke xurt dibiriqan-din, bi milyaran rohnî bi hevdu re vêdiketin û bi hevdu re vedimirîn. Çîp, terî, laş li gewde, şax û pelên daran li hevdu geriyabûn û dixulkulûn.

Ew zirecêba daristanê di nav xwîn û nalînê de mabû û di-xulkulûn. Ji roja ku daristan bûye daristan û beta nuha, tevger û xirecireke weha nedîtibû.

Gava gêrîk ketin daristanê, hemû mexlûqên li daristanê, çivîk, kêzik, mar, jahrmar, rîvî, gur mîna ku ji êgir direviyan, ji wira baz dabû. Nuha li daristanê ji derveyî gêrîkan tu ruhberekî din tune bû.

Gêrîkêni li pişta hudhudan li jêrê li wan gêrîkêni ku mîna deryayê, vir de û wê de kil dibûn û tev de dicûn û dihatin nibêri û weha fikirîn:

– Li vê dinyayê, li vî welatê me, ji texmîna ku me dikir ji bêtir gêrîk hene.

Gava wan vî welatê şewitî, gêrîkêni mirî, birîndar dîtibûn, gotibû qey li dinyayê tu gêrîk nemaye. Ya rastî, dibe ku ji gêrîkêni mirî û birîndar hezar-deh hezar catan bêtir gêrîk, ji welatan reviyane û xwe li daristanê girtiye.

Wan ji ser baskênu hudhudan bi kêf bangî gêrîkan kir:

– Ser rawestiya. Fîlan dev ji kuştina me berda.

Wan ji ser baskênu hudhudan ji gêrîkêni li daristanê re gotin-nen hîn xweştit ku kêf û heyecaneke mezin çedikir, digotin.

Dû re ji:

– Divê em hemû li orta daristanê bicivin, tiştên ku em ê ji hevdu re bibêjin hene. Siltên ferманa kuştina me û şewitan-dina welatên me vê gavê sekinandin. Şertên wî yên giran hene. Ger em wan bi cîh neynin, li ser ruyê erdê, tu gêrîk dê nemîne, koka wan ê bigelihe.

Kêfa gêrîkan li wan biliya û ew li orta daristanê li wê meydana ku bi qasî deştekê fireh bû, civiyan.

Gêrîkên li pişta hudhudan bêyî ku ji cîhê xwe dakevin, li ser serê deryaya gêrîkan a ku li meydanê tev de diçû û dihat geriyan û daxwazêن Siltanê Fîlan gotin. Demeke dirêj tu ruhber ji cihê xwe tev ne liviya. Meydanê xwe bi destê bê-dengiyê ve berdabû, bi temamî ker bûbû.

Gêrîkên li ser serê meydanê digerîyan ji wan pirsî:

– Belê, hûn ci dibêjin?

Tu gêrîkî jî nikarîbû serê xwe rakira û bersiva pirsên wan bida. Gêrîkên din jî li ser baskên hudhudan ên bi neqîş, li ser meydanê digerîyan û bê rawestan dipirsî:

– Hûn ci dibêjin, ci dibêjin?

Ji nişka ve deryaya gêrîkan kil bû û qerepereyekê dest pê kir. Qerepereyeke weha bû ku Siltanê Fîlan bi xwe jî ev den-gê mîna girgira ewranbihist û ji cîhê xwê guhêñ xwe bel kîrin.

Fermandarê Fîlan ê ku berî demekê ji welatê gêrîkan vege-riyabû ba Siltêن, got:

– Siltanê min, gêrîk hemû civiyane û di hundurê daristanê de minakeseyê dîkin. Ev deng ew e.

Siltan keniya û bi kêf got:

– Bila minaqeşeyê bikin, ew ê di dawiyê de seraya min çê-bikin û daxwazêن min jî bi cîh bînin. Ez ê hîn jî hîn jî pirtir tiştan bi wan hidim kirin.

Gêrîkan li wê meydana ku di orta daristanê de bû, sê roj û sê şevan bêyî ku bixwin, vexwin û rakevin minaqeşe kir, lê baş hûr bûn. Tê gîhîstîn ku tu çareya wan tune ye. Ew ê an daxwazêن Siltêن pêk bînin an jî bi ser hevdu de bêne kuştin. Fil xurt bûn, mezin bûn. Filek bi tenê, dibe ku bi qasî bi milyaran gêrîk bû. Ew ê çawa bikaribin li hember wan rabin û daxwazêن wan pêk neynin.

Lê çend gotin hebûn ku ketibû devê gêrîkekî dilqecêb û wî hertim dipirsî:

– Ma qet tu çareya me, qet çareyek, qet qet çareyeke me tune ye? Ma tu hêza me ya ku em bikaribin li dijî filan şer bikin tune ye?

Deryaya gêrîkan a li wê meydana mezin, dengê xwe nedîkir, xulxul û çûyin û hatin radiwestandin, difikirîn difikirîn û dû re hemû bi hevdu re diqîriyan:

– Qet tu çareyeke me tune ye, tu çareyeke me tune ye...

Siltanê Filan ev qêrîna bêhêvîtiya gêrîkan, bi kêf dibihîst.

Gêrîkê dilqecêb di dawiyê de, ji ser baskê Silêmanê Duni-kil bangî yên li jêrê kir:

– Birano, çawa buya, ev bela dê bi ser me debihata. Em gelek salan, bi tenê bi jîrbûna xwe, bextiyariya xwe û welatên xwe yên bextiyar pesînin û me ji derveyî vê tu tiştekî din nekir. Gava em ew qas bextiyar dijîyan, ji bo ku belayeke weha bi ser me de neyê, em li tu tedbîran nefikirîn. Halbûkî gelek wextê me hebû, rojênu em li ser piştê veketin çêbû. Me dikarîbû ji bo pêşîlégirtina belayênu dê bi ser me de bêñ, serê xwe biêşanda. Bê me çawa li hember lehî, baran, zîpik, berf û zelzeleyan tedbîr stendibin, me dikarîbû li hember filan jî çareyek peyda bikira. Ne bû, va em bûn kole, em bûn hêşîr.

Meydana mezin bi dengê wan hejiya:

– Em bûn hêşîr.

– Em ê ji nuha û pê ve, heta taliya dinyayê hêşîren filan bîmînin.

– Em ê êdî ji filan re seray, iûbadetxane, gor û abîdeyan ava bikin.

– Em ê êdî ji filan re durr, almas, yaqût, yeşim û zimrûdan bînîn...

– Em ê ji nuha û pê ve, ji filan re hemû xizne û defîneyê ser û binê erdê bînîn.

– Ji nuha û pê ve, li ser sifra filan mirov çi bixwaze dê he-be...

– Em ê bikin û ew ê bixwin. Em ê bixebeitin û xizan bimî-nin û ew ê li ser piştê vekevin û dewlemend bibin.

Dengekî bêhêvî yê dirêj û dilşewat, ji vira û heta aliyê din-yayê yê din, pêl bi pêl belav dibû...

Komekê ji gêrîkan bang kir:

– Mirin ji vê rewşê çêtir e.

Gêrîkê dilqecêb bi rik got:

– Divê çareyeke vêya hebe.

Deryaya gêrîkan kir qêrîn:

– Tu çareya me tune ye. Hela li xwe binihêre, li dilqê xwe binihêre, li vî halê xwe yê xerab binihêre... Ma qet te li xwe nenihêriyî, tu ji serî heta binî di nav xwîne de mayî.

Gêrîkê dilqecêb got:

– Filan sê lingên min jê kirin û rîh û simbêlên min ji kokê de rakirin.

Di nav gêrîkên siwarî de, yê herî kal jê re got:

– Hela dakeve jêr, ez ê birîna te derman bikim. Weha xuya ye ku tu ê di dawiyê de, ji me re lazim bibî. Ka dakeve ez bi-rîna te rehet bikim.

Serkumikê Berz ew tavilê danî jêrê û got:

– A ji we re, hûn vî gêrîkê xwe yê biaqil çawa dikin bikin, lê ger em tavilê xwe negihînin Siltêñ û xeberê nedinê, ew ê vê daristanê ji serî heta binî bişewitîne û li vê dinyayê gêrîke-kî bi tenê jî nehêle. De zû, bilezînin.

Gêrîkê siwarî yê kal piştî ku merhem di şûna lingên jêkirî de da, devê xwe kir guhê Gêrîkê dilqecêb û pirsî:

– Lo Gêrîkê dilqecêh, tu kî yi?

Gêrîkê dilqecêb bi tirs li der û dora xwe nihêrî û got:

– Ez, ez şagirtê Rîhsoro mim, di nav me de yê herî biaqil û herî egîd ew e.

Gêrîkê siwarî bi kêf û heyecan pirsî:

– Ew li ku ye?

Gêrîkê dilqecêb got:

– Ew reviyaye, nemiriye. Ew li ser baskê Silêmanê Dunikil bû, wî xwe ji wira avêt xwarê, reviya û xwe veşart. Ew nemiriye.

Gêrîkê siwarî got:

– Baş e. Baş e. Hema bila Rîhsoro bijî... Ew ê ji me te lazim bibe. Ew hevalê min e. Ew li vê dinyayê, Hesinkerê hosste yê herî mezin e. Ew hesinkerekî weha ye ku dikare ji hesinan gêrîkan çêbike û dû re ruh bide wan. Ya din jî, ew di nav yên bi rûkala dinyayê ketine de, yê herî mîrxas e, yê herî biaqil e, yê herî mervan e û yê herî dost e. Ger ew nebe, em ê vê serayê, van abîde, gor û embaran çawa çêbikin. Em ê welatê xwe yê wêranbûyî, bêyî aqil û zanebûna wî, çawa tamîr bikin? Baş bû ku nemir.

Gêrîkê dilqecêb got:

– Nemir.

Dû re got:

– Ax, aaax me çawa bîr nebir ku ev belaya filan dê bi ser me de bê, Rîhsoro çawa bîr nebir? Em ê nuha ci bikin?

Gêrîkê siwarî got:

– Em ê ci bikin?

Gêrîkê dilqecêb mîna ku hinekan tiliya xwe di birîna wî de rakiribe, ji nişka ve çeng bû ser xwe, bêyî ku guh bide lingê xwe yê jêkirî, xwe çeng kir ser baskê Silêmanê Dunikil û xwe hişk bi perê baskê wî ve çirçirand:

– Ji bo Xwedê, em bilezînîn, birayê min î Hudhud, tu nemaye tarî bikeve erdê. Gidî, ger em Sîltanê Fîlan dîsa hêrs bikin, ew ê li vê dinyayê gêrîkekî nehêle û koka me biqelihîne. Em xwe zû bigihînê û jê re bibêjin ku em ê daxwazên wî pêk bînin. Em jê re bibêjin da ku ew van fîlén xwe, van hil-weisankeran ji welatê me tavilê vekişîne.

Li ser van gotinên wî, hudhudan dest bi firê kir û piştî

bîstikekê jî gîhaştin ba Siltanê Filan.

Gêrîkê dilqecêb dest bi peyvê kir:

– Siltanê me, min ji te re mizgîniyeke xêrê ya herî xwes anîye, gêrîk dê ji te re serayeke ku heta nuha li dînyayê nehatiye dîtin, ava bikin. Tu wekî din jî ci bixwazî, ew ê pêk bînin. Me mezinantiya te qebûl kir. Bin emiriya te, ji bo nete-veyê gêrîkan şeref e.

Siltanê Filan ji kêfa bi zikê xwe girt û keniya. Ew qas keniya, ew qas keniya ku ji ber kenê wî çiya, daristan û welatê gêrîkan heta demeke dirêj hejiyan.

Siltên ji yê Dilqecêb pîrsî:

– Tu kî yî? Tu kî yî, lo qasidê biaqil, tu kî yî? Tu qasidekî ew qas biaqil e ku ger tu ew qas ne piçûk bûya û destê min bigihîsta te, min ê destê xwe di milên te de bida û te pîroz bikira. Min dixwest ku ez diyariyan bidim te, te bilind bikim, te bi rûmet bikim û te bikim fil.

Gêrîkê dilqecêb got:

– Ji min re dibêjin, Gêrîkê dilqecêb. Ez gêrîkekî weha mim ku tu xusûsiyeteke min tune ye.

Siltanê Filan got:

– Ecêb.

Gêrîkê dilqecêb bi ken bersiv da:

– Belêê, ecêb. Ma Siltanê min, min bîstikeke berê ne gotibû ku herkes ji min re dibêjin, Gêrîkê dilqecêb?

Siltanê Filan dîsa got:

– Ecêb. Ma qet tu xusûsiyeteke te tune ye?

Gêrîkê dilqecêb got:

– Ji derveyî ecêbiyê, na.

Siltanê Filan got:

– A, ez bi vêya kêfşweş bûm. Ne xwe, di nav gêrîkên nuh ên ku di bin emirê min de ne, yê ku tu xusûsiyeteke wî tune ye, tu yî... Lê, yêñ xwedî xusûsiyet kî ne?

Gêrîkê dilqecêb got:

– Tu sax bî, tu her hebî. Xusûsiyeteke min bi tenê heye, ew jî ecêbiya min e, Siltanê min.

Siltanê Filan piştî ku piçekî fikirî, emir da wî:

– Ji nuha û pê ve, qasidê di orta min û gêrîkan de, dê tu bî.

Gêtîkê dilqecêb got:

– Ez nikarim, nikarim Siltanê min. Ez gêrikekî seqet im, hem jî pir kal im. Ez êdî nema dikarim ji cîhê xwe tev bili-vim.

Siltanê Filan pirsî:

– Ma xêr e, kîjan devera te seqet e, çi bi te hatiye?

– Gava filan welatê me hilweşand, lingên min jî ji kokê de jêkirin, Siltanê me. Ji ber ku Gêrîkê siwarî bîstikeke berê bî-rînên min derman kirin û pêşî li xwînwendakirinê girt, ez gavê ji mirinê xelas bûm.

Siltanê Filan got:

– Wax wax, waaax, ez pir li ber ketim. Wê gavê tu ê ji ber-dêla xwe, gêrikekî bi qasî xwe jîr û biaqil peyda bikî. Ger tu sedema vêya bipirsî, ew jî ev e ku ez ji ber çewtûtiyekê nax-wazim hemû gêrikên li ser ruyê erdê bikujim. Gêrik ji nuha û pê ve, tohniya çavê me ne. Em neteweyekî weha ne ku dilê me hi hezkirina gêrîkan ve dagirtiye. Gêrik êdî rohniya çavê me ne. Xwedê alî me kir ku me ev gêrik peyda kirin. Ji nuha û pê ve, li vê dinyayê, em tunebûnê nas nakin. A, ji ber vê sedemê, birêz Gêrîkê dilqecêb, tu ê ji min re gêrikekî bi-aqil bibîne da ku ew wezîfeya xwe ya qasidiyê bi zanebûn pêk bîne.

Gêrikê dilqecêb hîn ecêbtir bû û got:

– Li ser serê min, Siltanê min. Bi xatirê te Siltanê me.

Siltân ji wî te got:

– Oxir be ji te re, birayê min î Gêrik ê biqail. Lê tu pir

ecêb e... Oxira te ya xêrê be, şêrê gêrîkan. Ji gêrîkan re bibêje ku bila ew bi lez dest bi lêkirina seraya min bikin. Ez êdî ne-ma dikarim bêyi seraya krîstal idare bikim. Ji nuha û pê ve, ez bi qasî ku Siltanê Filan, yanî Siltanê mexlûqên dînyayê yên herî girs im, ez Siltanê neteweyê herî qelebalix, Siltanê gêrîkan im jî.

Ji nişka ve rabû ser herdu lingên xwe yên dawiyê, herdu lingên xwe yên pêsiyê û xorâma xwe kil kirin û axavtina xwe weha domand:

– Ma sultanê gêrîkên girs, gêrîkên mezin û gêrîkên bi esil, qet bê seray dibin?

Hemû mexlûq bi dengê wî veciniqîn. Ew jî peyivî peyivî, bang kir û kêfxweş bû.

– Gêrîkên bi esiiiiil...

Hemû filên din jî bi hevdu re bang kir:

– Gêrîkên xweşik û bi esiiiiil...

Gava dengê kêfxweşîya filan zingînî ji dînyayê anî, Gêrîkê dilqecêb li ser baskê Silêmanê Dunikil hat welatê gêrîkan. Hat, lê dît ku gêrîkan bi lez dest bi tamîr û avakirina welêt kirine.

Serkumikê Berz hat xwe li pêsiya çarşıya hesinkeran danî. Gêrîkê dilqecêb hêdî hêdî ji ser baskê wî peya bû, bi dû wî re jî gêrîkên din peya bûn. Hîn lingên wan gihaştibû negîhaştibû erdê, gêrîkên li bajêr li dora wan civiyan û bi hêvî û me-raq pirsî:

– Ci heye ci tune? Ci xeber heye, lo birayê ecêb?

Gêrîkê dilqecêb weha bersiv da:

– Dê ci hebe. Em mirin, neteweyê gêrîkan êdî qediya. Ne-teweyê me yê ku di tu demên dîrokê de nehatibû hêşîrkirin, bû hêşîrê filan. Em bûn kole, kole. Aqilê min û dilê min ji min re dibêjin ku xwezi me şertên Siltanê Filan qebûl nekiribana... Bila me ew qebûl nekiribana û bila filan em hemû

bikuştana. Êdî heta qiyametê, em ê mîna kole û hêşiran bi-jîn. Gêrîkê Rîhsor jî êdî tune ye. Wî xwe ji ser baskê Silêmanê Dunikil avêt xwarê, destê xwe da ser serê xwe û çû. Dibe ku miribe. Ne dûr e ku tehamulî hêşîrtiyê nekiribe û xwe ji qehran kuştibe.

Gêrîkan hemuyan bi hevdu re bang kir:

– Rîhsoro nemiriye. Ew namire.

Gêrîkê dilqecêb hîn ecêbtir bû û got:

– Xwedê bike. Heta qiyametê mîna koleyên filan jiýin...

Ma jiyanekê weha hêja ye ku mirov bijî?

Gêrîkan got:

– Hêja ye, jiyan hêjayî hertiştî ye. Mirin bêhêvîtî ye, lê hê-vî di jiyanan herî xerab de jî herroj mîna kulîlka rojê vedibe.

Gêrîkê herî kal got:

– Dinya şérîn e, Gêrîkê dilqecêb, Gêrîkê dilqecêb.

Dû re jî weha dewam kir:

– Binihêre, her tiştên te, sê ling, rîh, simbêl, guh û bêvila te hatine jêkirin û çavekî te hatiye derxistin û tu riq û rût maye, ma tu ji bo ci xwe nakujî? Jiyan şérîn e, ne weha, ecêb lawê ecêban? Kûçikê bêhêvî. Ma filan tu fêrî vê bêhêvîtiyê kiriyî?

Gêrîkê dilqecêb bi himînî got:

– Ez dibêjim, hêşîrtî ji mirinê jî dijwartir e, hûn jî bela xwe di min de didin. Ma ka bêhêvîtî di kî dera vê peyvê de heye?

Gêrîkê kal got:

– Bêhêvîtî di mirinê de ye... Ji berdêla ku em ê xwe biku-jin, em ê şer bikin û bimirin.

Gêrîkê dilqecêb got:

– Ez jî vêya dibêjim. Wê gavê, ji bo ku em xwe ji filan xe-las bikin, divê em çareyekê peyda bikin.

Gêrîkê kal got:

– Ka raweste, sebir bike.

Gêrîkên din hemûyan bi hime him got:

– Ci çare heye ku dikare me ji destê filan xelas bike?

Gêrîkê kal got:

– Li peydakirina çareyekê gerîn, ji mirina bi ser hevdu de çêtir e. Ez bi xwe jî tu çareya ku bikaribe me ji destêñ filan xelas bike nabînim, lê...

Gêrîkekî ciwan bang kir:

– Divê hebe. Bêguman dê rîyek hebe, divê hebe. Ger ew fil bin jî divê neteweyê gêrîkan heta qiyametê nebe hêşîr û nabe hêşirê wan.

Hemû welatan ji serî heta binî, bi hevdu re bang kir.

– Nabe!

Gêrîkê dilqecêb bi tirs got:

– Rawestin, bêdî hêdî, weha bang nekin. Ger fil van goti-nêñ me bibihîsin...

Tevahiya welêt bi hevdu re bang kir:

– Guhêñ filan giran in, ew nikarin dengê me bibihîsin.

Gêrîkê dilqecêb bala wan kişand:

– Hudhud ê ji wan re bibêjin. Hudhud ketine bin emirê filan. Divê tu kes nebihîse, bê em ci dipeyivin...

Gêrîkên hemû welatan bi hevdu re bang kir:

– Divê nebihîse!

Ü di guhêñ hevdu de got:

– Heta tizgariyê, heta rizgariyê, heta rizgariyê...

Peyva "heta rizgariyê" tavilê li hemû welatan geriya û dîsa li Gêrîkê dilqecêb vege riya.

Gêrîkê dilqecêb û gêrîkên din ên ku ji ba Siltanê Filan ve-geriyabûn, tavilê bi bazdan çûn alîkariya hevalêñ xwe yên ku bajar ji nû ve ava dikirin.

Cil roj û cil şevan xebitîn û paytext ji nû ve avakir. Dû re jî dest bi jinûveavakirina hemû welêt kir. Di demeke kurt de, welat jî ji nû ve hat ava kirin. Ji aliyekî ve jî li ser qotê çiyayê

bilind, seraya Siltanê Filan bilind dibû. Piştî demekê, wela-tên wêranbûyî yên din jî birînên xwe derman kîrin...

Ü gêrîk bê rawestan ji bo ku ji bindestiya filan rizgar bibin, li rîyan digeriyan. Peyveke biaqil a ku li deverekê dihat gotin, bi awayê kurtepistê, ji nişka ve li hemû welatan digeriya û li wan vedigeriya.

Fîl pir mezin û gêrîk pir piçûk bûn. Lê çi qas çi qas jî piçûcik bûn...

Fîl pir mezin bûn, lê ma neteweyê gêrîkan nikarîbû heta qiyametê jî weha hêşîr, mîna koleyêñ filan bixebitiyana! Di-vê dawiya vî tiştî bihata, dê bihata.

Kengî tirs û bêhêvîtiyek bi gêrîkan re çedibû, li hember wê, peyveke hêviyê mîna çîrûskekê, li welatên gêrîkan tavilê belav dibû... Gêrîk dikarîbû bê nan û av û bê hewa bijiyana, lê nikarîbû bê hêvî bijiyana.

Ü ji bo xelasbûna ji vê belayê, li welatê gêrîkan ji heftsalîyan heta heftesaliyan hemû welatê gêrîkan difikirî. Wan di-zanîbû ku ji vira heta ba Xwedê, aqil di ser êqil re ye.

Fîl mexlûqin pir xurt in, lê aqil ji wan jî pir xurttir e. Aqilê gêrîkêñ piçûk divê zora filêñ mezin ên îlahî bibe.

DUDU

Siltanê Filan bi hudhudan re li hevdu dike û metodêñ birê-vebirina gêrîkan peyda dike.

Siltanê Filan bangî Serokê hudhudan Serkumikê Berz kir û got:

– Kerem bike, xwe li ser vî guliyê li ba min deyne. Karê min bi te heye, birayê min ï Serkumikê Berz.

Serokê hudhudan hat, xwe li ser guliyê li ber bêvîla Siltêñ danî û got:

– Her çi karê te hebe, li ser serê min.

Siltanê Filan got:

– Hûn ê hemû hudhud têkevin bin emirê min. Ji îro û pê ve, êdî bi rojan firîna li dû mêskekê, kêzikekê, mozekê qediya. Gêrîk ci qas mês, kêzik, moz û xwarinêñ din ên ku hûn jê hez dikin bidin hev, hemû yên we ne. Neteweyê hudhudan dê mîna filan li ser piştê vekeve.

Serkumikê Berz ê li ser guliyê darê, ji kêfa nema dizanîbû bê ew ê çi bike. Bi kêf û heyecan kir bûte bût:

– Her çi emirê te hebe, li ser serê min. Tu hema emir bikî, Siltanê min.

– Nuha tu ê berê biçe û li vê dinyayê çi qas hudhudêñ ku bi te ve girêdayî hebin, bîne. Min ew daristan û ew şikefta mezin a li pêşiyê da we. Hûn ê ji derveyî xwe, tu kesê din nexin wê daristanê û wê şikeftê. Ger qertelek, şahînek, teyre-

kî baz, sisarkeke gurî têkeve welatê we, hûn min nîşanî wan bidin, ew ê bitirsin û careke din jî rêya xwe bi we nexin.

– Xwedê te bi miradê te şad bike, haşmetpenah.

– Miradê min ev e ku divê tu di nav gêrîkan de, nesilekî gêrîkan peyda bike. Ew gêrîk dê ew qasî girêdayî min bin ku gava min got, bimrin ew ê bimrin û bimînin ew ê bimînin. Ya din jî divê ew weha bibin dijminê gêrîkên din ku ger ez li pêş çavêن wan hemû neteweyê gêrîkan bipelçiqînim jî divê ew bibêjin, ox. Wekî din jî divê em ji her celeb gêrîkan gelek gêrîkên ku bi me ve girêdayî ne, peyda bikin.

Serokê hudhudan got:

– Dibe, baş e, emirê te li ser seran.

– Min hemû neteweyê hudhudan kir hem serokpropagan-dîstê xwe û hem jî yê neteweyê filan. Li dinyayê ji vê pê ve tu karekî we yê din tune ye. Gêrîkê Rîhsor sax be, mirî be, hûn ê di derheqê wî de, bi lez xeberekê ji min re bînin... Wekî din jî hûn ê gêrîkên ku naxebitin, dijminatiya filan di-kin û serî hildidin tesbît bikin. Em ê gêrîkê ku serî hildide, berê hikirin, ger em nikaribin bikirin, em ê wî bi şikenceyan tavilê bikujin... De nuha bifire û biçe, berê biçe binihêre bê gêrîk ci dikin û xeberê bide min. Ji nuha û pê ve, her rojê karê te yê yekem ev e ku tu ê rewşa gêrîkan ji min re bibêje. Dû re, tu ê gêrîkên ku peyayêne me ne, li seranserî welatê gêrîkan belav bike. Peyayêne me dê li ser ruyê erdê, li binê erdê, li hewa û li deryayê her li Rîhsoro bigerin. Ez ji vi Rîhsorî ditirsim. Divê listikeke weha bileyizin da ku gêrîk Rîhsoro bi destêne xwe bigirin û ji me re bînin, an sax, an mirî... Belê, ez Rîhsoro an sax, an mirî dixwazim. Bila dinya hemû bizanibe ku heta Rîhsoro an mirî an sax neyê peyda kirin, rehetî ji min re tune ye û ez ê jî welatêne gêrîkan rehet nehêlim. Te fahm kir?

Silêmanê Dunikil kir bûte bût:

- Min fahm kir, Siltanê me.
 - Karê herî girîng, bi hevalbendên me re li welatên gêrîkan damezrandina rêxistinekê ye, roj bi roj ji wan xeberwergirtin e û li dengê bêhnstendin û bêhnberdana wan guhdarîkirin e. Niqteya herî girîng ev e. Ger em vî karê ji hundur ve organîzekirin û xerakirinê bikin, însan ji vêya re dibêjin, mejîşustîn, ger em bikaribin mejiyê gêrîkan bişon, ger em bikanibin gêrîkbûna wan bi wan bidin jibîrkirin, wê gavê, em ê hertiştî qezenc bikin. Ev sîstem dê heta qiyametê bidome û hûn ê jî û em ê jî li ser pişta gêrîkan, bi saya xwêdana eniya wan, di bihuştê de bijîn, ma ne weha ye?
 - Rast e, Siltanê me.
 - Nuha, guhê xwe baş bide min...
 - Li ser seran, haşmetpenah!
 - Tu dizanî bê mahneya gotina kedxwariyê çi ye?
 - Ez dizaniñ, Siltanê me.
 - A, ev gotin divê ji ferhengan bête derxistin û gêrîkek jî dê nikaribe vê gotinê bîne ser zimanê xwe. Ev sîstema nuh a ku me danî, sîstemek e weha ye ku ev sed hezar sal in ku neteweyên gêrîkan bi ser de dimirin û negîhaştinê. Me sîstema azadiyê ya ku hemû mexlûqên dinyayê bi sed hezar salan daxwaz kiriye, lê bi dest nexistiye, diyarî wan kir. Ji nuha û pê ve, hemû gêrîk, fil, hudhud û mexlûqên dinyayê dê di azadiyê de bijîn.
- Serokê hudhudan Serkumikê Berz li ser guliyê darê kir bûte bût:
- Ew ê bi saya serê Siltanê me bijîn, em ê bijîn.
 - Azadî berî hertiştî ye. Ji nuha û pê ve, em ê hemû mexlûq di azadiyê de bijîn. Azadî, em ê hew ji bo azadiyê bi tenê canê xwe bidin.
- Serokê hudhudan baskên xwe li hevdu xistin û bang kir:
- Azadî!

Siltanê Filan gurmijî:

– Azadî!

Ciya, deşt û daristan hejiyan. Dengê "azadî, azadî"yê li dinyayê veda.

– Peyva kedxwariyê ji devê kê derkeve, dê tavilê bête kuştin. Ger peyva kedxwariyê bi şaşî jî ji devê gérîkekî derkeve, ew ê tavilê bête kuştin. Yê ku peyva kedxwariyê ji devê wî derkeve, tu ê bi xwe wî bikuje.

– Ez ê bikujim.

– Kedxwarî tune ye.

– Kedxwarî nemerdî ye.

– Azadî heye.

– Bi tena serê xwe azadî heye, Siltanê me.

– Azadî heye... De rêya te vekirîbe. Rîhsoro qet ji bîr neke!

– Ez ji bîr nakim.

– De bifire!

Serkumikê Berz ber bi welatê hudhudan ve firiya û rast çû hêlînên wan. Hudhud hemû civiyabûn û li benda wî bûn. Gava ku mizgînî stendin, bi hezaran bask bi kêf li hevdu ketin û kirin şelpe şelp. Ew bi lez ber bi daristana ku Siltanê Filan diyariyî wan kiribû firiyan. Çivîkên daristanê yên kevin qewirandin û ketin hêlînên wan. Gava hin ji çivîkan xwest li hember hudhudan rabe, yên din derhal fil nîşanî wan dan. Çivîkên ku çav li filan ketin, ji van zirecêban, ziravêwan wan qetiyân, bi lez dev ji daristanê berdan û reviyan.

Hudhud bê deng û bê gazind li hêlînên daristanê bi rehetî bi cîh bûn. Ya rastî, ew berê ji tırsa çivîkên din newêrîbûn nêzîkî daristanê jî bûbûna. Berê nikarîbû ji nav wan deviyêni riq û rût derketana, lê nuha, wan çivîk qewirandin û dest dani ser qûtênu ku çivîkan ji xwe re danîbûn.

Serokê hudhudan piştî vê, firiya û çû welatên gérîkan. Li ser rêyan li karwanên gérîkên reşîqîr, sorîkur, zipîzer rast hat.

Berê xwe ji welatên gêrîkan zîvirand û çû wê devera ku sera-ya Siltanê Filan dê lê bihata avakirin. Gêrîkan dîwarê krîstal bi qasî bihustekê ji erdê hilind kiribû. Ew li wê derê bû hey-ranê hêza gêrîkan. Piştî ku li ba neteweyê gêrîkan ev hêz, ev cehd û ev jêhatîbûn hebû, divê mirov ji wan bitirsîya. Heqê Siltanê Filan hebû, ev gêrîk çi bikin bikin, ew ê rojekê ji bin destê filan rizgar bibin. Dikira bigota ji kedxwariyê... Wî di-zanîbû ku êdî ew nema dikarîbû li peyva kedxwariyê bifikiri-ya jî...

Serkumikê Berz çivîkekî pir kal bû. Perîkên baskên wî yên belek û yên kumika wî ya xwerû turuncî fîrk bûbûn. Çavêن wî jî piçûçik bûbûn, lê ronahiya xwe wenda nekiribû. Ji gava ku bûye Serokê hudhudan, ji gava ku ji hêka xwe derketiye û vir de, hemû karê wî bûye fikirandin. Li seranserê ezmên difire û heta nuha, ji bo paraztina nesilê hudhudan bê rawestan fikiriye, nuha jî xwe dabû kêleka filên ku dixwest hemû mexlûqên dinyayê hêsîr bikin. Ev dem dema filan bû. Ew ê dinyayê têxin bindestê xwe. Wan ê keda hemû dinyayê; ya gêrîk, çivîk, dar, kêzikên cûr be cûr, kulîlk û însanan bixwara-na. Ji bo vêya jî wan ê berê mejî, his, ax, av û laş dejenere bikirana. Siltanê Filan pir bi aqîlî hereket dikir, baş difikirî. Divê Serkumikê Berz alîkariya wî bikira.

Berê divê gêrîk bikirana panzdeh, bîst, cil, hezar perçe, dû re jî divê her perçe bûbûya dijminê herî mezin ê perçeyê din. Gêrîkên perçebûyî, tu carî nedibûn hêz û ew ê heta dawiyê jî hêsîr bimana.

Serokê hudhudan Serkumikê Berz dû re fîriya û çû welatê gêrîkan. Xwe li orta bajêr danî û mezinên gêrîkan li xwe ci-vandin.

Got:

– Binihêrin hevalno, çi alîkariya ku ji destê min tê, ez bi we dikim. Ma ger ne ez bûma, ger min hûn li pişta xwe ne-

kiribana û nebirana ba Siltanê Filan, ba wî zatê mezin, wî zatê mexlûqê dinyayê yê berî xurt, yê ku dikare bem ava bike û hem jî xera bike, ma hetâ nuha li dinyayê gêrîkek bi tenê jî dima, ma dê koka gêrîkan li dinyayê ne qelihiya? Dê çi bibe, hûn li hember efûbûna neteweyê gêrîkan ê pir mezin seraye-kê ava dikin, piçek jî xwarin tînin embarênen filan. Ev jî kar e, Siltanê Filan ê ku hem ava jî dike û xera jî dike, hûn efû kirin... Hezar şikir ji Siltanê Filan re...

Hemuyan bi hevdu re got:

- Hezar şikir ji Siltanê Filan re...
- Yê ku dixuliqîne jî û dieciqîne jî ew e.

Hemuyan dîsa bi hevdu re got:

- Ew e.

Di nav wan de mezinên gêrîkên zerik jî hebûn. Nerînên wan nerînên fêlbaz, pir jîr û xayin bûn. Serokê hudbudan bêyî ku hayê tu gêrîkên din jê çêbike, işaretek da wan. Gêrîkên zerik hertiş fahm kirin, ji kêfa dikira bifiriyyana.

Gêrîkan got:

- Ji Siltêna re bibêje, bibêje bê avakirina seraya te, dê di hundurê salekê de bête qedandin. Ji ber ku wî em nekuştin û em efû kirin, seraya wî dê di vê dinyayê de, seraya herî mezin û muhteşem be. Seraya wî dê ji roj û heyva ku hilrê re bibêje ku hûn hilneyên, ji ber ku ez ji bo vê dinyayê hilatime.

Gêrîkan welatê xwe yên bilweşiyayî ji nû ve ava kiribû, birînên birîndaran derman kiribûn, rewşa wan hema hema bûbû wek berê. Bextiyariya wan a berê, hema hema dest pê kiribû.

Gava gêrîk dipeyivîn, Silêmanê dunikil li nav wan her li Rîhsoro digeriya. Dibe ku dilqê xwe guhertibe û di nav gêrîkan de hatibe meydanê. Silêmanê dunikil çavêن xwe yên sert û bi tesir li ser gêrîkan gerandin gerandin, lê li meydanê tu kesê ku bişibiya Rîhsoro nedît. Ma gelo ji nişka ve lê bipirsî-

ya? Gelo wî dikarîbû bi vî awayî gêrîk şas bikirana û peyvek ji devê wan werbigirta?

Ji nişka ve ket nav meseleyê, bisirî û bi awayekî nerm pirsî:

– Rîbsoro li ku ye? Ez wî di nav we de nabînim.

Gêrîk berê ketin taswasê, dû re jî weba sar man û nikarîbû tu bersiv bida Serkumikê Berz.

Serokê budhudan dîsa pirsî:

– Rîbsoro li ku ye? Min ew bi pişta xwe welat bi welat gerandibû. Xwîna wî bîn jî li serbaskên min e, bi perîkên min ve bişk bûye. Ew jî bo çi nayê civîna ku ez tê de mim? Ez Serêkşewirdarê Siltanê Filan im. Yê ku nehişt welatê we bi erdê re bibe yek û li vê dînyayê koka gêrîkan biqelibe, ez bûm, ez, ez, ez... Ger ne ez bûma, we dê dengê xwe çawa bigîbanda Siltanê Filan ê mezin?

Serkumikê Berz weha kir bire bir, tevlibeviyeke mezin çêkir, lê dîsa jî di derheqê Rîhsoro de, tu gotin ji devê gêrîkan negirt. Pir meraq kiribû, gelo çi bi Rîhsoro hatibû?

– Gelo Rîhsoro mir? Gava xwe ji ser baskê min avêt erdê, ez dizanim ku nemir. Ew li ku ye?

Dîsa tu kesî bersiva wî neda. Gava peyv dihat ser Rîhsoro, ew ber bêdeng diman.

Serkumikê Berz bi hêrs got:

– Pişti avakirina serayê, hûn ê şikeftan û kewarêñ daran ti-je hunguv bikin. Siltan ji hunguv pir hez dike. Hûn ê hemû kuliyyêñ vê dînyayê jî bikişînin wê daristana me. Hûn ê bêyî ku zerarekê bide tu deverêñ wan, fêkiyêñ neqane ên bunguvîn, bi tonan bikişînin serayê. Qencî bi we nabe. Ger hûn van tiştêñ ku min gotin di hundurê demeke kurt de pêk nînin, êdî hûn dizanin. Tu divê qey pêwîstiya vê dînyayê pir bi neteweyê gêrîkan hebû! Hûn tune bin jî dibe. Ew qas pir mexlûq bene û hemû mexlûq jî pir dixwazin ji bo filan, ji bo wan mexlûqêñ mezin, muhtesem û bi fazilet bixebeitin. He-

mû mexlûq ji bo ku ji filan re serayan ava bikin û bemû xwarinê dinyayê bînin, bi hevdu re qayışê dikişînin. Do, padîşahê qertelan hat ba Siltanê me, baskên xwe yên pir mezin vekirin û ji Siltanê me re sucde bû û got ku emir bike Siltanê min, emir bike ku li dinyayê çi hebe çi tune be, ez ji te re bînim. Baskên me dirêj in, dikarin li hemû ezmanan bifirin, çavêن me pir xurt in, tiştê herî piçûk jî dibîne, bêvilên me bêhna herî dûr jî distîne, ji ber vê yekê, li dinyayê çi hebe, çi tune be, em pê dizanin. Em bi sed hezaran hene û ji bo emirê te amade ne. Ez ji we re bibêjim gêrikên birêz, bê Siltanê Fîlan çi got, çi bersiv da qertelan. Ma hûn dibêjin çi bersiv da wan, bibêjin bê Siltêن çi bersiv da qertelan. Siltêن got ku bila gêrikên min sax bin, ji roja ku dinya ava bûye û heta nuha, gêrikên min hemû karêن min dikan. Ez bi qûlên xwe yên gêrikan re bûme wek hestî û goşt, av û axê. Ji xwe, esil û fesilê me ji gêrikan e, pêsiyêن me di destpêkê de gêrik bûn. Ji gava ku dinya ava bûye û vir de, ne gêrik ji filan vedi-qetin û ne jî fil ji gêrikan... Nebîm, hûn dest birayêن min ên gêrik nedîn, qertelno ger hûn destêن xwe bi birayekî me yê gêrik bikin, a wê çaxê ez dizanim bê ez ê çi bînim serê we. Ez ê wan ezmanêن ku hûn lê difirin, biçirînim. Ez ê zinar û çi-yayêن ku hûn xwe lê datînin, hilweşînim û bikim erdê rast. Qertelan got ku na gidî Siltanê me, kî dê destê xwe bi gêrikên te yên pîroz bike. Ger ji destêن me bê, em ê hemû gêrikên te li ser pişta xwe bigerînin. Siltêن got ku divê hûn weha bizanibin, ji wê roja ku dinya ava bûye û vir de, gêrik ji esilê me ne û em jî ji yê wan... Ez li vê dinyayê, bi gêrikên ku esilê me yek e, serbilind im. Ez nikarim sistema xwe biguherînim, em bi gêrikan re bi ruh û canekî ne. Ji gava ku dinya ava bûye û vir de, ev weha ye.

Serokê hudhudan ê ku kumika wî bilind bûbû, bi hêrs ji gêrikan pirsî:

– Ma ji roja ku dinya ava bûye û vir de, hûn û fil ne yek in, hûn ji filan re naxebitin, hûn û fil ne yek in, ka bibêjin gêrîkno...

Gêrîkan li hevdu nihêrîn, bi çavan ji hevdu pirsî û bê gelo gotinê Silêmanê dunikil rast in an na, di nav xwe de kir pi-se pis:

- Ev çi dibêje?
- Ma ji roja ku dinya ava bûye û vir de, em û fil yek in?
- Ma fil ji gêrîkan çêbûne?
- Ma ji roja ku dinya ava bûye û vir de, em serayên filan ava dikin?

- Ma em xwarina wan didin wan?
- Ma em zikê wan têr dikin?
- Kî dizane, dibe...
- Dibe ku me fil anîbin dinyayê.
- Em bapîrên filan in, bapîrên filan...
- Gêrikek tê mahneya filekî.

Bû xulxula gêrîkan, peyivîn û şêwirîn, piştî bîstikekê bi hevdu re bang kir:

- Qertel kî ne, ji gava ku dinya ava bûye û vir de, em û fil bi hevdu re ne.
 - Qertel jî çi ne ku...
 - Ew jî ji ku derketin?
 - Piştî ku em hebin, çi pêwîstiya filan dê bi qertelan hebe?
 - Piştî ku em hehin...
 - Ma ev hezar sal in, deh hezar sal in, em xwarina filên xwe nakişînin?
 - Ma em serayên wan ava nakin?
 - Ma em her karê wan nakin?
- Serkumikê Berz bi kêf perwaz da:
- Her gêrik filek e.
- Gêrîkan bi hevdu re bang kir:

– Her gêrik filek e.

Hemû gêrikên li ser rêyan û li hêşaran ev bihîstin û wan jî bi hevdu re dubare kîrin:

– Her gêrik filek e, filek e, filek e.

Serkumikê Berz:

– Hûn ê vêya rojê sed carî bibêjin. Weha bibêjin, bibêjin belkî bi vî awayî hûn jî bibin fil, ger hûn nebin jî qet nebe di dawiyê de, hûn ê xwe fil an bi qasî filan bîhesibînin.

– Her gêrik filek e, her gêrik filek e, filek e, filek e...

Kêfa wan ji dubarekirina van gotinan ew qas hat, ew qas hat ku... Tu nema bû ku gêrîkan xwe fil bîhesibanda. Gêrîkên li ser rê û li hêşaran jî digot:

– Her gêrik filek e, her gêrik, her gêrik filek e, filek e.

Serkumikê Berz xwest ji vê kêf û heyecanê îstîfade bike û dîsa hêdîka pîrsî:

– Ma birêz Gêrikê Kulek ê Rîhsor sax e, mirî ye, li vî wela-tî ye, an jî wendayî ye?

Gêrîkan bi hevdu re bersiv da:

– Her gêrik filek e.

– Ez Gêrikê Kulek ji we dipirsim.

– Her gêrik filek e.

– Ger hûn aqîbeta Gêrikê Kulek nebêjin, dê ji bo we pîrr xerab be.

– Her gêrik filek e.

– Ez ê vê helwêsta we ya di derheqê Gêrikê Kulek de, ji Siltanê Filan re bibêjim.

– Her gêrik filek e.

Serkumikê Berz baskên xwe bi hêrs li hevdu xistin, fîriya û got:

– Hûn ê bibînin.

Gava fîriya jî ji bîr nekir û awirek da gêrikên zerik.

Çû, xwe li ser dara çinarê ya ku li derveyî bajêr bû danî û li

benda gêrîkên zerik ma. Tam gava ku roj dikira biçûya ava, gêrîkên zerik li ser rê xuya bûn, Serkumikê Berz tavilê ber bi wan ve firiya, daket erdê, gêrîk li ser baskêن xwe kirin û bi bewa ket.

– Xwedê bike, gava bûn ji bajêr derketin, tu kesî bûn nedîtibin?

– Ma em qet xwe xuya dikan, me quesda te tavilê fahm kir.

– Siltêن bûn, nesilê we li ser serê gêrîkan bi temamî kirine parêzger. Ji nuha û pê ve, bûn ê bibin parêzgerên hemû gêrîkên dinyayê. Gava em derkevin huzûra Siltêن, bûn ê jê re bibêjin ku Siltanê Filan em ji destpêka dinyayê û vir de, wek parêzger tayînî ser serê gêrîkan kirine. Me ev berpirsiyariya xwe bi temamî pêk anije. Li vê dinyayê, berpirsiyarên gêrîkan em in. Di esilê xwe de, em ew fil in ku Siltanê Filan ji ber gunahêن me, em xistibûn kirasê gêrîkan. Esil û fesilê me fil in.

Gêrîkên zerik li ser baskêن Serkumikê Berz, bi dengekî bîlind bi bevdû re bang kir:

– Esil û fesilê me fil in.

– Ger em bi awayekî sadiq bixebeitin, Siltanê Filan dê me dîsa bike fil.

Gêrîkan dubare kir:

– Ger em bi awayekî sadiq bixebeitin, Siltanê Filan dê me dîsa bike fil.

– Me bi vê yekê bawer kir, me îmana xwe pê anî!

Gêrîkên zerik dubare kir:

– Me bi vê yekê bawer kir, me îmana xwe pê anî!

– Me îmana xwe pê anî!

Serokê hudbudan Serkumikê Berz ji nişka ve, peyva wan a bi kêf û heyecan birî û bêyî ku cîbê wê bû, pirsî:

– Ci bi Rîbsoro bat?

Gêrîk qet ne li benda vê pirsê bûn, peyv di devê xwe de bi-

rin û anîn.

Silêmanê dunikil gurmijî û got:

– Bibêjin, çi bû?

Ji hêrsa xwe, wek pelê çilo dilerizî. Gêrîkên li ser baskê wî ji ber lerizandinê dikira biketana. Baş bû ku gêrîkan xwe hişk bi koka perîkan girtibû.

– Li gora ku hûn deng nakin, di Rîhsoro de meseleyek heye.

Gêrîkê girs ê li ser baskê rastê got:

– Em Rîhoro qet nas nakin. Me ne ew dîtiye û ne jî em wî nas dikan.

Silêmanê dunikil baskên xwe bi awayekî pir ecêb kil kirin û got:

– Hûn dizanin, hûn dizanin. Li dinyaya gêrîkan, ji vira û heta Çîn û Maçînê, yê ku Rîhsoro nas neke, tune ye. Ew li dinyayê rîberê hemû gêrîkên hesinker e. Herkes wî nas dike.

– Me ne dîtiye, ne jî bihîstiye û ne jî em hesinkerekî weha nas dikan. Dibe ku ew ji welatekî din be.

Serkumikê Berz bang kir:

– Nabe, ew ji welatê we ye.

Gêrîkê girs got:

– Wê gavê, em gêrîkên pir xort in, ew berî ku em çêbibin, miriye.

Serkumikê Berz dengê xwe bilind kir û got:

– Hîn do bû, yê bi Siltêr re peyivî, ew bû. Hîn do bû, ew li ser baskê min bû, a li vî cîhê ku hûn lê ne.

Gêrîkê zerik î kal î girs got:

– Hiii, min fahm kir. Ez dizaniñ, ew ne ji me ye, ew gêrîkekî sor e... Ew ji aliyê welêt ê din e. Em wan deveran nas nakin. Di nav ew qas gêrîkan de, em çi dizanin bê kî Rîhsoro ye? Ger Siltan emir bike, li ser ruyê erdê bi milyaran gêrîkên zerik hene, em ê li wî Rîhsorî biggerin û peyda bikin.

Serkumikê Berz hêrsa xwe ji bîr kir û got:

– Baş e, baş e. Nexwe, hûn ê Rîhsoro peyda bikin?

– Em ê wî an sax an mirî peyda bikin û ji Siltanê xwe re hînin. Esil û fesilê me fil in. Em dû re bûn gêrîkê zerik ên piçûçik.

Gêrîkên din jî dubare kir:

– Esil û fesilê me fil in. Em dû re...

– An sax an mirî...

Bi vî awayî hatin huzûra Siltanê Filan. Siltan li wê derê, mîna ciyayekî spî xuya bû. Qûna xwe dabû nava dara çinarê ya kevnare û her tê dida. Dara çinarê mîna ku zelzele lê çêhûbe, di nav toz û dûmanê de mabû, pelên wê û guliyên wê dişikestin û diketin erdê, dar heta erdê ditewiya û dû re bi çîrke çîrkê hi şûn de vedigeriya.

Serkumikê Berz tevî ku demeke dirêj di ber çavêن Siltêن re çû û hat, hi dengekî bilind kir hûte bût jî Siltêن ew nedît. Piştî ku di navherê de, demeke pir dirêj derbas bû, dara çinârê ji kokê de şikest, der û dora xwe hejand û bi gurmîn wergeriya erdê. Wê gavê, fil jî ji wê mesthûna xewa xwe ya şerîn a xwexurandinê şiyar hû û hudhudê ku li ser serê wî bi dengekî bilind dikir bûte hût dît.

– Hooo, hirayê min î Silêmanê Dunikil, Serekşewirdarê min, tu hi xêr hatiyî, tu hi xêr û xweşî hatiyî, ci heye, ci tune ye, ci xeber ji qûlêñ min ên gêrîk hene?

Serkumikê Berz got:

– Gava ez hatim hemû welatêñ gêrîkan bi hevdu re bang dikir û digot ku her gêrîk filek e, her gêrîk filek e, filek e...

Ji kêfa şerpînî ji guhêñ xwe anî û got:

– A, ev baş e. Rast e, her gêrîk filek e.

Gava gêrîkên li ser baskêñ Serkumikê Berz evbihîst, hemuyan bi hevdu re bang kir:

– Her gêrîk filek e. Her gêrîk...

Siltên got:

– Min dengek bihîst. Hin kes tiştinan dibêjin.

Serkumikê Berz got:

– Haaa, tew gava min ruyê Siltanê xwe yê bi nûr dît û ji ber nûra ruyê wî çavêن min hatin girtin, tu nema hû ku min ji bîr hikira. Min gêrikêن ku ji nesilê gêrikêن zerik in, bi xwe re anîn, va li pişta min in.

Siltên pirsî:

– Ci dibêjin.

– Heta vê derê, wan li ser pişta min bê rawestan bang kir, dîsa jî her eynî gotinan dubare dikin; esil û fesilê me fil in, fil in, Siltanê me dê me dîsa bike fil. Ger em bi awayekî sadiq bixebitin...

– Baş e, baş e, her tişt pir baş diçe. Wan ji ser pişta xwe da-xîne û were ba min. Gêrikêن min ên zerik têxe qalikê wê darê, bila li wira îstirehetê bikin. Ji wan re bibêje ku min ev dar ji bo wan wergerand, bila li ser pelên wê û di qalikên wê de, xweş îstirehet bikin û betilandina xwe ji ser xwe biavêjin.

Gava Serkumikê Berz ev gotinêن Siltên ji gêrikan re wergerandin, gêrik ji kêfa mest bûn û bang kir:

– Her bijî, Siltanê me! Esil û fesilê me fil in, fil in. Em filên ku ketine kirâsên gêrikan in.

– Ci dibêjin?

– Dibêjin ku em filên ku ketine kirâsên gêrikan in.

– Ci xweş dibêjin, ne weha?

– Pir xweş dibêjin, Siltanê me.

– Divê ez jî fêrî zimanê gêrikan bibim, ne weha, birayê min ï Serkumikê Berz?

– Minasib e, şahê min.

– Madem ji roja ku dinya ava bûye û vir de, ez padîşahê gêrikan im...

– Tu padîşahê wan ï, Siltanê me.

– Em di warê fêrbûna zimanê yên binemirî xwe de, pir dereng man in, pir dereng, pir dereng...

Serkumikê Berz keserek kişand û got:

– Piiir dereng.

Siltêن got:

– Nuha, were em bipeyivin, hevalo. Gelek tiştên ku divê em bi hevdu re bipeyivin, hene. Lê bi dizî...

Silêmanê Dunikil got:

– Em bi filî bipeyivin. Awayê herî bi dizî ev e. Gêrik hîn fêrî zimanê filan nebûne. Ez ê berê, ji Siltanê xwe re behsa tiştên ku ez pê dizanim û minbihistine bikim û dû re em ê wan tiştên bi dizî bipeyivin.

Piştî ku Serokê hudhudan ji Siltêن re, yek bi yek behsa tiştên ku dîtibûn, dizanîbûn û yên li ser Gêrikê Sor bihîstibûn û helwêstên gêrikan kir, got:

– Tiştên ku ez ê bibêjim ew qas in.

Ü deng jê biliya.

Siltêن piştî ku ew pîroz kir, got:

– Nuha li min guhdarî bike, birayê min i Serkumikê Berz. Gidî, karê me yê yekem divê ev be ku em gêrikan fêrî filî bikin. Zimanê gêrikan tune ye, ger hebe jî têr nake, te fahm kir? Ger hebe jî sê-çar peyv in. Bi sê-çar peyvan jî li vê dinyayê nayê jiyîn. Li dinyayê bi tenê zimanek heye, ew jî zimanê filan e.

Serkumikê Berz kumika xwe ya mezin nepixand û got:

– Zimanê filan e.

– Ji nuha û pê ve, hûn ê jî bi zimanê çivîkan nepeyivin. Min zimanê çivîkan li neteweyê hudhudan qedexe kir. Her kî dibe bila bibe, yê ku bi zimanê çivîkan bipeyive, dê herdu baskên wî tevî zimanê wî, ji kokê de bêñ jêkirin. Ji nuha û pê ve, tu çivîk dê bi zimanê çivîkan nepeyive, ew ê bi zimanê filan bipeyive.

– Belê, Siltanê min, ez ê nuha ber bi daristana ku te diyarî me kiriye, hifîrim. Ez ê ji qûlêñ te yên hudhudan re bibêjim, da ku ew tavilê dest bi fêrbûna filî bikin.

– De zû here û were.

Serokê hudhudan gîhaşt daristanê, lê çi bibîne, hemû heywanêñ li daristanê, heta beytikan jî ji zû de dest bi fêrbûna filî kiriye, çîv çîva wan bû û dipeyivîn.

– Mebihîst, me emirê Siltanê Fîlan bihîst. Ma qey zimanê çivîkan jî ziman bû... Zimanê çivîkan ji xwe, zimanekî bêfesal, xerabe û ji tu tiştekî re ne dibû. Gava ku hemû dinya bi zimanê filî dipeyivîn, me di axavtina vî zimanê çivîkan ê xerabe de, her ïnad kir. Em ê di hundurê çend mehan de, berî gêrîkan jî berî mexlûqên din jî û berî mirovan jî fêrî filî bibin. Me sed û şest mamosteyêñ filî peyda kirin, em ji sibehan heta êvaran û ji êvaran heta sibehan fêrî filî dibin.

Serokê hudhudan hang kir:

– Biji hudhudno! Siltanê Fîlan dê bi we serbilind be.

Hudhudan got:

– Ji xwe, esilê me fil e. Fêrbûna filî dê ji bo me qet ne zor be. Gava hemû dinya hi filî bipeyivin, di rîya medeniyetê de paşdemayin bi me nakeve. Ji ber ku hemû filan bi filî dizanîbû, heta ser heyyê çûn. Lî hi tenê ji ber ku em bi filî nizanin, em nikarin ji vê daristanê heta deryayê bifirin.

– Em ê fêrî filî bibin û biçin ser heyyê û xwe mîna filan li ser guliyêñ heyyê deynin.

Dengê wan li daristanê olan da:

– Wek filan!

– Gêrîk jî dê fêrî filî bihin, biçin ser heyyê û li wira ji padîşahê heyyê re serayekê ava bikin û embarêñ padîşahê heyyê bi hunguv dagirin...

Daristan bi dengê wan hejiya:

– Gêrîk ji!

– Em ê biçin ser rojê.

Dengê wan li daristanê veda:

– Ser rojê!

– Gêrîk jî...

Zingînî ji daristanê hat:

– Gêrîk jî!

Serokê hudhudan dengê xwe birî, dû re dîsa bi kêt peyivî:

– Siltanê Filan ji ber vê jîrbûn û serwextbûna we, dê sê einbarên tije ku'l bide me hemuyan, Siltanê me sirf ji bo we, beşike mezin ji gêrîkan, ji bo anîna ku'lîyan vejetand.

Daristan bi dengê "bijî bavê me Siltan, xwediyê me!" olan da.

– Pêşniyareke min ji we re heye.

– Pêşniyara te li ser serê me...

– Nuha, hûn ê hemû bi hevdu re rabin, mamossteyên xwe yên filî jî bi xwe re bibin û rast bifirin biçin welatê gêrîkan. Hûn ê hi gêrîkan re gêrîkî û çivîkî tavilê ji bîr bikin û fêrî filî bibin.

Daristan bi dengê "ya Xwedê, ya Xwedê" kil bû. Hemû hudhud bi bewa ketin, ezman ji nişka ve, bi serên turuncî û baskên belek ve hat nixumandin. Ezman bi dengê şelpîna baskan hejiya. Ü hudhud ber bi welatê gêrîkan ve firiyan. Wan weha kêt dikir ku ew ê zimanên gêrîk û çivîkan ên xerabe ji bîr bikin, bidin jibîrkirin û zimanê filan ê bi esil fêr bibin û fêr bikin.

Serkumikê Berz ji ber serkevtina xwe serxweş ket. Ji kêfa, serê wî gêj bû û bi lez firiya, xwe gîhand Siltanê Filan û tiştên ku qewimîbûn, yek bi yek ji wî re gotin. Siltan jî bêyî ku li wî laşê xwe yê girs û pir mezin bifikire, çeng bû ser xwe, rabû ser herdu lingên xwe yên dawiyê, xortima xwe ber bi ezmên ve bilind kir, guhêن xwe vekirin, kir şelp şelp û dest bi lotikan kir.

Serkumikê Berz firiya, li dora serê wî zîvirî û ji ronahiyê xeteke turuncî çekir û got:

– Bijî silranê me! Bijî sultanê me, bijî bijî...

Sultan piştî ku demeke dirêj da lotikan, bi şûn de vege riya û li ser textê xwe mexel hat. Textê wî ji tahteke mor î xiramokî bû. Ji ber vê yekê, Sultan li ser textê xwe ne rehet bû.

Serkumikê Berz heta ku deng tê de hebû, kir barînî:

– Ji sultanekî dinyayê yê weha re, textekî weha nabe!

Sultanê Filan xortima xwe bada û got:

– Qet nabe, nabe.

– Ez ê derhal emir bidim gêrîkan, bila dakevin orta dinya-yê û madena almasan a li wê derê peyda bikin û ji Sultanê me re, ji almasa şîn a herî mezîn textekî çêbikin da ku textê Sultanê me li vê dinyayê mîna rojê şewq bide. Her ku şewq da, bila ronahiyêşen şîn li dinyayê bibarin. Bila dinya şîpişîn bibiriqîne.

Sebira Siltên êdî nemabû.

Got:

– Zû einir bide gêrîkan. Bi lez bi lez, a nuha.

Serkumikê Berz wê gavê firiya û xwe gîhand welatê gêrîkan. Komîteya Birêvebir a gêrîkan tavilê civand û emirê xwe got. Gêrîkan gazind kirin û got ku em ê çawa dakevin orta dinyayê û almasa şîn a ku ji rojê jî bêtir dibiriqîne, peyda bikin û textî jê çêbikin?

Serokê hudhudan tew gazindên wan nebihîstin jî û bi şûn de vege riya. Hilma xwe bi zorê dida û distend.

Got:

– Min got. Berî serayê dê text bête çekirin. Ma împarato-rekî dinyayê yê weha qet bê text dibe?

Siltên got:

– Nabe! Wekî din jî bila gêrîk heykelê min çêbikin, divê heykel sed carî li min be.

Serkumikê Berz pirsî:

– Ma ez a nuha biçim ba gêrîkan?

Siltên got:

– Raweste, hemû bi hevdu re nabin. Hela bila berê orta dinyayê bikolin û textê ku şîn dibiriqîne, çêbikin. Nabe ku em çavên wan bitirsinin.

Serokê hudhudan got:

– Rast e.

– Li welatê gêrîkan, karê zimên çawa bû?

Serkumikê Berz got:

– Min dît, min dît ku hemû gêrîk û hudhudên me, li ser rê, li hêşaran, li kar, di nav nivînan de, li malê bê rawestan fêrî filî dibûn û zimanên xwe, yanî zimanên xwe yên hov ji bîr dikirin.

Siltên got:

– Ev a herî baş e. Tu şêwirdarekî yeman e, birayê min î Si-lêmanê Dunikil. Ez hemû filan jî dixim bin emirê te. Qûlêñ min ên fil nuha ci dikan?

– Bi şûn de vekişiyane daristana mezin, her yekî jî wan qû-na xwe daye darekê û her pê dixurîne. Gêrîk jî bê rawestan xwarinê ji wan re dikişînin û li ber wan kom dikan. Ew jî bi tenê xortimên xwe dirêj dikan, ew qas. Ew her xwe dixurînin, mest dihin û ji ser hişê xwe diçin. Jiyana wan, jiyana bi-huştê ye.

Siltên got:

– Bi tenê, ez dixebeitim. Ji ho ku ez bikaribim gêrîkan heta qiyametê weha hihêlim, malik li min xera dibe û tu jî... Ji herdêla ku ew weha vedikevin û qûnêñ xwe dixurînin, qet nebe, li vê dinyayê belav bûbûna û hemû mexlûq fêrî filî bikirana. Qet nebe, bi kêrî vî karî bihatana. Wekî din jî hin listokên ku dê gêrîk hertim mijûl bikirana û nehiştana ew bifikirin, îcad bikirana. Yêñ ku gêrîkan hişk bi koletiyê ve gi-

rê bidin... Fil bi aqil in. Di nav mexlûqên dinyayê de, yên herî biaqîl fil in. Divê em ji gêrîkan re, lîstokin weha peyda bikin ku nehêlin çavêن wan vebin û li tu gotinan bifikirin. Ger gêrîk bifikirin, kengî be, ew ê ji bo bikaribin ji vê sîste-ma azadiyê rizgar bibin, rîyekê peyda bikin. Ji bo fîkrê, li vê dinyayê hertiş ebedî ye. Ger gêrîk bin jî gava bifikirin, ew ê rojekê rîyekê peyda bikin û zora filan bibin. Ji ber vê yekê, em ê destûrê nedin fikira gêrîkan a herî piçûk jî. Ji bo ku em destûrê nedin jî divê em, hemû fil, hudhud, gêrîkên zerik, yanî hemû kedxwar, na na, azadîkwaz, serê xwe pir pê biêşî-nin û tiştin nuh îcad bikin, da ku ew nikaribin heta qiyame-tê bifikirin. Wekî din jî ez wî Kulekê Rîhsor dixwazim. An mirî an sax. Ma gava welatên gêrîkan hildiweşîyan, ê ku bi min re dipeyivî ne ew bû? Dengê wî yê bi hêrs ê ku ez piçûk didîtim, bîn jî di guhêن min de ye... Ew bû, ne weha?

— Ew bû.

— Ma te gotibû, hesinker e?

— Ji Hezretî Dawid û vir de, hemû esilê wî hesinker e.

— Ev xerab e, hem destêن hesinkeran û hem jî serêن wan dixebeitin. Li vê dinyayê yên herî bi xeter, mexlûqên weha ne. Wekî din jî fikirêن kesêن weha, mîna mîkropêن ku nex-weşîyê belav dîkin, bi carekê li hemû dinyayê belav dîbin.

— Em ê Gêrîkê Kulek tî Rîhsor peyda bikin. Ger miribe jî em ê termê wî ji Silranê xwe re bînin. Dû re, em ê termê wî li orta welatê gêrîkan daliqînin. Gêrîkên zerik ên ku ji aliyê gêrîkên din ve piçûk têن dîtin, dê di vî karî de alîkariya me bikin.

Siltêن got:

— Ancax yên ku piçûk têن dîtin, yên lawaz, bi hirs û yên ku gêrîkbûna xwe wenda kirîbin, dikarin ıxanetê bi esilê xwe re bikin. Evêن zerik mexlûqin çawa ne?

Serokê hudhudan got:

– Ger tu carekê wan bibînî, Siltanê me, ger tu carekê wan bibînî, ew qas zer zer in ku tiştekî mîna şefafê. Gêrîk in, lê tu tiştekî wan naşibe gêrîkan. Wekî din jî ew qas tiral in ku...

Siltên got:

– Tiralbüna wan baştir e. Ew ê bîn bêtir ji karê me re bibin. Ji bo xatirê piçeve genim, piçeve kêzik, ew ê bibin qûl û koleyêne me.

– Ger bibîne bibîne, gêrîkên zerik dê şopa Rîhsoro ji me re bibîne.

– Here, wan bîne vira.

Siltan bîrsar in. Wî ji zû de ji bîr kiribû ku Serkumikê Berz gêrîkên zerik anîbûn ba wî. Dîsa firiya, çû zerikên di qalikê darê de bûn anî û hat.

Mezinên zerikan, Siltan û Serkumikê Berz sê roj û sê şevan rûniştin, dûr û dirêj peyivîn û li hevdu kirin, li rûyên ku gêrîkan beta qiyametê bêşîr bihêlin geriyan û peyda kirin. Dê hîn jî peyda bikirana. Ji ber vê yekê, ji bo fikirandinê, bangî artêseke filan, yeka hudhudan û yeka gêrîkên zerik kir. Her fil, her budhud, her gêrîkê zerik, ji bo ku nehêle gêrîk bifikirin, dê bîst û çar saetan bê rawestan li ser peydakirina çareye-kê bifikiriya.

Siltên got:

– Pirsa herî sereke ziman e. Vêya ji bîr nekin. Ew ê berê zimanê xwe ji bîr bikin û gêrîkbûna xwe wenda bikin û ew ê ji dil bixwazin bibin fil. Ew ê bê rawestan filan teqlîd bikin. Di dilê her gêrîkekî de, daxwaza ku bibe siltanekî filan dê bi cîh bibe. Ji berdêla ku mirov serê gêrîkan jê bike, ya rasttir ew e ku mirov zimanên wan jê bike. We gotina min fahm kir?

– Me fahm kir, Siltanê me.

De wê gavê, dest bi xebatê bikin. Berê Rîhsoro... We li ku yekî rîhsor peyda kir, nekujin, bînin ba min. Dû re jî li Kullekê Rîhsor biggerin, temam?

- Serkumikê Berz û mezinên gêrikên zerik got:
- Temam.
- Ji bîr nekin ku hûn ê zimanê wan bi wan bidin jibîrki-rin.

Wan got:

- Yê yekem ev e. Ew ê rojekê berî rojekê, zimanê xwe ji bîr bikin. Ji nuha de jî ji bîr kiriye.
- Her gêrikekî zerik dê bibe serokê yekîneyeke gêrîkan. Min weha ferman da. Yê zerik leşkerên min ên di nav gêrîkan de ne. Serokê hudhudan, rabe biçe û vê ferma na min jî bigihîne welatê gêrîkan. Divê tu gêrikê ku ev ferma na min nebihîstibe, nemîne. Yê ku li hember gêrikekî zerik rabin, li hember min radibin. Vêya jî ji gêrîkan re weha bibêje.

– Ferma na te li ser seran, Siltanê me.

Serokê hudhudan gêrikên zerî li pişta xwe kirin û berê xwe da welatê gêrîkan.

SISÊ

Gêrikên ku dest bi kar kirine, di bin barêن filan ên giran de dieciqin û ji bo ji vê rewşa xerab rizgar bibin, nikarin tu rêyan peyda bikin.

Siltanê Filan bi ser Serokê hudhudan de kir bire bir. Ji ber dengê wî, deşt û çiya hejiyan. Gêrikên ku dengê wî bi-hîst, mîna pelên çilo lerizîn.

Siltên digot.

– Ez ê gêrikekî bi tenê jî nehêlim. Ger di hundurê vê salêde, seraya min neqede, ez ê li vê dinyayê koka gêrikan biqelihinim... Ez ê koka wan, koka wan hiqelihînim.

Serkunîkê Berz li dora serê wî difiriya û digot:

– Ez di hextê te de me, Siltanê me. Ez di bextê te de me, Siltanê me, tu çi dikî? Gêrik pir dixebeitin, ez di bextê de me, Siltanê min.

– Pitt dixebeitin, lê ka seray li ku ye? Ez dinihêrim, dinihêrim, lê nabînim.

– Lê binihêre, Siltanê me, lê binihêre bê serê çiyayî çawa dibiriqîne... Wan dîwarê wê bi qasî bejnekê bilind kiriye.

Siltan gurmijî û got:

– Hîn pirtir, hîn bileztir. Çi hayê we ji Sitiya gêrikan heye?

– Sitiya gêrikan dizê û bê rawestan gêrikan tîne dinyayê. Rojê, bi nîliyaran gêrik beşdarî avakirina serayê dibin... Gêrik li erd û ezmên, li çiya, li kevir û kuçikan, li çem û deryayan, li xerq û daristanan bi xulxuleke mezin tev de diçin û

tên. Dinya hemû bûbû gêrik...

– Ê baş e. Ne xwe, ji bo ku seraya min di demeke pir nêzîk de biqede, ew qas gêrik jî têr nakin?

Serokê hudhudan kir bûte bût:

– Seray dê biqede. ew ê di hundurê vê salê de biqede.

– Lê textê min?

Serkumikê Berz got:

– Gêrikê dilqecêb do ji min re got ku gêrîkan dinya ji heft aliyan qul kirine, ji heft milan ber bi orta dinyayê ve dadikevin. Hindik maye ku xwe bigihînin çiyayê almasa şîn.

Siltan ji cîhê xwe çeng bû:

– Hindik maye ku xwe bigihînin çiyayê almasa şîn?

Serkumikê Berz got:

– Hindik maye. Hindik maye ku bigihêjin çiyayê almasa şîn, almasa kesk, almasa mor, almasa pembe û ya turuncî. Li orta dinyayê, çiyayê almasan ên rengareng hene. Bi qasî ku nikare bêñ hesibandin, bilind û pir almasen brîyan... Mîna ronahiya tavê, her brîyanek mîna şewqa tavê ya qeşagirtî ye, Siltanê min. Tam di orta dinyayê de, şewqa tavê ya qeşagirtî...

Siltanê Filan bi tirs û hêdîka peyivî:

– Hiş, bang neke. Dengê xwe bibire, birayê min î Hudhud, hiiiişş! Were ba min û guhê xwe bîne ber xortima min, ez ê ji te re peyvekê bibêjim, peyveke bi dizî.

Serokê hudhudan guhê xwe bir ber xortima wî.

– Binihêre, Serkumikê min î Berz, ez ê ji te re peyveke pir girîng bibêjim. Li min guhdarî bike, ma hayê mirovan jî vî çiyayê almasan heye?

Serkumikê Berz got:

– Bi qasî ku ez dizanim, hayê wan jê tune ye. Hîn hayê wan jê çênebûye.

– Nebî nebî! Nebî nebî, bila ew nizanibin, nebînin, nebi-

hîsin! Ger ew bibihîsin, mala me dê bişewite ha! Em ê bişewitin, bişewitin!

Serkumikê Berz gotina wî tesdîq kir:

- Em ê bişewitin!
 - Ew ê ji bo almasan dinyayê biteqînin.
 - Ew ê biteqînin, Siltanê min.
 - Ji gêrîkan re bibêje ku bila însan cîhê çiyayên almasan nizanibin û nebihîsin.
 - Ew ê nizanibin, Siltanê min.
 - Almas yên min bi tenê ne, birayê min i Serkumikê Berz, ên min bi tenê. Ên min, ên Siltanê Fîlan bi tenê.
 - Ew almas bi tenê li te, li Siltanê me, li Siltanê hudhudan ê mezin dike.
 - Bila qertel jî nebihîsin.
 - Ez ê bibêjim, Siltanê min.
 - Ew balînayênu ku avê dipejiqînin ezmên jî...
 - Ew ê nebihîsin, Siltanê min.
 - Sîsarkên gûrî mexlûqin ecêb in, situyê wan xwar û xemgîn in...
 - Ew almasan naxwazin.
 - Hespan jî ji hîr neke...
- Serkumikê Berz got:
- Li hespan dike, li wan heywanên xweşik...
 - Li wan dike, nake... Bila hayê wan jî ji çiyayên almasan çênebe.
- Serkumikê Berz situyê xwe xwar kir û got:
- Hayê wan dê jê çênebe.
 - Piling bela serê dinyayê ne, hov, çavbizotî û dîn in. Ger hayê wan ji çiyayên almasan çêbibe, ew ê bi diranên xwe bikolin û xwe bigihînin orta dinyayê...
 - Ew ê xwe bigihîninê, Siltanê min, ew ê qet nebihîsin.
 - Bila mar, teyrê baz, masî, gumgumok, kelmêş, serçe û

mamût jî nebihihîsin.

– Mamût tune ne, Siltanê min. Ew pêşiyên me ne.

Siltanê Filan got:

– Mixabin ku ew mirin. Pêşiyên me yên muhtesem. Ci heyf. Bila çırçirk jî nizanibe...

Serkumikê Berz got:

– Bila ew gêjika ha nizanibe.

– Papexan bê kêt in. Ew qûngird in.

Serokê hudhudan got:

– Boyaxkirî, forsek, teqlîdkar...

Siltêن got:

– Ez jî teqlîdkaran hez nakim. Bila teqlîdkar di bin erdê kevin.

Serkumikê Berz got:

– Em serayê ji van almasan ava bikin, ew ê li Siltanê me jî bike.

Siltêن bi ken got:

– Dê li min bike, lê gêrîk dê vê seraya alması di çend salan de biqedîne?

Serkumikê Berz got:

– Ew ê pir dirêj biajo.

Siltêن got:

– Bila vê gavê krîstal be. Belûr jî wek almasê ye.

Silêmanê Dunikil got:

– Seraya Siltan Silêman ji madenê sıfir bû. Te dît, ew Silêmanê kurê Îsraîl...

Siltan pesinî û got:

– Minbihîstiye. Min ew bihîstiye.

Serkumikê Berz got:

– Seraya Belkisê ji zêr bû. Min ew dît. Li ser serê çiyayekî bû. Dilê Silêmanî neket wê, ket seraya wê.

Siltêن got:

- Seraya min dê ji zimrûd, almas, brîyan û belûrê be.
- Belkis pir xweşik bû. Yeka esmer bû, canê wê wek pembo nerm û çavên wê zerî û girs bûn. Bejinbilind bû. Dilê Belkis ket wî Silêmanê kinik. Silêman porxelekî bû.

Gava ku ew weha dipeyivîn, bayekî dest pê kir û sirêrk vir de û wê de birin. Sitêrk tev li hevdu bûn, vir de û wê de kil dihûn. Sitêrk li ser rengê şîn belav dibûn û dirijiyan. Ji daristanê şewq dipejiqî, şewqeke kesk. Li dinyayê ji serî hera binî, ji rengê şîn, şînên mangdayî belav dibûn. Li aliyê din, axa pir nerm, nazdar, bi ber û bereket mîna jineke di çax û benga xwe de, hatibû taxistin.

Dareke çinarê ya mezin hat û xwe li hember, li wê palê, li binya zinêr danî û bû xişxişa guliyên wê. Ronahiya elektrîkê ya bajarên mezin vêket û vemirî, xumxumek li wê dorhêlê belav bû. Sîrenan li ser hevdu lêexistin. Sitêrkek pengizî û rijiya, hat li ber Siltêن û Serkumikê Berz ket. Siltêن nema dikarîbû çavêن xwe vekirana, heta demekê çavêن wî qet tu tiştek nedît. Çemekî mezin hat, di ser sitêrkê re herikî. Cîhê sitêrkê bû mîrgeke mezin. Li mîrgê darêنbihîvan çêbûn, dar ji serî heta binî, bi kulîlkan ve xemilîn. Kulîlk bûn sitêrk, bûn ezmanê şîn; ezmanê şîn bû kevoka spî, hû marê sor. Siltanê Fîlan xortima xwe dirêj kir û ew bêhn kir.

Got:

- Di wê dinyayê de, textekî wek textê min dê qet nehatibe dîtin. Ez ji wê sitêrka ku bîstikeke berê hat vê derê jî textekî dixwazim.

- Gêrikên qûlêñ te, Siltanê me...

Ji gêrikên qûlêñ min re bibêje... Mexlûqêñ ku textê min bibîne, dê ji çavnebariya xwe, ji heyraniya xwe biteqin û bimitin.

Serkumikê Berz got:

- Ew ê himrin.

Bêhna nêrgizê ji dinyayê hat. Ci xweş e. Siltên xortima xwe ya dirêj, dirêj kir û dinya bêhn kir.

– Ez ji vê bêhnê dixwazim, Serkumikê Berz.

– Seray bê bexçe nabe.

Siltan ji dil keniya û got:

– Nabe.

– Tu ji hemû mexlûqan girstir û li ser serê hemû mexlûqan Siltan ï. Tu, seraya te û hevalên te dê yên herî muhtesem bin...

Siltên bang kir:

– Biji gêrik! Ez ê li wan gêrikên xwe pir miqate bim, ez ê xwarinê jî bidim wan. Ew ên min...

Serkumikê Berz got:

– Hiiiişssss, hiiiişssss, Siltanê min!

Deng ji Siltên biliya. Serkumikê Berz jî wê gavê dest bi girî kir. Hem digiriya û hem jî di cihê xwe de nedisekinî û digot:

– Ez ê ci bikim, ez ê ci bikim, ez, ez, ez...

– Hiş, negirî, birayê min!

Serkumikê berz giriye xwe domand.

– Negirî, ez ê gelek xwarin bidim te.

– Sitêrk bariyan mîna baranê, ez ê bigirîm.

– Ez ê ji bo te jî ji almas, yaqût, brîyan û yeşîmê hêlinekê bidim çekirin. Hiş negirî, hişss!

– Guliyênu ku ez xwe li ser datînim dê birizin.

– Bila birizin, huuiiişss!

– Co û cobarênu ku ez jê vedixwim dê zuha bibin.

– Dê zuha bibin, hiiiişss!

– Kêzikên ku ez wan dixwim dê bimirin!

– Dê bimirin, hiiiişss!

– Ax, derya, hemû av dê bibin Jahr, ez ê ci bikim?

Siltanê Filan jî dest bi girî kir û got

– Dê bibin Jahr, Jahr.

– Binihêre Siltanê min, dar, daristan, mîrg, av û zinar dimeşin ser deryayê.

– Baş e, bihêle, bila bimeşin.

– Tarî dimeşe ser deryayê, Siltanê me.

– Bihêle, bila bimeşe.

– Ronahî diherikin, bi guve guv..

– Bihêle, bila biherikin...

– Li paş deryayê, hîre hîra hespekî ye, Siltanê me.

– Ew hesp ê me ye.

– Xezalekê xwe çeng kir.

– Ew xezal a me ye.

– Dinya bû xwerû gêrîk, erd û ezman bû xwerû gêrîk.

– Gêrîk jî yên me ne.

Siltan ji nişka ve û mîna ku ji xewekê şiyar bibe, li xwe hay bû û çavêن xwe firkandin.

Ji Serkumikê Berz pirsî:

– Çi bi me hat?

– Sitêrk bi ser me de bariyan, xezal, hesp, ewr, dar, kulîlk bi ser me de bariyan, Siltanê min. Almas, brîyan, yaqûtên sor, ronahî bi ser me de bariyan, Siltanê me.

Ji gêrîkan te bibêje ku ez seraya xwe derhal dixwazim, derhal. Ez textê xwe, a nuha a nuha dixwazim.

Serkumiikê Berz got:

– Ez, ez, ez ê bibim çi? Ez, ez jî... Ji min re jî...

Siltanê Fîlan got:

– Tu dikarî hêlîna xwe, li ser sivinga seraya min çêbikî. Ji wan re bibêje, bila gêrîk ji bo te jî xwarina ku têra sed salî dîke, bidin hevdu.

Serkumikê Berz xwe avêt ber lingên wî û got:

– Tu sax bî, Siltanê min.

– Nuha, ez textê xwe yê ji almasa şîn dixwazim.

– Li ser seran, Siltanê min. Textê yê ji almasa şîn jî dê di

hundurê vê salê de bête çêkirin. Dê bête çêkirin, lê...

– Lê çi, bibêje!

Serkumikê Berz bersiva vê pirsê neda. Ew li tiştekî din difikirî. Fikira xwe ji Siltêن te got:

– Tu ê bihêlî ku ez jî xwe li ser textê yê ji almasa şîn deynim?

Sultan piştî ku baş fikirî, bersiv da:

– Ez ê bihêlim.

– Gava dinya birize, textê te yê almas ê ku ji ronahiya şîn narize, ne weha? Gava ez xwe li ser deynim...

– Narize.

– Wê gavê, li min guhdarî bikî, Sultanê min.

– Ez li te guhdarî dikim, birayê min î Hudhudê biaqil, xweşik, muhteşem û kumik bişewq.

– Ez ê nuha ji te re bibêjim ku... Ez bi van baskan ji sibehê heta êvarî, ji bakur ber bi haşûr ve û ji başûr ber bi bakur ve li ser serê dinyayê, pir û pir firiyame.

– Belê, çi di bin zimanê te de heye, bibêje.

– Gêrikên me yên welatê gêrikan têñ bîra te?...

Siltêن xwe vezeland û got:

– Belê.

– A ew qas gêrik, yanî gêrikên welitekî nikarin hemû daxwazên me pêk bînin. Qiralîçe çi qas pir gêrikan bîne dinyayê jî dîsa hêza wan têrê nake.

Sultanê Filan got:

– Wax wax, waaax! Wê gavê em çi bikin?

Li vê dinyayê hîn gelek welatên gêrikan bene.

– Na lo! Bi rastî?

Welitek heye ku ji serî heta binî, tev de daristan e. Gêrikên wî welatî girs û bi heybet in. Masûlkên gêrikên wê derê gelekî xurt in. Ew ê pir bi kêtî me bêñ. Ji wî welatî re dibêjin, welatê gêrikên reş.

Serokê hudhudan piştî wê, li dinyayê çi qas welatên gêrîkan hebûn, hemû yek bi yek ji Siłtanê Filan re gotin. Her ku wî behsa welitekî gêrîkan dikir, Siłtanê Filan ji kêfan difiriya. Her ku Serkumikê Berz behsa gêrîkên sor, şîn, turuncî, kesk, mor, zer dikir, Siltêni ji kêfan xortima xwe mîna beşteki ber hi ezmên ve bilind dikir û heta ewran dirêj dikir.

– Baş e, baş e, ez ê tavilê derkevîm sefera hemû welatên gêrîkan...

Serkumikê Berz ji kêfan bang kir:

– Raweste, Siltanê min. Hela raweste. Bêhna xwe piçekî fireh bike.

Siltan keniya û got:

– Ez ê çawa bêhna xwe fireh bikim! Gava mirov bikaribe hemû welatên gêrîkên dinyayê têxe bin destê xwe, mirov çawa dikare hêhnfireh be...

– Raweste, Siltanê min. Hebekî aram be, ez ê çend gotinan ji te re bibêjimi.

Siltêni kêfa xwe anî û got:

– Bibêje. Tu çi hibêjî, tu rast dibêjî. Ez ê serayekê û textekî jî ji te re bidim çêkirin.

– Ez ne text û ne jî serayê dixwazim, Siltanê min. Ger tu dixwazî ji min re...

– Bibêje, ez ji te re çi bidim çêkirin?

– Ji min re hêlinékê bide çêkirin ku...

– Ez ê ji te re hêlinékê li ser dareke çinarê ya pir mezin û muhteşem hidim çêkirin ku... Ew ê dareke weha bi efsûn be ku dareke çinarê ya ku mirov çi qas bixwazin jahrê bidinê, bila bidinê, mirov çi qasî ava nepaqij bidinê, bila bidinê, ew ê dîsa jî nerize. Ne bivirêwan dê bikaribin vê darê bibirin û ne jî agirê wan dê bikaribe wê bişewitîne.

Serkumikê Berz bi kêf perwaz da û got:

– Ew ê nikaribin bişewitîne.

– Nuha ji min re bibêje, gotina te ya ku te dixwest, tu ji min re bibêjî, ci ye?

– Li min baş guhdarî bike, Siltan. Qet tu pêwîstî tune ye ku em bi vî laşê te yê girdo mirdo bigirin ser welatên gêrîkan.

– Hella, hella, wê gavê ez ê ew qas welatan çawa têxim bin emirê xwe? Qet nebe, ew gêrîkên ku dê têkevin bin emirê min, divê min bibînin, ne weha?

Serkumikê Berz got:

– Qet ne pêwîst e.

– Tu ê ci bikî, ji min re bibêje, Hudhud?

– Li min guhdarî bike, Siltanê min, ez li nav mirovan geleki mam. Ez ji wan fêri gelek fen û fûtan bûm ku ez ji te re dibêjim fen û fût.

– Èêêê?

– Ez ji begê xwe re bibêjim, nuha, ez ê ji gêrîkên me, bi qasî panzdeh- bîst heban li pişta xwe bikim û têkevim rê. Gêrîkê dilqecêb jî dê di nav van gêrîkên ku ling, simbêl û teriyên wan jêbûyî û zikên wan qelaştî de be. Ez ê van gêrîkan li ser pişta xwe bikim û bifirim biçim welatê gêrîkan ê yekem. Ez ê van gêrîkên tişt di wan de nemaye li paytextê welatê gêrîkan deynim, ez ê hemû gêrîkên paytextî li meydanê kom bikim û ez ê halê gêrîkên me nişanî wan bidim. Dû re jî ez ê ji wan re bibêjim ku de ji van hevalan re behsa filan bikin. Ew ê behs bikin ku bê welatê wan çawa di bin lingên filan de eciqî û hilweşıya... Piştî wê, ez ê ji gêrîkên paytextî re bibêjim ku têkevin bin emirê me.

Siltên got:

– Ger nekevin bin emirê me?

Serkumikê Berz hi bawerî bersiv da:

– Ew ê têkevin bin emirê me.

Siltên dîsa got:

– Ger nekevin bin emirê me?

Silêmanê Dunikil got:

– Ger nekevin bin emirê me, ger ew nekevin bin emirê me, ez ê jî li wê derê filekû ciwan pêyda bikim. Ne pêwîst e ku mirov ji vira tu filan bibe. Ez ê wî filê ciwan biajom ser wî bajarî...

Siltêن got:

– Bijî! Ev aqilê te, li ba mirovan hebûya, wan ê ne dinya û ne jî xwe weha bilewitanda.

– Serkumikê Berz got:

– Tu sax bî, Siltanê min.

– De biçe, rêya te vekirî be. Hêmû gêrîkên dinyayê bi min ve girê bide. Ez te bibînim.

– Piştî ku li ba neteweyê te yê filan ev muhteşemî bebe, pîr najo, hemû gêrîkên dinyayê di bin emirê te de ne, Siltanê min.

– Nuha, raste rast biçe welatê gêrîkan, tiştêن ku em peyivîne, yek bi yek ji wan re bibêje... Dîsa ji wan re bibêje ku ez serayê jî bi lez dixwaziin. Rêya te vekirî be.

– Tu her hebî, Siltanê min.

Serkumikê Berz fîriya çû welatên gêrîkan, li wê derê ci qas ên kor û kût, piştîkestî, simbêl jêkirî û perîşan hebûn, hemû civandin, li pişta xwe kirin û ber bi welatê gêrîkên reş ve fîriya. Li ser rê, li deştan, li daristanan, garan bi garan fil didîtin û silavêن Siltêن li wan dikirin.

Rojekê, gava roj hatibû taştiyan, Serokê budhudan gîhaşt welatê gêrîkên reş. Gêrîkên reş li meydana bajêr civandin û gêrîkên perîşanbûyî ji ser pişta xwe daxistin û nîşanî wan dan. Gava gêrîkên reş ev gêrîkên bê dest û pê û nîveciqî dîtin, dilê wan pîr bi van gêrîkan şewitî.

Got:

– Wax wax! Wax waaax, kê ev weha kirine? Wax waaaax!
Serkumikê Berz ji rewşê ıstifade kir û ji gêrîkên perîşanbû-yî re got:

– Ka bibêjin.

Gêrîkên perîşanbûyî dest pê kir, ji wan re mîna ku mirov ta bi derziyê veke, behsa wê roja xerab a ku welatê wan, bajârên wan ketibûn ber êrîşê kir. Behsa wan filên ku mîna xezebekê li dinyayê digerin û mîna çiyayekî reş bi ser bajêr û welet de ketibûn ku bi her gavavêtinekê ve bi hezaran gêrîk di-kuştin, mal xera dikirin û úcax ditefandin, kir. Wan got û gêrîkên reş giriyan, gêrîkên reş giriyan û wan got. Di dawiyê de, Serokê hudhudan piştî ku li ser serê meydanê firiya û heft caran li dora wê çû û hat, dest bi peyvê kir:

– Va, we ev dîtin û ji serî heta binî li van guhdarî kir. We baş fahm kir ku bê fil kî ne?

Rawestiya, ji bo ku xwe hebekî din nêzîkî wê qelebalixiya gêrîkan a ku li jêr tev de diçû û dihat bike, baskên xwe sist kirin.

– Nuha, li min baş guhdarî bikin, Siltanê Fîlan artêşa xwe amade kiribû û dikira bihata ser we. Welatê we ji dê bûbûya wek welatê van gêrîkên perîşanbûyî. Min ew Siltanê mezin û muhteşem da rawestandin, min got ku gidî Siltanê min raweste. Wî got ku ez ê ji bo çi rawestim, ey birayê min î Serkumikê Berz. Min ji Siltên re got ku tu ê ji ber vê sebebê raweste; hemû gêrîkên ku li vê dinyayê dijîn, di emirê te de ne, ji ber vê yekê, tu ê ji bo çi gêrîkên ku di bin emirê xwe de bikujî. Wî kêfa xwe anî û got ku tu rast dibêjî, ez ê ji bo çi gêrîkên qûlên xwe yên ku di bin emirê xwe de ne, bikujim. Min ji wî re got ku wê gavê ez ê biçim welatê gêrîkên reş û emirê te yê mezin bigihînim wan, da ku ew ji gotina te dernekevin. Nuha, li min guhdarî bikin û hem ji nebêjin me ne bihîst, ez ê fermana Siltanê Fîlan ê pir mezin bixwînim.

Serokê hudhudan bi qasî ku deng biçe bajêr gişî, ji jorê bi dengekî bilind fermaña Siltanê Filan ji gêrîkên reş re xwend.

Di xwendina cara yekem de, gêrîkên reş ji fermanê tu tişt fahm nekir. Serkumikê Berz ferman careke din ji wan re xwend.

– We fahim kir?

Gêrîkan dîsa tu tişt fahm nekiribû. Serokê budhudan bi dilekî fireh û bi sebir, ferman dîsa xwend, heta êvarî çû û bat û ferman xwend, lê gêrîkan dîsa tu tişt ji fermanê fahm nekir.

– We fahim kir bê Siltan ci dixwaze?

– Me fahm nekir.

– Tiştekî ku neyê fahm kirin, tune ye, hûn ê ji Siltêr re serayekê ji yaqûtan û textekî ji almasa pembe çebikin û embârê wî jî tije xwarin bikin. Ci ji vêya nayê fahmkirin?

Gêrîkan got:

– Pir zor e, pir zor. Em ji vê fermanê qet tu tiştekî fahm nakin.

Silêmanê Dunikil got:

– Wê gavê, baş e, hûn ê di nêzîk de, weha fahm bikin ku...

– Gêrîkan bi hevdû re bang kir:

– Em fahm nakin. Em ji zimanê filan fahm nakin.

Serokê hudhudan daket erdê, gêrîkên perişanbûyî yên ku wî ew danîbûn meydanê bi hêrs li pişta xwe kirin û ber bi daristana ku hebekî ji wan wê de bû firiya. Li wê derê, garaneke filan rawestiyabû. Filan xortimên xwe ber bi hewa ve bilind kiribûn û ji ezinê tiştekî ku dişibiya fermanê dipan.

Silêmanê Dunikil got:

– Ma hûn li benda min in?

Filan got:

– Em li benda te, li benda te ne. Emîrê te li ser serê me ye.

– Heydê, em bigirin ser welatê gêrîkên reş. Li wî welatî,

divê ne kevir li ser kevirî bimîne ne jî tu benderuh sax bimîne.

Fîl ketin rêya welatê gêrîkan û di demeke kurt de, xwe gîhandin welatê gêrîkên reş û dest bi şer kirin. Gêrîkan ji gava ku ev dinya bûbû dinya û heta nuha, hengameyeke weha nedîtibû. Erd dihejiya, diqelişî, ezman dikir çırke çirk û dihat xwarê. Li ser serê welatê gêrîkan çivîk jî nedifiriyan. Heta ku roj çû ava, bi milyaran gêrîk di bin lingên filan ên girs de eciqîn. Yênu ne eciqîbûn, hatin ba Serkumikê Berz û xwe avêtin wî û got:

– Ma tu behsa ferma Siltêن dikî, behsa ferma wî Siltanê Filan ê pir mezin dikî? Me ew, gotin bi gotin fahm kir. Em hîn ji berê de, bi filî dizanin. Di esilê xwe de, esil û fesilê me fil in û esil û fesilê filan jî gêrîk in. Me bawer kir, me îmana xwe pê anî.

Kêfa Serkumikê Berz pir ji vêya te hat û xebera serkevtinê ya yekem gîband Siltanê Filan:

– Ev gêrîkên reş nesilekî weha ye ku her yek ji wan bi qasî sed gêrîkî xurt e.

Zikê Siltanê Filan jî ji kêfa bilind bû û daket:

– Ox ox ox, baş e baş... Tavilê bifire û biçe welatên din jî û ferma min bigihîne gêrîkên zer, kesk û sor jî. Gêrîkên siwarî jî ji bîr neke. Li vê dinyayê ci qas welatên gêrîkan ên ku em pê dizanin û nizanin, hemuyan têxe bin emirê min! Ji bo vî karî, hemû filên dinyayê di bin emirê te de ne, ji bo vêya xeber gîhaştiye hemû filan.

– Bi xatirê te, Siltanê min.

– Bila rêya te vekirî û şûrê te tûj be.

Serkumikê Berz vê carê jî fîriya û çû welatê gêrîkên turuncî û ew jî di demeke kurt de, xistin bin emirê Siltêن. Dû re, yênu sor, dû re yênu kesk... Di demeke kurt de, hemû welatên gêrîkan bi Siltêن ve girêdan. Bi taybetî, li Asyayê, li Afrîkayê

nesilin gêrîkan, welatin gêrîkan peyda kirin ku navêن wan qet nehatibûn hihîstin û hayê tu kesî ji wan tune bû. Marîfe-tin van gêrîkan hebûn ku gava Siltêن ew bihîstin, ji kêfa, tu nema hû ku bask hi wî laşê xwe yê girs vekira û bi hudhudan re bifîriya...

ÇAR

Siltanê Filan dibe padışahê gêrikan û dikeve seraya xwe ya ku gêrikan bi hûrbijarî ava kiribû. Li ser textê xwe yê ku gêrikan ew ji orta dinyayê derxistibû û terişandibû rûdine. Textê wî şin dibiriqand û mîna ku bi hezaran sitêrk li hevdu kom bûbûn, bi şev û bi roj vêdiket û bi şewq diçûrîsi.

Gêrik ber bi çiyayî ve dikişyan û seraya li ser çiyayî li ber qedandinê bû. Rê, hêsar, zinar, daristan bi gêrikên ber bi çiyayî ve dikişyan rêz bi rêz... Gêrik di bextiyariya bewil-daneke talî de bûn. Ew ê çawa ne bextiyar bûna, li dinyayê cara yekem, wan ji Siltanê Filan re, ji mezinê mezinan re, ji muhteşemê muhteşeman re, seray çêdikir. Ma karekî hindik e? Westiyan, çirika wan derket, lê xem nake. Di demeke nêzîk de, gava ev seraya kîstal ya xweşik biqedede, ew ê hemû zehmetiyan ji bir bikin. Kî dizane, bê Siltanê Filan ê pir mezin ji ber vê serayê dê ci qas bextiyar bibe!

Gêrikên ku dinya ji heft deveran qul kirine û xwe gîhandîne zinarêna almasen şin ên orta dinyayê jî bextiyar bûn. Di esilê xwe de, mexlûqên ku cara yekem xwe gîhandibûn tam orta dinyayê, ew bûn. Ên ku xwe gîhandibûn orta dinyayê û ew zinarê almasê ya bi qasî ku mirovî nikarîbû çavên xwe li ber vekita dibiriqand û şewq dida peyda kiribûn, ew bûn. Ü ew bûn ên bi perçeyên ku ji vî zinarî birîbûn, dê ji Siltân re textekî weha xweşik çebikira ku ji roja dinya ava bûye û vir de, tiştekî weha ne hatibe dîtin. Ji ber vê xweşikbûnê, heta dê girêz ji devêñ sultanê mirovan jî biçûya. Bextiyariyeke weha mezin diket destê nesilê kîjan mexlûqî...

Gêrîkên ku li herçar aliyê dinyayê, li deşt, daristan, çiya û bexçeyan yek bi yek geriyabûn, dev ji piçekî tahmkirinê berdiñ, bêyî ku bêhn bike jî xwarin ji filan, hudhudan û ji gêrîkên zerî re, kom dikirin jî bextiyar bûn. Ma yên ku li her de verên dinyayê qul bi qul digeriyan û firîkên zadan, nava külîlk, dar û kêzikan derdixistin û embarêن filan heta ber dev bi iksîrê dadigirtin, ne ew bûn? Eniya van mexlûqêن muhtesem, a van Xwedayên gêrîkan ên nuh dê ji ber van reftariyêن wan hilmiştî ha û belkî wan ê ji ber vê serbilindbûnê, nikarîba hisêن xwe kontrol bikirana û her gêrîkek bikira filekî pir mezin. Diviyabû ku gêrîkan heqê wê xebata xwe ya ku wan digel hemû dijwarî û talûkeyan dikir, bistenda.

Embar bi genimê sorgulê safî, bi berberojan, gilgilan, sêvan, gulân, bîhokan, hebîrmanan, nava külîkan, hunguv, tîrî û hejîran ve mişt bûn. Gêrîkên xwarin berhev dikirin, bi cehdeke weha li dinyayê geriyabûn û xwarin kom kiribûn ku di embarêن filan de mirov ci bixwesta hebû, bi tenê şîrê teyran tune bû. Ger ew jî peyda bûbûya, bi ci awayî ba, wan ê ew jî bikişanda embarañ. Gêrîkên dinyayê di warê avakirina serayê û çekirina textê ji almasa şîn de, bi hevdu re ketibûn qayışê. Heinû derdê wan ev bû ku wan dixwest têkevin çavêن Siltanê Filan û Serokê hudhudan.

Heta, ew Siltanê Filan ê pir mezin, Xwedayê gêrîkan ê nuh bi wan re jî dipeyivî.

Ji wan re digot:

– Hûn çawa ne, qûlêñ min ên gêrîk?

Leee, ji wan re digot:

– Hûn çawa ne, qûlêñ min ên gêrîkên delal? Ger hûn weha bixebeitin, di demeke nêzik de, her yek ji we dê bibe filekî muhteşem û hûn ê jî wan gêrîkên piçûçik bi rê ve bibin. Ger hûn nexwazin wan idare bikin, hûn dikarin bixwin, vexwin û li daristanê ji sibehê heta evarî, qûnêñ xwe di dara herî me-

zin de hidin û hixurînin. Ev dinya dê ji we re bibe bihuşt. Bi tenê rîca min a ji we, ev e ku ji bo Xwedê, hûn ê wek filên din nekin. Gava we qûnên xwe di daran de dan û we ew bê rawestan xurandin, ji bo xatirê Xwedê, hûn ê nekevin ber hevdu û şer nekin. Herkes jî hemû mexlûq jî li halê wan û li şerê wan dinihêrin û dibêjin qey li welarê filan ê bextiyar, rewş xerab e. Halbûki, welatê filan...

Aaax, ger gêrîk bûbûna fil, ma wan ê mîna filên gewî qet şer bikira? Ew ê di bihuşta filan de, çi qas xweş, çi qas milahîm bijiyana, aaax, ger gêrîk hûbûna fil, aaax... Wekî din jî ma wan ê sal duwanzdeh meh, hertim qûnên xwe di daran de bidana û ew ê li ser piştê veketana? Ew ê her bixe hitiyana. Hela bila her yek ji wan hibe filek, hela hela... Ger ew bi qasî filan xurt bin, ma ev dinya dê weha be? Gava gêrîk bi qasî filan girs û bi hêz bin, ew ê vê dinyayê ji serî heta binî biguhe-rînin û li dinyayê çi qas mirov, hesp, deve, moz, gur, fil, gêrîk, rêvî, wawîk hebin, ew ê hemû mexlûqan bikin hêşîr û koleyên xwe... Hemû mexlûqên dinyayê yên herî piçûk, zîro jî, pinpinîk jî dê ji wan re hixebitin. Aaax, Ger gêrîk carekê bûbûna fil, ma ew ê filin weha, mîna van filên ehmeq bûna, aaax! Hela bila ew seray û wî textê ji almasa şîn biqedede, hela bila Xwedasiltan carekê tekeve seraya xwe û li ser textê xwe rûne, hela bila ew wê îksîra xwe ya ku ji nava kulîlkên sed hezar bexçeyî hatiye derxistin, vexwe û serxweş bibe, hela bila carekê... A wê gavê, dibe ku kêf û heyecaneke mezin Siltanê Filan hide ber xwe û ew bi vê kêf û heyecanê qûlêñ xwe yên gêrîk bike fil.

Gêrîk li van hemuyan difikirîn û bê rawestan dixe bitîn, binê erdê dikolan û ji çiyayêñ almasan taht dibirîn, dianîn û piçik piçik datanîn ser hevdu û seraya krîstal bilind dikir.

Çiyayan li hember vê evînê, vê hewesê û vê cehdê nikaribû xwe bigirta. Dinya heta ku çav çavan bibîne, bi gêrîkan ve

hatibû dagirtin. Mexlûqên dinyayê yên din, çivîk, kêzik û heywanên din, li bember piraniya van gêrikên ku dinya ji serî beta binî, bi xwe seyandibû, şaş mabûn. Sitîmakê ji bo filan, bê rawestan gêrik dianîn dinyayê. Tu nema bû ku li dinyayê, piştî bîstikekê, ji gêrîkan cîbê ku mirovî bikarîba xwe tev bilivanda jî nemabûya. Gêrik jî ji bo qedandina sera-yê û çêkirina textî bi bevdû re ketibûn qayışê. Dinyaya gêrîkan a pir mezin ji hal de ketibû û bêhna wan bi zorê derdiket.

Hîn piçeve tarî mabû, lê dinya hema bema dikira robnî bûbûya. Li serê çiyayekî, ronabiyeke mîna topeke pir mezin ji nişka ve xuya bû û teqiya. Deşt, çiya û av rohnî bûn. Ji ser qotê çiyayî lehiyeke ronahiyê ya ku bi guve guv diberikî ku vê ronahiyê xwe bera nav axê, devera daristanê ya berî xewle, kok û qalikên daran û nava zinaran dida.

Hemû dinya bi vê ronahiyê, bi awayekî şaşmayî şiyar bûbû. Mexlûqan ziq li qotê çiyayî dinihêrî û lal mabûn. Hem bala fil, hudhud, qertel, teyrêن baz û kulemaran; hem a qertelêن sor, gur, rîvî, şêr, piling, hesp, kergeden, wawîk, karxezalêن çavkilkirî, pezkovî û şûlan; hem a gakoviyêن bakurî, deve, qaqlîbaz û albatrosan; hem a hemû çivîkên reşahî û deryayê û mirovan û hem jî ya xort kal, alim û zarokan ketibû ser vê ronahiya ku ji ser serên çiyayan derdiket û diherikî. Kêz û pinpinîkên ku di bin lehiya ronahiyê de pişta wan dibiriqî, qalikên wan ên hişk mang dida û bi bask û gewdeyên xwe sor, zer, kesk, mor û turunciyê wek gwîzanê dida ber xwe û dibirî, diçûrisin jî hatibûn temâşeya vê ronahiyê. Ronahiyeye weha ji ku û çawa dipejîqî û dihat!

Dar û avêن ku di nav vê ronahiyê de mabûn, dibiriqand û şewq dida... Û ji nişka ve, di ser vê lehiya ronahiyê re, lehiyeke şîn a ku mîna brûskê, mîna gwîzêن ku xwe di nav êgir re derbas dikir û şewq jê diçû û xwe bera ser lehiya ronahiyê di-

da, xuya bû. Xetên şîn, tûj û birekî...

Çivîk li ezmanan, li ser vê lebiya ronahiyê, li ser vê brûska şîn a wek gwîzêن a ku di tariya ber destê sibebê re derbas bû-bû, bask bi bask bûn... Ü mexlûqên li erdê, bi çavêن xwe yên ku ji ber ronahiyê venedibûn, li kêleka bevdu, li ser hevdu... Ü mirov ji ber vê rewşa ku çêbûbû, gêj bûbûn...

Siltanê Filan şiyar bû, çavêن xwe paqij kir û li ezmên nihê-rî. Ezman ji hudhudan turuncî xuya dikir. Çavêن wî ber bi aliyê rojhilate ezmên ve dageriyan, wê derê jî ji qertelên sor, spîsor xuya dikir, li aliyê rojavayê ezmên nihêrî, wê derê jî ji papexanan safî şîn xuya dikir, safî kesk, safî sor, safî turuncî, safî morê papexanî...

Başûr ji aliyê çivîkêng rengareng ve hatibû girtin, ezman hatibû nixumandin. Ronahiyê bi lez û bê rawestan, xwe bera ser xezalan, pezkoviyan, bespêن kibêl û kerkebanen yekqiloçî dida... Dinya, erd û ezman, hemû mexlûq, hemû nebat, zinar, av û ax di nav ronahiyeye ku heta nuha qet nehatibû dîtin de inabûn. Li ezmên şînekî safî di nav vê lehiya ronahiyê ya ku xwe bera xwarê dida, li ser serê av, çiya û daristanan, mîna ewrekî nerm û fireh diçû û dihat. Bi xetên rûj wek gwîzêن...

Siltanê Filan tavilê bangî Serokê hudhudan kir:

– Ev ci ye, ev ci hal e, Serkumikê Berz? Ci bi vê dinyayê bû, birayê min, heinû mexlûq li erd û ezmên belav bûne, tu li jêrê binihêre, heta wan ên bayê wan ji tiştekî çenabin jî serî hildaye, ev ci hal e, ma nenormaliyek heye?

Devê Serokê hudhudan çûbû paş guhêن wî.

Got:

– Belê, Siltanê me, hem jî nenormaliyeye weha heye ku dinyaya me nenormaliyeye weha, tu carî nedîtiye... Li wira binihêre.

– Ez li ku binihêrim?

- Li wira, tam li qotê çiyayê bilind...
- Ez lê dinihêrim, çavêن min venabin.
- Li ronahiya şîn, a safî şîn binihêre.

Siltanê Filan lê nihêri û ew dît. Ji ber kêfa ku bi vê xweşik-bûnê pê re çêbûhû, tu nema bû ku dilê wî rawestiya. Kem-bereke şînê safî, xwe li hawirdora seraya krîstal ya ku diçûrisî pêçabû..

- Zû, gêrîkan bîne ba min!

Serkumikê Berz hema tavilê bi hivdeh hudhudên din re fi-riya, çû bajarê gêrîkan û xwe li meydanê danî.

Got:

- Bilezînin, Siltan we dixwaze.

Hem mezinêن gêrîkan û hem jî Sitiya westiyayî ya ji ber ku îsal bi mîlyonan gêrik anîbûn dînyayê, hal tê de nemabû, ji xwe kîncen xwe li xwe kiribûn û li benda wî bûn. Li ser baskên hudhudan civiyan û batin ba Siltanê Filan.

Siltan rabû ser xwe, çû pêşıya wan û got:

– Hûn bi xêr hatine, hevalno. Hûn birayêن min ên avakar û afirandêr in. Ji bo merasîma vekirina serayê, ez we hemu-yan, hemû gêrîkên qûlêن xwe dawet dikim. Bila hudhud bê-yî ku we ji pişta xwe deynin, bibin wê derê. Ez ê ji bo yên din jî emir bidim, hemû gêrîkên ku keda wan ketibuyê dê besdarî inerasîmê bibin.

Gêrîkê dilqecêb:

– Hemû gêrik li serayê, li dora textî ne, em li bajaran ma-bûn û li benda emirê Siltanê xwe bûn. Gêrîkên ku hem se-ray û hem jî textê şîn çêkirine, ji do bi şev ve, li wê derê ra-westiyane û nikarin çavêن xwe ji ser seray û textê ku wan çê-kirine, dagerînin. Li wê derê, xweşikbûna seray û textî hişen wan ji serên wan birine.

Siltanê Filan got:

- Wê gavê, baş e.

Mirov digot, qey ji kêfa baskên wî çêbûne, ew laşê wî yê girs wek perikan sivik bûbû. Hemû filên xwe civandin û tevî budhudêن xwe yên ku bask bi bask li ser serê wî difiriyan, berê xwe da seraya xwe.

Hemû mexlûq, hemû gêrik, hudhud, çivîkên din, kêzik, heta mahşot jî hatibûn merasîmê. Bi tenê mirov ne xuya-bûn.

Serokê hudhudan, Serkumikê Berz peyivî:

– Nebî nebî, ha! Xebera vê merasîma îroj nedin mirovan. Em çibikin bikin divê hayê mirovan ne ji serayê, ne ji textî û ne jî ji merasîmê hebe. Ez mirovan pir baş nas dikim. Di nav wan de, Silêmanek hebû, bi zimanê hemû mexlûqan dizanî-bû, yekî efsûnger bû, em ji dema wî û vir de, bi mirovan re bûn yek. Min ji gava ku ew nas kirine, wan bêvíla xwe xistiye kîjan karî, ew kar herimandiye. Mexlûqin pir pesnê xwe didin, ger tiştekî bikin, hezar carî dipesinin. Dû re jî xwe wek kılıda kaînatê dihesibînin. Hemû jî pir hindik dîn in. Dû re jî ew mirov ne mîna me ne, ew fanî ne. Bi fanîbûna xwe hisiyane û ji ber mirinê dîn bûne. Ji ber vê yekê, ji xwe-zayê, ji xwe, ji sitêrkan û ji hertiştî nefretê dikan. Hezkirin li ba wan nemaye. Hezkirin ji bîr kirine, germahiya xwe ya ji-yanê wenda kirine. Nuha, ger ew vê serayê û vî textî bibînin, ew ê an hilweşînin, xera bikin û bi erdê re bikin yek, an ji hertim bifiroşin hevdu. Vê seraya te ya xweşik, vî textê te yê muhteşem dê ji bo wan, bi tenê bibe wasiteyeke firotinê... Ew bi hezkirineke germ a ji dil û can, nikarin li xweşikahiye-kê, li hudhudeke mê, li qubeqazekê, li xezalekê binihêrin.

Çavêن Siltanê Filan jî ji ber tirs û şasmayinê, dikira ji serê wî baz bida û emirê xwe yê qet'î got:

– Divê mirov, cîhê seraya min jî qet nizanibin. Hudhudê efsûnger bişîne, bila çavên hemû mirovan girê bide. Ez dizanim, ez jî dizanim ku ev mexlûqen mirovan hertiştî diheri-

mînin. Xwedê tu mexlûqan neşibîne wan. Xwedê tu mexlûqan, li bember mirinê, mîna wan dîn neke. Ez dizanim, ji çêbûna wan û beta mirina wan, karê wan ev e ku ew ji xwe, ji mirinê û ji rastiyê direvin. Û ji vê revê, ji tırsan, ci bikeve ber wan ji ortê radikin...

Merasîmê dest pê kir. Siltanê Fîlan derket ser rasteka zinarê li pêşıya serayê yê ku bi qasî cîbê pênc apartmanan mezin bû. Berê, xortima xwe ber bi ezmên ve rep kir, dû re rabû ser lingên xwe yên dawiyê û lingên xwe yên pêşiyê ber bi ezmên ve bilind kirin. Bû gin gina wî û demekê dua xwendin. Gava duayên wî qedîyan, xortima xwe dirêjî mexlûqên ku deşta jêrê û palên çiyayı di ber hev de dagirtibûn, kir û dû re dîsa ber bi jor ve bilind kir. Ezman bi civîkan ve hatibû nixumandin, deverike piçûk jî xuya nedikir.

Bedena Siltanê Fîlan a spîboz wek berfê, ya ku îro di bin vê lehiya ronahiyê de ji her demê bêtir spî xuya dikir, çavêni mirov ditirsandin.

Siltê dest bi axavtina xwe kir:

– Mexlûqên berêz, delal û muhteşem, birayên min, min hûn bi serbilindî dawetî vê roja xwe ya bi kêf û bextiyar kirin, hûn bi xêr hatine. Mexlûqno, ez dibînim ku li ser daxwaza min, herkes hatiye. Hûn sax bin, her hebin... Bi tenê, mirov ji vê civînê kein in... Tu kesî ji we, ji min nedixwest ku ez wan dawetî vira bikim, ne weha?

Hemû mexlûqan bi hevdu re bang kir:

– Me nedixwest!

Mirovên ev dengê xurt û bi şidetbihîst, got ku qey dengê ewran e.

– Ev mirov jî wek me, wek hemû mexlûqên din nefspiçûk bûna, her yekî ji wan, xwe Xwedê nehesibanda, dû re, ev Xwedê ji tırsa xwe, ne cebimiyana û ne bûna cenawir, ji bo ku me ew jî dawetî vê roja bextiyar ne kiriba, dê tu sebebek

nemaba.

Hemû mexlûqên din bi bevdu re bang kir:

– Dê nemaba!

Mirovan got ku qey ev dengê ewran e û guh nedanê.

– Mirov pir dejenerê bûne, ji dînyayê û ji mexlûqan bi dûr ketine. Tîrsa mirinê ew mahf kirine. Ji ber vê tîrsê, serê xwe li viyalî û wiyalî li tahtan dixin. Her ku lê dixin, aqilê xwe wenda dikin. Gava ku mirov rojekê bibin gêrîk, roja ku bi qasî gêrîkan nefspiçûk bibin, roja ku hevdu nexwin, ew ê xwe rizgar bikin...

Hemû mexlûqên din bi bevdu re bang kir:

– Ew ê xwe rizgar bikin!

Mirovan ev giregir jî bibîst û dîsa got ku qey ev dengê ewran e.

Siltanê Fîlan gewriya xwe paqij kir û dîsa dest pê kir:

– Belê, birayên min ên berêz, mirov ecêb in, ji gêrîkê dil-qecêb jî xerabtir in. Ji ber ku qanûnên wan mirovan xerab in. Dibêjin ku yek dixwe, bezar lê dinibêre û qiyamet jî ji vê çêdibe, lê ew qiyameta ku ew li benda ne, bi tu awayan nayê. Hezarê wan dixebeitin birçî dimînin, deh bezar, sed bezarê wan dixebeitin birçî dimînin, yek, bi tenê yek dirijîne û dixwe, beta ku di dev û bêvilê re biavêje dixwe, dîsa têr nabe. Her carê tiştekî derdixînin, nuha hemû karêñ wan ev e ku tiştê ku bi pêncan dikirin, bi dehan difiroşin. Zeviyan dikirin û difiroşin, daran, delavan, mirovan, çi bikeve destêñ wan, diyêñ xwe, bavêñ xwe, zarokêñ xwe, jinêñ xwe, çavêñ wan li vê kaînatê bi çi kevin, dikirin û difiroşin. Keviran, stêrkan, zêran, almasan, kulîlkan, dilêñ xwe, çavêñ xwe dikirin û difiroşin... Mirov bi dînîtiya kirîn û firotinê ketine ku ez ji we re dibêjim dînîti... Di kaînatê de, çi peyda bikin, dikirin û difiroşin. Baweriya we hebe, birayên min ên mexlûq, ev mirov ji Gêrîkê me yê dilqecêb jî ecêbtir in. Ev dînîtiya

kirîn û firotinê dê belayekê bîne serê wan, ev ê hey bibe, lê ger zerara vê, negihêje me mexlûqan jî... Ev kirîn û firotina wan a hertiştî, ev dînîtiya wan, di nav dînîtiyên wan yên ku heta nuha hatine kirin de, dînîtiya herî xerab e. Bi pêncan kirîn û hi dehan firotin, dê belayekê bîne serê mitovan û serê dinyaya me. Xwedê me û dinyaya me ji şerê mirovan bisitrîne.

Hemû mexlûqan bi dengekî hilind got:

– Amîn!

Mirovan ev jî dengê ewran hesiband.

Siltanê Filan axavtina xwe domand:

– Nuha, em dev ji mirovan berdin. Ji xwe, Xwedê bela wan daye wan. Ger weha biçe, qet tu xêra wan, li dinyaya me û li kaînatê tune ye. Em nikarin ji xerabiyê û pê ve, tu tiştekî ji wan hêvî bikin. Nuha, peyva min ji bo we ye, bira-yêni min ên esîl û muhteşem. A hûn vêya dihînin, ev seraya ku qûlêni min ên gêrîk ji min re ava kiriye, tu mexlûqan ji sultanêni xwe re çênekiriye. Ancax, gêrîk dikarin serayeke weha ji sultanêni xwe re çêhikin. Mirovan ji sultanêni xwe re, ne seray, ne ehram, ne bexçeyêni wek ên Babîlê û ne jî abîde çê-kirine. Tu kesî ji wan, nikarîbhû serayeke wek seraya ku gêrîkan ji bo min, ji ho Siltanê we ava kiriye, çêbikira. Nuha, li vê dinyayê seraya herî xweşik, seraya min e, seraya Siltanê we ye. Ji gava ku dinya ava hûye û heta nuha, tu kesî textekû wek vî textê ji almasê yê efsûnkirî derxist ser tuyê erdê, bi tenê hirayêni min ên gêrîk in. Yêni ku dinya qul kirin û ji orta wê, kevirê vî textê ji almasê yê efsûnkirî derxist ser tuyê erdê, bi tenê hirayêni min ên gêrîk in. Min ji ber vê sebebê, hemû mexlûqen dinyayê dawetî vê merasîmê kirin. Min bangî qewmê mirovan bi tenê nekir, wan mexlûqen neyînî, ên ku her deverê dişewitînin û hildi-

weşînin, ên ku çavêن wan têr nabin, ên ku tim û tim pir xerabiya nedîti bi hevdu dikin... Qewmê mirovan hem ji bo mirovatiyê û hem jî ji bo dinyaya me, bû felaketek. Piştî ku qewmê mirovan dest bi vî karê kirîn û firotinê kir, xusûsiyeten xwe yên mirovatiyê wenda kirin. Li ser ruyê erdê, hertiş kirî û firot. Erd kirî, firot, erdê erdbûna xwe wenda kir. Avê avtiya xwe wenda kir, daristanê daristanbûna xwe û ezmên ezmantiya xwe wenda kir. Ew ê di demeke nêz de, heyvê û sitêrkan jî hikirin û bifiroşin, wê gavê heyv dê heyvîtiya xwe û sitêrk jî dê sitêrkiya xwe wenda bikin.

Birayê min ên biesil, Xwedê tu kesi danexe cîhê mirovan, piştî ku mirov bûn bazırgan, piştî ku hertiş kirîn û firotin, ji mirovatiyê jî derketin. Mirovan dil kirîn û firotin, dil ji diltiya xwe derket. Mirovan evîn, hezkirin, dostanî, biratî, aştî, hevaltî, nêzîktî û xwêşîkahî kirîn û firotin û ji mirovatiya xwe hi dûr ketin û weha bû ku êdî têrxwarinî li wan nema. Bi nexweşîya perehilanînê ketin. Birayê min, mexlûqên berêz, min ji ber ve sebebê, mirov îroj dawetî vê roja me ya bextiyar nekirin. Ji ber ku ez tirsiyam, min ew dawet nekirin. Ger ew vî textê şîn bibînin, ger çavêن wan vê seraya ku şewqeke nedîti jê diçe hibînin, ew ê illeh tiştekî bikin û di cîh de, wan jî hikirin û bifiroşin. Qet tu îmkana wê tune ye, ew ê hikirin û hifiroşin. Hingî ev text û ev seray jî ew qas caran dê hêن firotin, ew ê bêyî ku bi kêrî tiştekî bêن, kevin hîbin, bişikêن, mahf bibin û biçin.

Nuha, birano, em dev ji mirovan berdin, bila bêtarê wan di xizna wan de be. Eeem gêrîk, gêrîkêن biesil û muhteşem, mexlûqên dinyayê yên herî xurt û hem jî afirandêrên herî mezin, girseyeke yekbûyî ya bê îmtiyaz û bê çîn in... Eeem gêrîk û fîl bi biratî, wekhevî, azadî û aştî dijîn. Azadî di ser hertişî re ye. Li mirovan binihêrin, ji ber ku wan bi qasî me gêrîkan girîngî neda azadî û wekheviyê û hem jî ji ber ku qet

aştî nexwestin, ketin vî halî. A azadiya nuha, sîstema me ya azadiyê dê heta qiyametê dewam bike. Di nav me de qet tu ferq tune ye. Ez vêya ji hemû mexlûqên birayên me yên ku li vê derê civiyane re, heta ji şehmar, zîro û kelmêşan re jî dibêjim, bila hemû kaînat şahida van gotinê min be ku her gêrîk filek e. Her fil jî gêrîkek e. Binihêrin birano, ger her gêrîk ne filek bûya, ev seray dê çawabihara avakirin? Her mexlûqê ku li vê serayê binihêre, dê fahm bike ku her gêrîk filek e. Ger her gêrîk ne filek bûya, ev kevirê efsûnbûyi dê çawa ji orta dinyayê bihata derxistin û textekî weha bihata çêkirin? Ne xwe, her gêrîk filek e. Mexlûqên berêz, ez ê sireke xwe ji we re eşkere bikim. Guhêñ xwe bidin min û li min baş guhdarâ bikin.

Qelebalixa ku li Siltanê Fîlan guhdarâ dikir, bi temamî bê deng bû. Ger mês bifîriya, dengê baskê wê dê bihata bihîstin. Herkesî sira Siltanê Fîlan a mezin meraq kiribû.

– Berê...

Siltêñ li vira dîsa dengê xwe birî, çavêñ xwe yên piçûçik li ser qelebalixiyê gerand. Çivikêñ ku li ezmên bask bi bask rêz hûbûn jî baskêñ xwe tev nelivandin.

Siltêñ dîsa dest bi peyvê kir:

– Berê... Berê, em jî, yanî fil jî gêrîkên piçûçik bûn. Dû re, em xebitîn û me hewildaneke bêrawestan da û em bûn fil. Ji ber vê yekê, gêrîkên pêşiyêñ me yên berêz, ez ê hem nuha û hem jî ji nuha û pê ve ji we re bibêjim, pêşiyêñ me. Ji ber ku hûn gêrîkên pêşiyêñ filan ên biesil in. A, em ji vî nijadê gêrîkan ê biesil çêhûn û bûn fil. Nijadê gêrîkan di ser her nijadî re ye. Ew nijad, ew nijadê gêrîkan ci bextiyar e ku dikare bi hewildaneke hindik bibe fil! Xwedê nijadê gêrîkan bisitrîne. Bala xwe baş bidin vê dinyayê ci qas pir gêrîk hene, ci qas, ci qas pir. Li vê dinyayê, tu nesilêñ ku ji nesilê gêrîkan pirtir, hîn bileztir zêde dibin tune ye û çenabe. Li gora ku her gêrîk

dê bibe fil, nesilê herî xurt, ê kê ye? Ez ji we dipirsim, bersivê bidin. Li vê kaînatê, nesilê herî xurt, ê kê ye?

Dengê xwe birî, xwe ragirt, xortima xwe dirêjî ser qelabali-xiyê kir û gerand. Ji nişka ve, mîna ku erd û ezman hejîyan, hem ji qelebalixa erdê û hem jî ji ya li ezmên gurmîniyek hat.

Siltanê Fîlan ji vê gurmîniya ecêb a wek ku topek biteqe, tu tişt fahm nekir. Heftê hezar mexlûq bi heftê hezar zimanî bersiv dida Siltêن.

Siltêن bi awayekî hîn bi heybet û serbilindî dîsa pirsî:

– Kîmî ye?

Dîsa ji qelebalixiyê gurmînî hat.

Siltan boriya:

– Gêrîk!

Qelebalixiyê vê carê, bi zimanê filan bi hevdu re kir gurmînî:

– Gêrîk!

Siltanê Fîlan got:

– Belê, gêrîk, leee gêrîk!

Û ew sekinandin.

– Belê, kî bi hemû hêza xwe, xwe bide kar û ji tune dest pê bike, bixehte û ji kaînata me re abîdeyeke weha wek vê serayê çêbike, textekî wek vî textê şîn ê efsûnbûyî biafirîne, a ew her gav, her gava ku bixwaze dikare bibe fil.

Dengê xwe birî û bi kêf keniya. Guhêن xwe bi şelp şelp li ba kir û got:

– Nuha, ez ci bibcîjm hûn ê jî dubare bikin... Her gêrîk filek e!

Qelebalixê ji heftê hezar cîhî, bi heftê hezar dengê cuda dubare kir:

– Her gêrîk filek e!

– Ji ber vê yekê...

Heftê hezar celeb dengan bi hevdu re dest pê kir:

– Ji ber vê yekê, hem li dinyayê û hem jî li kaînatê mexlûqên herî xurt gêrik in.

– Gêrik in!

– De bi hevdu re... filgêrik, gêrikfil, filgêrik, gêrikê fi... gêr-fil... filgêr... filgêr... filgêr...

Hemû bi hevdu re:

– Filgêr, gêr-fil... gêr... fil... fil... fil... gêr...

Qelebalixiyê bê rawestan ev dubare dikir.

Gêrik jî bi vêya bê hawe dipesinîn, êdî her yekî xwe filekî zirecêb dihesiband. Di vê râyê de, gêrikê herî reşbîn jî weha xeyal dikir ku qet nebe, sibehê gava ku roj hilê, destekî es-sûnbûyî dê ew bikira filekî zirecêb. Her yek ji wan hudhudên li jorê, qertel, sisarkên gurî, serçe, şirkak, serxwînk, zilzilik ji nuha de bûbû filekî firok. Li darê dinyayê kî naxwaze bibe fil, ne weha?

Siltanê Filan pir xweş peyivîbû, dilên hemû mexlûqan, bi taybetî dilên gêrikan fetih kiribûn. Nuha, wî ji bo pêkanîna daxwazên xwe, êdî dikarîbû emir bida gêrikan. Bi dengekî qalind î bilind û emirwarî got:

– Daxwazeke min a din ji we heye, ey neteweyê gêrikfil.. Ez emir didim we ku hûn ê vê daxwaza min bi cîh bînin. Ger ev daxwaza min pêk neyê, ev welatê me yê bextiyar li ser lingan namîne, bextiyariya me dirêj dom nake, birayê min ên gêr-fil...

Gêrikan hemuyan bi hevdu re bersiv da:

– Her emirê te li ser serê me...

Mexlûqên din jî hemuyan bi hevdu re bersiv da, yanî gurmîniyeke wek ku top biteqe ji wan hat.

– Her einirê te li ser serê me ye. Tu Siltanê me... Her mexlûqê vê dinyayê dê di dawiyê de bibe fil. Me li vê derê, ji vêya bawer kir û îmana xwe bi vêya anî.

– Mexlûqên berêz, hûn dengê xwe bibirin, ev pirseke me ya hundurîn e. Bi tenê gêrîkan elaqadar dike. Ji ber vê yekê, birayêن me gêrfilên din, divê hûn dengê xwe nekin.

Gêrîkan got:

– Emîrê xwe kerem bike, Siltanê me. Kerem bike, ger tu emîr bikî, em ê vê dînyayê bibin ba rojê. Siltanê me, ger tu bixwazî, em ê rahêlin heyvê bînin vê derê. Em ji te re ji sitêr-kan textekî çêbikin.

– Na na, tiştê weha nabe, hûn sax bin, birayêن min ên gêrîk. Daxwaza min ew qas ne girîng e. Binihêrin, li min guhdarî bikin, di vê roja bextiyar de, tiştekî piçûk heye ku min aciz dike.

Gêrîk ketibûn ber heyecaneke pir mezin, nikarîbû di cîhê xwe de rawestiyana:

– Ew ci ye, kerem bike ku em tavilê...

– Ew jî ev e ku Gêrîkekî Rîhsor hebû, dijminê min, dijminê hemû mexlûqan, tiştekî mîna mirovan bû... A îro, ez ji we, vî Gêrîkê Rîhsor ya sax ya mirî dixwazim. Vî Gêrîkê Rîhsor, ji ser pişta vî birayê me yê Silêmanê Dunikil, heqaret li min kir, dû re jî xwe ji ser wî baskî çeng kir û reviya. Ji wê rojê û vir de ye ku ez vî Rîhsorî an mirî an sax dixwazim. Ev Gêrîkê Rîhsor hesinkerekî pir mezin bûye. Esilê wî digihêje heta Dawidê qiralên mirovan jî. Ne xwe, esilê Hesinkerê Rîhsor ji mirovan tê. We fahm kir bê ci qas bi talûke ye?.. Esilê vî Hesinkerê Rîhsor ji mirovan tê! Li vê dînyayê, ji van rîhsorêñ dijminêñ azadiyê, ji derveyî wî jî gelek hene. Ev, gêrîkên ku dijminêñ azadiyê, dijminêñ dîn û wekheviyê ne. Ev gêrîk dijminêñ filan in. Ev dijminêñ hemû mexlûqêñ vê dînyayê ne. Min di derheqê van de, gelek gelek agahdarî wergirtin. Ev li ber deriyan şewqeyan jî dadiliqînin. Ev dijminêñ namûsê ne. Ev nîjad esil, xwîn, urf, adet û dîrokê nas nake. Li min baş guhdarî bikin, esilê van gêrîkên rîhsor ji ïn-

sanan tê. Peyva dirêj ne pêwîst e, ji bo kuştina wan hemuyan, ma ne bes e ku ew ji esilê mirovan tê? Ev rîhsorênu ku ji mirovan tê, qet tu tiştî nekin ji ew ê fesadiyekê têxe nav mexlûqan, nav gêrîkan, nav hemû mexlûqan, nav gêrîkan û filan; ew ê wan bera ber hevdu bidin. Ew ê fesadiya xwe ya mirovî li kaînata me belav bikin. Ger ew ji ortê rabin, dinya-ya me dê paqij bibe. Gava ew rîhsor ji ortê rabin, gur û mîh dê rev de hiçêrin. Gava ew ên rîhsor ji ortê rabin, tu mexlûq mexlûqê din naxwe. A nuha, ez berê ji gêrîkan, dû re ji mexlûqên din, ji çivîk û mozan hemû rîhsoran an mirî an sax dixwazim. Herkes dê rîhsorekî an mirî an sax bîne û biavêje vê meydanê... Yê ku wî Rîhsorê Hesinker, wî gêrîkê ku heqaret li min kir, wî yê ku bi heqareta li min kir heqaret li hemû mexlûqan kir peyda bike û bîne, ez ê di seraya xwe de odayeke bidimê. Ew mexlûq dê heta mirinê, di wê odayê de bijî û zar û zêcêñ wî û hemû kesên ji sulaleya wî ne, dê heta ciyametê bi hunguvê daran bêne xwedîkirin...

Bi qedandina peyva Siltênu re, gêrîk, çivîk, hemû mexlûq li dinyayê balav bûn û dest bi nêçîra rîhsoran kir. Wê meyda-na ku Siltanê Fîlan nîşan dabû, di demeke kurt de, bi mirî û zindîyên rîhsoran ve hat dagirtin.

Gava Siltênu ew qas rîhsorê mirî, birîndar, zindî bi hevdu re dîtin, kêfa xwe anî û emir da filên xwe:

— Biçin meydanê, mars! Hema a nuha, pê li wan rîhsoran bikin, miriyêñ wan jî zindiyêñ wan jî bieciqînin û ji ortê rakîn...

Fîlan dest pê kir û di demeke kurt de karê xwe qedand û rîhsor ji ortê rakirin. Hemû rîhsorênu li meydanê hatibûn ci-vandin, bi rasteka zinêr ve hatibûn zeliqandin û êdî ji ortê rabûbûn.

Piştî ku rîhsor ji ortê rabûn, Siltanê ku li rastekê dinihêrî, bîstikekê fikirî hema wê gavê hat bîrê. Ket taswasê:

– Le Rîhsorê Hesinker, le Rîhsorê Hesinker?

Deng ji qelebalixiyê derneket:

– Le Rîhsorê Hesinker?

Ji tu mexlûqî dengekî herî piçûk jî dernediket.

– Hesinker?

Serokê hudhudan hat, li dora serê Siltên sê caran zîvirî. Li dora serê wî sê xelekê tutuncî çêkirin.

– Ew nikarin bipeyivin Siltanê min. Yê Hesiuker ew esfûn kirine.

Siltan tirsîya û got:

– Le ger ew min jî efsûn bike? Le ew min jî efsûn bike û seray û textê min ji destê min bistîne?

– Gêrîk nikarin filan efsûn hikin, Siltanê min.

Siltan hîn jî bêtir tirsîya. Ji tirsa, devê wî zuha bûbû.

Got:

– Lê esilê wî însan e. Ew însan...

Serkumikê Berz ket hundurê guhê wî û tiştin gotin, Siltan jî bi van gotinê wî yên bidizî, keniya û keniya. Bi destê xwe zikê xwe yê zirecêb ê spîboz guvaşt û keniya.

– Edî, bila mexlûqên din hiçin û bi tenê gêrîkên me yên birader bimînin. Ji bo wan şahiyeke bi xwarin û vexwarinê heye. Deee, li tembûrê bixin û bi hevdu re dest bi kêf û şahiye bikin.

Ji nişka ve, ji deşt û çiyayan dengê çîve çîvîn ecêb û efsûn-kirî hat.

Siltanê Fîlan got:

– A, ev baş e.

Dû re jî bi qêrîn emir da:

– Deriyêñ sê embarêñ ku bi navika kulîlkan, hunguv û kêzikê mirî ve dagirtîne, vekin. Bila pêsiyêñ me yên gêrîk, iroj zikê xwe têr bikin. Sê embar ji bo wan hindik in jî.

Ji nişka ve, hat bîra gêrîkan ku ew ji zû de birçîne. Ber bi

emharan ve reviyan. Gêrikên berhevkar çi qas pir navika külük, hunguv, navika genim û kêzikên mirî anîbûn!

Gêrik ketin embaran, sê roj û sê şevan xwar, vexwar û zikêñ xwe baş dagirtin. Ji zû de, xwarineke ew qas pir nexwari-hûn.

Gêrik minetdarî Siltêñ man, pesinîn û got:

— Li vê dinyayê, tu sultan û tu Xwedayê ku bi qasî vî Sultânî xêrxwaz û gêrikhez be, tune ye. Wekî din jî ji sê nesilan bêtir gêrik jî yên vî Xwedayî nin. Xwedê bela wî Hesinkerê Kulek î Rîhsor bide. Binihêrin, bê ji gêrîkan jî çi sultanêñ girs ku bi qasî dinyayê mezin, çi sultanêñ îlahî derdikevin.

Gêrikên hemû welatan bi seray û textê ku çekiribûn, bi gotinêñ ku Xwelasultan ji wan re gotibûn, bi kêfa wê hêviya ku ew ê rojekê çawa be, bibin fil, serxweş ketibûn û nikarîbû bi ser hişê xwe ve bihatana.

Vê rewşa gêrîkan a serxweşbûnê tam sê mehan dewam kir. Gêrîkan tam sê mehan ji kêfa, pê li erdê nekir.

Gêrik ji Siltanê Filan rê serayê ava dikin û textî çêdikin, lê ji bîr dikin ku ji bo xwe nifqeyê Zivistanî hilinin û ji ber vê ye-kê, birçî û xizan dimînin.

Gêrikên westiyayî bi serbilindî vege riyan welatên xwe. Kêfa wan pir ecêb dihat. Ew ê çawa kêf nekin, ji Siltanê dinyayê yê herî bi haşmet re, seraya dinyayê ya herî xweşik û mezin ava kiribû. Le textê ji almasa şîn? Bi milyaran gêrik ev almas ji orta dinyayê piçik piçik kişandibûn û li ser ruyê erdê bi hevdu xistibûn. Her ku vî textî şewq dida, hemû dinya di nav ronahiyeye şîn a xweşik de dima. Wan bextiyarî û pesinahî dabûn sultanekî mezin.

Siltên dû re ci gotibû?

Gotibû:

– Her gêrik filek e. Pêşiyêñ wan filên zirecêb jî pêşiyêñ min jî û ez bi xwe jî em hemû gêrik in. Gêrikek bi tenê berberî dinyayê ye. Her gêrik jî dikare bixe bite û bibe fil. Ger gêrikek hîn bêtir bixe bite, li gora xebata xwe dikare bibe filek jî pênc fil jî. Ger em fil gêrik bûn, em çawa bûn fil? Bibêjin bibêjin, ger fil gêrik bûn, çawa gîhaştin vê rewşê, ew ê çawa bigihêjin vê rewşê? Ji Siltanêñ xwe re seray û text çekirin û hemû nektar, navika kulîlk û dendikan berhev kirin ku gîhaştin vê rewşê. Ger weha biçe, ger sadiqtiya wan a li hember Siltên weha dom bike, gêrik ê bikaribin ne fil bi tenê, bibin mexlûqêñ hîn bilindtir jî...

Gêrikan hîn jî nuha de, xwe fil dihesiband. Her yekî ji

wan, xwe filek dihesiband û xwe bi heybeta filekî dinepixand û li welat û bajarêن xwe digeriyan. Êdî her gêrîkekî, xwe filek dihesiband û her gêrîkî xwe bi filbûnê ditikiland. Tew gêrîkên zerî xwe êdî tam fil dihesiband.

Wan digot:

– Pêşiyêن filan ên heqîqi em in.

Û qet tu tiştekî din nedigot. Simbelêن xwe mîna xortiman dirêj dikirin, li pişa hudhudan siwar dibûn û çi li welatê gêrîkan biqwimiya, digîhandin Siltêن. Kêfa Siltêن jî pir ecêb ji van xeberan re dihat.

– Nuha, her gêrîk xwe wek filekî dihesibîne.

– Ci qas baş e, bila xwe weha bihesibinîn. Min jî ev dixwest. Bila gêrîkbûna xwe ji bîr bikin, xwe ci dihesibînin, bila bihesibînin.

– Gêrîkan dest pê kiriye û wek filan dimeşin.

– Ev hîn baştı e. Min jî ev dixwest.

– Ji bo ku bikaribin wek filan bipeyivin, hewil didin.

– Ev a herî baş e... Alîkariya wan bikin, ci ji destêن we tê, texsîr nekin, bila wî zimanê gêrîkan ê ku nayê fahmkirin ji bîr bikin û fêri filî bibin. Hîn hîn bêtir alîkariyê bikin.

Ji welatên gêrîkan, ji bajarêن gêrîkan xeberêن ji derveyî van jî dihatin.... Van xeberêن ku nuh dihatin, Siltan bi temamî dixist gumanê. Gêrîkan di filbûnê de, lingêن xwe zêde radi-dan. Ger weha dom bike, şerê wan dê ji xêra wan bêtir be.

– Siltanê me, gêrîkan dest pê kiriye û tam wek filan xwari-nê dixwin.

Siltanê Filan ket taswaseke mezin:

– Ma rast e? Ev çawa dibe, gêrîk çawa dikarin wek filan xwarinê bixwin? Wan ev ji ku derxist?

– Dibêjin ku ma em ne fil in, ci di ber wan keve, dadibeli-hîne.

Siltanê Filan boriya:

– Ev nabe!

Ji ber dengê wî, çiya, deşt û daristan hejiyan.

Gêrikên ku ev deng çû wan, got:

– Rojekê, em ê jî mîna Siltanê xwe, weha bang bikin û çiya, derya, daristan û deştan bihejînin. Ma em ne fil in?

Siltêngê xwe hîn bilindtir dikir û axavtina xwe didomand:

– A, ez destûra vêya nadim. Gêrik nikarin wek filan xwarinê bixwin, ew ê bibehicin, bimirin. Gidî, pêşî li vêya bigrin. Serokê hudhudan, a nuha tavilê bifire û biçe welatê gêrîkan, ji qûlêñ min ên gêrik re bibêje ku min xwarina wek a filan li wan qedexe kir. Dû re, ger ew jî wek filan bixwin, ew ê bi xwarinê bifelişin û himirin. Wê gavê, li vê dinyayê, bêyî gêrikên qûlêñ xwe, hem jî bêyî pêsiyêñ xwe, ez ê çawa bijîm? Gêrik fil in, rast e, ew fil in, lê bi şertê ku bi qasî filan û wek filan nexwin... Gidî, Serokê hudhudan, talûkeya herî mezin li ber devê deriyê me ye. Ji qûlêñ min ên gêrik re bibêje ku ger ew wek filan bixwin, hemû xwarinêñ li vê dinyayê dê tavilê biqede. Li dinyayê dê xwarin hilê. Ger gêrik wek filan, bi qasî filan xwarinê bixwin, li dinyayê dê bi carekê xelayeke weha çêbibe ku çivîkên li hewa, heywanêñ li erdê dişûrin, hemû mexlûq dê ji nêza bimirin. Ger gêrik sê rojan, ne zêde sê rojan wek filan, bi qasî filan bixwin, li vê dinyayê ji bo xwarinê pariyekî nêñ jî namîne. Hemû mexlûq dê ji ber xelayê bimirin û dawiya dinyayê dê bê. Van gotinêñ min, eynî weha bigihîne qûlêñ min ên gêrik. Min xwarina bi awayê filan, li wan bi carekê qedeke kir. Ev emirê min nayê guher-tin. Kî li emirê min guhdarî neke, ew ê di bin lingêñ filan de bipelçiqe.

Serkumikê Berz tavilê firiya welatêñ gêrîkan, emirê Siltêngê ji hemû bajaran re cîhê cîhê bi borîzanê got. Gêrîkan li hember vî emirî, dengêñ xwe nekirin, lê nikarîbû wê fikira ku ev

çawa filîti ye jî ji serê xwe biavêta.

– Madein fil ji me çebûne, wê gavê, em ê jî wek filan xwarinê bixwin. Divê em wek wan bixwin.

Siltanê Filan ji Sekumikê Berz pîrsî:

– Wan ji bo vî emirê min, ci got?

Serokê hudhudan bersiv da:

– Wan qet tu tişt negot, bi tenê kir ufe uf. Gava ez di ser hajarên gêrîkan re firiym û hatim vira, min ufe ufêni li jêr ên ku ji bajaran dihat,bihîstin. Bajaran gêrîkan bi ufe ufê di-xulxulî.

Siltan keniya:

– Ew nekin ufe uf, dê ci bikin. Hîn pê nehisiyane ku bê tu xwarina wan tune ye jî. Ew nizanin ku bê îsal, ew ê ne bi qasî filan, hi qasî gêrîkan jî nikarîhin xwarinê bixwin. Wan ferq nekiriye ku wan ji xwe re qet tu xwarin hilneanîye. Ev bêhiş, bi ser de jî radihin dixwazin wek filan xwarinê bixwin. Gava pê hîhisin ku embarêwan vit û vala ne, tu îcar li daweta ku dê li welatên gêrîkan li dar bikeve, temaşe bikî... Nuha, bîhêle bila bikin ufe uf.

Piştî demiekê, Silêmanê Dunikil û gêrîkên zerî bi xebereke ecêb, dîsa ji welatên gêrîkan vegeriyan:

– Gêrîk bang dikin û dibêjin ku ma em ne fil in, em ê jî mîna filan nektar, navika kulîlk û dendikan bixwin.

– Van gêrîkan baş rû stend, her yek ji wan êdî xwe wek fillekî rasteqîn dihesibîne. Gava Siltan weha difikiî, nikarîbû xwe bigirta û tîq tîqa wî bû. Ma ew jî di warê filîtiya gêrîkan de, zêde pê de neçûbû? Gêrîk jî ji bo bibin fil, ci qas amade hûn! Tu ji xwe re li vê ecêbê binihêre, ew bi ser filîtiyê de can didin û bayê tu kesî jê tune ye! Heçî gêrîk in, wek qutiyê devgirtî ne.

Ji Serkumikê Berz û gêrîkên zerî re got:

– Vî emirê min jî bi lez bigihînin qûlêni min ên gêrîk, ne-

bîm nebî, bila devê xwe nedin nektar, navika kulîlk û dendikan, nebîm nebî! Min ev xwarin bi temamî li wan qedexe kîrin. Ev xwarin, ne xwarinê fîlê ew qas piçûk in. Ger gêrîk van xwarinê ku behsa wan hat kirin bixwin, ew ê jahrdada-yî bibin û bimirin. Bila gêrîkên qûlêñ min hemû tiştêñ ku fîl dikin bikin, lê nebîm nebî, bila wek wan xwarinê nexwin. Ew ê an bifelişin û bimirin, an jahrdadayî bibin... Gidî, van gotinêñ min jî bi lez bigihînin qûlêñ min.

Hudhud tevî gêrîkên zerî yên li ser baskêñ wan bûn, firiyan û xwe gîband welatêñ gêrîkan. Fermana Siltêñ bi borîzan, careke din gîband gêrîkên hevwelatî.

Siltêñ pirsî:

– Ci bû? Qûlêñ min ên gêrîk ci got?

– Gava wan ev gotinbihîstin, hemuyan bi hevdu re dest bi ken kir. Hemuyan bi bevdû re, bê rawestan, bêyî ku dengê xwe daxin an bibirin, dest bi bangkirinê kir û got ku em fîl in, em fîl in, em fîl in... Gava em dibatin vira, dengê wan hîn jî li pê me dihat.

Siltêñ got:

– Bila bikenin. Bila bê rawestan bikenin û bibêjin ku em fîl in. Wan ji bîr kiriye ku wan li vê dinyayê, nektar, navika kulîlk û dendikêñ ku têra deh salan dikin, anîne û li embara min kom kirine... Hela, bila bikenin, ew ê di nêzîk de ferq bikin ku...

Piştî çend rojan, hudhud û gêrîkên zerî bi xebereke weba batin ku Siltan bingî şaş ma, ew guhêñ wî yên wek merşan, bi awayê ku careke din bi hêsanî danekevin, bel bûn.

Siltanê Fîlan nikarîbû di cîhê xwe de rawestiya, wek dînan li dora xwe dizîvirî û xwe hilor dikir û digot:

– Ev nabe! A, ev qet nabe!

Ü emir li ser emirî dida Serkumikê Berz û digot:

– Bibêje, bibêje, dîsa bibêje.

Serkumikê Berz jî gava digot, kumika wî ya turuncî, bas-kên wî û lingên wî jî li hevdu digeriyan:

– Ez çûm welatên gêrîkan. Ez çûm ku ez ci bibînim? Li welat û bajaran qet tu kes nemaye. Min ji gêrîkekî nexwes pirsî, min got ku lo hevalo, gêrik li ku ne. Wî got ku gêrik tam bûne fil û çûne daristanê. Ez di cih de firiymam û çûm daristanan. Ez çûm ku ez ci bibînim, Siltanê min, gêrîkan hemuyan eyn wek filan, qûnêñ xwe belot kirine û bê rawestan di daran, diriyan, qırşikan û gîhayan de didin û dixurînin. Ez li hemû daristanan firiymam, ez li vê dinyayê bi rojan, daristan bi daristan, dirî bi dirî geriyam. Li her deverê, di ko-ka her darê de, di bin her dirîyî, her qırşikî de, komeke gêrik qûnêñ xwe dabûn wan û hema tê didan. Li her devera ku ez diçûmê, min dipirsî, ev ci hal e, hevalno? Wan ji min re di-got ku em bûne fil, em tam bûne filen wek filan. Wan digot ku oooox, filbûn ci qas baş, ci qas xweş e û qûnêñ xwe dixu-randin û mest dibûn. Siltanê min, nuha hemû gêrîkên din-yayê, bi hevdu re dev ji hemû karan berdaye û tev nexwesan berkes li daristanê ne û qûnêñ xwe di daran, qırşikan û diri-yan de didin û dixurînin. Bê rawestan dibêjin ku filbûn ci qas xweş e, ci qas xweş e û qûnêñ xwe her tê didin. Xwarin, vexwarin, xebat, gera li kêfê, xew û istirehet, hertişt, dinya ji bîr kirine û bêyî ku saniyeyekê navbirê bidinê, qûnêñ xwe di daran de didin. Wan bityara xwe daye ku ew ê jî êdî wek filan kar nekin û destêñ xwe di ava sar û germ de danekin. Dibêjin ku ger em ji îro û pê ve bimirin jî, ger me çenî bi çê-nî hûr bikin jî, em nikarin qûnêñ xwe jî daran vejetînin. Oooox, filbûn ci qas xweş e, ci qas xweş e! Bila Siltanê me sax be, piştî ku wî em kirin fil û em bi filitiya me da hisan-din, wê gavê, me jiyan bi çavêñ serê xwe dît. Na na, bêyî ku em fêr bibin qûna xwe di daran de bidin, em ê ker bihatana vê dinyayê û ker biçûna. Em ê hera mirinê, weha, tam weha

fil bimînin û em ê qûnêñ xwe weha bê rawestan di daran de bidin û bixurînin.

Serkumikê Berzê ku nikil, ling, bask û kumika wî li hevdu geriyabûn, hîn çi digot, çi nedigot! Wî got got, dû re betilî, rawestiya û xwe li ber çavêñ Siltêñ, li ser guliyê dara gûzê da-nî.

Siltêñ got:

– Çi bi qûna te hatiye?

Qûna Serokê hudhudan rût bûbû, perîkek jî pê ve nema-bû.

Serkumikê Berz got:

– Gêrîk ji vita û heta mala Xwedê bi heq in. Ez jî bûm fil, min ji xwe re darek peyda kir û qûna xwe bê rawestan di darê de da û xutand. Her ku min xurand, ez mest bûm û her ku ez mest bûm min xurand. A, bi vî awayî perîkek jî bi qûna min ve nema û qûna min weha zelût bû. Hemû hudhud û çivîkêñ din jî wek min kir û qûnêñ xwe sipartin daran û dest bi xurandinê kir. Nuha, li jora daran çivîk û li biniya daran jî gêrîk her xwe di daran de didin û mest dibin, xwe wenda dîkin.

Siltanê Fîlan bi qasî bejna fîlekî hilor bû û boriya:

– Qedexxeee!

Gêrîk û hudhudêñ ku wek wî dikir jî bi hevdu re, bi kîf bang kir:

– Qedeeeexxxeee!

– Dê taliya dinyayê bê. Ger hemû mexlûq fêrî vî awayî bibin, dê taliya mexlûqiyê, xwezayê û kaînatê bê, qedeeeexxx-xeeeee!

Hemû mexlûqêñ li daristanê, teqlîdê wî kir:

– Dê taliya wan hê, taliya wan bê, qedeeeexxxeee!

Siltanê Fîlan ji ber vê rewşa dijwar dîn bû, bi zorê hilma xwe dida û distend .

– Serekhudhudo, hey neteweyê serkumikberz, hela tu, hela tu, berê tu, bes qûna xwe di daran de bide.

Serokê hudhudan qûna xwe bê rawestan her di wî guliyê dawiyê de da û weha got:

– Ez nikarim dev jê berdim, Siltanê min. Ez nikarim dev jê berdim, Siltanê min, ooox, ez nikarim dev jê berdim. Tu dixwazî, a nuha, min têxe bin lingên xwe û bieciqîne, lê ez dîsa jî nikarim dev ji xutandina qûna xwe berdim... Ooox, ooox, ox, şikir ji te re Siltanê min, filbûn ci qas xweş e. Dinya heye. Ez ew qas jiyam, ez dizanim bê dinya jî kengî ava bûye, lê piştî ku ez bûm flî min qûna xwe di darê de da û bê rawestan xurand, min tahma jiyanê dît. Ooox Siltanê min, em berê qet ne jiyane. Min bikuje, min bikuje Siltanê min, lê ez rica dikim, vê filîtiya min ji min nestîne. Ma dibê?

Û tu tiştekî din negot.

Siltan rawestiya, serê xwe xist nav lepêñ xwe, ber bi bexçeyê xwe ve meşiya û ji Serokê hudhudan ê ku li dora serê wî difiriya re got:

– Hela, tu nuha biçe, ji qûna xwe re darekê peyda bike û tê bide, ez ê bebekî li ser rewşa filîtiyê bifikirim.

Serokê hudbudan got:

– Tu her hebî, Siltanê min.

Firiya , tavilê çû xwe li dara çinarê ya berî nêzîk girt, qûna xwe sipart guliyê wê yê qaşilbiş, dest bi têdanê kir û mest bû.

Siltanê Filan çû bin darêñ çinarê yên mezin ku wî ji bo xurandina qûna xwe li bexçeyê xwe çandibûn. Qûna xwe sipart nava dareke mezin a zexm, tê da û dest bi fikirandinê kir.

Piştî ku demeke dirêj fikirî, bangî Serkumikê Berz kir. Di vê navê de, Serokê hudbudan jî fikirîbû.

Siltanê Filan got:

– Hevalo, ez pir fikirîm, lê ez negîhaştim tu encamê. Min ji we û gêrîkan re got ku hûn fil in û hûn ê bibin fil, lê min negot ku hûn ê wek filan xwarinê bixwin, biwerimin û dû re bifelişin. Min ji we û gêrîkan re got ku hûn fil in, ger hûn bixebeitin, hûn ê bibin fil, lê ma min negot ku hûn ê wek filan, nektar, navika kûlîlk û dendikan bixwin. Min ji we û gêrîkan re got ku hûn fil in, lê min ji we re negot ku hûn ê qûna xwe heta û heta bixurînin. We hemuyan di filîtiyê de, lingên xwe zêde radan. Kekê min i Serkumikê Berz, di vê pirsê de, di vê pirsa filîtiya zêde de, alîkariya min bike. Tu mirovan û hemû mexlûqan, mirî û zindîyan nas dikî, te bi sedsalan, lingê xwe di gelek feqan de kotiye, qet nebe di vî karê xurandinê de alîkariya min bike.

Serokê hudhudan got:

– Ez nikarim. Ez nikarim bikim ku tu mexlûq dev ji vî haweyê xweş berde. Baş e ku mexlûqên din, hîn bi vî haweyê filan ê xweeş nehisiyane. Ger pê bihisin, ew ê dinyayê ser û binî hevdu hikin.

Siltanê Fîlan bi tirs û heyecan bang kir:

– Gidî, bila pê nehisin!

Dû re emirê xwe yê qet’î da:

– Min qedexe kir. Min qûnxurandin bi yekcarî qedexe kir. Fermana min bigihîne hudhudên xwe û gêrîkan, bila nuha, îroj, ji nav dirî û daristanan bi lez derkevin. Ger ew dernekevin, ez ê serê sibehê, birûskê biavêjim hemû daristanan û wan bişewitînim, mahf bikim. Hem hudhud, hem çivîkên din ên xwe dixurînin û hem jî gêrik dê bi carekê bibin qîjot.

– Ez di bextê de me, weha neke Siltanê min...

– Ma tu li hember min radibî?

– Na, Siltanê min.

– Wê gavê, biçe welatên gêrîkan û fermana min bigihîne wan. Ger heta sibehê, wan qûnêñ xwe ji daran veqetandin

veqetandin, na na, êdî ew dizanin bê dê çi biqewime.

Serekhudhud dê çi bike, tevî çend hudhudên xwe firiya çû daristanê, hat ser serê gêrîkan. Gêrîk gulok bi gulok bi ser hev de kom bûbûn û qûnên xwe bê rawestan di binê daran, gewde û guliyêن wan de didan. Serekhudhud firiya û berê li vê daristanê, dû re jî li daristanêن din geriya. Hemû tiştêن ku wî li welatên gêrîkan dît, ev bû.

Li ser daristanê firiya û xwe li ser guliyê herî bilind ê dara ku tam di orta daristanê de bû, danî. Li vê derê, hemû gêrîkan dikarîbû ew bidîta û dengê wî bibihîsta.

Bi borîzana xwe dest pê kir. Dengê wî li çiyayêن bilind î dûr olan da:

– Heeeeey gêrîkno, bila deng bê we hemuyan, ev emirê Siltanê me ye. Emirê Siltanê ku Serokê hemû mexlûqan, Serokê şer û pilingan, gur û wawîkan, kerkedan û kerên bejî, mar û tîmsehan e. Ji bo min şeref e ku ez emirê Siltanê me, wî Siltanê muhteşem, wî Siltanê dinyayan, digihînim we. Berê jî ez pê serbilind dibûm ku min emirê Silêmanê ku Siltanê hemû mirov û mexlûqan digihand qûlêñ wî. Heeey gêrîkêñ mezin î esil-fil, nuha, guhêñ xwe bidin min û li min guhdarî bikin. Siltanê me emir da ku hûn ê filêñ mezin teqlid nekin û qûnên xwe sal duwanzdeh meh di daran de nedîn. Ev bi yekcarî qedexe ye. Me ji we te got ku hûn fil in, hûn ê bibin fil, lê me ne got ku hûn ê wan qûnên xwe yên piçûçik bê rawestan di daran de bidin. Ger ev weha dewam bike, ger hûn qûnên xwe ji daran bi dûr nexin, kî, kî dê bixebite û ji me re nektar û navika kulîlkan berhev bike? Ger hûn dev ji vî haweyê xwe yê filî bernedin, ez jî, fil jî û hûn jî dê birçî bimînin. Ji ber vê yekê, qûna xwe di daran de dayin û raketin ji bo filan e, ne ji bo filgêrîkêñ ku dû re bûne fil e. Heeey filgêrîkêñ qûlêñ min, ez bi qet'î emir didim we ku hûn ê a nuha, di vê deqîqeyê de, dev ji haweyê xwe yê filî

berdin, qûnêñ xwe ji daran bi dûr bixin û biçin bajarêñ xwe. Siltêñ weha emir da, Siltêñ weha emir da, bila deng bê we hemuyan.

Gêrik ew qas mest bûbûn ku li hember vê bangkirina Silêmanê Dunikil, tu kesî reaksiyoneke herî piçûk jî nîşan nedida. Tew tu kes ne li wî dizîvirî û ne jî lê dinihêri.

Bire bira Serekhudhudî bû, digot:

– Siltan dibêje ku Siltanê me yê mezin dibêje ku min got, ew fil in, lê min negot, ew ê bi qasî ku qûnêñ xwe di daran de bidin, bibin fil. Min negot ku ew ê bi qasî ku nektar, navika kulîlk û dendikan bixwin, bibin fil. Ew fil in, lê bi qasî bejna xwe fil in.

Xulxulekê daristan ji serî heta binî da ber xwe:

- Em fil in!
- Em fîmîl in!
- Em fîmîmîl in!

Serkumikê Berz bi borîzana xwe bang kir:

– Hûn fil in, lê hûn bi qasî bejna xwe fil in.
– Bi qasî bejna xwe, bejna xwe, bejna xwe.
– Em fil in, em wek filan fil in.
– Em wek filan fil in.
– Wek filan!
– Hûn fil in, fil in, lê... Siltêñ ji we re emirê xwe yê qet'î şand. Ger hûn heta serê sibehê, qûnêñ xwe ji van daran bi dûr nexin, Siltan jî dê birûska xwe biavêje ser we, ser daristanê, ser dinyayê û ew ê we bişewitîne, bike qîjot, bike xwelî. Hûn qet dizanin bê birûsk çi ye, hûn dizanin? Emirê Siltanê me qet'î ye. Hûn ê qûnêñ xwe ji daran bi dûr bixin!

Daristan dîsa xulxulî û got:

- Em fîmîl in!

Serekhudhudî îcar ji gêrikên zerî re got.

Wan jî weha bersiv da:

– Em fîmîl in!

Wey, dinya hatiye guhertin, ew gêrîkên zerî yên miskîn, xayîn û pîsîk jî li kerê şeytên siwar bûne û dibêjin, em fil in.

Vê carê berê xwe da hudhudê li ser gulîyan. Qûnêñ hemuyan zelût bûbûn, bê rawestan û bi awayekî ecêb di gulîyan de didan.

– Hudhudê min, ez emirê Siltêñ ji we re dibêjim. Qet nebe, hûn hîn nebûne fil, hûn jî wek min, hîn çivîk in, ne weha?

Daristana ku ne serî hebû û ne jî binî, bi hevdu re kir çîve çîv:

– Em fîmîl in!

Serkumikê Berz gulî bi gulî firiya û bi hemû gêrîk û budhudan re peyivî. Nikarîbû tu kes bixapanda. Bi tu kesî neda qebûlkirin ku ew ne fil e. Ew ê çawa bi wan bide qebûlkirin, ew bi xwe jî Serokê hudhudan Serkumikê Berz jî bawer dikir ku ew fil e, hem jî filekî renga reng, bi neqîş, xweşîk, bi şewq û bi hereket. Di firseta herî piçûk de, tavîlê qûna xwe disi-part guliyekî, dixurand dixurand û bang dikir:

– Ma hûn li emirê Siltêñ guhdañ nakin?

Deng ne ji gêrîkekî û ne jî ji hudhudekî dihat. Zeriyekî piçûçik jî bersiva wî nedida.

– Serê sibehê birûsk, birûska Siltêñ... Tu ruhber dê nemîne. Koka hemû mexlûqan dê biqelihe.

Ji derveyî xirte xirta xurandinê, tu deng ji daristanê nedihat.

Serkumikê Berz bêyî ku ji ya xwe dakeve, du rojan, sê rojan li ser hevdu bi gêrîk û çivîkan re peyivî.

Got:

– Birûsk, agir, av... Siltan dê koka hemû mexlûqan... Ew ê we hemuyan... Hûn ê bimirin...

Ji keviran deng dihat, lê ji gêrîk û çivîkan nedihat.

Dû re, dengê xulxuleke qalind mîna ku ji deveke kûr di-hat, ji nişka ve daristan dagirt:

— Siltanê me yê ku Siltanê siltanan e, dikare hertişên me ji me bistîne, lê nikare filîtiya me ji me bistîne. Tu kes nikare xurandina me ji destêne me bistîne. Em li darê dinyayê, carekê bûn fil. Em wê jî ne dikarin bidin Siltên û ne jî şahî. A, em ê heta qiyametê, qûnên xwe weha bixurînin.

Piştî xulxuleyê, dengê xirte xirta xurandinê daristan dagirt.

Serekhudhud firiya, peyivî, pir li ber wan geriya, ew tirsandin, êdî piştî wê, ji devê tu kesî peyvek jî dernexist. Tevî hudhudan hat ba Siltên. Siltan bê xew û bê xwarin û vexwarin destê wî li ber guhêñ wî û li benda wî bû.

Tavilê pirsî:

— Ci bû?

Serekhudhudî got:

— Tu tişt nebû. Qet tu tişt. Min tiştekî weha qet nedîtiye. Belkî, ji gava ku dinya hatiye avakirin û vir de, ez li ser serê dinyayê difirim, min ew qas mirov, ew qas mexlûq dîtine, ez bi ew qas mexlûqan re jiyame, lê min tiştekî weha nedîtiye. Ev filbûn jî ci karekî ecêb e ku tu kes nikare qûna xwe ji daran bi dûr bixe. Tu kes, ne gêrik, ne çivîkên me, ne jî gêrikên zerî... Ew qas mest bûne çûne ku... Siltanê min, min got; emir, min got; şewat, birûsk, min ji wan re hîn ci got û ci negot, lê guh nadinê. Tu hereket ne ji gerîkekî û ne jî ji ci-vîkekî çêbû. Min bi rojan, bi wan re minaqeşê kir, lê min bi tenê çend gotin ji devê wan girtin. Berê, hemuyan bi hevdu re got ku em fil in, em fil in û dengê xwe birîn. Dû re jî tam piştî sê rojan, got ku Siltan dikare hertişên me ji me bistîne, lê nikare filîtiya me ji me bistîne. Em fil in û em ê fil bimînin. Em bi filî hatin vê dinyayê û em ê bi filî bimirin. Wan got ku em li darê dinyayê, carekê bûne fil. Dû re, min ci ji wan re got jî min nikarîbû tu bersiv ji wan werbigirta. He-

mû gêrik û çivîk ker û lal bûbûn. Ew zeriyên zexel ên dix-wernedîtî jî...

Siltêن ji nişka ve ji Serkumikê Berz pirsî:

– Tu çawa yî?

Serkumikê Berz got:

– Qet nepirse, li halê min qet nepirse. Gava ez an difirim û an xwe datînim, ger li deverekê, çavêن min bi darekê, guliye-kî û diriyekî bikeve, hema ez diçim ba wan û dest pê dikim qûna xwe tê de didim... Ez li ber tu tiştî nakevim, Siltanê min, lê ez li ber dikevîm ku ew qas sal derbas bûn û ez wek filan nejiyame.

Siltêن got.

– Wax wax! Wax, wax wax!

Serkumikê Berz got:

– Tu li ber nekeve, Siltanê min, ez ji ber vê rewşê pir serbîlind im. Siltanê min, ev filîti, filbûn çi tiştekî ecêb, çi tiştekî xweş e, lê em pê nehisiyabûn...

– Ger ez a nuha, te biavêjim nav birûskê....

– Ez nikarim dev ji filîtiya xwe berdim, Siltanê min.

– Ger ez baskên te bişkînim, jê bikim...

– Ez nikarim dev ji filîtiya xwe berdim, Siltanê min.

– Ger ez herdu çavêن te bi hevdu re derxînim...

– Ez nikarim dev jê berdim.

– Ger ez hudhudên te hemuyan bişewitînim, li dinyayê çivîkek bi tenê, hudhudek bi tenê jî nemîne...

Serkumikê Berz got:

– Ez dîsa nikarim dev jê berdim, tu kes jî Siltanê min, tu kesê ku ev tahma pir xweş stendibe û pê mest bûbû, nikare dev jê berde.

Dû re pesinî û dewam kir:

– Wey lawo, filbûyin tiştekî çi qas xweş e!

Rawestiya, piçekî şerm kir, dû re jî bi lez got:

– Piçek destûr bide min, Siltanê min.

Tavilê firiya, çû ba dara çinarê. Piştî ku qûna xwe bi lez di darê de da, paş de vege riya.

Siltan keniya û got:

– Min fahm kir.

Ü van hemû tiştan Siltan bi xemgînî da fikirandin. Ci kawikî kiribû, hem jî kawikiya herî mezin... Ji gérîkan û çivîkan re ci gotibû? Gotibû ku her yek ji we filek e, fil ji gérîk û çivîkan çêbûne! De îcar were vi kerî di vi bihurî re derbas bîke, de were îcar ji nav vê meseleyê derkeve...

– Em ê ci bikin, birayê min û Serkumikê Berz?

– Siltanê min, qet tu çareya vêya tune ye. Qet tu çareya vê... Hudhud û gérîk dê heta qiyametê fil bimînin.

– Lê ew ne fil in...

– Bûn fil, Siltanê min. Te ew kirin fil...

– Me ew kirin fil, aaax, me ew gérîkên bi qasî piçekî kirin fil, aaax, me bi xwe ew kirin fil. Me bi destê xwe anî serê xwe. Èêê, dê nuha ci bibe?

– Tu tişt nabe.

– Ma heta qiyametê dê weha be?

– Dê weha be, Siltanê min. Di bin daran de, gulok bi gulok gérîk û li ser daran jî ref bi ref çivîk bi qûnên xwe yên zelütbüyî, dê xwe her bixurînin.

– Wê gavê, em fil, filên biesil dê ci bixwin? Hûn, çivîkên biesil dê ci bixwin? Me gérîk fêri filîtiyê kirin, lê filîtiyeke xerab; me ew kirin fil û me dara bin xwe bi destê xwe birî. Kî dê ji nuha û pê ve, ji min re serayê çêbike û embarên min bi nektar, navika kulîlk, dendik û kêzikan ve dagire? Kî? Aaax! Aaax, gérîkên min ên ku ez wan geh qezenc dikim û geh wenda dikim, aaax! Serekhudhudo ka bibêje, me ci kir? Em ji wî pîsê Rîhsorî tırsıyan û me ci kir, me ci kir? Wan tiştên piçûcik jî ci qas zû bawer kir ku ew fil in... Ew jî ci hazır bûn

ku bibin fil. Ma min ci dizanîbû, min... Ev adeteke kevin bû, min dizanîbû, ger ez wan nekim fil –ne filên wek filanger ez gêrîktiya wan bi wan nedim jibîrkirin, min ê nikaribûya heta dawiyê, ew bi darê zorê di bin hikmê xwe de bihişta-na. Ez ji mirovan fêrî vêya bûm. Min got qey her îcada wan baş e, lê binihêre, bê min ci anî serê xwe, min ci derd ji xwe re çêkir! Derba min li min vege riya. Min got ku ez ê gêrîktiya wan bi wan bidim jibîrkirin... Aaax, ji derdê van însanan, aaax!

Serekhuhudî got:

- Mirov fenek in. Ew mirov, ew mirov pir fenek in. Ez bi wan re gelekî jiyam. Ez wan ji nêzîk ve nas dikim.
- Êêê, a va encama wê. Gava gêrîk bûn fil, bi temamî ji destêن min derketin.

Serkumikê Berz got:

- Dernakevin. Ger mirovan ji gêrîkan re gotibe ku hûn fil in, sê sed salî li botîzanê xistibe û baweriya wan anîbe ku ew ê rojekê bihin fil, tiştek di vêya de heye.

Siltêن pîrsî:

- Ne weha?

Silêmanê Dunikil got:

- Tiştek di vêya de heye.

Siltêن got:

- Ger weha be, em lê bifikirin.

Silêmanê Dunikil got:

- Dibe. Hela ez biçim xwe li ser wê darê deynim û qûna xwe baş hixurînim. Siltanê min, ger ez qûna xwe nexurînim, ez nema dikarim bifikirim.

Siltêن got:

- Ecêb e. Ez ji weha me. De here, bixurîne û were. Na na, were xwe li ser dara min deyne, tu li jorê û ez li jêrê, em ê xwe bixurînim. Hem em xwe bixurînin û hem ji bifikirin,

ma dibe?

Serkumikê Berz got:

– Pir baş e.

Li jêrê Siltên qûna dabû nava darê û li jorê ji Silêmanê Dunikil qûna xwe dabû gulyekî darê û xwe her disütikand.

Piştî demeke dirêj, Siltên ji nişka ve, ji kêfa qêriya û bangî Silêmanê Dunikil kir:

– Zû were, zû were.

Silêmanê Dunikil tavilê ji jorê firiya û xwe bera xwarê da.

– Kerem bike, Siltanê min.

Siltên got:

– Temam, çêbû. Taswasa me bê sebeb bû.

– Cawa?

– Ma di embarêñ bajarêñ gêrîkan de, xwarinêñ wan hene? Ma wan hemû xwarinêñ ku berhev kiribûn, ji min re ne-anîn? Ma ew di avakirina serayê û çêkirina textî de, demeke dirêj nexibitîn? Ma wexta wan çêbû ku ew bikarîbin ji xwe re xwarinê berhev bikin?

Silêmanê Dunikil got:

– Çênebû. Di embarêñ wan de, piçêke xwarina wan ji tunne ye.

– Nuha baş e, hîn zikê wan têr e. Ji der û dorê hineke xwarin ji peyda dikin. Gava ku Zivistan bê û berf bibare, gava ku Zivistan bê û li dinyayê tu kêzik, kulîlk, genim û dendik nemîne...

Silêmanê Dunikil got:

– Gava nemîne, ew ê çi bikin?

– Ew ê çi bikin? Ew ê ji nêza bimirin. Gava birçî bimînin ji, ew ê tavilê tê bigihêjin ku ew ne fil in, ew ê gêrîktî û çivîkiya xwe bi bîr bînin. Piştî wê ji gava ew mirinê bi çavêñ serê xwe bibînin, ew ê bêñ ba min û xwarinê bixwazin... Ez ê ji...

Hudhud pir tîrsiya û li ber Siltên geriya:

– Ger ez qûna xwe her bixurînim û her fil bimînim, tu tiştekî bi min nakî, ne weha?

– Ez qet tu tiştekî bi te nakim, ez ê bi qasî ku tu bixwazî jî xwarinê bidim te. Tu ci qas dixwazî, tu dikarî qûna xwe di daran de bidî. Tu filek î.

– Çivîkên min?

– Ew jî piçekî fil in.

Serekhudhudî kêfa xwe pir anî û got:

– Bila be, bila be. Piçek filîti têra wan dike. Siltanê min, le tu ji bo gêrîkên zerî ci dibêjî? Ger em wan ji filîtiyê biavêjin û webabihêlin, ji xwe, ji gêrîktiyê derketine, ew ê weha li ortê bimînin.

– Ew ê jî piçekî bibin fil û mîna çivîkên te, qûna xwe ji salê carekê bixurînin, ma dibe?

Serekhudhudî kêfa xwe anî û got:

– Dibe.

Ji kêfa, ji ser guliyekî diçû ser yekî din .

– Tu hemû salê, ji filekî baş jî û ji min jî bêtir dikarî qûna xwe bê rawestan bixurîni.

– Tu her hebî, Siltanê min. Nuha, gava Zivistan bê û gêrîk birçî bimînin...

Siltên got:

– Ka em bipêñ. Bila dev ji qûnxurandinê bernedin, ez ê wê gavê qûna wan bibînim...

Zivistan hat, berfê dayê. Gêrîk û çivîk hîn li daristanê, bêyî ku bibetilin û jê aciz bibin, qûnêñ xwe di daran de didan. Serekhudhud jî her ji çend rojan carekê, ji seraya Siltêñ difiriya diçû welatêñ gêrîkan û daristanan, bêyî ku bi wan re bipeyive, ji jorê li daristanan temaşe dikir û vedigeriya seraya Siltêñ. Ci tiştêñ ku didîtin, ji Siltêñ re ta bi derziyê vedikir. Ü Siltan bi bêsebirî li benda wê rojê bû.

Gêrîk li jêrê û çivîk li jorê, ji nişka ve, bi xwe hisiyan ku hem serma xwarine û hem jî birçî ne. Çivîk tavilê firiyan û çûn hêlinêن xwe, xwarinêن ku Siltêن ji embaran dabûn wan xwarin û li kêfa xwe nihêrîn. Gêrîk jî berê şas bûn, li daristanê vir de û wê de çûn û dest bi lêgerînê kir û mîna ku nuh hatine dinyayê xweza bîhn kir. Rapelikîn daran, xwe bi wan seyand, pelên wan bîhn kirin, simbêlên xwe di hevdu de dan û dûr û dirêj peyivîn. Lê nihêrî ku birçî û tazî li ortê mane. Gêrîk li daristanê çend rojan rêz bi rêz bi vir de û wê de çûn û hatin.

Birçibûnê ew qasî li serêن wan xistibû ku êdî ne filbûna wan û ne jî qûna xwe di daran de dayin, dihat bîra wan. Kal û pîr û zarok ji nêza nema dikarîbû bimeşiyana.

Gêrîkê dilqecêb xwe avêt ortê û got:

– Yaho hevalno, Ma berî ku em bibin fil, welatêن me, bajarêن me tune bûn?

Heta wî weha got, şasbûna gêrîkan dom kir.

Gêrîkan got:

– Hebûn.

– Eêêê, ma berî ku em bibin fil, li bajarêن me, xwarinêن me tune bûn?

Wan got:

– Hebûn.

– Wê gavê, ji bo ci ew qas roj in, em li vê daristanê diçûn û têن?

– Bi rastî, em ji bo ci li vê daristana asê diçûn û têن?

– Em ketin daristanekê, rê ne diyar e...

– Em radikevin radikevin, lê roj ne diyar e...

– Wê gavê, de heydê em biçin welatêن xwe...

Gêrîk ji daristan, çiya, gir û gelîyan mîna lehiyekê herikîn welatan. Bi rojan, bi hefteyan hatin. Xwe gîhand bajarêن xwe, welatêن xwe. Bi hatinê re jî êrîşî embaran kir, lê nihêrî

ku çi bibînin, embar vit û vala ne. Di embarêن tu welat û bajaran de piçek xwarin tune bû.

Gêrîkan got:

– Ji bo Xwedê, çi bi xwarinêن me hat?

Gêrîkê dilqecêb keniya:

– Hey ehmakno, hey kawikno, hey birayêن min û gêrîkêن ku piça eqil di serî de tune no, we fahm kir, bê ev çi qas wext e ku em ji xwe re xwarinê hilnînin? Ma me hemû hêza xwe neda avakirina serayê û heylo ji orta dinyayê tahta almasa şîn dernexist û text çênekir? Hey birayêن min û gêrîkêن bîrsar û bêaqil, ma me ew xwarinêن xweş ên ku me ji çar aliyêن dinyayê berhev kiribûn, nekişandin embarêن Siltanê xwe? Ma embarêن Siltanê me, nuha heta ber dev ne tije xwarin in? Me ji Siltanê xwe re, bi eşq û hewesê li vê dinyayê, ew qas xwarin dan hev ku Siltanê me jî filên wî jî çivîkêن wî jî û em hemû gêrîkêن dinyayê jî bixwin, em nikarin wan xwarinêن di embaran de ne, di deh salan de biqedînin.

Gêrîkan simbêlêن xwe dirêj dirêj di hevdu de dan û peyi-vîn:

– Wê gavê, em ê nuha çi bikin?

Beyî ku bizanibin bê ew ê çi bikin, simbêlêن xwe her di hevdu de dan û tî û birçî li bajaran geriyan. Ne Serekhud-hud li ortê xuya bû, ne jî ji Siltêن xebereke herî piçûk dihat. Di van bajar û welatêن pir mezin de, wek kevirê di binê bîrê de, bi tena serê xwe mabûn. Piraniya kal û pîran jî ji nêza ketibûn nav nivînan û ji aliyekî diwerimîn diwerimîn û dimirin.

Di dawiyê de, Gêrîkê dilqecêb dîsa xwe avêt ortê û got:

– Hey hevalno, ma em ê li vê derê, dest û lingêن me girê-dayî, ji nêza yek li dû yekî bimirin û bimînin? Ger ev Zivis-tan weha biçe, li ser tuyê dinyayê, gerîkekî zindî bi tenê jî namîne.

Mezinên gêrîkan pirsî:

– Ma tu tiştekî ku mirov dikare bike, heye, heey Gêrîkê dilqecêb?

Gêrîkê dilqecêb got:

– Hela em bifikirin. Dibe ku em ji devereke tiştinan peyda bikin û zikên xwe têr bikin û ji nêza nemirin.

Mezinên gêrîkan got:

– Ma di vê Zivistana pir dijwar de, gava ku dinya ji serî heta binî di bin berfê de mabe, em ê xwarinê li kî derê peyda bikin?

– Hela em jî biceribînin, dibe ku em devereke berf lê ne baryayî, embareke genim, firneyek, deriyekî vekirî an siloyekê peyda bikin... Belkî embareke xwarinê ya ku ji pêşiyêne me maye û batiye jibîkirin... belkî, belkî, belkî... Ma we şeva ku lê nebûye sibe dîtiye... De heydê birayên gêrîk, em têkevin rê û dest pê bikin li xwarinê bigerin. Em biçin biçin û pir dûr biçin, qonaxa şes mehan biçin, em binihêrin bê çi di-be. Çi bibe jî bila bibe, dê baş be. De heydê...

Mezinên gêrîkan pişta xwe sipartin dîwêr û fikirîn. Serê xwe bera ber xwe dan, bi tilikên xwe ve simbêlên xwe tev dan û fikirîn. Sê roj û sê şevan xew neket çavên wan û fikirîn:

– Ji berdêla ku em ê li vê derê, li nav bajaran weha bipê, bigerin û bimirin, em ê vê Zivistana dijwar têkevin rê û li xwarinê bigerin û bimirin, çêtir e.

Mezinên gêrîkan piştî ku weha got, da pêşiya gêrîkan û ketin rê. Gêrîk li ser berfa spî, bi rêzên dirêj ji rojhilat ber bi rojava, başûr û bakur ve kişiyan. Gêrîk li ser berfa ku ne serî hebû û ne jî binî, dirêj bûn. Xwe gîhand paş Çiyayê Qaf, deştêن Asyayê, Anatoliya bi bereket, Çukurova, Mezopotamya û perên Nilê. Bi emirê Xwedê, li tu deveran xwarin peyda nekirin. Gelek gêrîk di bin berfê de man, gelek jî wan

di ber lehiyê de çûn û gelek ji wan jî bi epîdemiyê mirin. Gava gêrîk vege riyan welatên xwe, ji sisiya yekê hevalên wan miribûn. Yêñ ku mahûn jî xizan, perîşan û seqet bûn. Ji nêza hestî û çerm mabûn. Ew qas pir qeherî bûn ku dixwest dinyayê bi xezeb bişewitine û hilweşîne.

Simbêlên xwe bê rawestan di hevdu de didan, hevdu bêhn dikir û dipeyivîn:

- Tîiq tîiq, em bûn fil, fil!
- Hey bêhişno, ma gêrîkek dikare bibe fil? Hey gêrîkên bêhiş!
- Me xwe fil hesiband û me xwe li hember dinyayê û hemû mexlûqan rezîl kir.
- Me wek filan qûnêñ xwe di daran de dan...
- Me tê da û em bûn qeşmer...
- Me zikêñ xwe wek ên filan werimandin, xortimêñ xwe dirêj kîrin û em weha meşîyan û meşîyan...
- Me xwe jî pêsiyêñ filan ên esil hesiband.
- Aaax, em gêrîkên qeşmer... Me xwe bi rastî fil hesiband!
- Wî Siltanê zikmezin henekê xwe bi me dikir.
- Wî Siltanê guhkulav.
- Wî Siltanê qûnsor ê qûn bimêş.
- Xortim bi herî...
- Çavkespik.
- Bêvilzîro.
- Terîmar.
- Enî bitulh.
- Wî pîsê nexweşikbûnê!
- Cîp xwar...
- Em bûn fil, fil!
- Em gêrîk bûn fil!
- Em wek filan werimîn werimîn û ketin vî halî.
- Me şerm nekir û em sal duwanzdeh meh xebitîn da ku

em bikaribin bişibin wan filên kirêt.

– Em bûn fil, fil û va tiştê ku divê me bidîta, me dît.

Axavtinan carinan bi awayê tinazê, carinan bi awayê lomekirinê û carinan jî bi hêrs dom dikir. Hîn ji nuha de, gelek gêrîk bûne rîhsor, dev ji welat û bajaren xwe berdaye, ji ortê wenda bûne û çûne ba Rîbsoro.

Gava gêrîk ji serma û nêza dimirin, gêrîkên zerî jî di xêr û xweşiyê de mabûn, zikên wan têr, kincêن qalind li wan, embara Siltêن di emirê wan de, ji bextiyariyê, ji ser hişê xwe çûbûn û li welat û bajaran diçûn û dihatin. Û tiştêن ku li welat û bajaren gêrîkan dibûn, herroj digîhandin Siltêن.

Siltan ji ber tiştêن ku dibihîstin, har dibû:

– Wey bavo, hela tew hûn ji xwe re, li van gêrîkan binihêrin! Hela tew hûn li van miskînan, li van kêmaqilan binihêrin, gelo ev xwe çi dihesibînin!... Wey liminê, gêrîkan berê, xwe fil hesiband, ne xwe, nuha jî xwe piling dihesibînin, wey kêmaqilno, wey! Ez ê rê we bidim! Ez ê filekû bi tenê bişînim û hezar bajaren we bi erdê re bikim yek. Wey kêmaqilno, wey! Hela hûn li vî derdî binihêrin...

Her ku Siltêن ji welatên gêrîkan xeberek werdigirt, ji hêrsa har dibû, li hundurê seraya xwe bi telaş vir de û wê de diçû û dihat. Mîna xencer di canê wî de radibûn, borînî pê diket.

– Ci dibêjin, çi?

– Henekên xwe bi te dikin.

– Ci dibêjin, çi?

– Dibêjin, terîmar, çavkespik, korê bêhiş, Siltanê min.

– Hela li teriya min binihêre, heey Serekhudhudo, ma qet dişibe ya mîr?

– Ma qet dişibê, Siltanê min. Ew derewan dikin.

– Li çavêن min binihêre.

– Siltanê min, çavêن te dişibin çavêن xezalan.

– Ne xwe, ew derewan li min dikin, bêbextiyan li min di-

kin, ne weha?

- Bêbextiyân dikin.
- Ji bo çi, min çi bi wan nankor û rezîlan kiriye? Ma min her yek ji wan bênamûsan nekir filek?
- Te kir, Siltanê min.
- Wê gavê, çi dixwazin?
- Birçihûnê li serên wan xistiye, hişen wan ji serên wan bîriye. Tîrsa ji nêza mirinê ew har kirine.
- Ma ji nêza gelek gêrîk mirin?
- Belêê... Ji nêza, gelek gêrîk mirin û hem jî ji epîdemiyê, Siltanê min.
- Bila bimirin, birayê min ï Serekhudhud. Ma qey gêrîkên li ser ruyê erdê naqedin... Gêrîk ew qas pir in ku ma tu carî hi mirinê diqedin?
- Diqedin, Siltanê min.
- Tu çi dihêjî, birayê min ï Serkumikê Berz? Li vê dinyayê hertişt diqedede, lê bi tenê gêrîk naqedin. Gêrîk ew qas pir in ku dinya tije gêrîk e. Ma ew qas gêrîk, bi mirinê diqedin? Binihîre, gava yek dimire, hezar gêrîkên din çêdibin.
- Tu rast dibêjî, Siltanê min. Gava gêrîkek dimire, hezar gêrîkên din çêdibin, lê li hember vê mirina bi ser hevdu de, milyonek jî çêbibin, nikarin idare bikin, ew ê biqedin.
- Ji bo xatirê Xwedê, vêya di min de neke, birayê min ï Serkumikê Berz. Ez ê li vê dinyayê, bê gêrîk çawa bijîm? Gava gêrîk tune bin, kî dê van xwarinêñ xweş, van nektar û navika kulîlk, dendik û gîhayan ji min re bîne, kî, kî, kî? Wax gêrîkên min, qûlêñ min ên egîd û jêhatî waaaax!
- Siltêñ weha kir wax wax ku dengê wî ji hemû welatêñ gêrîkan hat bihîstin.
- Wax, wax û wax... Waaaax qûlêñ min ên gêrîk, waaaax!
- Serkumikê Berz piştgiriya wî kir:
- Wax!

Siltên got:

– Li min binihêre, ez hemû sûcên ku wan li hember min kirine, efû dikim, lê ez rîhsorbûna wan û reva wan î çiyayî qet efû nakim. Li min binihêre, birayê min î Serkumikê Berz...

– Ez dînihêrim, Siltanê min.

– Ez ji van rîhsoran ditirsim, ew ê belayekê bîne serê min.

– Gêrîk ew qas piçûçik in ku ger hemû gêrîkên dînyayê bibin rîhsor jî dikarin ci bikin?

– Ez dizanim, dizanim, birayê min î Serkumikê Berz. Ew nikarin tu tiştekî bi van filên zirecêb bikin, lê mirovan ci gotiye? Ew mirov ci qas ehmeq bin jî, ew qas jî bi aqil in. Ci gotiye?

Serekhudhudî pirsî:

– Ci gotiye?

– Wan gotiye ku ger dijminê te gêrîk be jî piçûk nebîne. Ez dizanim ku gêrîk dê heta qiyametê di bin emirê min de bimîne. Ew nikarin tu tiştî bikin, lê divê em dîsa jî rê nedin rîhsoran. Ci dibe, ci nabe, divê dîsa jî hayê me ji me hebe. Ev reben ew qas piçûçik in ku... Rawestiya, fikirî û xortima xwe ji nişka ve rakir û got:

– Li min binihêre, hey birayê min î Silêmanê Dunikil. Li min baş guhdarî bike, li vê dînyayê, divê tu mexlûq nizanibe ku ez ji gêrîkên rîhsor ditirsim. Ew ê henekên xwe bi min bikin, ew ê ji min re li defê bixin. Gidî ji bo Xwedê, divê tu gêrîk, tu mexlûq nizanibe ku ez bi rîhsoran mijûl dibim.

– Ew ê nizanibin, Siltanê min.

– Ez li vê dînyayê ji tu mexlûqî jî natirsim. Ez ne ji şêran, ne ji leopardan, ne ji marêñ boa û ne ji ji mirovan ditirsim.

– Ez dizanim, Siltanê min, tu natirsî.

– Ger ez hêrs bibim, li vê dînyayê tu mexlûq nikare li hember min raweste.

- Nikare raweste, Siltanê min.
- Ez ê dîsa jî van rîhsoran ji ortê rakim û dinyayê bikim Mihdîzeman. Di dema siltaniya min de, tu mexlûq dê nebe dijminê tu mexlûqekî din. Tew ev rîhsor jî dijminên min in, ne weha?
- Ew dijminên te ne, Siltanê min.
- Li vê dinyayê dê tu rîhsor nemîne. Ez ê koka rîhsoran bi-qelihînim. Ji derveyî min, tu kes dê nikaribe gotinên wekhevî, azadî û aştiyê bîne ser zimanê xwe. Di dema siltaniya min de, tu kes dê wek wan rîhsoran keda tu kesê din nexwe. Yêv ev dinya hêşîr kiriye û dijminê azadî, wekhevî, aştî û biratiyê ne, ew rîhsorêñ nemerd in. Yêv ku nahêlin gêrîk filîtiyê bikin û ji filîtiya gêrîkan, hem jî filîtiya gêrîkên ji esilê xwe dibehecin, ew gêrîkên rîhsor in. Ji bo ku gêrîk bûne fil, ji ber çavnebariya xwe, dîn bûne. Ji ber ku ew rîhsorêñ nemerd dê tu carî nebin fil. Ji ber vê yekê, ew hem dijminên jiyanê, hem yêv dinyayê û li dinyayê ci tiştên xweş hebin û hem jî yêv min in. Ez ê li vê dinyayê jiyanê li wan heram bikim. Ez ê wan hemuyan bikujim, hemuyan. Binihêre, Serekhudhud tu yekî ku dinya dîtiye û gelek serpêhatî ye, ev gêrîk hemû jî bibin rîhsor, qet ne girîng e, ne weha? Ger ew agir bin, ançax dikarin bi tenê xwe bişewitîne. Milyonek gêrîk bêñ ba hevdû, dikarin ançax bibin bi qasî lingekî filekî min, wê gavê, ez ê ji bo ci ji qûlêñ xwe yêv gêrîkan bitirsim?.. Ez hêrs bûm û tu nema bû ku min koka hemû gêrîkên dinyayê biqelandâ. Ez, ez, ez ji gêrîkan natirsim. Ew ê bibin fil, fil. Ew ê di bin birêvebirina min a filî ya azad û wekhev de, bextiyar bin. Li vê dinyayê, mexlûqêñ herî bextiyar kî ne?
- Gêrîk in.
- Li dinyayê, mexlûqêñ herî azad û ên di wekheviyê de dijîn, kî ne?
- Gêrîk in.

- Li dinyayê, mexlûqên herî aştîxwaz kî ne?
- Ma dê kî bin, gêrîk in.
- Ez ji van rîhsoran pir aciz bûm û min dikira hemû qûlêñ xwe yên gêrîk ji ortê rakirana... Nuha, Nuha, qûlêñ min di çi halî de ne? Bi lez biçe, bigere û were. Binihêre bê welatêñ gêrîkan di çi halî de ne û were ji min re bibêje.

– Li ser seran, Siltanê me.

Serekhudhud tevî hudhudêñ li ba xwe, fîriya û rast çû we-latêñ gêrîkan. Çû ku çi bîbîne, perîşanî, xizanî û xelayeke weha hebû ku qet mepirsin. Rewş ew qas xerab bû ku Ser-kumikê Berzê ku ew qas dinya dîtiye, ji ew qas epîdemî, bela û felaketan filîtiye jî giriya û bi baskêñ xwe ve hêsitêñ xwe paqij kirin.

Bi awayekî pir liberketî vege riya ba Siltêñ.

Siltêñ pirsî:

– Ev çi hal e? Çi bi te hatiye, birayê min î Serekhudhud, çavêñ min, ev çi ye? Ma çi bela bi ser te de hatiye? Min ev rewşa te qet neecihand.

Serkumikê Berz naliya û got:

– Mepirse, Siltanê min, em mahf bûn. Gêrîk diqedin. Aaaax, em ê gêrîkêñ weha, dostêñ weha, mexlûqêñ evîndarê wekhevî, azadî û aştiyê ku ji bo me li dinyayê biggerin û xwarinêñ herî xweş bidin hevdu, careke din ji ku peyda bikin? Aaaax, aaaax! Dimirin, ji nêza hemû bi ser hevdu de dimirin.

Siltêñ dîsa kir borînî:

– Waaax, waaax!

Gêrîkan hemuyan dengê wax waxa Siltêñ bihîst û ji ber ku fahm kirin, ev wax wax ji bo wan e, kêfa wan pir hat.

– Waaax, wax, waaax! Baş e, ma ev ehmeqêñ gêrîk nafiki-rin bêñ ba min û xwarinê ji min bixwazin?

– Kî dizane, belkî difikirin, lê fedî dikan. Gêrîk pir hesas in. Belkî difikirin û dibêjin, em ê çawa biçin û xwarinêñ ku

me ji bo Siltêن anîne, bixwazin.

Siltan keniya û got:

– Birçibûn tu besasiyet mesasiyetê bi mexlûqan re nahêle. Birçibûn ne min, bavê xwe nas nake. Ka, bebekî raweste, ger rewş weba be, nuha artêşa gêrîkan meydana serayê dagirtine.

Serekhudhud bi lez perwaz da, xwe gîhand meydanê, vege-riya û got:

– Tu rast dibêjî, Siltanê min. Li meydanê ji gêrîkan, ger mirov axê biavêjê, li erdê nakeve. Gêrik li hemû palan û dorâ serayê, tev de diçin û têñ...

– Heydê, em derkevin derive, ez ê bi qûlêñ xwe yên gêrik re bipeyivim.

Derketin derive. Deng ji gêrîkên li palan û li meydanê derneniket. Deng ji keviran dibat, ji wan nedibat.

Siltan derket ser rasteka zinarê li serê meydanê bû û dest bi axavtinê kir. Hemû tiştên ku difikirî, pir eşkere ji wan re gotin. Bi taybetî diyar kir ku ger ew bibin fil jî ancax dikarin bi qasî gêrîkekî bibin fil. Di serê her peyvê de, ev rastiya kevin anî ziñen. Her dubare kir. Ji gêrîkan, ji vê qelebalixiya ecêb qet tu deng derneniket. Tev nediliviyan jî.

Siltan jî bi hêrs û bi kerb bê rawestan dipeyivî. Peyivî, peyivî, dû re westiya. Belkî jî hemû gêrik miribûn. Şik û taswa-sek pê re çêbû, mexel hat.

– Ma hûn mirî ne, hûn mirî ne?

Dengê wî çiya hejandin, lê dîsa tu deng ji gêrîkan çênehû.

Serekhudhud ber bi hundurê guhêñ wî yên wek merşê ve firiya û got:

– Guhdarî bike, Siltanê min.

– Çi ye?

– Guhdarî bike, binihête, dengê gêrîkan tê.

– Ez xulxuleke dibihîsim. Çi dibêjin?

– Guhdarî bike, Siltanê min, guhdarî bike. Dengê wan hê-

dî hêdî hilind dibe.

- Deng tê min, deng tê min...
- Em birçî ne, em birçî ne, em birçî ne... Em genim dixwazin. Genimê me tune ye.
- Hûn jî nektar û navika kulîlkan bixwin!
- Em genim dixwazin, genim...
- Serekhudhud, were ba min...
- Kerem bike, ez hatim, Siltanê min.
- Mezinên wan li baskên xwe siwar bike û bîne ba min. Serkumikê Berz daket jêr, Gêrîkê dilqecêb û mezinên gêrîkan ên din li ser baskên xwe kirin û hat ber çavêن Siltêن.

Siltêن got:

- Ez pir li ber rewşa we ketim. Madem hûn ji nêza dikira bimirina, hûn ji bo çi nehatin ba min?
- Me nexwest, em Siltanê xwe ji bo canekî aciz bikin.
- Siltan bi dengekî xemgînî peyivî:
 - Hûn pir nazik in. Hûn dizanin ku bin wan çiyayan ji serî heta hinî, tev de embar in û hundurê embaran jî tije xwarin e... Gava rewş weha be, ma mirov qet ji nêza dimire?
 - Em gêrîk in, em dimirin Siltanê me.
 - Ez ê xwarinê bidim we.
 - Tu sax bî, Siltanê me.
 - Ji bo vê jî şertekî min bi tenê heye.
 - Kerem bike, Siltanê me, şertê te li ser serê me.
 - Ez ê xwarina ku bi qasî têra Zivistanî bike, bidim her gêrîkî. Li hember wê jî...
 - Siltanê me, hema tu bi tenê canê me xelas bikî û tu çi bixwazî, em ê bikin.
 - Ez li hember wê jî ji her gêrîkekî termê rîhsorekî dixwaziin, ger sax be, hîn baştir e. Ger Gêrîkê Kulek ê Rîhsor sax be, yê ku wî sax an mirî ji min re bîne, ez ê li hember wî, embareke tije nektar û navika kulîlkan dendikan bidimê.

– Her gêrik dê yekî rîhsor ji ku peyda bike, Siltanê me? Di nav me de, ew qas rîhsor tune ne ku...

– Hûn dikarin her gêrikê ku muhemelen dikare bibe rîhsor jî rîhsor bihesihînin û wî mirî an sax ji min re bînin. Bi vî awayî, em ê koka rîhsoran û ya yên ku îhtîmal heye ku dikarin wek wan bifikirin biqelihînin.

Gêrîkan got:

– Dibe, Siltanê me. Em ê vê pêşniyara te, ji neteweyê gêrîkan re hihêjin, bê ka ew çi dibêjin. Me bibe, Serekhudhud.

Serkumikê Berz tavilê xwe ji jor de bera xwarê da û gêrikên li pişta xwe, li meydanê, li nav gêrikên din danî û vegeriya ba Siltên. Û li benda wan man. Li meydana li jêrê xulxuleke mezin dest pê kir.

Xulxuleyê her dom kir. Siltên bi sebira xwe nikarîbû û ji ber vê yekê Serkumikê Berz şes caran şand meydanê:

– Hela biçe, li wan binihêre, bê ew gêrikên lahnetlêhatî çi dikan, ev çi xulxuleya wan e?

Serkumikê Berz di herşes caran de jî got:

– Siltanê min, ez ji xulxuleya wan tu tiştekî fahm nakim û ez Gêrikê dilqecêb û hevalên wî jî nikarim peyda bikim.

Her çi qas fil girs bûn û gêrik jî tirsonek bûn, Siltên dîsa jî noq ji wan vala dikir. Yênu ku tahta almasa şîn ji orta dinyayê derxist, seray çekir, binê van çiyayan bi hunguv, dendik û bi navika kulîlkan ve dagirt, ger bixwazin, ger piçekî bifikirin, ger mîrxas bin, li vê dinyayê dikarin çi bikin û çi nekin. Ma yên ku barê sê-çar qat li giraniya xwe hildigirin, ne ev gêrik in? Ji bo birêvebirina van gêrîkan, aqil û zanistîyeke pir pêwîst e. Birêvebirina gêrîkan û îstîfadekirina ji wan, bi darê zorê nedibû. Divê tu wan ne birçî bihêlî û ne jî pir têr bikî. Divê ew ne pir feqîr û ne jî pir dewlemend bin. Ji bo ku ew nefikirin, divê tu hertiştî bikî. Di tebîeta gêrîkan de, xusûsiyeten serîhildan, guhertin û rîhsorbûyinê hene. Divê tu rêye-

kê peyda bikî, da ku ew bi şev û bi roj di xeyala filibûyinê de bin... Tu dê bi vî awayî gêrîkriya wan, bi wan bidî jibîrkirin... Ji bo vê jî divê tu awayên nuh, metodênuh peyda bikî.

Gava Siltan hîn li gelek tiştên weha difikirî, Serekhudhudê ku cara dawiyê çûbû ba gêrîkan, bi şûn de vege riya. Dengê xulxuleya gêrîkên ku tev de dicûn û dihatin jî wê demê bi derbekê re hat birîn.

Siltêni hi tirs pîrsî:

– Çi bû?

Serkumikê Berz got:

– Ji yên li ser baskêni min bipirse.

Gêrîkê dilqecêb got:

– Em nikarin rîhsoran peyda bikin. Gêrîk dîn bûne. Dibêjin ku ger em peyda bikin jî em nikarin wan ji bo pariye kî nêni bikujin. Wan bi xwe, di xwe de kir, ji ber vê yekê heqê wan ê tu gazindanî tune ye. Ein ci bikin, Siltanê me yê mezin,bihêle, bila ew jî ji nêza bimirin...

– Hela hûn zikê xwe têr bikin... Li wê derê, li ser baskêni hudbudan, bûn çend kes in?

Gêrîkê dilqecêb bersiv da:

– Em pir in.

Siltêni ji Serkumikê Berz re got:

– Van bibe embara nektaran a yekem.

Serkumikê Berz got:

– Li ser seran.

Ü tavilê fîriya çû embarê.

Mezinêni gêrîkan ên ku daketin embara nektaran a yekem, bi çavbirçîtiyekê êrîşî nekraran kir û ew qas xwarin ku zikêni xwe kirin def. Neteweyê gêrîkan wê gavê bihîst ku mezinêni wan zikêni xwe bi nektaran kirine def, bi qasî ku ji filan hêrs bûbûn, ji wan jî hêrs bûn. Gava mezinêni gêrîkan ên ku zi-

kên xwe têr kiribûn vege riyan, wan wek ku tiştek nebûbe, wek ku tiştek nebihîstibe, hereket kir. Dû re ji nişka ve, ruh bi wan ve hat û bi kêt got:

– Biçin ji Siltêن re bibêjin ku her yek ji me dê rîhsorekî bîne. Em ê bînin û ji Siltêن xwarina xwe bistînin û ji nêza nemirin.

Serkumikê Berz tavilê hat meydanê, mezinê gêrîkan li ser baskêن xwe kirin û fîriya. Mezinan tiştêن ku bûbûn, ji Siltêن re gotin. Siltan bi vê refariya gêrîkan, pir serbilind bû.

Got:

– Gêrîk bi aqil bûne.

Ü piştî vê bîryarê, gêrîkan baz da, çûn bajaran tavilê dest bi nêcîra gêrîkên zerî kir. Di nav wan de, ci qas gêrîkên zerî hebûn, hemû yek bi yek girtin, boyaxa sor di rîhêن wan de da û kuştin. Termêن gêrîkên zerî yên ku rîhêن wan bi boyaxa sor hatibû boyaxkirin ji Siltêن re birin û xwarin jê stendin.

Meydana li pêsiya serayê, bexçeyê Siltêن, pal, gelî, zinar hemû bi termêن rîhsoran ve hatin dagirtin.

Her ku termekî gêrîkekî dihat, her ku termêن gêrîkan mîna çiyayêن li pêsiya serayê bûn, bilind dibûn, Siltan ji kêfa direqisî û ji Serkumikê Berz re behsa kêfa xwe dikir:

– Ev rîhsor ci qas jî pir, ci qas jî pir in, ger min rê ne biriba ser vî karê kuştinê, mala me dê şewitîba.

Gêrîkan wê salê, ci qas gêrîkên zerî hebûn, hemû girtin, rîhêن wan bi boyaxa sor boyax kirin, dû re, ew kuştin û termêن wan ji Siltêن re birin û xwarin jê stendin. Di nav rastiyan de, ev jî hebû ku gêrîkekî pênc, şes heta deh gêrîkên zerî bi boyaxa sor boyax dikirin, ew ji Siltêن re dibirin û li hember wan jî ji Siltêن ew qas xwarin distend.

Rojekê jî komeke gêrîkên xort, kalekî mezinê gêrîkan girt, herdu lingêن wî şikenandin, rîha wî bi boyaxa sor boyax kir

û termê wî ji Siltên re bir û got:

– A, ev Gêrikê Kulek ê Rîhsor e.

Siltên tavilê bangî Serkumikê Berz kir û got:

– Li vî termî binihêre. Ma Gêrikê Kulek ev e?

Serkumikê Berz piştî ku demeke dirêj li dora gêrikê mirî bi hurmet çû û hat, got:

– Ez nizanim, lê mirî tê guhertin, termê vî gêrikê kal, pir dişibe wî Kulekê Rîhsor. Siltanê min, ev gêrik jî ew qas pir dişibin hevdu ku mirov nikare yê zerî jî yê reşik vejetîne... yê şîn ji yê belek vejetîne... Qey ev xort derewan nakin, va lingê vî gêrikê kal kulek e û rîha wî jî sor e.

Siltan pir şad bû û emir da:

– Ji van xortan re sê embarê navika kulîlkan vekin. Îksîrê jî bidin wan, bila serxweş bibin.

Gêrikê xort bi derbekê re ketin hersê embaran jî. Piştî ku baş têr xwarin, di einbaran de yên ku ji ber wan mabûn kişandin bajêr. Hekîman ji navika kulîlkan derman çêkirin. Li welatan û bajaran, ci qas gêrikê nexweş hebûn, rehet bûn.

Carekê gêrikê zerî hatin bîra Siltên û ji Serkumikê Berz pirsî:

– Ci bi qûlêñ min ên zerî hat, ci bi wan bat? Qet xuya na-bin, Serekhudhud. Ew ji inin ne xiyidî bin?

Wî Serekhudhudê ku xwedî tecrube, serpêhatî û zane jî li hember vê pirsa ku ew qet ne li bendê bû, nizanîbû bê dê ci bikira. Dikarîbû ji Siltên re ci bigota? Wî nikarîbû bigota ku hey Siltanê min, wan qûlêñ te yên gêrik, qûlêñ te yên zerî yek bi yek girtin, rîhêñ wan bi boyaxa sor boyaxkirin, dû re jî kuştin, ji te re anîn û li hember wan jî xwarin ji te stendin.

Siltan dê wê gavê ji hêrsa xwe, dîn bûbûya û ew ê bi wê hêrsê fil biajotina ser welatên gêrikan. Filên hêrsbûyî dê gêrik-kekî ku nehatibe ecîqandin û kuştin nehiştiba. Gava gêrik tune bûna, fil jî hudhud jî dê birçî bimana.

Siltên serê xwe belasebeb ew qas bi gêrîkên rîbsor diêşand. Wî ew serseriyyêن bêkêr belasebeb ji xwe re dikirin derd... Zeriyêن rîhboyaxkirî yên ji destêن gêrîkan xelas bûbûn, ji zû de reviyabûn û çûbûn tevî rîhsoran bûbûn. Wan jî ji wan bawer kiribû. Hemû bi hevdu re, bi qelebalixiyeke mezin û bi def û zirneyê çûbûn pêşıya wan û kêt û ziyafeteke mezin ji wan re çêkiribûn. A, ji ber vê yekê jî rîhsor bi hevdu keti-bûn, çavêن hevdu derdixistin. Gêrîkên zerî jî li gora emirê ku stendibû, dê wan hîn bêtir bera ber hevdu bidin û ew ê jî çavêن hevdu derxîne, hevdu bikujin û biqedin. Siltan belasebeb ji van rîhsoran ew qas ditirsiya. Ma ne ev tirsa wî bû se-beba ku ew qas birayêن zerî bêne kuştin?

– Siltanê min, hema hema hemû gêrîkên zerî çûn welatên gêrîkan. Rîhêن xwe sor boyax kirin û xwe xistin şiklê gêrîkên rîhsor. Li wê derê, ci qas rîhsor mabin, ew ê wan jî bigirin û ji Siltanê me re bînin.

Borînî bi Siltên ket:

– A, ev baş e. Ez û tu îtroj em ê heta sibehê, li ser şerefa qedandina rîhsoran û kuştina wan a ku heta rîhsorek nemîne, vexwin. Em ê li wê derê, li bin dara wê çinarê hem vexwin û hem jî qûnêن xwe bixurînin. Wan xortêن ku termê Gêrîkê Kulek ê Rîhsor anîbû jî a nuha bîne vira, peyveke min ji wan re heye.

Serkumikê Berz pênc hudhudêن din jî bi tengala xwe xis-tin, firiya û wek birûskê gîhaşt welatê gêrîkan, xort girtin û anîn.

Siltên got:

– Werin vira. Min rutbeya filîtiyê da we. Ji bo ku hûn bibin filên baş jî ez ê dibistanêن filî vekim û weke bikim fil. Mixabin ku hûn ê nuha filên wek gêrîkan bin... Lê îtroj, işev, hûn ê bi min re qûnêن xwe di wê dara çinarê de bidin û bi-xurînin û mezinahiya filîtiyê di kûrahiya dilên xwe de his bi-

kin.

Siltan, Serekhudhud, mezinêñ hudhudan ên din, gêrikên xort, yanî qesasên Hesinkerê Kulek bi hevdu re heta sibehê vexwar û kêf kir. Qûnêñ xwe sipartin dara çinarê û heta sibehê tê de dan û xurandin.

Û xortêñ ku nuh bûbûn fil, ji ber ku Gêrikê Kulek ê rasteqîn ji Siltêñ re neanîbû û ji berdêla wî, gêrikekî kulek ê sexte anîbû, ji filîtiya xwe fedî kir û sûnd xwar ku ew ê Gêrikê Kulek ê Rîhsor ê rasteqîn bi saxî bigirin û ji Siltanê xwe re bînin.

Êdî ew bûhûn fil, hem jî bi qasî ku bi Siltanê dinyayan re vexwin, beşdarî ziyafeta wî hibin, bûbûn fil. Ew ê biçûna dibistanê, tam wek filekî, bi qasî filekî hûhûna fil, ne weha wek filêñ bi qasî gêrîkan... Yanî ma êdî, Ji Siltêñ re peydakirin û anîna rebenekî hesinkerekî kal î kulek jî dê karekî gitîng bihata hesibandin?

Gava wan xatir xwest, Siltêñ ew pîroz kirin û belgeya filbûnê jî xist destê ber yekî ji wan. Ev belgeya ku Siltêñ da wan, heta nuha belgeya "filbûnê" ya yekem bû.

ŞEŞ

Gêrikên rîhsor li welatê zinarêñ asê, bi hevdu dikevin û bê-yî ku tu karî bikin, bi tenê çavêñ hevdu derdixin û filêñ har, Siltanê Filan, hudhudêñ fêlbañ û gêrikên hevwelatiyêñ xwe yên ku bûne hêşirêñ filan û xwe fil dihesibînin, ji bir dîkin.

Beşike gêrikên zerî yên sorboyaxkirî ku ji mirinê xelas bû-bûn, reviyabûn çiyayan. A di dilêñ wan de ew bû ku gêrikên rîbsor peyda bikin û tevî wan bibin. Lê wan ê Gêrikê Kulek li kî derê bidîta? Siltanê Filan ê mezin, tevî ku siltanê filan bû û tevî ku ew qas wext li wan geriyabû jî di dirbeqê şopa rîhsoran de, agahdariyeke berî piçûçik jî wernegirtibû.

Gêrikên zerî bi rîbêñ xwe yên ecêb ên sorbayaxkirî û bi çavêñ xwe yên ku ji tırsa, dikira ji serêñ wan baz bida, ne çiya hiştibûn, ne gir hiştibûn û ne jî zinar hiştibûn, birçî û westi-yayı digeriyan. Perîşan bûn û ji hal de ketibûn. Ew hîn nuh tê digihîştin ku bê ci bela bi ser wan de hatiye. Tê gîhîştin, bê ci xezeb bi ser wan de riiyaye, lê êdî ci fêyde. Ger nuha vege riyanâ û ji Siltêñ re bigota ku gêrîkan ci fen li wî kiribû, ji berdêla rîhsoran, rîhêñ gêrikên zerik sor boyax kiribûn û termêñ wan dabûn wî û li hember vî karî jî bi embaran xwarin jê stendibûn û bi vî awayî ew xapandibû, Siltêñ dê dinya xera bikira. Wî dê koka hemû gêrikên dinyayê biqelanda. Siltêñ dê koka wan biqelanda, lê wan ê bi van rîhêñ xwe yên sorboyaxkirî bikarîba baweriya kê bianiya ku ew gêrikên zerî ne. Wekî din jî wan ê xwe çawa ji destêñ gêrikên bi xezeba kuştinê, li ser rê û bêşaran li wan digerin xelas bikira û bigî-handa ba Siltêñ. Hey rîhêñ wan sor hatibûn boyaxkirin, ya

baş ew bû ku ew tevî rîhsoran bibin û heyfa gêrîkên zerî ji wan hilînin. Tiştê di wan de hatibû kirin, li vê dinyayê tu mexlûqî, di mexlûqekî din de nekiribû. Zilmeke çawa xerab û ecêb li wan hatibû kirin! Tiştên ku gêrîkên din, di yên zerî de kiribûn, filan jî di gêrîkan de nekiribû. Hezar sal derbas bibin jî ew ê wê rojê qet ji bîr nekin. Di çavniqandinekê de tu zeriyekî ku rîha wî sor nehatibe boyaxkirin, nehatibe kuştin û termê wî li bewşa seraya Siltên nehatibe avêtin, nemabû. Wan ruhê xwe çawa xelas kiribû? Ew dem bi tu awayî nedihat bîra tu kesî. Tiştek baş dihat bîra wan, ew jî ew bû ku ew di qelîsteka qalikê dareke çinarê de, sê rojan mabûn, dû re bi hevdu re kulmişbûn ser sêniyeke mêtû piştî wê jî bêyî ku li dû xwe binihêrin û tu gêrîk wan bibîne, heta vira hatibûn...

Berî berbangê bû. Ji geliyê din ê bi mij, dengê xuşîna avekê hêdî hêdî dihat. Gêrîk şiyar bûbûn û bi lingên xwe çavên xwe difirkandin. Ji nişka ve, ji aliyê avê yê din ve dengek hat guhêن wan. Bi vî dengî re veciniqîn. Ev dengê bilind, dengê gerîkan bû.

Heta ku deng di wan de hebû, bang dikir:

– Teslîm bibin, teslîm, teslîm! Ger hûn teslîm nebin, ez ê we bişewîtinim. Derkevin meydanê! Simbelêن me ji bêhnê re ew qas xurt in ku dikare bêhna gêrîkê ku qonaxa cil rojî ji me dûr be jî hilîne. Teslîm bibin, zû teslîm bibin û ruhê xwe xelas bikin.

Gêrîkên zerî yên rîhsor got:

– Heywax! Heywax û heywax! Me digot qey, me ruhê xwe yê şérîn xelas kir, lê gêrîkan em li vira jî zevt kirin. Ew ê a nuha me bikujin, termen me ji Siltên re bibin û embarek, heta du-sê embar nektar, navika kulîlk û dendikan jê bistînin û zikên xwe ew qas têr bikin, ew qas têr bikin... Eywax! Eywax û eywax! Me jî digot qey, me ruhê xwe yê şérîn xelas

kir.

Weha dipeyivîn û hêdîka bi zinarekî ve hilkişîyan. Ketin qelîşteka zinêr. Devê qelîştekê bi şînê xuşûlê ve nuxumand.

Piştî bîstikekê, lê nihêrîn ku li kêleka wan û li hawîrdora wan wek axê gêrîk hene. Nihêrîn ku ci bibînin, rîhêن van gêrîkan hemuyan jî sor in. Bi kêfa ji mirinê xelasbûnê, ji qelîştekê çeng bûn, xwe avêtin himbêza rîhsoran û dest bi girî kir:

– Ax, ax, aaax birayên me yên rîhsor, ger we bizanîbûya bê ci hatiye serê me, ci! Tiştêن ku hatine serê me, nehatine serê gêrîkê ku di ava keliyayî de hatiye dakirin. Tiştêن ku hatine serê me, nehatine serê tu benîademî. Tiştêن ku hatine serê me...

Rîhsoran got:

– Rawestin, hela rawestin, hûn kî ne? Dev ji vî giriyyî û vê pitpitê berdin û bê hûn kî ne, bûn ci ne, ji me re bibêjin.

Gêrîkêن din got:

– Em rîbsor in. Ger hûn dixwazin, li rîhêن me binihêrin.

Yên din piştî ku rîhêن wan baş kontrol kirin, lêvên xwe qermiçandin:

– Ya rîhsorbûnê, hûn rîhsor in, lê hûn rîhsorin çawa ne, me ew fahm nekir.

Gêrîkêن zerî yên rîhsor li wê derê, di devê deriyê qelîştekê de rûniştin û birçîbûna gêrîkan û jî ber vê yekê bê wan, gêrîkêن rîhsor çawa teslimî Siltêن dikirin, ci qewimîbû, yek bi yek gotin.

– A, me jî rubê xwe xelas kir û xwe bi zorê gîhand çiyayan. Gêrîkêن hemû welatan li çol û beyaran û li deşt û zozanan li her deverê belav bûne û li rîhsoran digerin. Tevî ku piraniya rîhsoran rîhêن xwe tavilê kur kirin jî ji mirinê nefilitîn, wan ew dîsa naskirin, kuştin û avêtin hewşa seraya Siltêن. Gêrîkan li ber serayê, ji serên rîhsoran gir çekirin... Ax, van çavan

çi dîtin û çi nedîtin, aaax çi! Tiştên ku hatin dîtin, bi zimêñ nayêñ gotin destan têra wan nake... Êdî hûn nikarin li tu welatekî gêrîkan, rîhsorekî peyda bikin. A, em li vê dinyayê, rîhsorêñ herî dawiyê ne. Em dixwazin biçin ba Serokê xwe, Gêrîkê Kulek û Rîhsor.

Serokê gêrîkêñ din ê ku li pêsiya şewqeyê wî sitêrkek hehû, bi guman peyiñ û pirsî:

– Ya rîhsorbûnê, hûn rîhsor in, lê hûn rîhsorin ecêb in. Hûn qet naşibin me. Hûn qet naşibin gêrîkêñ din jî. Ez dibêjim ku hûn nesilekî cuda û xerîb in, lê min tê dernexist. Hûn kî ne, hûn çi teba ne?

Yên din bi hevdu re bang kir:

– Ma em, em, em? Ma ji bo ku em hişibin gêrîkan tu hal di me de hiştine?

– Em xistin zîndanê.

– Em ji paşiyê de nepixandin.

– Ew qas nepixandin ku heryek ji me bû bi qasî filekî.

– Ew qas nepixandin ku nêviyê me teqiya.

– Wek garisê li ser êgir.

– Fil û gêrîkan li teqîna me temâşe kir.

– Em dan cereyanê.

– Têlên sıfır bi kîrên me ve girêdan.

– Cîhê mîraniya me şewitandin.

– Bi jopan li me xist.

– Ew der jî dan cereyanê.

– Em heta bi qirikê xistin binê axê û nepixandin. Çavêñ me ji serêñ me baz da.

– Le, hirayêñ me yên rîhsor, wan gêrîkan şikencenin weha bi me kirin ku ew şikence ji yên ku mirovêñ ehmeq li mirovan dîkin jî xerabtir in.

– Van çavan ci dîtin û ci nedîtin, birayêñ me yên rîhsor. We tu tişt nedît û hûn bi tu tiştî nizanin.

– Ma tu halê rîhsoriyê di me de hiştine!
– Çi bi me kirin û çi nekirin! We em neşibandin rîhsoran, lê baş bû, hîn hal di me de mabû ku we qet nebe, em şiban-din gêrîkan.

Tiştên ku hatibûn serê van gêrîkên xerîb û rewşa ku tê de bûn, agir bi dilên rîhsoran xist.

– Hemû gêrîk jî bûn fil. Gêrîkê ku bi qasî serê derziyekê jî xwe fil dihesibîne. Gêrîkên ku li nêçîra me digeriyan, a gêrî-kên weha bûn.

Rîhsorênu ku hertişt fahm kiribûn, bi wan eleqedar bûn, xwarin dan wan, ew di nav nivînên nerm de xistin xew û bi-rînên wan derman kirin.

Gava serê sibehê ji xew şiyar bûn, li ser kaniya ku bêhna pûngê jê dihat, taştê xwarin. Bi rastî, van rîhsoran wek bira-yan, heta ji birayan bêtir, li gêrîkên zerî dinihêrin.

Di nav zerîyan de yê herî kal got:

– Me bibin ba Gêrîkê Kulek î Rîhsor, gelek tişt hene ku divê em jê re bibêjin. Gêrîk, van gêrîkên nemerd, van gêrî-kên dijminên rîhsoran dê tu carî nikaribin ji bin nîrê koletiya filan rizgar bibin, lê dîsa jî divê em ji Hosteyê xwe yê Kul-lek re tiştinan bibêjin.

Rîhsorê şewqe bisitêrk got:

– Ax, ax birano, mixabin em ê tu carî, heta qiyametê, nikaribin ji bin destê filan rizgar bibin, aaax! Dîsa jî biçin ji Hos-teyê me re bibêjin. Mixabin, fil mezin û gêrîk piçûk in, aaax, mixabin, mixabin!

Di nav zerîyan de yê herî kal got:

– Aaaax, pir mixabin! Fil bi qasî çiya ne û her gêrîkek jî bi qasî serê derziyê ye, aaaax, pir mixabin... Ger di nav me de, gêrîkek bi tenê, ne zêde, gêrîkek bi tenê bi qasî filekî mezin bûya, ne weha?

Gêrîkê şewqe bisitêrk keserek kûr kişand û got:

– Tune ye. Gêrîkek weha tune ye û dê çênebe jî...

– Ger yek hehûya dê heinû filên dinyayê...

Yê din got:

– Hiiş!

– Ma bi rastî, hûn li vê derê, li vî çiyayê xewle ji bo çi rawestiyane? Hûn li benda çi ne?

Yê şewqê bistêrk got:

– Ji me re dibêjin, çiyagerok. Em derketine çiyayî. Em li vê derê, li benda filan in. Hosteyê Kulek nexwest ku em derkevin çiyayî. Ji me re got ku karê ku hûn dikin xeyal e, naçe serî.

– Ji bo çi?

– Wî got ku bi gera li çiyayî, nêçîra filan nayê kirin.

– We çi got?

– Em dibêjin ku em ê bikin.

– Nêçîra filan ancax li çiyayan dikare bê kirin.

– Ma çekêne we hene?

– Hene, tîrêni ji xortima kelmêşan.

– Waaa, baş e...

– Em ê li vê derê rawestin û van tîrêni ji xortima kelmêşan biavêjin çavêni filê ku bê...

– Fil dê jahırdadayî bibin û bi tayê bikevin û bimirin.

Gêrîkên rîhsor ên çiyagerok hatin galeyanê hemuyan bi hevdu re, desr hi peyvê kir:

– Ji her çavêni filekî re, hezar xortimên kelmêşan.

– Her filê ku tîra ji xortima kelmêşan lê bikeve, dê bilerize û hîn li hewa be ew ê bimire û di cihê xwe de were xwarê...

– Hosteyê Kulek got ku ev nabe.

– Wî ji ku dizanîbû ku nabe?

– Wî got ku rîrêni kelinêşan di filan re naçin.

– Wî ji ku dizanîbû?

– Tîrêni kelmêşan ne bi tenê di filan re, heta di zinar, hesin

û daran re jî diçin.

Hemû gêrîkên zerî yên rîhboyaxkirî bi hevdu re bang kir:

– Tê re diçin!

– Tîrêñ ji xorîtna kelmêşan ne bi tenê filan, heta mirovan jî dikujin.

Zeriyan bang kir:

– Heta mirovan jî!

– Ev Hosteyê Kulek rîhsorekî baş, bi esil, jîr, bi aqil û bi namûs e, lê nema dikare serrast bifikire. Li wê derê, li orta çiyayan dest û lingêñ xwe girêdane, rûniştiye û her dixwîne. Bi ser de jî rîhsor şandine welatêñ gêrîkan û herroj bi bêsebi-riyekê mezin li benda xeberên wan e.

– Di nav zeriyêñ rîhsorboyaxkirî de yê herî kal bi dengekî hêl got:

– Şaş e, ew şaş e û hûn rast in.

Rîhsorê şewqe bistêrk bang kir:

– Em rast in. Rêya me, tîrêñ me...

Rîhsorêñ çiyagerok bi kêf bang kir. Dengê wan di çiyayan de olan da:

– Rêya ku me daye ser raaast...

Serokê zeriyan got:

– Şaşiyek we bi tenê heye.

Ruyê gêrîkê şewqe bistêrk ji hêrsa sorîkur bû.

Got:

– Ew ci ye? Ji min re bibêje, heeeeey gêrîkê ku gelek şikence dîtine... Hevalê ku şuxul bi serî de hatine, bibêje, bê ew şaşiya me ci ye, bibêje da ku em wê serrast bikin.

Serokê zeriyan got:

– Hûn pir ciwan in. Na na, hûn pir bi aqil û egîd in. Ger hûn ew qas ne ciwan hûna, hûn ê li vê gotina ku ez ê ji we re bibêjim jî bifikiriyana.

Yê şewqe bistêrk got:

- Em ê lê bifikiriyana.
- Fil nikarin derkevin ser van zinaran! Ji ber vê yekê, Hosteyê me yê Kulek xwe li van çiyayan girt. Ew ê li vê derê bifi-kire û ji bo zora filan bibe, aqilekî peyda bike...
- Em qet li vêya nefikirîbûn.
- Ger bûn li vê derê, heta qiyametê jî rûnin û bipên, bûn ê filekî bi tenê jî nebînin ku bikaribe heta van çiyayan hilkişe.
- Le, em ci bikin?
- Ger ez nehatibûma, bûn ê heta qiyametê, li vê derê li benda wan tawestiyana.
- Em ê li benda wan tawestiyana. Ji ber ku Hosteyê me yê Kulek ji me re got ku madem we li min guhdarî nekir û hûn bûn çiyagerok, qet nebe li van çiyayan bigerin û li benda filan bin. Nebîî, danekevin deştê! Hosteyê Kulek ji me re got ku çiyagerokî hunereke kevin e, qaideyên wê hene û ev qaide qet’i ne. Ji ber wê sebebê, kî ji çiyagerokan dakeve deştê, ew ê tavil ê hête kuştin.
- Li çiyayan fil peyda nabin.
Yê şewqe bistêrk got:
- Em qet li vêya nefikirîn.
Serokê zerîyan got:
- Binihêre hevalo, li min baş guhdarî bike, tu nuha bi lez dakeve deştê. Serokhudhudo peyda bike, ew li her deverên deştê digere, çavêن wî gêrikê rîhsor ê ku qonaxa cil rojî jê dûr be jî dibîne, guhêن wî dengê lingê wan ji qonaxa cil rojî dûr dibîhise. Tu bangî wî bike, lê tîra xwe neavêje wî. Ji ber ku ew qasid e, tu gunehê qasidan tune ye.
- Yê şewqe bistêrk bi kêf û heyecan bang kir:
- Tune ye!
- Ji wî re bibêje ku min li hember filan şer îlan kir û ez li vira jî dipêm. Ew ê biçe ji filan re bibêje. Fil jî ji bo pelçiqan-dîna we, dê tavilê bi bazdan bêñ. Netirsin, çavêن filan gêrî-

kan nabînin. Hûn ê xwe di kortalekê de veşêrin û tîrên xwe biavêjin tam hundurê çavêن wan, orta bîbikêن wan.

Yê şewqe bistêrk gurmijî. Dengê wî wek dengê filekî derket:

– Orta wan!

– Hûn ê bi vî awayî, filêن ku bêن bikujin, filêن ku bêن...

Em gêrîk jî dê azad bibin.

Yê şewqe bistêrk bang kir:

– Em ê azad bibin! Dibe ku ew filêن zirecêb qet nemirin jî... Ma ew bi tîrên ew qas piçûçik dimirin? Ev tîr di filan re naçin. Hosteyê Kulek got ku çermêن filan ew qas qalind in ku gule jî tê re derbas nabe. Ew dizane, ew hesinker e. Yê ku hesinkerî fêrî mirovan jî kirîye, Hosteyê Kulek e.

Serokêن zerîyan got:

– Ger fil nemirana, dinya dê tije fil bûya.

Yê şewqe bistêrk bi awayekî dudilî got:

– Dimirin, lê dîsa jî ger em li vira bipêن, dê baştı̄r be. Dibe ku ew bêن vira jî. Dibe ku Serekhudhud jî carekê rêya xwe bi vira bixe.

Hemû zerî bi ber awayî bi benda rîhsoran ketin, li dora wan çûn û hatin û di dawiyê de, ew ji bo kuştina hemû filan îqna kirin.

Rîhsoran berê xwe bi kêf da jêrê û daketin deştê û zerî jî bi rehberiya rîhsorekî rînas ji bo biçin cîhê ku Hesinkerê Kulek xwe lê vedîşêre, berê xwe bi kêf da jorê û ber bi çiyayan ve ketin rê.

Bi berbanga sibehê re, gava tarî hîn nuh belav dibû û roja ku xêr û xweşî jê dibariya hilat— bila hemû rojêن ku xêr û xweşî jê dibarin li me hilêن— gêrîkêن zerî xwe gîhand cîhê ku Hesinkerê Kulek î Rîhsor ji xwe re kiribû bingeh; wê rasteka di navbera çiyayêن asê de ku mirov nikare xwe bigihînê. Ji Hesinkerê Kulek re tavilê xeber hat şandin. Hesinkerê Kulek

ji devê şikefta xwe li yên hatihûn temasé kir, kir, lê wî ew neşibandin tu tiştekî.

Got:

– Ev tîhsor neketin serê min. Min di emirê xwe de, rîhsorê weha nedîtine. Ev ne elametên xêrê ne. Van tavilê biqe-wirînin, dixwazin hiçin kî derê, bila biçin wê derê...

Gêrikê ku xeber jê re anîbû, ew îqaz kir:

– Gidî ha gidî, Hosteyê me, tu şâsiyekê neke, gidî ha! Şikenceyên ku van dîtine, ji yên ku mirov li mirovan dikin xerabtir in.

– Ma ji yên ku mirov li mirovan dikin xerabtir in?

Hemû hisên di hundurê Gêrikê Kulek de hebûn, serî hil-dan. Rehêن situye wî hûn wek tiliyan û bang kir:

– Nahe! Nabe, Tiştên ku mirov di hevdû de dikin qet tu heywanek nikare di heywanekî din de, tu mexlûq nikare di mexlûqekî din de hike. Ez hawer nakim û ez van jî naxwazim. Ev derewîn in.

Gêrikêن din israt kir û ji wî re got ku ev rîhsor di nav daristanan re û di ser çiyayan re derbas bûne û piştî gelek caran bi mirinê re rû be rû bûne, hatine vê derê. Bi vî awayî kir ku dilê Hesinkerê Kulek i kal li wan bê rehmê û wî jî ew qebûlî huzûra xwe kir.

– Hûn bi xêr hatin.

Serokê gêrikêن zerî got:

– Xêra Xwedê li te be.

Hesinkerê Kulek gêrikekî ku peyva wî li rû hû. Raste rast pîrsî:

– Hûn ci şikil gêrikêن rîhsor in? Rîhêن we wek ku hatibin hoyaxkirin xuya dihin.

Gêrikên zerî ji serî hetâ binî veciniqîn.

– Kê, ji bo ci rîhêن we sor hoyax kirin? Ger we ew boyax kiribin, wê gavê, we ji bo ci boyax kirin?

Dengê Hesinkero wek çakûçê ku bi ser horsî de bikeve bû, gêrîkên zerî ketin tev. Heta demekê jî şas man, li çavên hevdu nihêri û nizanîbû bê wan ê ci bersiv bida wî.

Bû inte inta Serokê zerîyan:

– Me pir kişand. Ev çend meh in ku em di rê de ne. Em di bin baran, berf û zîpikê de, bi rojan meşîyan. Baran bariya, eîn şîl bûn. Roj derket em zuha bûn. A, bi vî awayî rengê rîhênen îne jê çû.

Gêrîkên zerî yên din jî piştgiriya wî kir û got:

– Hosteyê îne, baran bariya û ji ber wê, weha bû. Na na, berê rîhênen me jî mîna yên we, li ber tavê sorîkur dibiriqand.

Hîn jî peyivîn, dûr û dirêj behsa tiştên ku hatibûn serê xwe kirin. Giriyan, gilî û gazindên xwe kirin. Wan behsa dinyaya fil û gêrîkan kir. Çavên rîhsorênu ku li wan guhdarî dikir tije bûbûn û dilên wan bi agirê heyfîlanînê dişewitîn.

Serokê zerîyan got:

– Xwezî, em bi ser hevdu de bimirana û me ev rojên xetab nedîtana. Piştî ku me ew qas êş kişandin û em ew qas caran bi mirinê re rû be rû bûn, ma em dijîn, ci feydeya wê heye.

Gêrîkekî zerî yê ku pir zeîf bûbû bi gazindî got:

– Me êşa mirinê dît û derbas kir.

Zeriyên din bi hevdu re giriyan û got:

– Piştî ku şikenceya filan û zilm hebe...

Dilê Gêrîkê Kulek î Hosteyê hesinker bi tu awayî li van ên hatibûn, rûnedinişt ku ew jî bo karekî bi xêr û rast hatine vi-ra. Di hundurê wî dc, pêleke dudiliyê radibû û dadiket û di xwe de dikcliya. Wî gêrîkên zerî kirin rêzeke dirêj û ew li meydanê bi cîh kirin. Rîha wan yek bi yek kontrol kir. Dû re jî destênu xwe dan bin çenga xwe û dest bi fikirandinê kir.

Rîhsorênu din ên ku hatina gêrîkên nuh dibihîst, ji cîhên xwe yên veşartinê, ji daristanan, çiyayan û zinaran bi grûpêñ qelebalix dihatin û meydan dadigirtin. Gêrîkên zerî jî tiştên

ku batibûn serê xwe, bê rawestan digotin û dilên rîhsoran dişewitandin:

– Tiştê ku filan di me de kiriye, mirov di mirovî de nake.

Çavêن herî dilkevir ên gêrîkên ku li meydanê dixulkulîn û tevde diçûn û dihatin jî bi bêsir bûn.

Di dawiyê de, Hosteyê Hesinker Gêrîkê Kulek î Rîhsor derket ser serê darikekî û bang kir:

– Hevalno, divê ez ji we re bibêjim ku baweriya min qet bi van gêrîkên ku nuh batine nehat. Di bin van ên ku nuh batine de, tiştek heye. Bi van ên ku nuh hatine re hey derd û belayek heye, lê min tê dernexist. Min li rîhên van ên nuh hatine nihêrî; rîhên wan hene, naşîbin rîhên me, min baş lê nihêrî, ruyêwan zipîzer in, mîzaca wan heye, naşibe ya me.

Gava wî weha got, gêrîk li dijî wî derketin. Hertiş weha tev li hevdu bû ku ji toz û dûmanê, beta demeke dirêj jî fermanın nehat xwendin.

– Ew hirayêne me ne.

– Rengê rîhên wan ji ber ba û berfê jê çûye.

– Filan tahde li wan kiriye.

– Ma di bin ew qas zilma filan de, tu halê gêrîktiyê di gêrîkan de dimîne?

– Li me bifikire, ma di wan rojênu em hatibûn vira de, em ji van ne xerabtir bûn?

– Hosteyo, bila bê bîra te, tu xwe bîne bîra xwe...

Ma gava te xwe ji ser baskê Silêmanê Dunikil çeng kir, tu heft roj û heft şevan bi ser hişê xwe ve nehat û me te wek miriya li pişta xwe nekir û heta vê derê hilnegirt?

– Hey Hosteyo, ji xêra Xwedê, gava ku te xwe ji ser baskê Silêmanê Dunikil avêt, te xwe bidîta... Ne rîhsor, lê ji bo ku mirov ji te re bigota gêrîk, hezar şahid lazim bûn.

Gêrîkên li meydanê, her gêrîkekî nuh î westiyayî li pişta xwe kiribû, li meydanê digerîyan û bang dikir.

Di herî dawiyê de, Gêrikê Kulek xwe negirt, dengê xwe bilind kir û bang kir. Ëdî nikarîbû dengê xwe bibira tu kesî, ji ber bangkirinê dengê wî ketibû.

Ew her li ber wan digeriya û digot:

– Li min guhdarî bikin, li min guhdarî bikin!

Hingî bang dikir, ketibû halekî xerab. Ëdî tu kesî li wî guhdarî nedikir. Di vê rewşê de, nikarîbû ji ser darikî daketa, divê çi bikira bikira, rîyek peyda bikira û ji gêrîkan re çend gotin bikirana.

Di dawiyê de, ezmên ruyê xwe tirş kir, dinya tarî bû, birûskan vedâ û baranê wek xezebê dest pê kir. Zeriyên li pişta gêrîkan di bin vê barana ku wek lehiyê dihat de, ji serî heta binî şil û pil bûbûn. Boyaxa rîhên gêrîkên zerî jê çû û ji ser pişta gêrîkan ber bi jêrê ve herikî. Kortikên avê yên li meydanê sorîkur bûn.

Hosteyê Hesinker bi kêfa serkevtinê bang kir:

– Lê binihêrin, lê binihêrin! Hey birayên min ên rîhsor lê binihêrin! Li boyaxa rîhên van binihêrin. Gava baran bariya, hiliya. Ma min ji we re negotibû ku di van de ecêbiyek heye, ev rîhsorênen sexte ne? Li kortikên avê binihêrin, ji ber boyaxa rîhên wan, sorîkur in. Ev zerî ne, zerî. Filan ev ji bo casûsiyê şandine nav me. Van biavêjin derve û bikujin!

Gêrîkan berê li erdê nihêrin û dû re jî gêrîkên li pişta xwe danîn û li rîhên wan yek bi yek nihêrin. Boyaxa rîhên wan jê çûbû û di şûna wan de, mûyên zipîzer mabûn.

– Ev çi halê we ye? Ev çi ye? Ka, hûn rîhsor bûn?

Gêrîkên zerî bi tirsa mirinê lerizîn û got:

– Li me binihêrin, bê em çawa dilerizin. Em ji tirsa, ji nêza û ji betilbûnê weha zer bûn. Ma gava hûn ditirsin, hûn ji me jî bêtir zer nabin?

Yên din bi hevdu re got:

– Em jî zer dibin, em jî zer dibin.

Dû re hêrs hûn û lê zêde kir:

– Ev birayên me ne. Hey Serekhesinker, ew nikarin ji derveyî vira, biçin tu devereke din!

Yê Hesinker fikirî:

– Mala min şewitî. Siltanê Fîlan peyayên xwe jî şandin nav me.

Lê di dilê wî de gumanek mahû. Ma ger Siltanê Fîlan peyayên xwe bişandana nav wan, dê ew weha bişandana? Qet nebe, wî dê rîhên van zerîyan yek bi yek baş boyax bikirana û ji ser baskên hudhudan daxistana erdê. Ew ê jî bihatana û têketana nav rîhsoran. Qet tu kes jî pê nedihisiya. Fenek di vêya de hehû, lê ci bû? Serekhesinkero tevî ew qas aqil, tecrube û jiyanê jî nikarîbû bersiva vê pîrsê peyda bikira.

Li meydanê, êdî ji her seriyekî dengek derdiket.

– Tu, tu, tu Hesinkero, ma gava te xwe ji ser baskê Silêmanê Dunikil avêt û tu reviya, rîha te weha zer nebûbû?

– Te, te wê gavê li mirêkekê binihêriya, le wê gavê...

– A, wê çaxê te dê halê xwe hidîta.

– Tu wek pelê çilo dilerizî.

– Ne rîh hi tenê, porê te jî zipîzer bûbû.

– Zerê lîmonî.

– Em hemû bûbûn rîhzer, ne rîhsor.

– Em wek lehiyeke zer herikîn û hatin vira.

– Heey Serekhesinker, Hosteyê mezin, ma çend meh, çend meh derbas bûn ku ancax em ji zerîtiyê xelas bûn? Em xelas bûn, lê...

– Em bi ser xwe ve hatin.

Serekhesinker li wê derê, li ser serê darikî tev ne diliyiya û weha mabû, çavên wî ji hêrsa dikira ji serê wî baz bida... Wî dizanîbû ku evênu ku hatine, peyayên Siltanê Fîlan û yên Se-rekhudhudo ne, lê wî dê ji van rîhsorênh ehmeq re çawa bigota? Baş fikirî, hin gotin û rîyêni ji bo îqnakirin û bawerîpê-

anînê peyda kirin, lê yên din tew li wî guhdarî jî nekir.

Wî got:

– Wê gavê, ez dixim dengdanê. Ma ev ê li vira bimînin, an biçin?

Hemuyan bi hevdu re bang kir:

– Têxê!

– Ez dixim dengdanê, ev gêrikên zerî ne, an rîhsor in?

Hemuyan bi awayekî hi xwe bawer bang kir

– Têxê, têxê, têxê, têxê...

– Ma ev, gêrikên zerî ne?

– Na, na, naaaa!

– Ma ev rîhsor in?

– Belê, belê, belêê!

Gêrîkan ji kêfa, lingên xwe yên pêsiyê bi hevdu re rakirin, rabûn ser lingên xwe yên dawiyê, meydan bû daristaneke ji lingan pêkhatî.

– Baş e, ez ê çi bibêjim, berpirsiyarî ya we ye, we qebûl kir.

– Me birayên xwe qebûl kirin. Ma me dê ew qebûl nekiri-na û bi şûn de biavêtana bin lingên filan?

– Ji ruyê van zerîyan dê gelek bela bêñ serê me.

– Hey Serekhesinkero, ji wê derê dakeve û êdî dev ji pi-çûkdîtina birayên me berde.

– Ma nuha, em hemû bi hevdu re li vê rîha te ya spî bini-hêrin... em ji te re bibêjin spîyo û ji ber vê yekê jî te bikujin, dibe? Dakeve jêrê!

Hosteyê Hesinker dê çi bikira, çi ji destêن wî dihat, çare tune bû, ji ser darikî daket xwarê. Bi tena serê xwe çû şikefta xwe. Tu kes li şikeftê tune bû. Tu kes li pê wî jî nehatibû.

Li meydanê agir hatibû dadan û kêf û ziyafetê dest pê kiri-bû jî. Meydan ji ber ava ku ji rîhêن zerîyan diherikû, sorîkur xuya dikir. Dar, darik, gêrik, zinar, kevir, gîha, ax hemû bi rengê sor hatibûn boyaxkirin. Ziyafetê heta serê sibehê de-

wam kir. Mêvanan heta ku dikarîbû xwar, vexwar, pir têr bûn.

Li ber destê sibehê bû. Serokê zerîyan hemû zerî li paş zinarekî civandin

– Hevalno, nuha karê me dest pê dike. Divê em heyfa zerîyan ji van gêrîkan hilînin. Li hember her zeriyê ku hatiye kuştin û li ber deriyê Siltanê Filan hatiye avêtin, divê hezar, deh hezar, sed hezar, sed milyon gêrik bêñ kuştin. Divê nesilê gêrîkan ji vê dinyayê biqelihe. Û dê biqelihe! Heyfeke weha di dilê ìnin de heye ku tu nemaye qefesa sînga min ji ber êşê biteqe. Li vê derê, tu gerîkekî zerî heye ku mirovekî wî ji aliyê wan gêrîkên kole û nemerd nehatibe kuştin? Ger em ji nereviyana û xelas nebûna, gêrîkên kole dê nesilê zerîyan ji ortê rakira. Hevalno, em bi rê ve de peyivîbûn, her gêrîkê zerî dizane bê ew ê çi bike. Nuha, beriya ku ev Gêrîkê Kulek î Rîhsor î nemerd û rezîl, van rîhsorêñ kawik bixapîne, divê em ji ortê wenda bibin. Divê du gêrîkên zerî neyên ba hevdu. Em ê di nav vê qelebalixiya gêrîkan a mezin de wenda bibin. Piştî çend rojan ji gêrîkên rîhsor dê me ji bîr bikin. Piştî ku em baş tevî rîhsoran bûn û di nav wan de wenda bûn, êdî hûn dizanin bê hûn ê çi bikin. tiştêñ me anî serê gêrîkên çiyagerok, em ê bînin serê van ji. Hûn ê her gêrîkî li Hesinkerê Kulek sor bikin da ku rîhsor hemû bi hevdu bikevin, çavêñ hevdu derxîne û heta ku rîhsorekî bi tenê ji nemîne, hevdu bikujin. Hem rîyên beraberhevdudana rîhsoran û hem ji ya gêrîkên din pir kevin in û hûn hemû bi sedan awa-yêñ wê dizanin.

Hemû gêrîkên zerî bi hevdu re bang kir:

– Em dizanin!

– Ji bîr nekin ku gelek rîhsor xwe navenda dinyayê dihesibînin. Hûn ê nêçîra xwe, li gora wê hilbijêrin. Yêñ ku xwe rizgarvanêñ dinyayê yêñ herî mezin dibînin...

– Em dizanin!

– Bi beşike rîhsoran re hêvî û daxwaza ku bibin fil heye...

Li gora wê...

– Em dizanin, li gora wê...

– beşike wan jî li dû navûdengiyê digerin. Hûn ê bi wan re jî bi wî awayî hereket bikin.

– Em dizanin, em ê bi wan re jî bi awayî...

– Tew hûn rîhsorêñ ciwan hîn baştır nas dikin. Dibêjin, em li vir û xelîfe li Bexdê...

– Em wan jî pir baş nas dikin.

– Hûn dikarin wan pir zû ji rê derxînin û bikin dijminên hevdu.

– Hûn ê wan bikin dijminên pirtûk û xwendinê. Ger bixwînin jî biла pirtûkêñ filan bixwînin.

– Tu kes nikare zora filan bibe. Fil dê beta qiyametê, heta ku dinya bi rojê bizeliqe, li ser serê me bimînin. Hûn ê bikin ku herkes, hemû rîhsor ji vêya bawer bikin.

– Em wê jî dizanin.

– Ez dizanim ku hûn hertiştî dizanin, we xwe baş gîhandîye. Lê bi tenê tiştek heye ku divê hûn wê qet ji bîr nekin. Ew jî çi ye?

Heinû gêrîkêñ zerî bi hevdu re dubare kir:

– Ew jî çi ye?

– Ew jî gêrîkêñ rîhsor ên dest bi tûyik in. Nebîm, hûn nebêjin, em ê wan bixapînin. Xwe nêzîkî wan jî nekin... Li dû xapandina wan negerin, ew cîhê ne. Ji gava ku dinya bûye dinya, wan gelek xapandin, derew û hîle dîtine. Yê ku diku-jî diafirîne jî ew in. Ew tirsonek, mîrxas, cahil, zal û zarok in. Xapandin û jirêderxistina wan ji rîhsorêñ bi berçavik ên ku ji parsuyêñ wan hatine xuliqandin re bihêlin.

Zeriyêñ di nav kêfê de mabûn bang kir:

– Em wan jî pir ji nêzîk ve nas dikin.

– Mirov ji wan ên ku destêن wan bi tûyik in, ditirse. Di dawiyê de, ger ew bixwazin, dikarin zora filan jî bibin. Ew ji qûma li deryayê jî û ji stêrkên li ezmên jî bêtir in.

– Em dizanin.

– Her ku we firset dît, hûn ê bikin ku çavêن wan kor, guhêن wan ker, bêvila wan tu bêhnê nestîne, çermê wan bê his bimîne... Hûn ê hemû rîhsoran jî di vê rîyê de sor bikin. Ji bo me zerîyan û bapîrêن me, şahêن me filan, dijminêن herî mezin talûkeya herî mezin, ev rîhsorêن dest bi tûyik in.

– Em ê xweliyê biavêjin çavêن rîhsorêن dest bi tûyik.

Gêrikê kal got:

– Baş e, baş e. Bizanibin ku di hundurê gelek rîhsoran de daxwazeke xurt a ku dixwazin bibe fil heye. Min berê jî got ku ew vêya nadîn xuyakirin. A, ev rîhsor dijminêن dest bi tûyikan ên herî mezin in. Ew ji filan jî û ji me jî bêtir dijminêن dest bi tûyikan in. Ci qas dost jî xuya bibin, hûn ê bi şev û bi roj, bê rawestan wan li dest bi tûyikan sor bikin.

– Em ê li wan sor bikin.

– Peyva kurt, hûn ê rîhsoran bikin hezar perçe. Her perçe dê bixwaze xwîna yê din vexwe.

Gêrikên zerî bang kir:

– Ew ê bixwaze vexwin!

– Beşeke rîhsoran a mezin ji jiyanê tecrubeyeke baş werne-girtine, xeşîm in. Ew li hember jiyanê ne nefispiçûk in, dibê-jin ku em li vir û xelîfe li Bexdê.

– Em dizanin.

– Li gor wê, ha! Hûn di derheqê rîhsoran de, gelek tiştan dizanin. Wê gavê, hûn ê nuha belav bibin û xwe wenda bikin. Hûn ê di dilê her rîhsorekî de, li hember rîhsorekî din, agirê heyfilanîn, tirs û dijminatiyê yê ku tu carî nikare bête vemirandin, pêxin. Hûn ê tirsê jî ji bîr nekin. Rêya herî mezin û kevin ku dikare gêrîkan bera ber hevdu bide, tirs e.

Hûn ê wan li hemher hevdu bidin tirsandin. Hûn ê tirsê tê-xin dilên wan û mezin bikin. Tirs dê di dilên wan de, di mejiyên wan de bilind bibe. Tirs a filan, a lehiyan, hûn a ci peyda bikin, ci awayê tirsê têkeve destê we, hûn ê wek baranê bi ser serê wan de bibarînin. Tirs gêrîkan kût dike, nahêle tev bilive, ji mirinê jî xerabtir dike. Ger hûn bixwazin, hûn dikarin tirs Xwedê û tirs wan a ji hevdu, her û her mezin bikin.

– Em ê tirsê mezin bikin. Em ê li ser serê rîhsoran ji hemû tirsan, bi hezaran Xwedêyan biafirînin.

– Hûn ê agirê ferdîtiyê bi tirsê re gûr bikin. Ew hemû dê bibêjin ku em bira ne, heval in, lê hûn ê guh nedinê. Di hundurê piraniya wan de, agirekî ferdîtiyê yê pir mezin heye. Dijminatiya gêrîkan a li hember hevdu ji vê ferdîtiyê çêdibe. Mirin, çavtirsandin, ji hezkirinê bi dûrketin ji vê ferdîtiyê çêdibin. Hûn ê firset û destûrê nedin ku tu rîhsor ji hevdu hez hikin. Ger ev dest bi ji hevdu hezkirinê bikin, çû. Ji ber ku devera hezkirin lê hebe, ferdîti, tirs, piçûkdîtin nikarin bihewin. Nebîî, hûn destûrê nedin bezkirinê. Ger ew fêrî ji hevdu hezkirinê bibin, ew ê ji bo têkbirina me jî û ya filan jî kengî be, rîyekê peyda bikin. Nebîî, hûn ê nehêlin ku ev ji hevdu hez bikin. Hûn ê wan ên dest bi tûyik tu carî ji bîr nekin, ji ber ku hertim dikare lehiyeke hezkirinê mîna ronahiyekê ji wan derkeve û li rîhsoran belav bibe. A, wê ga-vê, malik li me xera dibe. Her dest bi tûyihek kaniyeke hezkirinê ye. We fahm kir? Hûn ê nehezkirin û dijminatiyê belav bikin.

– Temam, em ê nehezkirin û dijminatiyê belav bikin.

– Heqê xwe helal bikin, jîn heye, mirin heye. Ez ê jî biçim Hesinkerê Kulek ji rê bibim. Ez ê agirê çavtirsandin, guman, tirs, bêbawerî û nehezkirinê têxim dilê wî.

Gêrîkên zerî got:

– Rêya te vekirî be.

Gêrîkê zerî yê kal emir da wan û got:

– Deqîqeyekê li vira li benda min rawestin!

Piştä xwe da wan û piştî ku bîstikekê li paş zinarê li kêlekê bû ma, bi şûn de vege riya.

Got:

– Li rîha min binihêrin. We li ba tu rîhsoran, rîheke weha dirêj, sorîkur ku weha çirûsk jê diçe û dibiriqîne, dîtiye?

Bi rastî jî rîha wî mîna şewqa tavê dibiriqand. Li ba tu rîhsoran, rîheke weha nedîtibû. Rîha wî pêl bi pêl û hem jî gûr bû. Mîna daristaneke sor bû jî.

– Ma gava Hesinkerê Kulek çav li vê rîhê bikeve, ji qonaxa çil rojî dê ji ber rabe, ranebe? Bibêjin, ji nuha û pê ve, kî dikare gumanan ji rîha min bike?

Gêrîkên zerî bi awayekî bi heyran bang kir:

– Çi bû? Te ev rîh ji ku peyda kir, heeey Serokê me?

Gêrîkî got:

– Hiş, bang nekin!

Bi rastî jî gêrîkê zerî yê herî kal bi vê hunera xwe ya rîhê, seroktî heq kiribû.

Got:

– Hiş, dengê xwe bibirin û li vê derê binihêrin.

Qelîsteka zinêr nîşanî wan da. Gêrîkên zerî kulmişîn wê derê, lê nihêrîn ku termê gêrîkekî li wira dirêjkirî ye. Rîha wî jî tune bû.

– Werin vê derê û guhêñ xwe bidin ber devê min. A, min ev rîhsor kuş, rîha wî jî jê kir û min bi xwe vekir. Hela, baş li min binihêrin, ma tu ferqa min û rîbsorekî heye?

Hêdîka got:

– Tune ye. Serokê me, tu bûye rîhsorekî temam. Hesinkerê Kulek jî nikare tê derxîne ku tu ne rîhsor e.

Serok bi qureti keniya û got:

– Min weha pê zeliqandiye ku ger filek xortima xwe lê bâbide û bikşîne, nikare tayekî jî jê rake.

Gêrîkên zerî bang kir:

– Biji! Bijî Serokê me! Em ê ji nuha û pê ve, ji te re bibêjin; Serok... Serokê me yê mezin...

– Ger ji destên we bê, her yek ji we jî rîhsorekî bikujin, rîhênen wan jê bikin û bi çenqa xwe ve bizeliqînin. A, wê gavê, tu kes dê nikaribe tê derxîne ku hûn gêrîkên zerî ne. Hûn ê jî li welatê rîhsoran, wek ku hûn li mala bavê xwe ne, destê xwe kil bikin û serbest bigerin. Hûn ê wan bi hevdu bidin kuştin û heyfa me ji nesilên gêrîkan hilînin. Kêfa min pir hat ku hûn ji min re dibêjin, Serok

– Her yek ji me dê sê gêrîkan bikujin û rîhênen wan werbigirin.

– De, rîya we vekirî be.

Ü gêrîkên zerî di tariya li ber destê sibehê de, tavilê ji ber çavan wenda bûn û çûn.

Serokê zerîyan jî berê xwe da şikefta Hesinkerê Kulek. Hesinkerê Kulek li şikefta xwe, bi awayê ku lingên xwe kişandibûn ber zikê xwe, razayî bû. Li ber serê wî jî sê rîhsorêni pir ciwan hebûn. Serokê zerîyan fikirî û got ku gelo ez li vê derê, van hersê ciwanan jî tevî vî Kulekî bikujim. Kêra xwe kişand û ket hundur şikeftê. Yekî ji nişka ve ling avêt ber wî û ew li ser serî li erdê ket.

– Raweste, qedexe ye!

Gêrîkê zerî got:

– Ez Serok im. Ez Serokê rîhsorêni li paş Çiyayê Qaf im. Ma li ba we, mirov ling diavêje ber mêvanan û weha mazûbaniyê dike? Tu nema bû ku serê min perçê perçê bûbûya.

Rîhsorekî ciwan doza lêbihurînê lê kir:

– Bibuhure, Hosteyê me raketîye...

Serokê zerîyan got:

— Wî zû şiyar bikin, zû a nuha! Ez ji devera ku qonaxa cil rojî ye, hatime. Filan welatê me şewitand, talan kir û gêrîkên me kirin hêşîr. Min ruhê xwe bi zorê xelas kir û ez hatime ba wî.

Rîhsorê ciwan Hoste şiyar kir û ew û Serokê zerîyan bi hevdu dan naskirin.

— A, ev ji paş çiyayêن Qaf tê. Ev jî Rîhsorê çiyayê Qaf e... Ji qonaxa cil rojî hatiye.

Hosteyê Kulek ji yê nuh hatibû pirsî:

— Hevrêyo, tu çawa hatî?

Serokê zerîyan bi awayekî westiyayî, bêxew û situxwar got:

— Teyreke mezin heye, navê wê legleg e. Teyreke dilpak, mîrxas, nefispiçük û qencîxwaz e. A, wê ez li ser baskê xwe kirim û anî vê derê, ba te.

— Kê ji te re got ku ez li vira mim?

Serokê zerîyan bişirî û got:

— Leglegê got.

— Legleg ji ku dizane ku ez li vê derê me?

— Wê tu dîtiyi.

— Hella hella... Wê leglega mezin a li ezmên, ez di vê qelişteka piçûcik de çawa dîtime?

Serokê zerîyan got:

— Legleg weba ne. Çavêن wan gêrîka reş a li ser kevirê reş ê ku qonaxa cil salî dûr e, dibîne. Wê ez jî weha dîtim. Gava filan welatê me şewitand, hilweşand û piraniya me kuştin û yên man jî hêşîr girtin, ez jî reviyam. Min xwe li qotê Çiyayê Qaf girt. Ez li wê derê di nav berf û zinaran de mam. Li ser qotê Çiyayê Qaf tu xwarin peyda nabe. Çavêن min ji nêza nema didît. Gava ku tu taqet di min de nemabû, ez li ser berfê ketibûm û tu nemabû ku min ruhê xwe teslîm bikira, dengê xişxişike hêdî hat min. Pêlên germahiyekê xwe bera ser min da û min bi dû wê re dengek jî bihîst. Wî dengî ji

min pirsî û got ku hey mexlûq, tu ins î, cins î. Ji tırsan, bêyi ku ez çavên xwe vekim, min bersiva wê da û tiştên hatibûn serê me, bi zorê jê re gotin. Min jê pirsî ku hela tu kî yî. Wê got ku ez legleg im, hema devê xwe veke û tu ci dixwazî bixwaze. Taqet di min de nemabû, ez ji nêza, ji hal de ketibûm. Min ji wê re got ku ez birçî mim, zikê min têr bike da ku çavên min vebin, em ê piştî wê bipeyivin. Tavilê nektar û navika kulîlkan dan min. Çavên min wê gavê vebûn. Min ji wê re got ku ez rîhsorek im, tu dikarî min bibî ba rîhsoran? Wê ez di qelîsteka zinarekî de vexistim, gelek nektar û navika kulîlkan jî danîn ber min û bêyi ku tu tişti bibêje, firiya çû. Min tam piştî pênc rojan dît ku ew bi paş de vegeiyaye. Ez ji kêfan dikira dîn bûbûma. Wê got ku min peyda kir, li qotê ciyayê din ê mezin hesinkerek heye. Rîhsorê hemû dîn-yayê jî li wê derê ne. Ji min re got ku ez ê te bibim wê derê. Min jê re got ku bijî, her hebî, min bibe wê derê. Wê ez li ser haskê xwe kirim, ez kirim nav perîkên xwe yên germ û xweş... Em ji wira firiyan û wê berî bîstikekê, ez li wê derê, li paş wî şujikî danîm.

Hosteyê Hesinker jê re got:

– Tu hi xêr hatiyî.

Ji xwarina xwe da wî. Bi wî re dûr û dirêj peyivî. Bala xwe pir da rîha wî, kontrol kir, li esil û feslê wî pirsî. Baweriya xwe pê anî ku ev rîhsorek e û hem jî Serokê rîhsoran e.

Kêfa xwe anî û got:

– Birayê min, pêwîstiya min, pir bi gêrîkekî wek te hebû. Tu bi xêr û xweşî hatiyî, ser çavan hatiyî. Cîhê te li ser serê me û çavên me heye. Do, komeke gêrîkên zerî yên peyayên filan ku rîhêن wan sorboyaxkirî û xwe xistibûn dilqê rîhsoran hatin vira...

Serokê zerîyan bi tırs û taswas û pirsî:

– Ci bi wan hat? Ew nuha li ku ne? Ew gêrîkên zerî welatê

me jî, ew gêrîkên zerî... Gidî Hosteyê min, divê em wan zû peyda bikin.

Hosteyê Hesinker keserek kişand, ji êşê dilê wî diperitî.

Got:

– Em êdî nema dikarin wan peyda bikin. Rîhsor ew li hember min paraztin. Ez bixwazim jî bimirim jî ehmeqên me tayeke rîha wan î zer bi tenê jî nadîn min.

Serokê Gêrîkên zerî hêvî da yê Kulek:

– Ez ê wan ji te re peyda bikim, tu qet li ber nekeve, birayê min î Hesinker. Ez ê baweriya rîhsorê te pê bînim ku ew gêrîkên zerî ne û gêrîkên zerî jî xayin in.

Serokê Gêrîkên zerî û Hesinkerê Kulek bi kêt hevdu himbêz kirin. Kuleko dê çawa kêt nekira, di nav ew qas ehmeqî de, biaqilekî ku alîkariya wî dikir hatibû peydakirin. Bi ser de jî ew rîhsorekî bi esil bû û welatê wî jî li qûntara Çiyayê Qaf bû. Wekî din jî tîha wî ya sor, nedîşibiya tu rîhan. Bi ser de jî rîha wî ya direj bûhû şewq û ronahiyek û xwe ji çenga wî bera ser sînga wî ya fireh dabû.

Gêrîkê Kulek bi hesreta germahiya dostaniyekê bi kêt û bi ewleyî difikirî. Digot ku deng ji destekî nayê û difikirî. Ew di zewq û mestbûna fikirandinê de bû. Xuya ye ku vî Serokî, vî Rîhsorê kal pir kişandiye û pir bi aqil û kone ye jî. Bi vî Rîhsorî gelek pirs dikaribûn bihatana çareserkirin.

Wê sibehê, hemû çiya, zinar, rê, hêsar, beyar, rexên co û cobaran, hundurê gol, gomik û kaniyan, nava daran, ji nişka ve bi kulîlkan ve hatin dagirtin. Bêhna kulîlkan a xweş pêl pêl li derûdorê belav bû. Ewrên spîboz li jorê, li aliyê başûr ji dûr ve bilind bûn. Dinya bi ronahiyek piştî baranê diçûrisî. Gêrîk ji mûristanên xwe, ji qelîştekên zinaran û ji şikeftan derketibûn û xwe dabûn ber tavê û rîbêñ xwe dişikinîn. Bi awayekî rehet û mestbûyî meydana rast û fireh dadigirtin.

Gêrîkê Kulek jî derketibû devê deriyê şikefta xwe, pişta xwe dabû darikekî, xwe dabû ber tavê û bi Serokê gêrîkên zerî re dipeyivî. Ji suhbeta Serokê gêrîkên zerî têr nebûbû û li hember kultur û şoreşgeriya wî, devê wî ji hevdu çûbû.

Ji xwe re digot:

– Di nav van gêrîkan de, sê gêrîkên din ên weha hebin, min ê ne fil bi tenê, mirov jî ji dinyayê derxistana.

Ji ber ku hevalekî weha biaqil, rîhsorekî weha dost peyda kiribû, di nav bextiyariyeke mezin de vedigevizî. Ji gava ku xwe ji ser baskê Silêmanê Dunikil çeng kir û hate vê derê û vir de, ev cara yekem bû ku ew li gêrîkekî weha biaqil rast dihat. Bi ser Serokê gêrîkên zerî de can dida. Ger ew ê rojekê zora filan bibin, ev ê bi saya aqilê Serokê gêrîkên zerî be. Ev çi gêrîkekî çeleng bû. Pişta wî zipîzer, çavêن wî girs, wek çavêن mêşa hunguv, meqesokên wî xurt, rîha wî mang dida, çîpêن wî wek çîpêن gêrîkekî siwarî xurt û bi lez bûn. Heta gîhaştibû vî temenî, gêrîkê ku bikarîba bi temamî ji hevdu fahm bikira, bi tenê Serokê gêrîkên zerî bû.

Serokê gêrîkên zerî jî çîpêن xwe dirêj kiribûn, xwe li ber tavê zuha dikir û xwe rehet dikir. Pir westiyabû, feqîro dê çi bikira, ji bin lingêن filan xelas bûbû û taaa ji qûntara Çiyayê Qaf hatibû vira. Gêrîkên wê derê, ne weha bûn, li bajarêن wan ên di bin erdê de, serayêن wan ên sê, pênc, heft tebeqeyî hebûn. Weha zû bi zû jî teslîmî filan nebûbûn, heta dawiyê û heta ku hêza wan hebû, ser kiribû. Piraniya gêrîkên Çiyayê Qaf xwe li çiyayan girtibû, tevî ku bê hêvî bûn jî şerê xwe yê li hember filan didomand.

Ji roja ku hatibû, cara yekem pirsî:

– Hosteyo, hûn li vê derê çi dikin? Ma hûn li hember filan şer dikin?

Heta nuha, her wî serpêbatiyêن xwe gotibûn. Hosteyê Kulik jî ji ber ku di derheqê tu tiştî de, pirs jê nehatibû kirin,

kêfxweş hûbû.

Yê Hesinker bersiva wî da:

– Birayê min î Serok, em nuha dipên. Şerê bi filan re ew qas ne hêsan e.

– Qet ne hêsan e, lê ma qet çêdibe ku mirov weha dest û ling girêdayî raweste? Dû re, rîhsor hingî betal bimînin, dê bibin tiral û şer ji bîr bikin.

Hesinkerê Kulek bi meraq pirsî:

– Birayê min î Serok, fil pir mezin in û gêrîk jî pir piçûk in. Ez bi rojan, bi mehan û bi salan difikirim, min tu rê ji bo şerê li dijî filan peyda nekir. Mirov bi wan re çawa şer dike?

Serokê gêrîkên zerî gotina wî tesdîq kir:

– Rast e. Ger em hemû gêrîkên wê jorê bicivînin û têxin şer, filek bi tenê dê me hemuyan bikuje. Dibêjin welatek heye ku gêrîkên wî welatî, bi qasî filan girs in. Lê ew welat pir dû re, me xeber bida wan gêrîkan û ew jî bihatana û me ji vê hêsirtiyê rizgar bikirana.

– Ew ê bêñ. Ez wan nas dikim. Ew ê filan biqewirînin û dû re jî ew ê me bikin hêşîr. Em ê li çareya serê xwe binihêrin.

– Hosteyê min, em nikarin li çareya serê xwe binibêrin. Fil pir mezin in.

– Bêhêvî nebe. Dibe ku em rîyekê peyda bikin, birayê min î Serok. Binibêre bê min ci kir; min rîhsor şand ber welatî, nav gêrîkên hêşîr. Wan rîbêñ xwe jê kirin û xwe kirin wek gêrîkên din, bi wan re dixebeitin, bi wan re zilmê dibînin û birçî dimînin. Wekî din jî ez bi şev û bi roj, li ser fil û gêrîkan û li ser fil û gêrîkên berê pirtûkan dixwînim. Peyayêñ min jî bê rawestan pirtûkan dixwînin. Em li vê derê pirtûkan dixwînin û difikirin, hemû birayêñ me yên gêrîkên dinyayê pirtûkan dixwînin, dixebeitin û difikirin.

Serokê gêrîkên zerî got:

– Tu tişt ji vêya dernakeve. Bi xwendina pirtûkan û bi xebata di nav gêrikên hêşîr de tê kirin, zora filan naçe ku...

– Binihêre, birayê min i Serok, li min guhdarî bike, ez wan bi rêxistin jî dikim... Gava rojekê, rêyek bête peyda kirin û hemû gêrik êrîşî filan bikin...

Serokê gêrikên zerî dest bi ken kir. Dikeniya dikeniya û her dikeniya.

– Tu bi ci dikenî, birayê min i Serok?

Serokê gêrikên zerî hingî dikeniya, nikarîbû bersiva wî bida.

– Ez dike... dike... dikenim ku...

– Tu bi ci dikenî? Ma gotinê min pir komîk in?

– Pi... pi... pir...

– Ji bo ci?

Serokê gêrikên zerî keniya keniya û dû re hebekî bi ser xwe de hat. Ruyê wî sorîkur bûbû, dikira bifetisiya.

Got:

– Binihêre, Hosteyê min! Hosteyê min i egîd i mîrxas i şêr, ma mirov qet dikare zora filan bibe? Ji gava ku ev dinya bûye dinya, kê dîtiye ku gêrikan zora filan biriye? Ev dinya weha ye û qet jî nayê guhertin. Fil fil e û gêrik gêrik e... Fil dê bi rê ve bibin, ev karê wan e, gêrik dê bixebitin. Fil dê li ser piştê vekevin, xwarinê herî xweş bixwin, kincêñ herî xweş li xwe bikin û di serayê herî muhteşem de rûnin... Gêrik jî dê bi halekî xerab, sal duwanzdeh meh bixebitin û di dawiyê de, tiştên xwe bidin filan û ew ê jî ji nêza bimirin. Ev qanûna xwezayê ye. Qanûna mirovan, a wan mirovên xwe pir diecibînin û xwe mexlûqên xwezayê yên pîroz dihesibinîn jî weha ye. Ev dinya weha hatiye û dê weha biçe. Hosteyê min hela bifikire, bifikire birayê min, ger em li vira bi qasî çiyayekî gêrik li hevdu bicivin û filek bi tenê êrîşî me bike, dê ci bi me bê?

Hesinkerê Kulek cara yakem bi guman li hundurê çavên wî nihêrî. Fikirî û got ku ev ne zeriyek be. Ev zeriyekî xayin e... Dû re jî ji xwe re weha fikirî ku çavên vî Serokî tirsiyane. Ma gêrîkekî ku ji qetlîameke weha mabe û ketibe ber xezeba filan, ew qas ne bêhêvî be, dê çi be?

Yê Hesinker jê re got:

– Heqê te heye. Heqê te heye, lê gêrîk li vê dinyayê mexlû-qên herî xurt in. Ger fil hîn xurttir bin jî divê rêyeke ku mirovî ji bin destê wan rizgar bike, bête peydakirin. Û hem jî dê bête peydakirin!

Serokê gêrîkên zerî got:

– Lê em ji ho vêya jî tu tiştî nakin û tu çalakiyan li dar na-xin. Çalakî pêwîst in, qet nebe, divê em wek gêrîkên me şer bidomînin. Ez qet carekê jî nefikirîm ku em ê bikaribin zora filan hihin, lê dîsa jî şer pêwîst e. Ger em zora wan nebin jî divê em şer bikin. Hêvî bi tenê di şer de ye.

Hesinkerê Kulek jî weha fikirîbû, lê negîhaştibû tu encamê. Hêvî hi tenê di şer de hû, lê di şerekî çawa de bû? ma şerê bêhêvî hebû? Şerekî ku bi bêhêvîtiyê dest pê kiribe, ne tu şer e, mirin e. Awa û celebê şer hene. Tu ê bi hêviyê dest bi şer bikî, lê tu dikarı têk jî biçî, ew tiştekî din e. Lê ya girîng ev e ku divê tu bi hêviyê dest bi şer bikî.

Wî ev fikirên xwe ji Serokê gêrîkên zerî re negot.

Bi tenê weha got:

– Yêni we ji bo ku zora filan nebin şer dikin. Ev dînîti ye. Ma mirov ji bo bi ser nekeve, şer dike? Gêrîk dê metodekê peyda bikin ku bikaribe zora filan jî bibe.

Serokê gêrîkên zerî dîsa keniya:

– Tîq tîq tîq... Dê peyda nebe, peyda nabe. Ma zora filan diçe?

Hesinkerê Kulek bi dengekî hêl got:

– Zora wan diçe. Em ê rîya ku zora filan dibe, peyda bi-

kin. Yênu ruh didin jî û distînin jî gêrîk in. Em ê zora filan bibin...

Serokê gêrîkên zerî bang kir:

– Ger weha be, wê gavê şer bikin. Mirov weha li serê çiyayî rûne, nikare zora filan bibe.

– Rêyekê wê...

Tam di wê gavê de, li meydanê hengameyeke çêbû ku ji gava ku Hesinkerê Kulek hatiye vira û heta nuha, hengameyeke weha nebihîstibû. Mirovî digot qey çiyayê pir mezin di ortê de perçê bûbû. A, hengameyeke weha bû. Gêrîkê Kulek î Rîbsor tavilê ber bi meydanê ve baz da ku ci bibîne, meydan bi gêrîkan ve hatiye dagirtin, mirov axê biavêje li erdê nakeve... Rîhsorekî ciwan jî derketibû ser şaxê diriyekê yê herî bilind û bi şewk û bi heyecan dipeyivî. Dengê wî yê bilind li çiyayan olan dida.

Wî digot:

– Ne fil, ne rîhsor! Ne fil, ne rîhsor, bijî gêrîkên azad û serbixwe...

Ü beşek ji gêrîkên li meydanê, jê re li çepikan dixin.

Yê li ser diriyê dibêje:

– Em ê welatên gêrîkan vala bikin û hemû gêrîkan, hemû gêrîkên dinya û kaînatê bikişînin vî çiyayî û dest bi şer bikin. Ne fil, ne rîhsor û ne jî gêrîkên dest bi tûyik, em ê bi gêrîkên bêsîr bigihêjin rizgariyê...

Ü çepik pir dibûn, xurt dihatin lêxistin û gelek gêrîkên din didan her xwe.

– Ü ancax gêrîkên hêşîr dikarin xwe rizgar bikin. Tu pê-wîstiya me bi yên dest bi tûyik tune ye. Ne gêrîkên dest bi tûyik, ne jî fil, bijî gêrîkên hêşîr ên azad û serbixwe. Em ê çavêن filan derxînin. Fîlên ku çavêن wan kor bibin, nikarin welatên filan bibînin û piştî wê jî ew ê rêya xwe şas bikin, di deryayê de werbin û bimirin. Bi vî awayî, dinya dê ji filan

xelas bibe.

Çepik pir ecêb lê diketin.

Yê ku digot, ne yên dest bi tûyik û ne jî fil pir peyivî. Gava ji ser diriyê daket, di nav xwêdanê de mabû, ji hal de ketibû. Gêrikên ku jê re li çepikan dixist, ew li ser milên xwe kir.

Piştî wî, gêrikêkî dirêj î reşiqîr derket ser diriyê. Ji ber ku zikê wî tazî bû, sitriyên diriyê di zikê wî de rabûn.

Dest bi peyvê kir:

– Hevalno, rîhsorno, peyva min ji bo we ye. Li min guh-darâ bikin, guhêñ xwe baş bidin min... Em ê a nuha dest bi şer bikin. Em ê koka filan biqelihînin. Gêrikeek, tew gêrikêkî sor berberî kaînatê ye. Fil ew mexlûq in ku qet zora wan naçe. Tu hêz nikare zora wan hibe. Em ê jî nikaribin zora wan hibin, lê em ê dîsa jî şer bikin. Em ê ji konêñ pîrê konan hidin hevdu, em ê wan li ser rêtêyên filan raxin û gava fil hêñ, lingêñ wan dê tê hieliqin... Belê hevalno, em ê nikaribin zora filan bibin, lê em ê wan têxin nav konêñ pîrê. Ez do bi Seroka pîran re peyivîm. Seroka pîran got ku her pîrek dê ji we re, heft erîn, yanî heft erînêñ gêrikan kon birêse. Ne fil bi tenê, hûn dikarin vê dinyaya mezin jî têxin van toran, bidin hevdu û biavêjin ba rojê. Lê fil dê mexlûb nebin. Ev dinya dê neyê guhertin... Em gêrik, em ê şer bikin. Ma piştî ku di destêñ îne de, ew qas konêñ pîrê hebin, em ê ji bo çi şer nekin, ne weha? Bila ew Hesinkerê Kulek î newêrek ê ku rêteya me dibire û nahêle em şer bikin, bimire!

Dengê qelebalixiyê meydan hejand:

– Bila biinire!

– Gava ku me jî fil û hudhud xistin torêñ xwe û azadiya xwe bi dest xist, em ê wê gavê, hemû mêsêñ dinyayê bidin pîrêñ hevalêñ xwe. Ger ji nêza bimire jî tu gêrik dê li vê dinyayê dest mêsêke jî nedîn...

Ji dengê qelebalixiyê meydan hejiya:

– Ger bimire jî!

– Piştî ku konêن me yên pîrê hebin, em...

Li ser konêن pîre û li ser zexmbûna wan hîn dûr û dirêj peyivî:

– Konekî pîrê dikare ne filekî, cil qantirî jî zevt bike. Konekî pîrê dikare ne filekî, însanekî jî zevt bike. Konekî pîrê...

Ü mîna serlekerekî biserketî bi serbilindî, ji ser diriyê daket. Meydan ji çepikan dikira bilweişîya.

Hesinkerê Kulek li wê derê, li kêleka meydanê, bi Serokê gêrîkên zerî û hersê rîhsorêن ciwan re li ser lingan rawestiya-bû û ji hêrsa dîn dibû.

Digot:

– Zirt zirt. Zirt zirt... Hey fortekên heram. Hey gidî zirtoleno!

Tam wê gavê, xortekî çavsêqozî, simbêlşor ku rîha wî bi erdê re dikîsiya û porê wî xwe bera ser pişta wî dabû, derket ser diriyê. Piçekî devlalik bû, lê serrast dipeyivî.

Bi awayekî pir hêdî, bi xwe bawer û iqnakir dipeyivî. Gava heyecana wî bilind dibû, gêrîk li devlalikbûna wî hay nedibûn û bi baldariyeke mezin guhdarî dikir:

– Divê em realist bin, hevalno. Em ê qet tu carî û qet bi tu awayî zora filan nebin. Piştî ku em nikarin zora filan bibin, ma me bikarîbûya zora wan bibira, ji gava ku dinya ava bûye û heta nuha, em ê hûbûna hêşîrên wan, ne weha?

Meydanê bi dengekî hêl gor:

– Em nedibûn!

Hesinkerê Kulek got:

– Ne ku ji gava ku dinya ava bûye, em nuha bûne hêşîrên filan.

Dengê wî neçû tu kesî. Dibe ku deng çûbe wan jî lê wan xwe li kerî danîbe.

Yê devlalik dewam kir:

– Ji ber vê yekê, divê em şerê bi filan re û têkbirina filan ji hişen xwe biavêjin û em lê bifikirin, bê em ê çawa nehêlin ku ew têkevin welatên gêrîkan, ma ne weha?

Qelebalixiyê di ber xwe de hêdî got:

– Ya herî rast ev e.

– Wê gavê hevalno, ez lê geriyam, şêwirîm û min ji yên ku mîzaca filan nas dikin, min ji mahr, jahrmar û mirovan pîrsî. Min mîzaca wan nas kir. Ya yekem ev e ku fil nikarin xwe ji ser xendekan çeng bikin. Em ê li hawîrdora welatên gêrîkan xendekan bikolin û fil dê nikaribin têkevin welatên me. Em ê filan kor bikin, nizanim, em ê wan têxin torênu ku ji konê pîrê hatine çekirin û biavêjin derveyî kaînatê... Ev hemû derew in. Ma tu gêrîk dikare çavêñ filan kor bike, bibêjin, ma filek di konekî pîrê de hiltê?

Qelebalixa ku ketibû ber hevdu bang kir:

– Hilnayêê!

– Hevalno, divê em realist bin û ji nuha de, em hemû rîhsor li welatên xwe belav bibin û ji bo kolana xendekan, hev-welatiyêñ xwe îqna bikin.

Meydan ji çepik û bangkirinê geh radibû û geh dadiket.

Gêrîkan ev rîhsorê rîhdirêj û pordirêj jî li pişta xwe kir.

Dû re jî gava hebekî sukûnet çêbû, gêrîkekî rîhsor î piçûçik, bi qasî serê derziyê piçûçik derket ser diriyê. Ev gêrîk ew qas piçûçik bû ku gêrîkan jî ew li ser diriyê ancax bi zorê dikarîbû bidîta.

Dengê vî gêrîkê piçûçik pir xurt bû.

Wî jî got:

– Hevalno, divê em realist bin. Ma em tu carî dikarin bi qûmê çavêñ filan kor bikin. Li gora ku ez dizanim, çavêñ filan ji xwe, ew qas hindik dibînin ku ger em wan kor bikin jî dê tu tişt neyê guhertin. Fil bi guhêñ xwe dibînin. Hevalno, bibêjin, ma em dikarin guhêñ filan jê bikin, ma hêza me têra

jêkirina guhêñ wan ên wek merşan dike?

Qelebalixê bang kir:

– Têrê nakê!

– Get em bêñ ser meseleya konê pîrê...

– Qelebalixê got:

– Nabe, nabe! Dev ji xendekê jî berde.

– Min agahdarî wergirt ku tu xendek xwe li ber tu filî nagire, her fil dikare xwe ji ser xendekê biavêje û derbas bibe.

Gêrîkan bang kir:

– Derbas dibe!

– Li vê dinyayê, hêza ku bikaribe zora filan bibe, tune ye.

Hêza ku bikaribe zora filan bibe, bîn nebatîye afirandin.

Qelebalixê dîsa bi dengekî xurt got:

– Nebatiye afirandin!

– Wê gavê, divê em çi bikin, beeey hevalno, heeey mexlûqên kañata me yên pir hêja, herî hêja, hûn rîhsorno, Xwedê hûn bi pesin çêkirine û bûn li ser serê van gêrîkan kirine siltan. Wê gavê, divê em çi bikin?

Kirtînî ji gêrîkan çênebû. Hemuyan bi baldariyeke mezin guhdarî dikir û li devê gêrîkê piçûk dinihêrî.

– Li gora ku li vê dinyayê, hêz di ser hêza filan re tune ye, em ê jî ji hêza filan îstîfade bikin û rizgar bibin. beşeke filan heye ku ew beş nikare bi qasî Siltanê Filan ji imkanêñ ku bi keda gêrîkan çedibin îstîfadeyê bikin. Em ê ji wan filen feqîr ên ku leglegê ew ji hêlinê derxistibûn re bibêjin, ger hûn alîkariya me bikin û me ji bin destê filan rizgar bikin, em ê jî we, nesilê we hetâ qiyametê, bi nektar, navika kulîlk û kêzikan xwedî bikin. Em ê ji we re, serayêñ krîstal jî ava bikin. Ger hûn fil nebin, em gêrîkêñ piçûcik nikarin bi filan re derxinin serî. Bibêjin, ma em dikarin bi wan re derxînin serî?

– Em nikarin!

– Wê gavê, bijî biratî û hevkariya fil û gêrîkan! Fil û gêrîk

bi hevdu re... Bimirin torperest, ciyagerok, xendekperest, hesinker û yên dest bi tuyik! Bijî hevkariya gêrik û filan...

Meydana mezin deng veda:

– Fil û gerik dest bidin hevdu...

Gêrik bi kêt û heyecan, tev de çûn û hatin. Di bin şewqa tavê de, çavê bi milyaran gêrik çirûsîn.

Ü gêrikê piçûcik xwe nepixand û ji ser diriyê xwe çeng kir erdê û di nav çipên gêrikên din de wenda bû. Gêrîkan ew peyda kir û li ser kolîna xwe kir.

Serokê gêrikên zerî yê li kêleka Hesinkerê Kulek rawestiya-bû ji devê xwe revand:

– Rast e. Vî jî rast got.

Hesinkerê Kulek di bin çavan re lê nihêrî. Ev demek bû ku her rîhsorek ji ser diriyê dadiket, vî gêrikê Serokê zerîyan di ber xwe de tiştin digotin, lê Hesinkerê Kulek nikarîbû fahm bikira bê wî çi digotin. Ya rastî, wî ji fikirêن her gêrikî re gotibû erê. Serokê gêrikên zerî peyva 'rast e' ji devê xwe revandibû, lê çi feyde, Kuleko carekê ewbihistibû. Nuha, wî dê ev çawa pîne bikira, pînekirin qet ne mumkun bû. Kuleko jî çawa weha bi guman û bi tirs li wî dinihêrî. Tu çareya Serokê gêrikên zerî nema bû, divê biajota ser wî, belkî dikarîbû bi tenê bi ajotina ser wî, rîya xelasbûnê peyda bikira.

– Hemû rast dibêjin, ne weha Hosteyê min?

Gêrikê Kulek ji hêrsa kir ufe uf.

Serokê gêrikên zerî dewam kir:

– Em dikarin filan kor bikin.

– Ehmeq!

– Eîn ê filan bi konê pîrê...

– bê hiş!

– Bi filan re hevkarî...

– Gêjo, min jî tu bi tiştekî dihesiband. Bi ser de jî tu Serokê welatekî gêrîkan ê mezin e. Wekî din jî tu rîhso...

Devê wî negeriya ku bibêje, tu rîhsorek e. Ji ber ku rîhsorekî weha kal nikarîbû ji van gotinên beredayî re bigota ku ev rast in. Gêrikê Kulek di jiyana xwe de gelek tecrube jiya-bûn. Ji ber ku fikira xwe bi carekê gotibû, poşman bûbû. Ji ber ku vî Serokê gêrikên zerî bi devê xwe, xwe dabû dest, dikarîbû bi hin karênu ku nedihatîn fikirandin re rabûya. Serokê gêrikên zerî dikarîbû hemû gêrik lê sor bikirana û ew bida lînc kirin. Ev Serokê gêrikên zerî yekî ci bi ziman bû. Bi şev gava ew di xew de ba, dikarîbû ew bikuşta... Ger ru tiştek nekira, dikarîbû bireviya.

Gêrikê Kulek ji nişka ve dest bi ken kir û got:

– Wey tu her hebî, birayê min î Serok. Tecrubeya te ji ya herkesî bêtir e... Bibuhure, min di destpêkê de fahm nekir û ji ber vê yekê, min ji van fikirên xweş re got ku bêhiş. Ez dizanîm ku her fikir pîroz e.

Xayıntî ci qas xweş xuya bibe jî ehmeqî ye... Gêrikê Serok ji van gotinên Kuleko tavilê bawer kir. Ji ber ku wî xwe herî biaqilê dinyayê dihesiband.

Bi kêf bang kir:

– Her fikir pîroz e. Fil ci qas xurt bin jî bila bibin, em ê bi van fikiran zora wan bibin.

Gêrikê Kulek got:

– Rast e. Kengî be, em ê zora filan bibin.

Hîn ew weha dipeyivîn, gêrikekî xwe çeng kir ser şaxê diriyê yê herî bilind û got:

– Hevalno, gêrikên sor î kedkar ên berêz, muhteşem û pîroz, filan koka me qeland û em kirin hêşîr... Ez dizanîm, mirrov nikare ji destêni filan xelas bibe. Fil li vê kaînatê, mexlûqên herî xurt in. Hûn jî bi vêya dizanîn û ez jî pê dizanîm û hemû kaînat şahidê vê ye. Hesinkerê Rîhsor ê Hosteyê me yê mezin jî bi vê rastiyê dizane. Hevalê wî Serokê gêrikên Çiyayê Qaf ê ku ji ronahiya çavêni wî jî hêjatir e, vêya dizane.

Gêrîkê Kulek ji hêrsa dîn dibû û bang kir:

– Rast e! Rast e!

Hem ji hêrsa dîn dihû û hem jî ji van gotinên bîçoberanî re, her digot ku rast e.

Serokê gêrîkên zerî ji ber îqnabûna Gêrîkê Kulek mest bûbû.

Got:

– Rast e, rast e, rast e!

Gêrîkê Kulek bang kir:

– Em dizanin.

– Li vê dinyayê, ne gêrîk tu hêz nikare zora filan bibe. Fil jî nikarin zora filan bibin, însan jî... Bi tenê hêzek dikare zora wan bibe, ew jî birayêن me gêrîkên siwarî ne. Li vê kaînatê, hêza ku bikaribe zora filan bibe, gêrîkên siwarî ne. Gêrîkên siwarî yên çîpdirêj in.

Serokê gêrîkên zerî bang kir:

– Rast e, gêrîkên siwarî yên çîpdirêj in!

Gêrîkê Kulek ji mecbûrî, peyva wî dubare kir:

– Gêrîkên siwarî ne, rast e!

Hêdîka, di qoziya çavêن xwe re li Serokê gêrîkên zerî nihêrî. Serokê gêrîkên zerî bi serbilindî destêن xwe di hevdu de didan. Ü Hesinkerê Kulek her li Serokê gêrîkên zerî dinihêrî, ji tepelika serê wî heta nenûkêن lingêن wî, ew bi çavan sax dikir. Edî ew ewle bû ku ev ne rîhsorek e.

Gêrîkê li ser diriyê yekî dirêj bû, hew hestî û çerm mabû. Por û rîha wî tev li hevdu bûbûn. Bêvila wî tûj û pembe bû, gava dipeyivî, zengiloka wî hildikişîya û dadiket.

– Em ê hezar û pênc sed gêrîkên siwarî bînin vê şikeftê. Tam çar milyar gêrîk dikeve vê şikeftê. Em ê hezar û pênc sed gêrîkî têxin vê şikefta ku çar milyar gêrîk dikevê û em ê derziyêن filan li wan bixin. Piştî ku me derziyêن filan li siwariyan xistin, em ê hemû xwarinêن dinyayê kom bikin û bi-

din wan. Piştî şes mehan, gêrîkên ku derziyêن filan li wan hatibin xistin, dê bi qasî pênc filan, deh filan mezin bibin. Her gêrîkek ji van gêrîkên ku bi qasî pênc filan, deh filan mezin bibin, dê bibe cinawirek. Her yek ji wan dê filekî têxe nav meqesoka xwe û bike du şeq. Em ê gêrîkên xwe yên cengawer biajon ser filan, êdî Xwedê jî nikare wan zevt bike. Di nav fil û gêrîkên siwarî de, dê şerekî pir gitän çêbibe. Û gava roj biçe ava, li vê dinyayê dê tu filekî sax nemîne. Gêrîkên siwarî dê hemuyan bide ber meqesokên xwe û tam di ortê de, bikin du şeq. Birano, gêrîkên rîhsor, peyva min rast e!

Meydana mezin hejiya:

- Rast e!
- Tu, heeeeey Serokê gêrîkên sor ê pîroz, ma gotinêن min rast in?

Yê Hesinker herdilka xwe kil kir û got:

- Rast e, rast e.

Piştî wî jî Serokê gêrîkên zerî bang kir:

- Rast e, rast e, pir rast e.

Û Hesinkerê Kulek î Rîhsor bi dizî keniya, ji kêfa dikira bifiriya. Di demeke pir kurt de fahm kiribû, bê ev Serok kî ye. Ev gêrîk ji Serokê gêrîkên zerî pê ve, ne tu kes bû û yên ku ev qelebalix li vê derê civandiye jî û ew sor kiriye jî gêrîkên zerî bûn. Lê di nav rîhsoran de çawa wenda bûbûn? Mirovî dê çawa bikarîba ev qelebalixa ha, îqna bikira ku ew gêrîkên zerî bûn? Karê wî zor bû. Zor bû lê ne ji derveyî îmkanan bû.

Gêrîkê pir zirav jî ji ser serê diriyê daket. Gêrîkan ew jî li kolîna xwe kir û bi dengê 'bijî, her hebi' zingînî ji meydanê anî. Dengê wan li ciyayêن bilind olan da. Dû re Serokê bîrperestan derket ser diriyê û pêşniyar kir ku divê di rêtêñ filan de, bîr bêñ kolan. Bi dû wî re, yê mîxperest derket ser diriyê. Wî jî li hawîrdora welatêñ gêrîkan kutana mîxan pêşni-

yarî wan kir. Filan dê tu carî nikarîba pê li van mixan bikira û têketa welatên gêrîkan. Bi dû yê mîxperest re, torperest, avperest, diz û keleş, seyikperest derketin ser diriyê. Pêşniyârêñ hemuyan jî balkêş bûn. Di nav qelebalixa meydanê de, ji bo her yekî, kesêñ ku gotinêñ wan tesdîq dikirin û bang dikir digot ku rast e, hebûn.

Hesinkerê Kulek û Serokê gêrîkêñ zerî jî herkes tesdîq dikir. Her kesê ku peyivî li kolîna grûpa xwe siwar bû.

Tam wê gavê, meydan tev li hevdu bû, gêrîk ketin ber hevdu. Şûr û xencer hatin kişandin, tor û kindir hatin avêtin û gêrîkan ji her aliyî kevir bi ser hevdu de barandin. Ewrekî ji tozê yê tarî girt ser meydanê. Dengê hawar û gaziyê ku mirrov ji guhan dikir, meydan da ber xwe. Serî, çîp, mil, gewde li hewa difiriyan. Ji gava ku dinya bûbû dinya û gêrîk jî bûbûn gêrîk, tu kesî şerekî weha nedîtibû.

Gêrîkê Kulek û Serokê gêrîkêñ zerî hilkişiyabûn ser bilindirîn şaxê diriyeyeke bilind, qalind û bi qasî darekê saxlem û ji wê derê, li şer temaşe dikir. Hesinkerê Kulek ji qehra dimir, Serokê gêrîkêñ zerî jî di hundurê xwe de kêf dikir, dipesinî û ji derive jî wek ku li ber ketibû xuya dikir. Lê êdî ru tevgera wî ji çavêñ Hesinkerê Kulek nedireviya.

Hesinkerê Kulek pir bi taswas bû. Ev şer dê heta kengî weha dom bikira? Dibe ku di dawiya şer de, tu gêrîkê saxlem nemîne. Ji bo pêşîlêgirtina vê qetlîamê, divê çi bikira?

Ji rîhsorekî ciwan borîzanek xwest. Li jorê gelek borîzan hebûn, di nav wan de, ya herî mezin neqand û anî da yê Hesinker. Yê Hesinker dest bi axavtinê, bangkirinê, sixêfan kir, lê kî dibihîse, kî guhdarî dike?

Hesinkerê Kulek pir li ber diket. Heta gêrîkêñ ku hêviya neteweyêñ gêrîkan û bi saya ew qas keda wî, bûbûn rîhsor jî bi çend zerîyan xapiyabûn û hevdu dikuştin. Hem jî li ber çavan. Ger ev rîhsor biqedin, êdî gêrîk heta qiyametê dê hê-

sîrê filan bimînin. Bi çavên tijehêşir li ruyê Setokê gêrîkên zerî nihêrî. Serokê gêrîkên zerî di nav kefeke bêsinor de bû. Hesinkerê Kulek nexwest ew liberketina wî ferq bike. Hebekî jî keniya:

– Hevdu dikujin, bila hevdu bikujin. Li vê dinyayê hîn gelek rîhsor hene, ne weha? Li ba we jî gelek hene, ne weha?

Serokê gêrîkên zerî got:

– Hebûn, lê ew jî her ji çi sebebê bû, weha bi hevdu ketin û hevdu kuştin. Li welatê min î muhteşem rîhsorek bi tenê jî nema.

– Bila ev hevdu bikujin, hîn çêtir e. Ji xwe ev, gêrîkên ehmeq û gêj bûn. Mirina wan dê ji bo neteweyêñ gêtîkan bi xêrtir be. Ger gêrîkên sor ên neteweyan dê weha bê aqil bin, qet tune bin, baştir e. Li ba me, hîn gelek rîhsor hene, bi ser de jî ew bi aqil in...

Serokê gêrîkên zerî tavilê pirsî:

– Li ku ne?

Aaax, wî bikarîba cîhê wan fahm bikira... Heta Serokê gêrîkên zerî sax be, divê li vê dinyayê gêrîkekî rîhsor bi tenê jî nemaba.

Hesinkerê Kulek got:

– Li Çîn û Maçînê ne. Li welatê gêrîkên rûzer in.

– Ma rîhêñ gêrîkên rûzer jî sor dibin?

Hesinkerê Kulek got:

– Dibin, le. Rîhsorêñ wan ne weha ehmeq in, ew hevdu weha nakujin.

Serokê gêrîkên zerî di hundurê xwe de got ku hûn ê bibînin, hela bila ez wan zeriyêñ xwe yên ew qas bi tecrube bişînim wê Çîn û Maçîna te, tu îcar li dawetê temaşe bikî. Tu ê bibînî, ma em ê yên wê derê jî ji yên vê derê xerabtir nekin!

Tebeqeyeke tozê ya qalind xwe bera ser meydanê da. Xwîna ku ji meydanê diherikî bi guş ji palê dadiket û çem

tije dikir. Hesinkerê Kulek ji vê bilindahiyê jî ji derveyî mil, çîp, û gewdeyên jêkirî ku difiriyan û pê ve, nikarîbû tu tişt bidîta. Kir qere pere, lê gava hewildana Hesinkerê Kulek bi kêrî tiştekî nehat, horîzana di destê xwe de çeng kir, avêt meydana şer. Bêçaretiyê ew dikuşt.

Tam di wê esnayê de, ji dûranê, tîqe tîqeke mîna girgira ewran teqiya. Tîqe tîqê çiya hejandin, zinar lerizandin.

Serokê gêrikên zerî careke din xwe da dest.

Got:

– Siltanê Fîlan, Siltanê Fîlan! Siltanê Fîlan bi vî halê rîhsoran dikene.

– Siltanê Fîlan çawa bi halê me yê vê derê dizane?

Serokê gêrikên zerî yê ji her kêf û heyecana xwe, xwe dabû dest, derewek kir:

– Çavêن Siltanê Fîlan gêrika reş a li ser kevirê reş ê ku qonaxa cil rojî ye, ger li paş heft çiyayan be jî dibîne. Wî dikira ez bikuştama. Ez reviyam û min xwe avêt ser berfa Çiyayê Qaf. Fil fêri çiyayênil û zinarî nebûne, tew qet tehamullî serma berfa çiyayı nakin.

Tîqe tîqek, tîqe tîqeke din teqiya. Tîqe tîqan erd û ezman dihejandin û mîna guleyên topê diteqiqyan.

Tam di wê esnayê de, mûcîzeyek çêbû. Tiştekî ku mirovî qet bawer nedikir çêbû, meydan ji nişka ve ker û lal bû. Vi-zîniyeke herî piçûk jî ji wê derê nedihat. Hesinkerê Kulek guhê xwe dayê, guhdarî kir, dû te jî bi awayekî xemgîn pîrsî:

– Ci bi van hat? Ji meydanê dengê kirtîniyekê jî nayê, ci bi rîhsorêñ min hat?

Serokê gêrikên zerî got:

– Hemû mirin. Hemuyan hevdu kuşt. Rîhsorekî me bi tenê jî nema. Wax wax, waaax!

Heta ku dengê wî derket, dest bi girî kir.

– Wax wax, waaax!...

Gêrikê Kulek yekî giran bû, ji çavên wî dilopek hêsir jî nedihat, li wê derê, di cîhê xwe de rawestiyabû û tev nediliviya.

Dengê tîqe tîqên Siltanê Filan hîn jî bilindtir dibûn û dihat. Toza li ser meydanê jî hêdî hêdî xwe bera xwarê dida, dinya rohnî dibû. Gêrikê Kulek çavên xwe qet ji meydanê venediqetandin, ziq lê dinihêrî. Destê wî li ser dilê wî bû.

Toz daket, dinyayê desr bi rohnîbûnê kir û tam di wê esnayê de, ji nişka ve, tîqe tîqa Siltanê Filan bû hêrs û xezebeke nedîti ya no, tarûmarker û kujek.

Ü Hesinkerê Kulek ji kêfa qêriya:

– Piraniya gêrikên min nemirine! Şikir, şikir, şikir!

Serokê gêrikên zerî yê ev rewş û xulxuleya gêrîkan a li meydanê dît, ji qehrân dikira ji ser diriyê biketa û bimira.

Hesinkerê Kulek ji ser diriyê daket xwarê û çû meydanê. Li meydanê mirî û birîndar bi ser bevdû de kom bûbûn.

Hesinkerê Kulek got:

– Şikir ji vêya re jî, ji vêya re jî. Min digot qey tu rîhsor nemanе.

Li meydanê jî gêrikên ku ji ber tîqe tîqa Siltanê Filan şaş mabûn û dev ji ser berdahû, hîn her ji hevdu re sixêf dikir.

Hesinkerê Kulek derket ser darikekî û got:

– Êdî bes e! Bi ser hişen xwe ve werin. Binihêrin, bê Siltanê Filan bi vî halê we çawa dikene.

Hesinkerê Kulek hîn gelek peyvên din kirin. Tu gêrîkan bersiva wî neda. Rîhsor bi awayekî sûcdar serên xwe xistin ber xwe û vege riyan quncikên xwe. Vegeriyan, lê...

Serokê gêrikên zerî tam li pişt Hesinkerê Kulek bû, gava ew dipeyivî, got:

– Binihêre hevalo, ma tu dibêjî qey tu ê van gêrikên ku bi hevdu ketine û xwîna hevdu vexwarine, dîsa bîne ba hevdu? Ji nuha û pê ve, êdî ev rîhsor qet ifleh nabin. Ev ê heta dawiyê hevdu her weha bikujin. Ezitî, xwîn û fesadî ket nav wan.

Rîhsorênu ku hûne hezar perçê, êdî dê hertiştî ji bîr bikin û bi hevdu kevin. Çavênu wan ne filan û ne jî dinyayê dibîne.

Gêrîkê Kulek ji ber tiştên ku qewimîbûn, hem xemgîn bû, hem jî bi kîf bû. Şikir ku gêrîk hemû nemiribûn. Piştu vê tecrubeyê, divê êdî hişen wan hatibin serênu wan. Piştu vê bû-yerê, gêrîkênen zerî êdî divê nikarîba ew bixapandana.

Hatin mûristanênu xwe, westiyabûn.

Serokê gêrîkênen zerî got:

– Birayê min î Hesinker bi min re were, em biçin welatê min î paş Çiyayê Qaf. Ez ê li welatê xwe, serokwezîrtiyê bîdim te... Ez ê nektar, navika kulîlkan, hem jî navika kulîlkênu Çiyayê Qaf li ber te bikim. Min ji te pir hez kir. Tu ê temenê xwe yê mayî, ne wek gêrîkan, wek filan bijî. Ger tu bixwazî, tu dikarî qûna xwe jî ji sibehê heta êvarî bixurînî. Te dît ku asasê ser berfê ye. Rîhsorênu te jî hevdu kuştin. Ji nuha û pê ve, ew îfleh nabin, heta ku du heb bimînin, ew ê her çavênu hevdu derxînin. Keko, were li kerê şeytên siwar nebe, ev gêrîk qîymeta te nizanin. Were em biçin welatê me. Ger tu bixwazî pişti bîstikekê hudhudek, ger tu hudhudî nexwazî, bila leglegek were û me bibe paş Çiyayê Qaf. De keko...

Gêrîkê Kulek î Rîhsor qet tu bersiv neda wî, hew hersê rîhsorênu ciwan ênu ku li benda wî bûn, birin quncikekê û di guhênu wan de kir pise pis:

– Xortino, gidî bila hayê we jê hebe, hûn wî Serokê hevalê min dihînin, wiye rîha wî sor? Ew Serokê gêrîkênen zerî ye. Siltanê Filan gêrîkênen zerî xistine nav me. Şerê îtroj jî wan derxist. Dikira rîhsorek jî nemabûya. Bila bala we li ser wî be, dikare bireve. Gava reviya, ger we nikarîbû ew bigirta, wî bikujin. Lawo ji bo Xwedê, bila ew pê nehise ku em pê dizanîn, ew Serokê gêrîkênen zerî ye.

– Hosteyê me, em nahêlin ew pê bihise.

HEFT

Siltanê Filan ji bo ku gêrîk gêrîktiya xwe ji bîr bikin, xwe fil bihesibînin û hêşirtiya wan heta dawiya dinyayê bidome, dek û dolaban digerîne.

Gêrîkan birçî û nexwes xwe bi zorê gîhand Biharê. Lê hejmara gêrîkan a bi milyaran, Zivistanî di berfê û xelâyê de daketibû nêvî. Dîsa jî gava Siltanê Filan ê ku Zivistanî xwarin dabû wan bangî wan kir, bi dil û can û bi minetdarî baz da.

Siltanê Filan got:

– Ez îsal, serayeke din dixwazim... Ev seray dê du caran li seraya min a kevin be. Hem jî di hundurê wê de dê nivînên ji perikên çivîkan...

Ew qet li dij derneketin, bê dudilî got:

– Li ser serê me, Siltanê me.

– Ez textekî pembe jî dixwazim, ji almasa pembe ya di orta dinyayê de...

Hemû gêrîkan bi hevdu te bang kir:

– Li ser serê me, Siltanê me. Bila hema tiştê ku dixwazî textê pembe be.

– Ez dixwazim hûn li ser van ciyayan bexçeyê vê dinyayê yê herî mezin çêbikin. Li ser ruyê erdê, ci qas tovên kulîlkan hebin, hûn ê hemuyan bînin û li vî bexçeyî biçînin.

– Li ser seran, Siltanê me. Hema bes tu bixwazî. Hemû gêrîkên kaînatê, yên li Asyayê, Amerîkayê, Afrikayê û Ewrûpayê jî di emirê te de ne...

– Li ser ruyê erdê, ci qas dar hebin, ci qas darêni bi fêkî û bi

kulîlk hebin, ez ji hemuyan dixwazim.

– Li ser seran, Siltanê me.

– Hûn ê hemû embarên ku di bin vî çiyayî de hene, bi nektar, navika kulîlk, dendik, genim û gîhayân tije bikin...

– Hema bi tenê tu emir bikî, Siltanê me.

– Hûn ê dîsa mîna par, ji xwe re tu tiştî berhev nekin. Ez ê dîsa mîna par, xwarina we bidim we. Bi vî awayî, hûn ê ji du deveran bi hevdu re xwarinê nekişînin. Dû re, embarên min jî saxdem in, ne diz û ne tu kes ji tirsa, newêrin xwe nêzîkî wan bikin.

– Li ser seran, Siltanê me, hema bes tu bixwazî.

– Ez ê hîn gelek tiştan ji we bixwazim...

– Tu ci bixwazî, li ser serên me.

– Ez ê mekîneyeke qûnxurandinê bixwazim. Ma heqê Xwedê ye ku gava hûn gêrîkên min sekinîbin û Zivisranî di wê qiyameta berfê de her ku qûna min bixure, ez şev nîvê şevê derkevîm derve û qûna xwe bisipêrim vê çinara bilind? Bibêjin, ma qûnxurandineke weha, bi sultanekî dikeve?

– Siltanê me, em ê mekîneya qûnxurandinê ji çêbikin.

– Ma we qet mekîneya qûnxurandinê çekiriye?

– Me çenekiriye, lê em ê çêbikin.

– Le, we nikarîbû çêbikira?

– Siltanê me, li ba mirovan, mekîneyên qûnxurandinê pir hene. Ger em nikaribin çêbikin, em ê ji mirovan bidizin û bînin.

– Wê gavê, hûn ji bo çekirina mekîneya qûnxurandinê qet nexebitin, ji mirovan bidizin û bînin.

– Em ê ji mirovan bidizin û bînin, Siltanê me.

– Gêrîkên min, baweriya min bi we heye. We ji bo min, ji bo me, hertiş çekirin û hûn ê çêbikin. Îroj roja sedhezarsaliya biratiya fil û gêrîkan e. Ev sed hezar sal in ku gêrîk û fil bi hevdu re, wek bira û azad dijîn. Biratiya gêrîk û filan ji bo

hemû mexlûqên din bûye nimûne.

Gêrîkan bang kir:

– Bûye nimûne!

Siltanê Filan ji gêrîkan pirsî:

– Ma hûn ji min razî ne?

Gêrîkan bang kir:

– Em pir razî ne.

– Hûn mirina min naxwazin, ne weha?

Gêrîkan bang kir:

– Em naxwazin, ev ci gotin e.

– Wê gavê, hûn ê ji min re ava heyatê peyda bikin.

Bêdengiyeke mezin çêbû. Germ bû, germahiya biharê. Dinya bi temamî bi kulîlkan ve hatibû xemilandin. Ji çiya-yan pêl bi pêl bêhna kulîlkan dihat.

Ji qelebalixiyê çend dengê qels hatinbihîstin:

– Li ku derê heye? Ji ci re dibe?

Siltêni bi dudilî got:

– Mexlûqê ku ava heyatê vexwe, nema dimire, ew ê heta roja qiyametê bijî. Her ji heystê salî carekê ji ciwan dibe.

Dîsa çend dengê qels hatinbihîstin:

– Ma em ê vê ava heyatê li kî derê peyda bikin?

Siltanê Filan êdî fêri dengê gêrîkan bûbû, dikarîbû dengê pise pisê ji bibihîse.. Ü hemû gêrik tam fêri filî bûbûn. Ji ber vê yekê, dikarîbû bi hêsanî bi gêrîkan re bipeyiviya. Hudhudan ji xwe li ser guliyêñ darêni bi kulîlk ên li derûdorê danîbû û bi bêdengî li tiştêni ku dibûn temaşe dikir. Bi daran ve hatibûn seyandin. Kumikêni wan ên turuncî li ser daran qat bi qat wek kulîlkan vebûbûn.

Siltanê Filan keserek kişand û bi dengekî pir xemgîn got:

– Ez nizanim. Ax, ger min cîhê wê bizanîba, min ê ew ji zû de bianiya û vexwara.

Gêrîkekî kal got:

– Dibe ku li ba mirovan hebe, em ê wê jî bidizin û ji Siltanê xwe re bînin.

Siltanê Filan bi kerb keniya:

– Ew ne li ba mirovan û ne jî li ba tu mexlûqên din peyda dibe. Ji mirovan bi tenê Koroxlî û hespê wî yê gewr ava heyatê vexwariye. Wekî din jî Xizirê xwediyê hespê boz vexwariye. Ü İlyasê ewlîya... Ez tu mexlûqên din ên ku ev av vexwaribin, nas nakim. Ger peyda bike, bike, hûn qûlên min ên gêrîk dikarin peyda bikin. Ger mirov ava heyatê peyda bike, ma ew ê ji bo dilopeke wê, çi bide, çi nede... Binihêrin, bira-yênen min ên gêrîk, ev ava heyatê gelekî girîng e, ger em kaniya wê bibînin...

Gêrîkekî ciwan û çeleng bang kir:

– Em ê hibînin! Ma ne ji bo Siltanê me ye, wê gavê em ê erd û ezmên li bin guhê hevdu bixin û kaniya ava heyatê dîsa peyda bikin. Siltanê me jî dê wê xortima xwe ya dirêj î muhteşem î pîroz têxê devê kaniyê û bêyî ku xortimê jê der-xîne, ew ê cil roj û cil şevan jê vexwe. Em ê ji Siltanê xwe re, ava heyatê jî bibîne da ku ew heta qiyametê ji ser serê me kêm nebe. Ger em nikaribin tu tiştî bikin, ger em nikaribin bi tu rîyan bigihêjin ava heyatê, em ê bi mirovan re, bi wan mirovên ku bihuner û biaqil re hevkariyê bikin û ev ava heyatê li kî derê be, em ê ji Siltanê xwe re peyda bikin.

Siltêñ dengê xwe hîn jî xemgîntir kir û peyivî:

– Ax, ax gêrîkên min, ruh û canêñ min, hêviya xwe ji mirovan bibirin. Di vî karî de, divê hûn hêviyeke herî piçûk ji bi mirovan ve girê nedîn. Bi mirovan re gelek tecrubeyên min hene. Ev birayê min î Serokê Hudhudan, ji roja ku dinya ava bûye û heta nuha mirovan nas dike, hem jî siltanêñ mirovan nas dike. Serkumikê Berz!

– Kerem bike, Siltanê me!

Serokê Hudhudan ji ser guliyê wê dara li hember firiya û

hat xwe li ser guliyê li ber bêvila Siltên danî.

Siltên emir dayê:

– Ji van re behsa mirovan bike. Li gora ku ev weha dipeyi-vin, ne xwe mirovan nas nakin. De bibêje!

Serokê hudhudan situyê xwe dirêj kir, qirika xwe safî kir, baskên xwe ji hevdu vekirin û girtin û xwe rawejikand. Wek ku xwe ji tiştin gelekî girîng re amade dikir.

– Mirov hi giştî du beş in. Beşek ji wan fil in û beşê din gêrîk in. Eyn wek vê derê, fil hindikayî û gêrîk piraniyê pêk tînin. Eyn wek vê derê, beşê mirovan ê fil destê xwe di ava sar û germ de danakin, eyn wek ên vê derê, her qûna xwe di-xurînin û nektar, goşt, navika kulîlkan dixwin. Gêrîkên wan dikare ji wan re, şîrê teyran jî peyda dikan. Lê ne filên wê derê û ne jî sultanên wan, wek filên me yên vê derê û Siltanê me çavtêr in. Binihêrin, gava hûn vê Zivistanê birçî man, filên îne û Siltanê me çawa di gaziya we de hatin. Mirovgêrîk ji nêza himirin jî mirovfil misqalekî nade wan. Hin salan li dinyayê mahsûl pir dibe, mirovgêrîk ji mirovfilan re pir hil-diberîne. Ew mahsûl di embaran de hilnayê. Wê gavê, mirovfil ci dikan? Ma hûn dizanin, bê ew ci dikan?

Çavêن xwe li ser qelehalixa gêrîkan a ku li meydanê du-xulxulî gerand:

– Ci dikan?

Dîsa tu bersiv wernegirt. Gêrîk ci dizanin, bê mirovfil ci bi mahsulan dikan!

Yekî got:

– Didin mirovgêrîkan.

Serkumikê Berz bi kerb keniya:

– Nadin wan! Mirovgêrîkên birçî li wan mahsûlan dinihêrin û xweziya xwe dadiqurtînin. Ji nêza bi ser hevdu dimirin, lê mirovfil dîsa jî ji wan mahsûlan piçekî nadin mirovgêrîkan.

Gêrîkekî ciwan li benda sebira xwe nesekinî û pirsî:

– Le, çi dikin?

Serokê Hudhudan got:

– Dişewitinîn, dişewitînin, mahsûlên zêde dişewitînin. Li ber çavêن wan mirovgêrîkên birçî dişewtînin. Dirijînin çem û deryayan û mirovgêrîk jî ji nêza dimirin.

Siltanê Filan xortima xwe ber bi ezmên ve bilind kir û bi awayekî xwe ecibandî got:

– Dimirin!

– Siltanê me, filên me qet naşibin wan mirovfilan. Ew mirovfil li vê dinyayê, cinawirêن herî xayin in. Tu tişt namîne ku ew di mirovgêrîkan de nakin. Ji gava ku dinya ava bûye û heta nuha, ew her zilm û tahdeya nedîtî li wan dikin.

Gêrîkekî ciwan pirsî:

– Ma mirovgêrîk weha dest û ling girêdayî radiwestin û li vê kedxwariyê, li vê şikenceyê, li vê birçîbûnê, li vê...

Siltanê Filan bi helûbelê işaretek da Serokê Hudbudan. Wî pirsa gêrîkê ciwan tavilê fahm kir, lê xwe li kerî danî.

– Siltanê me qenc e. Divê ava heyatê jê re bête peydakirin. Ew ji bo hemû filên dinyayê nimûne ye. Ji bo mirovfil, gafil, wawîkfil, marfil, kerfil û hemû filan nimûneya qencyîye ye.

Siltanê Filan dest bi peyvê kir:

– Birayêن min ên gêrîk, ji gava ku dinya ava bûye û heta nuha, ew mirovfil her li ava heyatê digerin. Ew ew qas zalim, ew qas xerab, ew qas kedxwar in ku xwezayê ji ber vê yekê, ava heyatê nedaye wan. A, ji ber vê sebebê, birayêن min ên gêrîk, hûn ê bi huner û aqilê xwe, ji min re ava heyatê peyda bikin.

Gêrîkêن li meydanê civiyabûn ku xwe bi dar, kevir, zinar, gîha, darik û kulîlkan ve seyandibû, bi hevdu re bang kir:

– Em ê peyda bikin!

– Hûn sax bin, her hebin! Ez ê jî iroj, bi minasebeta sedhe-

zarsaliya biratiya fil û gêrîkan, heft zirembarênu heta ber dev bi navika kulîlk, genim û dendikan ve dagirtî bidim ve-kirin. Hemû birayê min ên gêrîk dê heft roj û heft şevan bixwin, vexwin û sedhezsaliya biratiya me pîroz bikin. Dû re, piştî heft rojan, grûpeke mezin a ku ji gêrîkên herî biaqil pêk tê, dê dest bi lêgerîna ava heyatê bike û heta ku ev grûp ava heyatê peyda neke jî ew ê nezîvire.

Rawestiya. Xortima xwe ya dirêj li ser gêrîkan gerand, bi dengekî ku erd û ezman hejandin, bang kir:

— Ez naxwazim bimirim! Ez naxwazim bimirim! Ez naxwazim bimirim!

Dû re, dîsa rawestiya. Xortima xwe ber bi gêrîkan ve heta ku dikarîbhû dirêj kir û peyva xwe domand:

— Ger gêrîk ji min re ava heyatê peyda bikin, ez ê vê dinya-yê biguherînim. Ez ê gêrîkên ku ji min re ava beyatê peyda bikin, bikim fil û van filên qûngird ên bi kêrî tu tiştî nayêni jî bikim gêrîk. Naaa, ger gêrîk ji min re kaniya ava heyatê peyda nekin, bila hêviya xwe ji vê dinyayê qut bikin. Ez ê van filên qûngird ên bi kêrî tu tiştî nayêni, bişînim ser welatên gêrîkan û heta li vê dinyayê gêrîkek bi tenê jî nemîne, ew ê wan bieciqînin. Ez naxwazim bimirim, ez naxwazim bimirim, ez naxwazim bimirim! Ma sultanekî filan dê çawa bimire? Ez mirinê layiqî xwe nabînim. Tu kes ji mirinê bawer na-ke, ez jî bawer nakim. Mirin, hey ya ku ji ezmanan bilindtir, ez nikarim tehamulî te bikim. Ez naxwazim bimirim. Ji ber vê sebebê, hûn ê ji min re kaniya ava heyatê peyda bikin.

Meydan bi dengê gêrîkan hejiya:

— Em ê peyda bikin!

— Wê gavê, heydê ziyafetê.

Siltên ji ber pişta xwe, heft kilîdên zirecêb derxistin û ew dan filê embarvan.

— Herheft embaran jî a nuha veke.

Gêrîkan bi hevdu re ji meydanê berê xwe bi kêf da embaran. Kêf û şahiyê dest pê kir. Gêrîkan dixwar, vedixwar û dîlan dikir. Dîlanêñ wan ew dîlanêñ ku li kêf û şahiyêñ gêrîkan ên kevin dihat kirin, bûn.

Piştî heft rojan, kêf û şahî qediya.

Siltêñ bangî Serkumikê Berz kir û got:

– Serokê Hudhudan, birayê min ì berêz, dilê min li van xera dibe. Min ci xwest, ew li hember derneketin û ji hemuyan re got, erê. Ez ji vê helwêstê bi guman im. Ji tiştê nabe re jî dibêjin ku dibe.

Serkumikê Berz pirsî:

– Le, te ci hêvî ji wan dikir, Siltanê min?

Siltêñ got:

– Qet nebe, bila li dijî xwestineke min derketibana...

– Siltanê min, wan nikarîbû.

– Ji bo ci?

– Ji ber ku hat fahmkirin ku ê wan asasê ser berfê bû.

Serkumikê Berz hemû tiştên ku li çiyayî qewimîbûn, bê rîhsor çawa ketibûn xefika zeriyêñ ku rîhêñ sor bi xwe vekribûn û bi hevdu ketibûn û hevdu kuştibûn, anî bîra Siltêñ.

Siltan keniya û zikê wî yê mezin şanzdeh caran rabû û daket.

– Hat bîra min, hat bîra min. Ew roj tê bîra min, pir pir baş tê bîra min. Ne xwe, li wê derê tu rîhsor nema?

Serkumikê Berz got:

– Ger mabe jî qet guh nedê. Rîhsor ji nuha û pê ve, êdî if-leh nabin. Me fesadiyeke weha xist nav wan ku ew heta aqiyametê, nema dikarin pişra xwe rast bikin...

– Ew roj tê bîra min, tê bîra min. Ew roj ci rojeke xwes bû. Ci xwes...

– Siltanê min, ez pir keniyabûm.

– Ew roj tê bîra min, gava gêrîkan hevdu dikuştin, ez ji kê-

fa dikeniyam.

– Siltanê min, gava gêrîkên gernas hevdu bi awayekî zâlim dikuştin, çiya, kevir, derya, zinar, ezman û daristan jî bi te re keniyabûn.

– Zeriyê min, egîdêñ min! Mixabin ku wan nemerdan zeriyê min kuştin... Rîhêñ wan sor boyax kirin, ew kuştin û termêñ wan anîn avêtin ber deriyê seraya min. Wan digot qey ez bi vê fena wan, bi vê rezîltiya wan nizanim.

– Siltanê min, hîn jî weha dizanin. Ew hîn jî weha bawer dikin ku me digot qey ew gêrîkên mirî rîhsor in.

– Birayê min î Serkumikê Berz, gidî bila weha bawer bîkin! Bila nizanibin ku em bi fena wan hisiyane... Ger bizanibin ku me ji bê çaretiyê, xwe li hember cinayetên wan, li kerî daniye... Zeriyê min jî heyfa me ñî ya xwe ji rîhsoran bi zêdeyî hilanî. Hilanî ha, hilanî ha...

Serkumikê Berz jî besdarî vê kêfa wî bû:

– Hilanî, hilanî, hilanî ha!

Hudhud li ser guliyêñ daran, bi kêf kir bûte bût û besdarî vê kêf û heyecana Siltêñ û Serkumikê Berz bûn. Filan jî qûnêñ xwe sed carî di daran de dan û mest bûn.

– Hilanî ha... Siltanê min î muhteşem, ji ber vê yekê, em ê gêrîkên fenek ceza nekin.

Siltêñ kêf û heyacana xwe domand:

– Em wan ceza nakin!

Serkumikê Berz got:

– Em ê karêñ pir giran bidin ser milêñ wan. Em ê karêñ ew qas giran bidin ser milêñ wan ku piçek wexta wan a fikirandinê jî dê nemîne. Em ê tu carî nehêlin ku ew firseta serêñ xwe bixurînin jî peyda bikin. Ew ê hertim di kar de bin, hertim birçî bin, hertim xizan bin û di tirsâ pêşerojê de bin. Ev tirs dê wan kor, ker û gêj bike û mejiyêñ wan rawestîne. Mirovfil li mirovgêrîkan hertim weha dikin.

Siltanê Fîlan şaş ma.

– Wey lawo! Ez qet li vêya nefikirîbûm. Ne xwe, ev mirov-fîl pir bi aqil in.

Li Mirovistanê, gelek serî ji bo wan, ji bo wan mirovfilan dixebeitin. Ew, mirovgêrîkên ku piçekî difikirin jî wek xwe dikin fîl.

Siltên kêfa xwe anî û got:

– Em jî weha bikin. Nuha, tu ji min re kar peyda bike, kar... Divê em ew qas kar bidin ber wan, bila ew ne fikardin, nikaribin bêhna xwe jî bistînin. Eyn wek mirovgêrîkên Mirovistanê.

– Siltanê min, ma ji kar bêtir çi heye? Ez ê ji gêrîkan re ew qas pir kar peyda bikim ku ger îroj dest bi yekê bikin, nikarin di panzdeh salan de biqedînin.

– Bibêje, bibêje, zû ji min re bibêje û piştî wê jî here emirê min bigîhîne gêrîkan.

– Ji her filekî re serayek.

– Pir baş e. A nuha, emirê min bigîhîne gêrîkan. Bila ew ji her filekî re serayekê ava bikin. Ew qas pir û ew qas jêhatî ne ku dikarin ji her filekî re, ne serayekê, sê serayan jî ava bikin.

– Siltanê min, hîn heye, hîn heye. Ew ê embarêni li aliyê çiyayî din jî ji bo hudhudê min bi mês û kêzikan ve dagirin.

– Tavile biçe û emirê min bigîhîne gêrîkan.

– Siltanê min, hîn jî heye. Bila li ser qotê wî çiyayê bilind ê li hember, heykelekî te çêbikin ku bi qasî wî çiyayî bilind û hi heybet be. Li gora ku tu ê qet nemire, gor ne pêwîst e. Serê heykelî dê ezmên qul bike û bigîhêje sitêrkan. Ji bo her hudhudekî jî hêliniek û embareke kulî... Em hudhud hem ji kuliyan û hem jî ji heykelê Siltanê xwe gelekî hez dikin...

– Tu ê nuha bi lez bifire û emirê min bigîhîne gêrîkan. Gava emirê min gîhaşt gêrîkan jî ew ê tavilê dest bi kar bi-

kin. Divê çavêن xwe ji kar venekin û serên xwe ranekin. De bifire, biçe wê derê, li tu deveran neawiye û vegere.

Serkumikê Berz bi sî û sê hudhudan firiya, çû welatên gêrîkan. Emirê Siltêن gîhand seranserî hemû welatên gêrîkan.

Serokê Hudhudan di demeke kurt de vege riya serayê.

– Zû bibêje, reaksiyona wan ci bû?

– Wan got ku emirê Siltanê me li ser serê me û tavilê dest bi kar kirin. Gava ez vege riya vira, ez di ser wan re firiya m, ji rojhîlat heta rojava, li ser rîyan, li hêşaran, li deşt û zozan nan hem jî di orta dînyayê de, gêrîk bi dû hevdu rêz bûbûn. Ji bo ku bigihêjin orta dînyayê û almasa pembe, dîsa erd di kolân.

– Le, ava heyatê?

– Ji ho ku li ava heyatê biggerin, gêrîkên herî neqane, herî bilez û zane jî bi gêrîkên siwarî re şandibûn çar aliyên dinya û kaînatê.

– Ne xwe, hemû serîhildan, îdîaya filbûn û qûnxurandinê, daxwazêñ di warê navika kulîlkan de, ji bin serê Hesinkerê Kulek derdiketin. Ma xeber rast e, derew e? Ma Hesinkerê Kulek miriye? Baweriya min pir pê nayê.

– Dibêjin ku Serokê gêrîkên zerî ew kuştîye û gêrîkên zerî nuha ji wî re dibêjin, Serok.

– Ger Serokê gêrîkên zerî ew kuştibe, ger serê wî Hesinkerê Kulek ji min re bîne, ez ê jî seroktiya hudhudan jî û ya fi lan jî bidim wî.

– Siltanê min, Serokê hudhudan ez im...

– Ez ê jî seroktiya bet, şirkak, sisark, serxwînk, başokeye û se rçeyan bidim wî. Seroktiya kîjan civîkî bixwaze... Ez ê heta dawiya emirê wî jî bi qasî ku ew bixwaze bi embaran xwari nê bidim wî. Ez ê bi ser de jî serayekê ji Serokî re çebikim... Ez ê heykelê wî jî çebikim.

– Siltanê min, wî ew Hesinkerê Kulek kuştîye. Ez ê xeberê

jê re bişînim, bila serê Hesinkero bîne û bê.

- Tu bi lez biçe wê derê, bîne û were...
- Çûna min a wira ne rast e. Ez ê gêrîkekî rîhsextê bişînim wê derê. Serokê gêrîkên zerî sûnd xwariye û gotiye ku heta li vê derê, rîhsorek bi tenê jî nemîne, ez ê şer bidomînim.

Siltên got:

– Gidî, bila bidomîne. Ez naxwazim, bila neyê. Bila rîhsorek bi tenê jî nemîne. Tu wî gêrîkê rîhsextê li ser baskê hud-hudekî bike, bila wî bibe wê derê. Ji wî re bibêje, bila ji Serokê gêrîkên zerî re bibêje ku heta ew wê kûra fesadiyê netefîne, bila neyê. Nuha, li min guhdarî bike, Xwedê bike ku Hesinker miribe, ger nemiribe, divê bête kuştin. Dîsa jî ez ditirsim ku ev gêrîk dê tiştinan bikin. Rojekê, dê bê bîra wan ku ew gêrîk in. A, wê gavê jî ew ê ji bo ji me xelas bibin, li rîyan bigerin û ew ê bibînin jî... Ew, ew qas qelebalix û ew qas pir in ku... Ji ber vê yekê, divê em realist bin. Ew ê bivê nevê rojekê bê bîra wan ku ew gêrîk in.

– Siltanê min, ew gêrîktiya xwe qet ji bîr nakin. Yênu ku ji bîr dikin jî pir in, lê piraniya wan ji bîr nakin. Ew xwe weha didin xuyakirin. Hayê wan ji gêrîktiya wan ew qas heye ku! Wê bangkirina wan a ku dibêjin, em fil in, em fil in ne rast e. Xwe dixapînînin... Heta ku wan dizanîbû Hesinkerê Kulek sax e, hêviya wan hebû. Hem hertişt qebûl dikirin û hem jî serî hildidan. Niha, bê hêvi ne.

– Bêhêvîbûna wan baş e. Divê karê me yê yekem ev be ku em hêviya wan bişikenînin. Roja ku hêviya wan bi temamî nema, gêrîktiya wan jî dê nemîne. Ew ê bibêjin qey, ew mexlûqin ku bi armanca ji filan re bixebeitin, hatine afîrandin.

Mirovfil li mirovgêrîkan tam weha dikin, hêviya ku di dilen wan de heye dişikîne.

– Ev baş e. Ne xwe, ez baş fikirîme. Divê em ji bo vêya çi

bikin?

– Em ê dibistanên ku gêrîkan dikan fil vekin. Gava çêlikên gêrîkan hîn nuh çêdibin, em ê wan bînin li van dibistanan perwerde bikin. Ew gêrîk bin jî ew ê xwe fil bihesibînin û ew ê ji filan bêtir bi filîtiyê ve bêñ girêdan. Bi sedan salan e ku li Mirovistanê, ev sîstema perwerdekîrinê tê meşandin. Ew ê bibin fil û xwe fil bihesibînin, lê ew ê qet ji bîr nekin ku ew filêñ bi qasî gêrîkan in.

Siltanê Filan got:

– Ji min re gelek gêrîkên weha lazim in. Serokê Hudhudan, tu wekî din ci difikir?

– Siltanê min, wekî din jî em ê li ser her girekî, li her derê û li her bajarekî gêrîkan bi sedan borîzanen deynin. Ew borîzan dê hergav, bêyî ku navbirê bidinê, bêyî ku aciz bibin û bê rawestan bibêjin ku fil mezin in, ev sîstem nayê guhertin, ger bê guhertin hemû dinya dê hilweşê, li ser ruyê erdê û kâinatê tu benderuh namîne, di esilê xwe de, gêrîk fil in, lê bi qasî gêrîkan fil in.

– Zû, ci qas borîzan pêwîst bin, ew qasî ji mirovan bide kirîn.

– Min ew dan kirîn, Siltanê min.

– Ji kî derê û çawa?

– Siltanê min, borîzan îcadêñ kevin in, li ba her qewmî heñe. Ji ber vê sebebê, min hudhudêñ xwe li dinyayê belav kirîn, li ku ci qas borîzan peyda kiribin, kirîn û hatin.

– Baş e, baş e. Karê me baş dimeşe, birayê min î Serkumi-kê Berz. Piştî ku ev gêrîk hebûn, ji bo ci em weha ehmeq ehmeq ew qas sal di feqîriyê de jiyane!

– Siltanê min, weha çêbû, em çawa bikin, em ji nuha û pê ve, lê miqate bin.

– Ez bawer nakim ku ev gêrîk dê bi wan laşen xwe yên piçûçik, bi qasî ku li hember me serî hildin, ehmeq bibin. Ger

gêrîkek çav li filekî bikeve, ziravî wî dê biqete.

– Siltanê min, lê ji nav wan ên rîhsor jî derdikevin.

– Ma yên ku reviyan û çûn wê derê, hîn hene?

– Siltanê min, tu tiştekî min ê ku ez ji te veşêrim tune ye. Ew kom bi kom direviyan û diçûn ba Hesinkerê Kulek û tevî wan dibûn. Nuha, pişti hatbihîstin ku Hesinkerê Kulek miriye, ew bûn wek berxikan.

– Borîzan dê hêviya wan pir bişkîne. Ew ê her bibêjin ku Xwedê û xwezayê ev sîstem weha ava kiriye, fil fil û gêrîk jî gêrîk hatine xuliqandin. Ev ê qet tu carî neyê guhertin. Gêrîk ancax bixebitin, cehd bikin û têkevin çavên filan, dikarin bibin fil. Ew jî ancax filen bi qasî gêrîkan... Borîzan dê awaz û sitranêñ xweş ên ku mirovan di xew re dibin bibêjin. Saz dê meqamêñ xewrebir, hêvişikêñ û reşbînkir lê bixin. Ew ê gêrîkan birizînin.

– Siltanê min, em di hundurê çend rojan de, dest bi borîzanan dikin... Ez dibistanê jî sibehê vedikim. Min ji zû de haziriya wê kiribû. Ger dijminêñ me gêrîk bin jî divê em wan piçûk nebînin.

Li hemû welatêñ gêrîkan û li hemû deverêñ ku gêrîk lê dixebitîn, borîzan hatin danîn. Û borîzanan dest pê kir û rojê bîst û çar saetan lê xist. Berê, ew qas peyv û saz bi gêrîkan pir ecêb hatin, lê dû re, fêri wan bûn. Hertişt ji bîr kirin û hogirî borîzanan bûn. Gava ku borîzan, bîstikekê an jî rojekê radiwestiyan, gêrîk dîn dibûn. Ew qas hogirî borîzanan bûbûn ku borîzan bûbûn perçeyekî wan. Ji ber tu tiştî, nema serîhildan çedibû, lê ger Siltêñ rojekê dengê van borîzanan bibiriya, ew ê wê gavê qiyamet rabûya. Bi hatina borîzanan re, bi gêrîkan re guhertinin berbiçav xuya dibûn. Serkumikê Berz, hudhud û gêrîkêñ ku xwe fil dihesibandin, tiştêñ ku li welatêñ gêrîkan çedibûn, bi hemû detayan herroj digîhandin Sil-

tên. Komîteya ku Siltêن ava kiribû, li ser hemû tiştên ku di-qewimin baş radiwestiya, bi baldariyeke mezin li hemû deta-yan hûr dibû û dinirxandin.

Piştî borîzanan, hejmara ew ên ku dibûn rîhsor û direviyan welatê çiyayan, pir pir hindik bûbû. Hela, bila gêrikên li di-bistanê ên ku dê bibin fil li welatan belav bibin, wê gavê, gê-rik dê tu carî nema bikaribin pişta xwe rast bikin û gêriktya xwe bi bîr bînin. Komîteya Zanistî ya ku Siltêن ava kiribû, bi baldariyeke mezin û bi hûrbijarî li ser gêrikan û rîhsoran dixebeitî.

Siltanê Filan bi gêrikên xwe yên ku jê re ev seray û ev text çêkirin û ew qas xwarin kişandin, pir bawer bû. Wan ê ji Sil-tanê xwe re ava heyatê jî peyda bikira.

Bi rastî jî hîn gelek wext derbas nebûbû, gêrikan mekîne-yen qûnxurandinê peyda kirin û ji bo Siltanê xwe anîn. Hem jî ne pênc, ne deh, bi hezaran... Wan mirov bi cîncoq mincoqan xapandibûn û ev mekîneyên gelekî hêja stendi-bûn û ji Siltanê xwe re anîbûn. Ji bo van mekîneyan, kêfa Siltêن ecêb hat. Gêrikên ku ev mekîneyên qûnxurandinê peyda kiribûn, helbet dê ava heyatê jî peyda bikira. Siltêن mekîneya herî xweşik ji xwe re vegetand û xist qûna xwe. Mekîne di qûna wî de, çû û hat û xurand. Siltan mest bû. Wey lawo, ev mirovên Mirovistanê ci qas pêş de çûbûn! Ü li vê kaînatê, di ser mirovfilan re, tu mexlûq tune bû. Li heyvê û li sitêrkan jî tune bû. Nesilê ku mekîneyeke qûnxurandinê ya weha çêkir, nikarîbû ci çêbikira... Na na, gêrikên mirov ev mekîne ji wan re çêkirine. Ew ê çawa çênekin? Ji hezar sa-lan û vir de ye ku mirovfilan metoda xebitandina mirovgêri-kan peyda kiribû, lê ya rastî, ji bo filên fil hîn divê. Ev gêrik-en gêrik bi qasî mirovgêrikan ne sernerm bûn jî. Tavilê bû-bûn rîhsor bera dû wî Hesinkerê Kulek dabû, çûbûn wê de-re, wî çiyayî û serî hildabû. Xwedê riya bavê me sitirand ku

Serokê Hudhudan ji mirovan fêrî pir tiştan bûbû û bi kêrî me dihat.

Siltên mekîneyeke qûnxurandinê, li wê derê, tavilê da Serkumikê Berz. Serkumikê Berz ew qasî kêt kir ku, hema mekîne wê gavê xist qûna xwe û xebitand.

– Siltanê min, êdî pişî vê mekîneyê jî ger ez nebim fil...

Siltên serî lê mezin kir:

– Birayê min, tu hertim fil bû, hem jî filêkî biaqil ku dikare bifire.

Serkumikê Berz jî ji ber van gotinan mest bû, ji kêfan ji çavên wî hêşir hatin.

– Ev mekîne jî ya Serokê gêrikên zerî ye... Kengî hat vê derê, bila mekîneya xwe werbigire. Vê mekîneyê li devera serayê ya herî muhteşem deynin. Serokê hudhudan hesûdî ji Serokê gêrikên zerî kir, lê neda xuyakirin.

– Em ji van mekîneyan bi qasî ku pêwîst e, hîbeyî dibistana ku gêrîkan dike fil jî bikin.

– Em hîbeyî wan bikin, Siltanê min.

– Em çend heban bidin serleşkerê filên me jî.

– Em bidinê, Siltanê min.

– Ger ev Hesinker nemiribe, mirov mekîneyeke qûnxurandinê ji wî re jî bisanda, bi vî awayî, ew bûbûya tiryakiyê qûnxurandinê, mest bûbûya û ji xwe biçûya û bihata têketa bin emirê min, ma nabe?

Serkumikê Berz got:

– Belkî. Kî dizane, dibe ku têketa bin emirê te, lê ew ji zû de miriye. Tiştên weha li ba mirovgêrîkan hatine dîtin, gelek serokên mirovgêrîkan ketine bin emirê mirovfilan. Siltanê min, ma Hesinkerê Kulek dê ji bo çi nekeve bin emirê Siltanekî wek te mezin? Lê ez dizanim, Serokê gêrikên me yên zerî ew kuştiye. Ev Serokê gêrikên zerî yeman derket, pir konê û organîzetorekî ecêb derket.

Gava ku Serokê gêrikê zerî wan ji ortê rake û bê ba min, ez ê wî bikim endamê Komîteya Zanistiyê jî û yê filan jî... Sultan tavilê tê gîhişt ku ev gotin bi Serokê Hudhudan ne xwes in û ew dixsiyan ji Serokê gêrikên zerî dike, wê gavê peyva xwe di wira de qut kir.

— Li vê Filistanê tu ci bixwazî, ew ê bibe. Li Filistanê yê hêrî zane tu yi. Ez bi saya serê te gîhaştim vê bextiyariyê. Ji ber vê sedemê, tu ronahiya çavên min i. Zaneyê zaneyan birayê min i Serkumikê Berz, bila tu vêya jî weha bizanibî.

Serkumikê Berz ji ber kêfa xwe lerizî û got:

— Siltanê min, tu her hebî!

Ü mekîneya qûnxurandina di qûna wî de, her dixebeitî. Mest bûbû. Serkumikê Berz dewam kir:

— Siltanê min, bi saya vê mekîneyê, êdî li qûna min dê perîk jî şîn bibin, ne weha?

Siltên got:

— Ew ê şîn bibin. Ev mirovfil jî mexlûqin yeman in, min dixwest ku Siltanê wan dostê min bûya. Ez wî gelekî meraq dikim.

Serkumikê Berz got:

— Ew jî wek mirovfilen din e. Eyn wek wan... Ferqa wan û ya mirovfilen din, bi tenê taca wî û kubra wî ye. Serokê mirovfilan piçekî jî ehmeq e.

Siltanê Filan şaş ma û got:

— Waaa! Ne xwe, ev ne wek ferqa ku di navbera me û gêrîkan de ye, ne weha?

Serkumikê Berz got:

— Na, na! Siltanê mirovfilan eyne wek mirovfilen din e. Mirovfil jî û mirovgêrîk jî xwediyyê du çavan, du lingan û du destan in. Di navbera wan de û di xuliqandina wan de, tu ferq tune ye.

— Ecêb...

Serkumikê Berz got:

– Belêêê, ecêb e. Bi ser de jî gêrîkên Mirovistanê wek berxikan in... Rîhsorêni Mirovistanê ji rîhsorêni me hezar carî xerabtir in. Gêrîkekî zerî bi tenê, dikare malikê li wan xera bîke û wan çil salî bera ber hevdu bide.

– Ecêb!

Serokê Hudhudan got:

– Belêêê, pir ecêb e.

Di demeke kurt de, dibistanênu ku gêrîkan dikin fil hatin ve-kirin û dest bi perwerdekirinê hat kirin. Dibistanan di demeke kurt de, encam dan. Ev nesilê gêrîkan jî ci qas pir dixwestin bibin fil! Gêrîkên ku diçûn dibistanê, ne pir, lê di hundurê çend mehan de, dibûn filen eyn wek filan. Wek filan radibûn û rûdiniştin, wek filan dixwar û vedixwar, wek filan hereket dikir, qûnênu xwe wek filan, bi nazdarî di daran de didan û eyn wek filan dipeyivîn. Tu nema bû ku her yekî ji wan dê xortimeke filan bi laşê xwe yê piçûcik vekira û di Filistanê de weha bigeriyanâ. Lê ew ne dişibiyani wan gêrîkan pir rûstendî û wan tu carî ji bîr nedikirin ku ew bi qasî gêrîkan fil in. Rojek dê bê ku ew ê bibin bi qasî filan û filen wek filan. Ew li benda wê rojê bûn. Ger ew nebûna filen bi qasî filan jî ne girîng bû, belkî jî filbûna bi qasî gêrîkan, ji filbûna bi qasî filan hîn çêtir bû. Hem berpirsiyariû giraniya filbûna bi qasî filan, dê ne li ser milen te bin û hem jî tu ê wek filan, heta ji filan jî baştıri bijî. Ev gêrîkên xwendevan weha bi çavekî piçûcik li gêrîkên din, li dê û bavênu xwe û li hevwelatiyên xwe dinihêrin ku Siltanê Filan jî li ba wan, pir nefispiçûcik di-hat xuyakirin. Her gêrîkekî ji van gêrîkên piçûcik, ji nuha de bûbû filekî ecêb ku bi qasî serê derziyê piçûcik... Wan bi her awayî, xwe ew qasî zû guhertibû ku... Di demeke nêzîk de, ev gêrîkên fil dê dibistana xwe biqedanda û li ser navê Silta-

nê Filan birêvebirina gêrîkan têxista destêن xwe. Siltêن dê birêvebirêن kevin, ji ser kar biqewirandana, lê Siltêن nikarîbû ev birêvebirêن kevin ên ku di hemû jiyana xwe de bi wî ve girêdayî mabûn, bidana aliyekî. Wî dê di seraya xwe de, kar bida wan û ew bikirana şêwirdarêن xwe. Wî dê bi vî awayî gelek kesêن bi hêz, hîn bêtir bi xwe ve girê bidana û hîn beriya ku xayinêن rîhsor ji diya xwe bikevin, wî dê ew li çiyayêن wan bixeniqandana. Hela, bila ev dibistan dest pê bikin û gêrîkên fil derxîne, jê û pê ve Xwedê mezin e.

Borîzanan jî dest pê kiribû. Gêrîk di xew de bûna jî biçûna kî derê jî dengê borîzanan her di guhêن wan de bû.

Her gava ku borîzanan dest pê dikir, digot ku ev sîstem nayê guhertin. Ev dinya nayê guhertin. Ev gêrîk û ev fil na-yênen guhertin. Wan di piyesêن xwe de, di helbestêن xwe de, di sitranêن xwe de, di roman û çîrokêن xwe de, her ev tişt digotin. Gêrîk gurê gêrîkan e. Ev dinya dinyaya derewîn e, dawiya wê tunebûn e. Wan digot ku ev dinya, ev dinyaya xerab, nemerd û qirêj ne hêjayî jiyanê ye. Hewildanêن ji bo guhertina vê dinyayê, ji ehmeqtiyê jî wêdetir, hewildaneke vala ye. Ma li vê dinyaya derewîn a ku tu tişt tê de nayê guhertin, hewildana ji bo guhertina wê, ne ehmeqtî ye, le çi ye? Tu gêrîk nikare li vê dinyayê bextiyar be. Ma qey fil tevî wê laşgirsîya xwe jî bextiyar in? Siltanê Filan bi xwe jî ne bextiyar e. Helwêsta ku dê gêrîkan bextiyar bike ew e ku divê gêrîk ji bo Siltanê Filan bi canfedayî bixebeitin, bixebeitin û dîsa bixebeitin û ji bo Filistanê, canê xwe fedayî birayêن xwe yên gêrîk bikin. Wan ji tiştêن ku gêrîkan ji bo filan û Siltêن dikirin, bê rawestan her nimûne didan. Belê, gêrîk dê bûbûna fil jî, ji xwe ew filêن lahnetlêhatî bûn. Her gêrîk ji berê de filek bû, lê lahnet li wan hatiye û weka gêrîkan hatine piçûk-kirin. Her gêrîk bi xebatê û bi destûra Siltêن dikare bibe filek. Belê bi destûra Siltêن... Siltan dikare filîtiyê bide her gê-

rîkê jêhatî. Gêrik dikarin bi destûra Siltên bibin fil. Lê ew dikarin bi tenê bi qasî gêrîkan bibin fil.

Ü zîngîniya borîzanan bi şev û bi roj, sibe û êvarî bê rawestan dihat. Dengê borîzanan ji erd û ezmên dihat. Ji dar, av û deryayan dihat. Bi co û cobaran û bê dihat. Ji sitêrk, heyv û rojê bi tîrêjan dihat.

Ji aliyekevî ve ji ber kar, ji aliyekevî ve ji ber borîzanan û ji aliye din ve jî ji ber birêvebirêñ gêrikfil ên nuh ku ji dibistana filan bûbûn fil û derketibûn û filî bi qasî zimanê bav û kalan fêr bûbûn, gêrîkan êdî ne tu tişt diditin, ne difikirîn û ne jî dibihîstin. Êdî nema wek ên berê, sexte û teqlîd, her gêrik nuha xwe filekî piçûçik dihesibîne. Bi serbilindahiya filbûnê mest dibin, lê wek filên bi qasî gêrîkan... Wan filbûn û şerefa filbûnê di kûrahiya dilên xwe de his dikirin û ji bo Siltên, ji bo filên mezin û bê hempa û heta ji bo hudhudêñ ku li ezmên difiriyan jî bi filîtiya wek gêrîkan, bê rawestan dixebeitin. Êdî, ew ne gêrik û ne jî fil bûn, heryek ji wan bûbû mekîneya ku xwe fedayî Filistanê kiribû.

Borîzan û dibistanêñ ku gêrîkan dikin fil ji hêviya ku Siltên ji wan dikir bêtir bi kêr hatibûn. Siltên borîzanêñ hîn cudatir, rojname, sînema, radyo û televîzyon jî bi gêrîkan dan îcadkirin... Gêrîkan piraniya van îcadan ji Mirovistanê didizîn, lê Siltên xwe li nezaniyê danîbû û her îcadek bi hezar carî li giraniya yê mucîd bi xelat dikir. Tesîra van îcadêñ nuh, hîn jî bêtir bû. Êdî, qet tu gêrik nikarîbû ji derveyî van, li tu gotineke din bifikiriya.

Televîzyon, radyo, sînema û borîzan sibehhekê bi hevdu re dibêje:

– Dinya tune ye, kaînat tune ye, bi tenê Siltan heye û fil hene.

Gêrîkan jî ev gotin wek ku gotinêñ pîroz bûn, bê rawestan her dubare dikirin:

– Dinya tune ye, kaînat tune ye, bi tenê Siltan heye, fil û hudhud hene.

Hemû gêrîk di hin rojan de jî tevî televîzyon, radyo, sîne-ma, helbest û romanan dest bi reqisê dikir:

– Seraya Siltanê me çi qas muhteşem e... Rojnameyên gêrîkan bi jiyana mistehcen a Siltêن û ya ên ku di dibistana flîlan de gîhaştibûn rutbeya filbûnê û bûbûn fil tije dibûn. Dilê mirovî dibijiya jiyana wan a ku dişibiya jiyana padışahêن perian. Gêrîkan bi ser vê jiyana ku mirovî nikarîbû bi dest bixista, can didan. Gêrîkan ev rojname ji destên hevdu direvandin û her ku di derheqê jiyana wan de dixwendin, xwe dixist şûna wan û diketin xeyala filbûnê.

Kêfa Siltêن, fil û hudhudan ji van tiştên ku dibûn re pir dihat û ji ber wê mest dihûn. Van îcadênuh, êdî gêrîktiya gêrîkan bi wan baş dabû jibîrkirin. Tu gêrîkî rojênu ku gêrîk bû, qet bi bîr nedianî jî. Mejîyên wan hatibû paqijkirin, vit i vala bûbû. Borîzan, radyo, sînema, televîzyon û rojname ew rojê dixistin qalibekî. Gêrîkan bi gêrîktiya xwe re sitran, helbest, destan, merş, xanî, seray û urf û adetênu ku ji bav û kalan mabûn jî ji bîr kiribûn. Ya herî ecêb ew bûku tu gêrîkî nema dikarîbû tu tişt biafiranda. Van îcadênuh hetâ derecyekekê, xusûsiyetên gêrîkan ên afirandinê, ji destênu wan derxistibûn. Nuha, êdî her gêrîkek bûbû mekîneyeke ku ji Siltanê Filan re li ava heyatê, navika kulîlkan û şikil şikil xwarinan digere, ji wî re serayan ava dike û textan çêdike. Lê mekîneya ku qet tu carî nedifikirî...

Radyo, rojname, televîzyon û sînemayan her ku dicû ji adetê derdixist û rojê bîst û çar saetan, bê rawestan bang dikir:

– Ji bo azadî, wekhevî û biratiyê!

Li vê dinyayê hertişt ji bo azadiya gêrîkan bûn. Ew, gêrîkîn wekhev û serbixwe bûn. Ü zikê gêrîkan têr û kincên

wan qalind bûn. Û ji ber ku televîzyon, radyo, rojname û sî-nemayan digot, gêrîkan jî bawer dikir ku zikê wan têr û kin-cên wan qalind in. Feqîrên gêrîkan weha bawer dikir ku ew bextiyar in jî. Van îcadan hişen wan ji serên wan biribûn... Televîzyonan rojekê digot ku şer baş e, wê gavê hemû gêrîkan bawerî bi başiya şer dianî û her gêrîkekî xwe Xwedayê şer dihesiband. Roja din, ji ber ku Siltan ji nişka ve bi awa-yekî din fikirîbû, radyo û televîzyonan digot ku şer xerab e, yên din û gêrîk bi derbekê re dibûn dijminên şer û ger wan Xwedayê şer bi dest bixista, wan ê ew perçe perçe bikira.

Ci gava ku Siltêن bixwesta, dikarîbû bi gêrîkan weha bida gotin:

— Em mirov in, marê boayê nin, tîmseh in, qertel in, ma gêrîk qet dikarin bibin qertel, em hesp in, rêvî nin, masî nin, ma gêrîk qet dikarin bibin masî, em balîna, kerkedan in, zurafa nin, ma gêrîk qet dikarin bibin zurafa, em balafir in, trêñ in, keşti nin, ma gêrîk qet dikarin bibin keşti?

Dîsa Zivistan hat. Berî ku Zivistan bê, gêrîkan ji Siltêن re se-rayeke krîstal ya nuh ku ji seraya berê jî muhteşemtir ava kîribû. Wê ji rojê re digot ku êdî tu hilneyê, ez heme. Gêrîkan ji almasen ku ji binê erdê derxistibûn, textê pembe jî çêkiri-bû. Kêfa Siltêن ew qasî ji vî textû re hatibû ku wî ev textê ku şewqeke pembe jê diçû, li quotê çiyayî danî û hefteyekê xwarin û vexwarin ji bîr kir û her lê temâşe kir. Ji textê xwe têr nedibû, hema wer lê dinihêri. Gêrîkan embarêñ ku di bin çi-yayî de bûn jî heta ber dev bi xwarinan dagirtibûn. Embar bi na'metên dinyayê yên cuda cuda heta inirov bê bes, tije bû-bûn. Wan hudhud jî ji bîr nekiribûn, embarêñ li paş çiyayî jî ji bo wan heta ber dev tam dagirtibûn.

Tew bexçeyê Siltêن, ji roja ku dinya bûye dinya û heta nu-ha bexçeyekî weha nehatiye dîtin. Bihuşt jî ne bi qasî vî be-

xçeyî bû. Siltan bi hexçeyê xwe mest bûbû. Siltanekî Fîlan ê ku xwediyê hexçeyekî weha bû, nikarîbû bimira, divê nemira.

Siltên ji tirsa ruhê xwe, bang kir.

– Ava min a heyatê li ku ma? Hertiştê min heye, hertiştê min. Ev dinya ya min e. Ava min a heyatê li ku ye?

Fîl, gêrîk, hudhud û mexlûqên din ên ku dengê wîbihist, di cîhê xwe de lerizîn.

Tu kesî di wextên wî yênu ku ew weha hêrs dibe de, nikarîbû xwe nêzîkî wî bikira. Serokê Hudhudan li ser serê xorîma wî firiya û got:

– Lê digerin.

– Ji bo çi heta nuha peyda nekirine, li ku lê digerin?

Serkumikê Berz got:

– Li bihuştê ye. Ava heyatê ji derveyî bihuştê, li tu deverên din tune ye. Siltanê min, qûlêñ te yêngêrîk jî li rêya bihuştê pir geriyane û ancax nuh peyda kirine. Lê bihuşt ew qas dûr e ku... Gêrîk ji zû de ketine rêya bihuştê, lê êdî Xwedê dizane, bê ew ê kengî bigihêjin wira, kengî ava heyatê bînin û vegeerin.

Siltanê Fîlan rawestiya, kêfa wî ji peydakirina avê re hat. Cîhê ava heyatê hatibû peydakirin, piştî hezar salan bûya jî qûlêñ wî yêngêrîk çi bikira dê bikita û ev av jê re bianiya.

– Birayê min î Silêmanê Dunikil, ma heta ew av bê, ez ê nemirim, ne?

– Siltanê min tu ê ji bo çi bimirî, bila dijminêñ me bimirin!

Sîlrêñ got:

– Kêfa min pir hat ku cîhê avê hatiye dîtin. Baş e, ji bo çi tu naçî bihuştê û ava heyatê naînî? Rêya ku ji bo gêrîkekî qonaxa cil rojî ye, tu dikarî di çavniqandinekê de bifire û bigihêjê wê derê.

– Siltanê min, heqê te heye, lê bi tenê gêrîk û mirî dikarin têkevin bihuştê.

– Wê gavê, ji bo çi hûn ranahêlin gêrîkan û wan nabin li ber deriyê bihuştê danînin?

– Bi tenê gêrîk dikarin hem cihê bihuştê û hem jî deriyê wê peyda bikin, ew jî divê bi tena serê xwe bin.

Silran ji ber van îzahatan hemuyan, pir kêf dikir. Wî dê idare bikira, ava heyatê kengî bihata, bila bihata, ew ê nemira û li bendê bima.

Gava Zivistan hat, rê hatin girtin. Li ser ruyê erdê, xwarin jî zêde nema. Silranê Filan ji Mirovistanê hîn febrîqe nedizîbûn. Nuha, tu pêwîstiya wî bi fehrîqeyan jî tune bû. Ma qey wî dê hemû tiştên Mirovistanê teqlîd nekira! Gêrîk dîsa bê kar inan û destêwan di hêrîkên wan de, li cadeyên bajaran digerîyan. Nuha, wan xwarinêñ hindik ên ku filan dabûn wan, zikek têr û yek birçî bûya jî têra wan dikir. Ci tiştekî ecêb e, rojekê ji nişka ve hat hîra wan ku ew fil in û dîsa li daristanê civiyan, dest pê kir û qûnêñ xwe di daran de dan. Ox, êdî mirov dizane ku dinya heye, dinya heye! Rojeke filibûnê berberî hezar rojêñ gêrîkbûnê ye.

Gêrîkan bi vê tenê jî qîma xwe neanîn, bi kêfa serxweşbûn û mesthûna ji ber qûnxurandinê, heyecana wan bilind bû û dîsa wek filan nektar û navika genim û kulîlkan jî xwestin. Gava Siltanê Filan ev hemû bihîstin, nema dikarîbû idare bikira pir hêrs bû û bi hêhêvîti hang kir:

– Ev gêrîk îsleh nabin, îsleh nabin! Ji xwe, ew mirina min dixwazin.

Serkumikê Berz bi helûbelê ket nav peyvê û got:

– Siltanê min ji bo Xwedê, Siltanê min ji bo xatirê Xwedê raweste.

Çavêñ Siltêñ dikira ji serê wî baz bida, rehêñ situyêñ wî ra-

bûbûn.

– Serokê Hudhudan, ma tu fahm nakî ku ev gêrîk dîn bûne... Har bûne. Min par ji wan te negotibû ku birayên min, gêrîk gêrîk û fil jî fil in. Aaax, min ji bo van nankoran ci qas borîzan lê xistibûn, ci qas filîm nîşan dabûn, ci qas weşanên televîzyonê kiribûn û ci qas rojname û pirtûk jî weşandibûn. Ev ci mexlûqên bê hiş in, lo! Serê wan qet naxebite ... Ew ê nebin fil. Binibêre birayê min î Silêmanê Dunikil, ev ci bê nan û xwê nin, ma ez bi milyaran gêrîk xwedî nakim? Ma ne ji min be, ma ger ez wan nexibitînim û xwarinê nedim wan, ew ê wek berê, dîsa hemû bi ser hevdu de ji nêza nemirin? Ez nanê wan dibirim, ez ê binihêrim bê îcar ew ê ci gûyî bixwin.

– Siltanê min ji bo Xwedê, raweste. Ma ci dibe, wan xwestiye piçekî bibin fil.

Siltêng bang kir:

– Nabe! Nabe! Divê mirov bi cewrî diranên wan rake. Ger ev ji nuha de fêrî qûnxurandinê bibin û navika kulîkan bixwazin, ew ê dû re, bem textê min, bem jî serê min bixwazin. Ev gêrîkên nemerd çenabin, divê em hemuyan bikujin.

– Siltanê min, em nikarin wan bikujin.

– Ji bo ci em nikarin wan bikujin?

– Siltanê min, ji ber ku êdî gava ew tune bin, em ê li vê dinyayê nikarîbin xwarinê peyda bikin. Em weba fêr bûn ku xwarina me hazir bê ber me û em jî bixwin. Ger ew ji ortê rabin, em ê jî ji nêza bimirin.

Siltêng got:

– Ez qet li vêya nefikirîbûm. Wê gavê, ez ê wek par, xwarinê ji ser wan qut bikim. Ci xeber ji Gêrîkê Kulekmeye?

– Siltanê min, qet tu xeber tune ye. Ji gêrîkên zerî jî tu kes paş de nezîvirî. Siltanê min, em nikarin wek par, xwarinê jî ji ser wan qut bikin, divê em qut nekin.

– Gelo çi bi zeriyêñ min î egîd û jêhatî hat?

– Ev demeke dirêj e ku tu xeber ji wan tune ye. Siltanê min, ez dibêjim ku ev ne elameta xêrê ye. Ez ji meraqan di-mirim, lê ez dîsa jî nikarim tu xeberan werbigirim. Gelo çi bi zeriyêñ min hat?

– Serokê hudhudan, min ev qet ne eciband. Heta nuha di-viyabû xeberek ji wan hatibûya, ma ne weha? Ne xwe, rewşa wan xerab e. Em nikarin tu alîkariyê jî bi wan bikin, ne we-ha?

– Siltanê min, em nikarin tu alîkariyê bi wan bikin. Em cî-hê wan nizanin. Gêrkê Kulek xwe li deverike weha veşartiye ku ez tevî hemû hudhudên xwe bi rojan lê geriyam jî min peyda nekir.

– Serokê Hudhudan, ez ê tiştekî ji te bipirsim.

– Emir bike, Siltanê min.

– Van qûlêñ min ên gêrk ji her deverêñ dinyayê kulîlk, tovêñ kulîkan, xerz û dar anîn û ji min re li vê dinyayê be-xçeyê herî xweşik çêkir, ne weha? Min çi xwest, wan her dax-waza min bi cîh anî, ne weha?

– Bi cîh anîn, Siltanê min.

– Wê gavê, ji bo çi heta nuha, ji min re ava heyatê peyda nekirine? Ew mirina min dixwazin, ne weha?

– Siltanê min, mirina te nayê bîra mexlûqêñ ew qas piçû-çik. Ew ê ji re re ava heyatê peyda bikin. Siltanê min, ger mi-rina te bê bîra wan, dibe ku ew mirina te bixwazin. Siltanê min, tu di çavêñ wan de, mîna Xwedayekî nemir e.

Kêfa Siltêñ pir ji van gotinêñ Silêmanê Dunikil re hat û keniya:

– Ne xwe, mirina min qet nayê bîra wan, tîq tîmîq!

– Nayê bîra wan, Siltanê min. Li gora wan, bê ev ezman, çiya, derya, co û cobar çawa nemir bin, filêñ pir mezin jî ew qas nemir in.

– Tîq tîmîq! Wê gavê, em ê vê pirsa qûnxurandinê çawa bîkin? Ne xwe, nakeve serê wan ku ez dikarim bimirim, ha... Baş e, baş e, pir baş e. Ger Hesinkerê Kulek jî sax be, ew ê jî bawer neke ku ez dikarim bimirim, ne weha? Rîhsorêñ din jî ne weha?

– Weha ye, Siltanê min.

– Çi baş e! Gêrîk, çivîk, kêzik dibêjin qey ez namirim, qet namirim, ha, ne weha?

– Weha ye, Siltanê min. Nuha pêşniyareke min jî te re heye.

– Serokê hudhudan, birayê min î egîd, mêtixas û biaqil bîbêje, ger ne ji te be, min ê li vê dinyayê, bi tena serê xwe çi bikira, bibêje!

– Siltanê min, divê em dest gêrîkan nedin. Baş e ku ew xwe fil dihesibînin wek filan tev digerin, filan teqlîd dikan... Gêrîk mexlûqekî fermanşikên e. Gava ku gêrîk teqlîda filan dikan, dide xuyakirin ku wan hemû xusûsiyetên xwe wenda kirine. Ev nîşana bêtaqetiya wan û nemana dil û ruhêñ wan e... Kêfa min pir tê û ez pir bextiyar im ku ew ketine vê rewşê. Gava ku ew tevî hertiştî, li hember te jî radibin û xwe fil dihesibînin, didin îsbatkirin ku ew ê gêrîktiya wan careke din neyê bîra wan û ew ê heta qiyametê jî wek evdêñ te bijîn. Ma hemû tiştê ku me dixwest, ne ev bû? Ma ji bo vê, me ew fêrî filî nekirin? Ma ji bo ku ew xwe, esilê xwe û gêrîktiya xwe ji bîr bikin, me borîzan dananîn ser çiyayan, daran, rê û hêşaran? Ma me ji bo vêya, televîzyon, radyo, rojname, roman û sîneina ji mirovan nestendin? Ji bo ku rojêñ kevin ên ku ew gêrîk bûn, neyêñ bîra wan, ma me ew li karêñ giran rast nekirin? Va ye, gêrîk ji tiştê ku me dixwest jî bileztir, hem jî ne filêñ wek filan, bûn filêñ bi qasî gêrîkan.

Ji ber van gotinan ji kêfa, devê Siltêñ cû paş guhêñ wî. Ger nuha, mirovî bigota, ava heyatê hat, Siltêñ ancax ew qasî kêf

bikira.

— Baş e, pir baş e. Kêfa min pir hat. Daxwaza me jî ev bû. Divê em tavilê, hemû borîzan, televîzyon, radyo û rojnameyan bixebeitînin... Û divê em bê rawestan, li ser fazîleta qûnxurandinê bipeyivin. Wê gavê, bila bi hezaran filîm li ser fazîleta qûnxurandinê bêñ kişandin. Her şev nîşanî gêrîkan bîdin. Bila ew hem qûna xwe bixurînin û hem jî li filîman bînihêrin.

— Siltanê min, ji bo gêrîktiya gêrîkan, ev derba dawiyê ye. Ji nuha û pê ve, tu gêrîk dê careke din peyva gêrîktiyê nîne ser zimanê xwe jî.

Siltêن got:

— Ka were, were birayê min î Serkumikê Berz, em ê ji şera ba mor a ku gêrîkan dilop bi dilop ji mirovan dizibû û ji min re bera fiçîyan dabû, vexwin û serxweş bibin. Îroj, roja me ya herî xwes e.

Siltêن û Serkumikê Berz li bexçeyê ku ji Bexçeyên Babîlê jî xweştir, dest bi vexwarina şeraba mor a ku wek zêr mang di da kir.

Şev bû. Tava heyvê her never rohnî dikir. Gêrîkêñ li daris tanê, di vê heyvronê de, hîn bi kêtir bûn, qûnêñ xwe her di daran de didan û dixurandin. Tesîra borîzan, televîzyon, radyo û sînemayêñ Siltêñ ecêb çêbûbû. Ji ber ku hingî di daran de didan, tu nema bû ku qûnêñ wan hemû bimehiyana û nemabûna. Qûnêñ xwe bi dil û can di daran de didan. Ji nişka ve, ji wî alî, ji binê çiyayî dengek pêl bi pêl ber bi wan ve hat. Gêrîkan ev deng û ev sitran ji kevin de nas dikirin, lê wan ev ji bîr bikiribû çû bû. Guhêñ xwe danê û guhdarî kir. Û gava ku wan ev sitranbihist, qûnêñ xwe tavilê ji daran bi dûr xistin. Deng her diçû zêdetir dihat. Ji rojhîlat, rojava, başûr û bakur dihat. Ji erdê derdiket, ji ezmêñ dibariya. Ji gî ha, kulîk û pelan, ji co û cobaran, ji sitérkan, ji êgir û ji mijâ

li ser daristanê dihat. Bi ku de dizîvirîn, li ku dinihêrî ji wira dihat. Vê sitranê tiştek dianî bîra wan. Di dil û hinavên wan de tiştin dilivandin. Ü sitran qut nedibû. Ecêbiyek, helûbelik, xulxulek û tevgerekê dest pê kiribû... Çi dibû? gêrîkan jî fahm nedikir bê çi dibû, lê his dikir ku di wan de guhertinek çêdibe. Sitranê her dom dikir. Gêrîk wek ku ji xeweke giran, tarî û xewneke kahûsî şiyar dibûn. Heta sibehê, ne qûnên xwe xurandin û ne jî raketin. Ew li daristanê rawestiyan û li vê sitrana ku ji her hêlê ve dihat guhdarî kir. Sitranê digot ku em gêrîk in. Wextekê, em jî gêrîkên wek gêrîkan bûn û welat û bajarêن me yên wek bihuştê hebûn. Em bi xwe dixebitîn û me bi xwe dixwar. Em wek hev û azad bûn. Em wê wextê gêrîk hûn, gêrîk! Her yek ji me, ne filê bi derewan bû. Em ne gêrîkên qeşmer, qamhihurst û yên teqlîdê filan diki-rin, bûn. Wextekê, me xwe qet piçûk nedidît û me destûr nedida tu kesî ku me piçûk hibîne. Em weha ne evd, ne xu-lam, ne jî kole bûn. Em serbixwe bûn, aştî hebû, em wek hev bûn. Me bi hevdu re xwarin çedikir û me bi hevdu re dixwar û vedixwar. Tu ferqa me tune bû. Sitranê digot, sitranê bi zimanê gêrîkan digot û gêrîkan ji gêrîkiya ku wan digot qey wan ew ji bîr kiriye, wek berê fahm dikir. Bi sitranê re agirekî hesretê jî hêdî hêdî xwe bera dilên wan dida. Wan bi hevdu re sitran digot û bi hevdu re tor ji avê dikişand, me bi keda xwe wek gergefê şikil dida hesinî û me bi hevdu re erd diajot. Me hijîrêن bi gezik, navika kulîlkan, nektar, navi-ka genimê bijîreş hi hevdu re berhev dikirin, me bênderên wan radikirin û me ew bi hevdu re dixwarin. Em ne hêşîr hûn, ne kole hûn. Sitranê digot ku beriya ku em bibin kole, xulam û hêşîr, me bajarêن xwe bi hevdu re ava dikirin û we-latîn xwe bi hevdu re xweş dikirin. Sitranê digot ku em ê se-rayâ Siltanê Filan hilweşînin, hêlinêن hudhudan xera bikin û koka zerîyan hiqelînin. Yên dikin xan jî û yên xera dikin jî

gêrîk in. Sitranê digot ku di vê kaînatê de, tu hêz di ser hêza gêrîkan re tune ye. Yênu ku seraya Siltên ava kir, Pîramîdên Misirê û Bexçeyêن Babîlê çekirin kî ne? Yênu ku ew qas bajar û welat ava kîrin kî ne? Gêrîk... Sitranê digot ku gêrîkên ew qas pir, ew qas xurt dikarin zora filan jî bibin. Sitranê digot ku... Ü sitran ji çiya û deryayan dihat, ji ax, daristan û ronabiyân difûriya. Ü gêrîkan ev deng, ev sitran, wek germahiya dilên xwe pir baş nas dikirin.

Gava ku berbanga gewrik mîna kulîlkeke ronahiyê li ser dînyayê vekir, hemuyan bi hevdu re bang kir:

– Gêrîkê dengbêj, gêrîkê dengbêj!

Ü wan dev ji daristanê herda û ber bi welat û bajarêñ xwe ve meşîyan. Edî hemuyan dest bi fikira ku em gêrîk gêrîk in, kiribû. Dilên xwe bi xwe şewitandin û got ku em çawa ew qasî bi lez bûn fil, hem jî filêñ qeşmer û bi qasî serê derziyê piçûçik.

Bûbûn gêrîk. Sitranê hîn di destpêkê de, ew bi gêrîktiya wan hisandibûn, lê qet nediket serê wan ku ew ê bikaribin zora filan bibin.

Hudhudan tavilê xeber gîhand Siltên û got:

– Gêrîkan dev ji daristanê berdan û ber bi welatêñ xwe ve diçin.

Siltên pirsî:

– Ci qewimî, birayêñ min i Serkumikê Berz?

Serokê hudhudan got:

– Ez pir şaş bûm ku gêrîk ji daristanê derketin. Ya rastî, gava wan wek filan qûnêñ xwe di daran de didan, bi wan pir xweş bû.

– Dikare ci qewimî be?

– Min pirsî, qet tu tişt ne qewimiye, Siltanê min. Gêrîkan şevekê, dibe ku êvarekê an şev nîvê şevê qûnêñ xwe ji daran bi dûr xistine. Li daristanê tev ne liviyane û weha rawestiyayî

mane. Wek ku li tiştekî guhdarî dikir, lê tu deng nehatiye bihîstin.

Siltên got:

– Ecêb e. Ev gêrîk mexlûqên dinyayê ên herî ecêb in. Hed û şeda wan qet tune ye...

– Ez ji Siltanê xwe re bibêjim. Dû re jî gava roj hilat ji daristanê derketine û berê xwe raste rast daye welatên xwe.

– Tiştek di vêya de heye, Serokê hudhudan. Na na, hema weha bê sebeb, tu mexlûq li vê dinyayê dev ji qûnxurandinê bernade. Hemû mexlûqên vê dinyayê ji bo qûnxurandinê hatine vê dinyayê. Mexlûqê ku îmkana qûnxurandinê carekê bi dest bixîne, careke din nema dikare dev jê berde. Tiştek di vêya de heye û hem jî ev gêrîk dê tiştekî bîne serê me, ez ji te re dihêjim.

– Siltanê min, ez jî bi taswas im.

– Ma tu xeber ji Gêrîkê Kulek tune ye? Le, ji zeriyên me?

Serkumikê Berz keserek kişand:

– Tune ye. Mixabin, tune ye, Siltanê min.

Siltên serê xwe bera ber xwe da û demeke dirêj fikirî. Dû re jî xortima xwe li ser piştä xwe gerand, ber bi daran ve meşîya û qûna xwe sipart dara çinarê. Mekîneya qûnxurandinê xist paşıya xwe û dest bi fikirandinê kir.

– Te ji bo çavdêriya gêrîkan, çend çivîk şandin?

– Heft sed û heftê û heft çivîk, Siltanê min.

– Ma ew qas çivîk têra çavdêriya wan dikin, Serkumikê min î Berz?

– Siltanê min, ev çivîkin pir bi lez in, ev pir bi lez in. Ev hudhudên ku hîn nuh bûne fil in.

– Heft sed û heftê û heft çivîkên din jî bide firandin û bi dû wan re jî tu here û ji min re bi lez xeberên teze bîne.

– Li ser seran, Siltanê min.

Serkumikê Berz tevî heft sed û heftê û heft çivîkên nuh ta-

vilê firiya û xwe gîhand welatên gêrîkan. Wan hîn ji dûranê, ji bajaran dengêñ bi xezebbihîstin. Gava nêzîkî li wan kir, deng fahm kirin.

Hemuyan bi hevdu re digot:

– Em gêrîk in, em gêrîk in! Em hatin xapandin, derew li me kirin. Em ne fil in, em gêrîk in!

Serkumikê Berz got:

– Wey lawo! Ci bi van gêrîkan hatiye?

Tavilê firiya û xeber gîhand Siltêñ.

Siltêñ got:

– Bihêle, bila ew gêrîk bin. Ez ê nuha, gêrîktiyê rê wan bîdim.

Serkumikê Berz got:

– Siltanê min, ne xwe, ew qas borîzanêñ me, ew qas televîzyon, sînema, radyo û rojnameyêñ me bi kêrî tu tiştî nehatin?

– Ma çawa bi kêr nehatin? Ma te nedît ku dimirin, lê dîsa jî dev ji filîtiyê bernedida. Min ji te re got ku tiştek di vêya de heye. Vî Hesinkerê Kulek rîyeke ku ji borîzan, televîzyon û sînemayêñ me bi tesîrtir peyda kiriye. Wekî din, ne mumkun e.

– Siltanê min, min pir lê kola, lê tu tişt tune ye .

Siltêñ mîna ku emir dida, got:

– Heye! Tiştek heye, em ê di nêzîk de, fahm bikin.

Tam di wê esnayê de, hudhudekî ku kumik û baskêñ wî tev li hevdu bûbûn, bi helûbelekê hat xwe li ser guliyê çinarê yê li ber serê xortima Siltêñ bû, danî û got:

– Siltanê min, gêrîk hemû sitranekê dibihîsin. Sitran ji wan re dibêje ku em gêrîk in, em nabin hêşîr.

Siltanê Fîlan xwe buxudand û got:

– Bila nebin. Kengî min panzdeh fil şandin welatêñ wan û ew di aliyekî re ketinê û di aliyê din re derketin û gêrîk di

bin lingên wan de wek hevîr hatin sitrandin, bila ew wê ga-vê, nebin hêşîrên filan. Ger ez dîsa xwarinê ji ser wan qut bi-kim... Herin, ji wan re bibêjin ku min gêrîktiya wan, li wan qedexe kir. Tavilê bifîrin û biçin welatên gêrîkan û ji wan re bibêjin ku tu gêrîk dê nikaribe bibêje ku ez gêrîk im.

Hudhudan got:

– Li ser seran, Siltanê me.

Û ber bi welatên gêrîkan ve firiyan û emirê Siltêñ gîhand hemû gêrîkan.

Nuha, sitran li hemû welatan jî belav bûbû. Ji her aliyî ve dihat bihîstin. Ji axê, ji ronahiyê, ji tariyê, ji ewran, ji her de-verî, ji her deverî, gêrîkan di xewn û xeyalên xwe de jî hertim ev sitran dibihîst. Wan ev sitran dibihîst û ew bemû bi hevdû re jî tevî sitranê dibûn.

Ev sitran di eynî wextê de û di eynî şevê de, li bingeha rîhsoran jî hat bihîstin. Û gêrîkên sor bi kefeke bêşînor rawesti-yabûn, mest bûbûn û li vê sitranê guhdarî kiribû.

Ji wê rojê û vir de, ev sitran li wê derê jî hertim dihat gotin. Ji her aliyî ve, ji ezman, zinar, kulîlk û deviyan dihat. Ji gava ku sitran hatibû bihîstin û vir de, rîhsor jî tevî wê bûbûn. Sitran qet nediqediya, mîna çemekî xurt, mîna Firat, Nil û Tûnayê, ji kaniya gêrîktiyê ya esasî derdiket û bi xurtî diherikî.

Gêrîkê Kulek î Rîhsor ê ku ji kêfa rîha wî sorîkur dibiriqî, ji Serokê gêrîkên zerî yê li kêleka xwe pirsî:

– Tu vê sitranê dibihîsi, vê sitrana gêrîkan a kevin?

Serokê gêrîkên zerî bi awayekî şâşmayî pirsî:

– Sitrana çî?

Bi rastî, wî ne sitran, lê piçikeke deng jî nedibihîst.

Hesinkerê Kulek got:

– Sitran. Sitrana paşeroj û pêşeroja gêrîkan a mezin.

– Kî dibêje?

Hesinkerê Kulek got:

– Hemû kaînat dibêje. Çiya, kevir, ezman, sitêrk û roj dibêjin. Masiyên di avê de û mar û kêzikên li erdê dibêjin.

Ü ew jî beşdarî sitranê bû. Serokê gêrîkên zerî tu tişt fahm nedikir, şas mabû û ziq li wî dinibêri. Piçeve deng jî nedîcû-yê.

– Sitrana gêrîkan ji qanûnên filan bi hêztir e, ma tu fahm dikî, Serokê birêz? Ma ev deng tê te? Sitrana gêrîkan wek qanûnên xwezayê ye, bi qasî qanûnên xwezayê saxlem û bi hêz e. Ma tu vî dengî dibihişî?

Serokê gêrîkên zerî got:

– Na, ez nabîsim.

Yê Hesinker got:

– Lahnet li te hatiye.

Serokê gêrîkên zerî got:

– Belê, ez gêrîkê rîbsor ê lahnetlêhatî me. Ma ger ez ne lahnetlêhatî bûma, filan welatê min û bêlinâ min weba ji bevdu belav dikirin?

Sitran her berdewam bû. Hesinkerê Kulek mest bûbû, hertiş ji bîr kiribû, Serokê gêrîkên zerî yê ku li kêleka xwe jî ji bîr kiribû û tevî sitranbêjan bûbû.

Bi vî awayî, ne gêrîkên rîhsor û ne jî Hesinkerê Kulek dizanîbû, bê wan ev sitran çend roj û çend şevan bi kaînatê re gotibû. Sibebekê, lê nihêri ku grûpeke rîhsoran ber bi jêrê ve, ber bi deşt û welatan ve diçin.

Hesinkerê Kulek bi tirs bang kir:

– Bi ku de, bi ku de?

Yên din bi awayekî aram û sergiranî got:

– Êdî ev hêşîrtiya me bes e. Em weha bipên û bipên, dê çi bibe? Em sed salan jî bipên, tu tişt çenabe. Em diçin.

Yê Hesinker pirsî:

– Bi ku de? Ma hûn weba bêyî ku ji min bipirsin, bi ku de

diçin?

- Em diçin welatên xwe.
- Fîl dê li wê derê we bikujin.

Serokê gêrîkên zerî yê li paş Hesinkerê Kulek bû, bang kir:

- Ew nikarin wan bikujin, nikarin wan bikujin!
- Em ê biçin û berçar aliyên welatan bi xendekan bigirin û em ê xendekan tije av bikin. Fîl jî dê nikaribin di ser van xendekan re derbas bibin û têkevin welatên me. A, em ê jî bi vî awayî ji hêşîrtiya filan rizgar bibin.

Hesinkerê Kulek bang kir:

- Nabe! Fîl li xendekan guhdañ nakin, ew ê di ser wan re derbas bibin.

Serokê gêrîkên zerî yê li paş wî bang kir:

- Fîl nikarin di ser xendekan re derbas bibin, hûn biçin û rizgar bibin.

Ü xendekperest çûn.

Dû re grûpa zirtperestan ji hember dihat û digot:

- Em ê bişewitînin, bişewitînin, em ê welatê filan tep û düz bikin.

Hesinkerê Kulek pirsî:

- Bi ku de, bi ku de?

Zirtperestan bersiv da:

- Em ê biçin neteweyên gêrîkan azad bikin.

Bi dû wan re jî seyikperest hatin. Van ên ku dixwestin xwe bi filan biseyînin û wan bê hereket bihêlin. Piştî wan jî çavrijperest hatin. Ew ê li ser çavêن filan kom bûbûna û ew kor bikirana. Piştî çavrijperestan jî bîrperest hatin. Wan jî dixwest bîran bikolin û filan di bîran de werbikin. Di nav wan de, mîxperest jî hebûn, ew jî ne hindik qelebalix bûn. Wan jî dixwest li herçar aliyên welatan mîxan bikutin û bi vî awayî gêrîkan azad bikin. Bi dû wan re grûpa xapînokan hat. Wan jî digot ku ne gêrîkên sor, ne jî fil, bijî gêrîkên azad û

serbixwe. Wan ê bi vî awayî, beşeke filan bixapanda, fil bera ber hevdu bidana û bi filên ku pişta gêrîkan digirtin re bû-bûna yek û neteweyê gêrîkan bigîhanda azadî û serxwebûnê. Hîn gelek grûpêñ gêrîkan ên din hatin.

Hesinkerê Kulek jî li ser rê rawestiyabû û ji hemuyan di-pirsî:

– Bi ku de, bi ku de, birano, weha bi ku de?

Wan jî digot:

– Ber bi azadiyê ve.

Ü tu tiştekî din nedigot.

Bi vî awayî, di hundurê çend rojan de, bingeha rîhsoran vala bû. Li bingehê, li ba Hesinkerê Kulek ên ku ji wî hez dikir, pê ewle û bawer bûn, man. Wekî din, Serokê gêrîkên zerrî û beşeke peyayêñ xwe jî li wira man.

Hesinkerê Kulek î Rîhsor ji ber hemû tiştên ku bûbûn, pir li ber diket. Wî dizanîbû ku bê dê ci bihata serê gêrîkan û ji ber vê yekê, agir hi kezeba wî diket.

Gava hudhudan ev xeber gîhand Siltêñ, kêfa Siltêñ pir hat.

Got:

– Hiş, dengê xwe qet mekin. Bila ew çar aliyêñ welatan bi xendekan ve dorpêç bikin. Ez ê jî du filên xwe bişînim û beştan deynim ser wan, pireyan ava bikim û wan bajaran û wan welatan bi erdê bikim yek, bila ew jî wê çaxê bibînin, tîq, tîmîq.

Gêrîkan li dora welat û bajaran, bi şev û bi roj, bi dil û bi can xendek kolan û ew tije av kirin.

Gava qediya, çûn ba Siltêñ û jê re got:

– Em ê êdî azad û serbixwe bijîn.

Siltêñ jî gôt:

– Waaa, ne weha, bêhişen min? Ne xwe, hûn li hember min radibin?

– Em serî hildidin le, dê ci bibe?

Siltên got:

– Yanî hûn dibêjin qey ev neteweyêñ gêrîkan dê bikaribin li hember filêñ qerasyeyêñ mexlûqan serî bildin?

Gêrîkan got:

– Em nabêjin qey, em serî hildidin. Me serî hilda jî.

Siltan pir ú pir keniya, bi zikê xwe girt ú keniya. Hesinkerê Kulek jî dengê wî bihîst.

Gava bihîst, got:

– Heywax! Malik li gêrîkan xera bû. Siltan dê li ser ruyê erdê gêrîkekî jî nebêle. Ew ê koka me biqelîne. Ez vî kenî hîn jî kevin de nas dikim, ne elameta xêrê ye.

Pştî ku Siltan pir ú pir keniya, got:

– De heydê filên min, leşkerên min, de heydê hudhudên min, çivîkên min, de biçin, divê îtroj hûn li welatên gêrîkan kevir li ser kevirî nehêlin û gêrîkan ji vê dinyayê biqelînin.

Ü filan xendek pir bi bêsanî derbas kirin û ketin welatên gêrîkan. Hengameyeke weha çêbû ku toz ú dûman tev li hevdu bûn. Di bin lingên her filekî de, bi milyonan gêrîk bi hevdu re dieciqîn û şire şira xwînê bû, li erdê diherikî.

Gêrîkan di demeke kurt de, got çîz:

– Siltanê me, me di te de kir, tu di me de neke. Me efû bike. Me efû bike, da ku em beta qiyametê, ji te re bibin evd. Me nizanîbû ku gêrîk tu carî nikarin bi filan re derxîne serî. Em bi wan rîhsoran hatin xapandin. Azadiya me jî û serxwe-bûna me jî hûn in...

Serokê budhudan dîsa ket navberê û filêñ hêrsbûyî yên agir ji devê wan diçû, nerm kirin û bi vî awayî gêrîkên mayî, ji mirinê xelas kirin.

Rîhsorêñ ku mabûn jî reviyabûn û xwe li ser dareke bilind veşartibû.

Wan got:

– Em şas in. Divê em tevî çavrijperestan bibin, çavêñ filan

derxînin û heyfa xwe hiltînin.

Ü gêrîkan ji bo çavrijandinê, êrîşî Filistanê kir. Tavilê li ser çavên filan civiyan.

Dû re çûn ba Siltêن û got:

– Em azad û serbixwe nin. Em ê çavêن hemû filan birijînin.

Siltanê Filan pir û pir keniya, bi zikê xwe girt û keniya.

Hesinkerê Kulek ê ku dengê wî bihîsr, got:

– Heywax! Heywax û heywax, dîsa çend welatêن gêrîkan bi erdê re bûn yek.

Ü Siltanê Filan ferman da filêن xwe:

– Xortimêن xwe bi avê dagirin û bipejiqînin çavêن hevdu.

Ü filan weha kir.

Ü filan dîsa êrîşî welatan kir. Ü gêrîkan dîsa got, çiz.

Gêrikênu ku dîsa xwe di nav pelên dareke bilind de veşart, vê carê çûn û tevî seyikperestan bûn. Gêrikênu seyikperest jî bi qalindbûneke bi qasî bibustek–du buhostan xwe bi filan seyandin. Siltanê Filan dîsa keniya.

Gava Gêrikê Kulek dengê wî bihîst, agit bi kezeba wî ket.

– Heywax û heywax! Ger weha biçe, welatêن gêrîkan dê bi yekcarî bêñ hilweşandin.

Ü sultanê Filan ferman da:

– Birevin avê, birevin co û cobaran!

Fîl ber bi co û cobaran ve reviyan û xwe di cîhê kûr de da-kir. Avê gêrikênu ku xwe bi filan seyandibû, dan ber xwe û bitin.

Ji xwe, çiyagerok hîn berê li deştê, ji aliyê filekî bi tenê ve hatibûn eciqandin. Ew careke din bi ser xwe ve nehatin û li çiyayan negeriyan.

Hemû ceribandin pûç derketibûn. Di her ceribandinê de, Siltanê Filan keniya; Hesinkerê Kulek got ku heywax, çend welatêن gêrîkan hilweşîyan; gêrîkan got, çiz û Serkumikê

Berz ket navberê û ew dan efûkirin.

Di dawiyê de, rîhsorênu ku ji ber şûran filîtibûn westiyayî, bê taqet, seqet û bê hêvî bi şûn de vege riyan. Wan nikarîhû li çavên Gêrîkê Kulek ê Rîhsor binihêriya. Gava ku çûbûn, ji Hesinkerê Kulek re çi qas sixêf kiribûn. Ne xayıntî, ne nemerdî û ne jî tirsonektiya feqîrê Kulek hiştibûn. Hesinkerê Kulek ev hemû ji bîr kirin, birînê wan derman kirin, dan derman kirin û li ber dilên wan çû û hat. Hewildan hewildan bû. Di her hewildanekê de, pareke têkçûnê hebû. A va, têk çûbûn.

Heçî Siltanê Fîlan bû, ji kêfa difiriya. Bi taybetî piştî ew qas tecrubeyan, êdî tu gêrîkekî dê careke din serîhildan ne-aniya bîra xwe jî. Tew ew qas bûbûn dijminên rîhsoran ku gava li deverekekê rîhsor didîtin, bi carekê pir bêrs dibûn û ew wê gavê perçê perçê dikirin. Êdî ru rîhsor jî nema dikarîbû di nav gêrîkan de bisitiriya. Lê, ev tecrube li ser Fîlistanê dîsa pir giran rûniştibû. Gelek welatên gêrîkan hilweşiyabûn, bi milyaran gêrîk miribûn. Mahneya wê ew e ku ji bo fil û hudhudan dê hindik gêrîk bixe bitin.

Serokê hudhudan got:

– Li ber nekeve, Siltanê me. Mexlûqên dinyayê yên herî bi lez zêde dibin, gêrîk in. Di hundurê çend salan de, dibe ku hezar caran li wan miriyan zêde bibin.

Siltan keniya û got:

– Ne xwe, weha ba? Ci xweş! Me koka rîhsoran jî anî. Ew careke din, ne dikarin gêrîkan bixapînin û ne jî bêñ ba hevdû. Ev rîhsor ci kawik, ci mexlûqin bêhiş in. Beşike wan jî ji bo ku filên me li heinber me bicixirîne dixe bitin. Filên me jî dû re bêyî ku hayê min jê çê bikin, ew pelixandine... Tiq tiq, tîmîq...

Hesinkerê Kulek ev ken jî bihîst. Ji qehra xwe, dikira bike-ta û bimira.

Got:

- Nuha jî ji ber serkevtina xwe dikene. Aaaax, ehmeqên me!

Siltên got:

- Borîzan, televîzyon, rojname, roman û bi taybetî jî ronakbîrêñ dibistana ku gêrîkan dikin fil qedandine, esil dê ji nuha û pê ve, bi kêr werin. Êdî ji bo neteweyêñ gêrîkan qet tu ronahî nema. Bêhêvîtî adana hêsîriyê ye. Bêhêvîtî maka koletiyê ye. Bêhêvîtî hilweşîna dil e. Em ê bêhêvîtiyê bêtir bikin. Ronakbîrêñ li dibistana ku gêrîkan dike fil xwendine dê birêvebirina radyo, televîzyon û rojnameyan têxin destêñ xwe û ew ê sal duwanzdeh meh bi şev û bi roj bê rawestan behsa bêhêvîtiyê bikin.

- Ji nuha de, dest pê kiriye jî.
- Ci xeber ji zeriyêñ min hene?
- Ew li ha rîhsoran in. Rîhsoran yek bi yek taqîb dikin, he-ta li bêhna wan jî guhdarî dikin û digihînin min.

– Le, Hesinkerê Kulek?

Serkumikê Berz got:

- Ez nizanim.

Siltanê Fîlan got:

- Ma ji nuha û pê ve, Hesinkerê Kulek sax be, dê ci feydeya wî hebe, ci ji destêñ wî tê? Ji nuha û pê ve, tu tişt nema dikare ji destêñ wî bê... Kijan gêrîk dê careke din guh bide ehmeqiyêñ wî û serî li hember min rake?

Serkumikê Berz got:

- Kuleko miriye. Ger nemiriba, nedîhişt ku gêrîk vê ehmeqiyê bikin.

Siltanê Fîlan hîn pir, hîn û hîn pirtir ji dil keniya. Kenê wî li çiyayan olan da. Hesinkerê Kulek ev kenê wî bihîst, hemû laşê wî lerizî.

HEYŞT

Serê sibehhekê gava şefeqê lêxist û tav mîna ku lîlkeke rona-hiyê ya mezin ku qat bi qat şîn, sor, turuncî û spî derket, Hesinkerê Kulek bi sitraneke ku ji herçar aliyî ve dihat, şî-yar dibe, diçe meydanê û bi hemû rîhsorênu ku li wê derê ci-viyanê re dipeyive.

Gêrîkên ku bûbûn rîhsor, bi awayekî çavtirsiyayî, bê hêvî Gû bê hal, bi dû hevdu de dihatin bingeha Gêrîkê Kulek. Bingeh di hundurê çend mehan de tije bû, cih tê de nema. Ciya, gelî, çol û beyar dîsa bûn gêrîk.

Gêrîkan bi awayekî situkişiyayî, dixwernedîtî, xwe li ber tavê dirêj kiribû, nedipeyivîn, bi tenê difikirîn. Yênu ku wek wan bûbûn rîhsor, ji jêrê, ji welatên gêrîkan bi xeberên xerab û ne xweş û xemgîn dihatin. Li bingehê, êdî gêrîk li ser hevdu rûdiniştibûn.

Her ku diçû, li welatên gêrîkan rewş xerabtir dibû. Her fi-lekî ji xwe re serayek û ji bo wê serayê jî textekî wek ê Siltêن dabû çêkirin. Wekî din jî bexçeyê eyn wek bexçeyê Siltêن ku bi hemû dar û kulîlkêن dinyayê ve xemilandî... Her ku gêrîkan dida, wan jî dixwest. Ci bihata hişen wan, dilen wan bibijiya ci, emir dida gêrîkan. Siltêن ji xwe re, heft seray û şanzdeh textêن din ên rengareng dabûn çêkirin. Qotêن hemû çiyayan û perêن deryaya mezin bi koşk û serayê Siltêن û bi bexçeyê wî ve hatibûn dagirtin. Gêrîkan ji her hudhudêkî re hêlinin weha çêkiribûn ku ji roja çivîk bûbûn çivîk û vir de, hêlinen weha nedîtibûn. Hêlin li ser çinarêñ herî bilind hatibûn avakirin. Gêrîkan ji bo wan xwarin dikişandin

serê çinaran, heta ber devê hêlinê wan. Ger wan ji Siltên re ava heyatê jî peyda bikira û bianîya, Siltên dê piştî kêt û şahiya cil roj û cil şevan, ava heyatê vexwara û bigîhaşta gîhaneka nemiriyê. Piştî wê, hemû fil û hudhudan jî dê ava heyatê bixwesta û gîrîk dê dîsa bi awayekî pir feqîr, birçî û tazî têketana rê. Di bin gir û çiyayan de, embar hatibûn kolan û hundurê wan bi xwarinêن cuda cuda ve mişt bûbûn. Gêrîkan hîn jî embar dikolan û ew bi xwarinêن dînyayê yên ku nayêن peydakirin ve dadigirtin.

Rawestin li gêrîkan tune bû, sal duwanzdeh meh her dixe-bitîn. Ka ew dema berê, gava direviyan daristanê û teqlidê Fîlan dikir? Ka ew dema wek berê, gava ji Sîltanê Fîlan nektar, navika genim û kulîkan dixwestin û derdiketin huzûra wî? Tew wan rûyê Serkumikê Berz jî ancax ji salê carekê dikarîbû bidîta. Hemû xezîneyêن ser ruyê erdê û yên bin erdê jî ji fil û hudhudan re kişandibûn... Tevî vê jî ne tu filî û ne jî tu hudhudî li ruyê wan dinihêri. Rojêن beriya têkçûn û tevkuştinê, wek xewneke bihuştê mabûn.

Her ku wan dida, fil û hudhudan jî hîn hîn bêtir dixwest. Edî xew qet nediket çavên tu gêrîkan. Fîlan li hember vê xebata ku hal di mirovî de nedîhişt, ancax bi qasî ku ew nemirin, xwarin didan wan. Embar heta ber dev tije dibûn û xwarin tê de genî dibûn. Fîlan xwarina wek a herroj dida gêrîkan. Piçek jî jê zêdetir nedida wan. Her ci hîkmet be, ew gêrîkêñ ku bi zikekî têr û yekî birçî dixebeitîn û firset nedidît ku serêñ xwe bixurînin, her zêde dibûn. Makgêrîkan bê rawestan bi milyaran hêk dikirin. Ev jî pir bi kêtî filan dihat. Her ku diçû, fil tiraltir û qelewtir dibûn. Hudhud wek dermalan ew qas qelew bûbûn ku hema hema nema dikarîbû bifiriyyana. Ger ne ji tirsâ filan bûya, qertelêñ reş dê hudhud ci xweş bikirana êm. Wan ê rojê bi hezaran hudhudêñ bi bez dabeli-handana. Gava qertelan hudhud wek hîzê rûn weha bê here-

ket didîtin, situyê wan dikişiya û av bi devêن wan diket.

Siltan li seray, erd, xizne, embar û bexçeyan digeriya û di-got:

– Sala bê, hatina me dê deh qatî vêya be.

Û sala piştî wê hatin dê bibe bîst qat.

Siltên dîsa qîma xwe netanî, ruyê xwe diqermiçand û di-got:

– Sala bê sed qat...

Gêrîk şas mabûn. Ew qas xwarin, mal, milk û xizne heta qiyametê, têra Siltên jî sulala wî jî û ger sulala wî sed caran zêdetir bibe jî dikin û zêde ne jî... Ger emirê dinyaya me têra qiyametekê, pênc qiyametan bike jî van xwarinan dîsa têra filan dikir. Fêêê, baş e, ma ci derdê fil û hudhudan hebû, ji bo ci ew qas xwarin hilanîn? Rîhpî û aqilmendên gêrîkan digot qey ev fil û hudbud bi dînîtiya hilanînê ketine. Têrnexwarî û nedîtiyeke ecêb... Mexlûqêñ din mexlûqêñ weha têrnexwar qet nedîtibûn. Hemû dinya, tevî gur, kurm û kêzikan, tevî mar û jahrmaran, bi hemû mexlûqan, li hember van mexlûqêñ nuh şas mabûn û sar sekînbûn. Ev hudbud û fil, ev têrnexwar, ev nexweşen hilanînê dîn bûbûn. Mexlûqan jî nizabû ku bê ew ê li hember van ci bikin.

Hem ev hilanîn bi ci dibû mal? Bi mirin, nexweşî, seqetî, feqîrî û birçibûna bi milyaran gêrîk dibû mal. Dilên filan bi van gêrîkan qet nedîşewitîn, bi ser de jî qet ji wan hez nedîkir û di firseta herî piçûk de jî ew piçûk didîtin. Di destpêkê de, Siltên gotibû ku gêrîk ji esilê me têن û wan jî bawer kiri-bû. Ji bo her parîye ku wan bi cûtinekê dadiqurtand, bi milyonan gêrîk canêن xwe didan. Ji bo wan xwarinê zêde yên ku di embaran de genî dibûn ku wan piçek jê nedida gêrîkan û dirijandin deryayan, bi milyonan gêrîk keda xwe û xwîna xwe dirijandin û dimirin.

Gêrîkê Kulek î Rîhsor jî li xeberêن ku ji jêrê, ji Filistanê, ji

welatên gêrîkan dihatin, guhdarî dikir û ji hêrsa xwe dîn dibû, lê ma ci ji destêن wî dihat...

Wî digot:

– Ev dîn bûne. Ev çaxa dinyayê ya dînbûyî, rezîlbûyî, çavbirçî û egoîst jî dê derbas bibe, lê kengî?

Ü tu tiştekî din nedigot. Ji qehran dimir. Gava fil fil bûn jî ew qas dînbûn, egoîzm, zilm û rezaletî layiqî tu benderuhî û tu mexlûqî nediditîn. Gava gêrîk rizgar bibin, fil jî nesilên filan jî dê bi gêrîkan re bextiyar bibin. Ew qas hewildan, egoîzm, rezîlbûn, zilm û şikence ci bûn? Ev fil dîn bûbûn, lê divê sînorê dînbûnê jî hebûya. Fil û hudhudênu ku ev zilm li gêrîkan dikir, ji tirsa jî dîn dibûn. Wan gêrîk bi qasî gêrîkan jî nedidîtin, lê dîsa jî ji tirsa xew nediket çavêwan. Lahneta dinyayê ya mezin, lahneta tirsê li wan hatibû. Tevî ku embârênu wan bi xwarinênu ku têra sed salan û xizneyênu wan bi zêrênu ku bi qasî têra hezar, deh hezar salan bikin tije bûn jî wek ku ew ê sibehê birçî bimînin, ditirsiyan. Ew ji bayê ku dihat, ji ava ku diherikî, ji ronahiya ku diguvuguvî û dihat, ji ezmên, ji axê, ji bêhna kulîlkên ku dinya dagirtine, ji pinpinikên basktenik ditirsiyan. Ditirsiyan û embar dikirin, embar dikirin û ditirsiyan.

Gêrîkan li welatan û li bingehê nema idare dikir. Gêrîkên ku bûbûn rîhsor û ji welatan hatibûn, nikaribû di cîhê xwe de rawestiyana, simbelên xwe di hevdu de didan û her digot:

– Divê em ci bikin, em ci bikin, em ci bikin?

Gêrîkê Kulek î Rîhsor jî hem ji xwe û hem jî ji her rîhsorê ku lê rast dihat her dipirsi:

– Divê em ci bikin, em ci bikin, kêt gîhaşt hestî, divê em ci bikin?

Piştî bûyera mezin, yanî piştî têkçûn û qetlîamê, ci rîhsor, ci ne rîhsor, baweriya hemû gêrîkan bi Hesinkerê Kulek û rîhsorêne hevalên wî yên dest bi tuyik ku bi wî re li bingehê

man û beşdarî şerê filan nebûn, bêtir bûbû. Ji peyva wan dernediketin.

Gêrîkê Kulek jî ji sibebê beta evarî dixwend, li gêrîkên ji welatêñ gêrîkan dibatin, li gêrîkên rîhsor û bi taybeti jî li yên dest bi tuyik guhdarî dikir, bi wan dişêwirî û difikirî. Ya rast, bemû gêrîk li rêya ku bikarîba ew jî vê zilmê rizgar bikira, difikirîn û digeriyan.

Hesinkerê Kulek hîn ji destpêkê û vir de, behsa ava ku dibû kelmizo dikir, lê yên din tu tişt ji vê peyvê fahm nedikir û henekên xwe pê dikirin. Wan digot ku av li ku, gêrîk li ku. Ew çi dibêjin, bila bibêjin, çi qas fahm nekin jî bila fahm nekin, Gêrîkê Kulek dev ji fikira ava ku dibû kelmizo ber nedida.

Rojekê, hemû gêrîk li meydanê civiyan û bangî Hesinkerê Kulek kir. Meydan êdî têra ji bezarı yekê gêrîkan jî nedikir. Ew ji hezarî yekê gêrîkan jî li meydanê li ser serê hevdu bûn.

Gêrîkê Kulek hat û vê carê derket ser guliyê dara qizwanan. Wî dê xîtabî qelebalixiyeke hîn mezintir bikira, ji ber vê yekê, divê dara ku ew derketa ser, bîn bilindtir bûya. Gava ew derket ser darê, qelebalixiyê bi hevdu re bang kir:

– Me fahm kir! Me fahm kir! Me fahm kir!

Hesinkerê Kulek ji wan pirsî:

– We çi fahm kir?

– Bêyî ku av bibe kelmizo...

– A, ger we ev fahm kiribe, ji bo ku em zora filan bibin, em ê di demeke kurt de rîyekê peyda bikin. Ger mirov kel-mizobûna avê fahm kiribe, ew tê wê mahneyê ku av bûye kelmizo... Bêyî ku av bibe kelmizo, tu tişt çenabe.

Gêrîkan ji dil bang kir:

– Me fahm kir, çenabe!

– Gava ku av bû kelmizo jî rêya têkbirina filan dê hêsan bête peydakirin.

Gêrîkan bi bawerî bang kir:

– Dê bête peydakirin!

Dengê wan li çiya, deşt, gelî, co û cobaran, daristan û ezmanan olan da:

– Dê bête peydakirin! Dê bête peydakirin! Dê bête peydakirin!

Ronahiya hêviya ku di dilê Gêrikê Kulek i Rîhsor de hebû, mezin bû û ew bi kefeke ew qasî mezin ku di dilê wî de hilnedihat ji ser darê daket û berê xwe da şikefta xwe. Diviyabû xwe tavilê bigîhanda pirtûkên xwe. Pirtûka herî qerase ya miştzanîn ji ser refikê daxist. Tam gava ku wî dê ew bixwenda, Serokê gêrkên zerî li hember wî sekinî û jê pirsî:

– Ev av çi ye, ev kelmizo çi ye?

Hesinkerê Kulek ew ji bîr kiribû çûbû, li ruyê Serokê gêrkên zerî nihêri nihêri, li tiştinan geriya û bêyî ku tu tişti bîbêje berê xwe da pirtûka xwe û bi lez dest bi xwendinê kir.

Di dilê wî de, sitranekê ji nişka ve dest pê kir... Serê xwe ji ser pirtûka xwe rakir, li hawîrdorê guhdarî kir. Sitran ji dilê wî dihat. Demeke dirêj li dilê xwe guhdarî kir, dû re sitran mezin bû û ji hawîrdorê hat. Dengê sitranê ji pirtûkê jî dihat. Ji gêrikên ku razabûn, ji devê mûristanê û ji dîwaran jî dihat. Serokê gêrikên zerî ji zû de razabû. Hesinkerê Kulek li wî guhdarî kir, dengê sitranê qet ji wî nedihat. Derket derve, li sitranê guhdarî kir. Sitran ji sitérkan, ji heyvê, ji şevê, ji zinaran, ji gîhayan, ji avên diherikî, ji bê, ji şînahiya ezmên û ji nava axê dihat. Li meydanê nihêri, dît ku gêrîkan mîna ku mêşa hunguv dizê, xwe bi hevdu zeliqandibûn, meydan heta ber dev dagirtibû û tev nediliviyan. Bêhna xwe ne distendin û ne jî berdidan, weha hişk bûbûn û mabûn. Hesinkerê Kulek ber bi wan ve çû, ew mîna ku ruh di wan de tune ye, qet tev nediliviyan.

Gêrikê Kulek pirsî:

– Çi ye? Di vê nîvê şeva hanê de, çi li vê derê qewimiye?

Gêrîkan qet tu hersiv neda wî, ne tev liviyan û ne jî xuya kir ku wan dengê wî bihîstiye.

Gêrîkê Kulek li vî alî û wî alî pirsî, lê nihêrî ku tu kes tu gotineke wî jî nabihîse. Herkes daxil bûbûn û çûbûn. Lê geriya û pirsî û di dawiyê de, di nav wê qelebalixiyê de, ji rîhsorê dest bi tûyik hevrêyekî xwe yê kevin peyda kir... Ket milê wî û got:

– Hevalo, çi li vê derê qewimiye, ji min re bibêje? Min di hemû jiyana xwe de, tu carî gêrîk weha nedîtine, bibêje hevalo, çi li vê derê qewimiye?

Yê din bi dengekî pir hêdî got:

– Hiiiişşş, hiiiiş, em li sitranê guhdarî dikan.

Gêrîkê Kulek pirsî:

– Kî vê sitranê dibêje?

Hevalê wî hi awayekî şaşmayî û bi guman li wî nihêrî.

– Çawa, qey tu vê sitranê nabihîsî, hey hevrêyê min î Hesinker? Çawa tu Serokê me bî, dil, serî û fikira yên dest bi tûyik bî û tu nabihîsî? Ev sitran ji dilê me û ji fikira me tê. Ev sitran...

Gêrîkê Kulek bişirî, bişirandina wî di tava hevvê de, mîna hêviyê xweşik bû.

Gêrîkê Kulek pirsî:

– Ev sitrana çi ye?

Hevalê wî got:

– Ji dilê xwe bipirse. Li dilê xwe guhdarî bike, li tava hevvê guhdarî bike, li vê qelebalixa gêrîkan guhdarî bike, dinya bi sitrana me bi kulîkan ve dixemile, li dinyayê guhdarî bike, li ava diherike guhdarî bike, li hemû mexlûqên dinyayê... Nuha, hemû mexlûqên kaînatê li ser piyan in...

Herdu hevalan bi kêf hevdu himbêz kirin. Sitran her xurt dibû û xweşiktir dibû.

Şefeqê lê xist, bila şefeqa me hemuyan lê bixe, ronahiya li aliyê rojhilat wek kulîlkeke sor û mezin vekir û xwe gîhand heta orta ezmên.

Gêrîkê Kulek derket ser dara qizwanan. Di nav ronahiyeke boş a bê ser û ber de dihat dakirin. Destê xwe danî ser dilê xwe û dest bi peyvê kir:

– Hevalno, birano, hevrêno, neteweyên gêrîkan gelek êş kişandin. Ji gava ku dinya bûye dinya û vir de, tu nesilê mexlûqan êşa ku me kişandiye, nekişandiye, zilma ku me dîtiye, nedîtiye.

Dengê sitranê her ku diçû bilindtir dibû û ji her perçeyê dinyayê dihat. Ev sitran mîna kulikla dinyayê ya herî muhtesem wek dil, hezkirin, germahî, dostanî, xweşikahî, biratî, wekhevî û aştiyê vedibû. Azadî bûbû kulikla ronahiyê ya li aliyê rojhilat û vebûbû. Vê sitranê hemû ezman dihejand û dinya rohnî dikir û azadî lê belav dikir.

– Hevalno, welat û bajaran gêrîkan...

Qelebalixiya ecêb a li hevdu siwar bûbû, bû yek deng û bang kir:

– Em dizanin, em dizanin!

– Binê welat û bajaran...

Qelebalixê bang kir:

– Em ê binê wan bikolin, em ê bikolin!

– Hevalno, wê gavê pêşniyareke min ji we re heye.

– Hosteyê me, pêşniyara te li ser serên me.

– Serokê gêrîkên zerî li wê jêrê ye, wî hilkişîne vê derê, ba min. Hesabekî min bi wî re heye.

Çar xortan, Serokê gêrîkên zerî anî û tavilê hilkişand serê dara qizwanan, ba Hesinkerê Kulek.

Hesinkerê Kulek got:

– Nuha, hem li min û hem jî li Serokê gêrîkên zerî baş binihêrin.

Destê xwe yê rastê dirêj kir, destê yê Hesinker mezin û xurt bû, rîha Serokê gêrîkên zerî ya sor î biriqandî kişand. Rîha dirêj di destê wî de ma. Di şûna rîhê de, rîheke zipîzer kil dibû.

Hesinkerê Kulek got:

– We dît? Filan zeriyêن xwe heta li ba min jî bi cîh kirine, we dît?

Hemû rîhsoran bi hevdu re bang kir:

– Me dît!

– Nuha, hûn hemû berê xwe bidin hevdu û bi rîhêن hevdu bigirin. Bila herkes rîha herkesî bikişîne.

Hemuyan rîhêن hevdu kişandin. Di bin rîhêن gelekan ên sor de, rîhêن zer derketin.

– Bi rîhêن wan ên zer bigirin.

Gêrîkan bang kir:

– Me pê girt!

– Serêن zerîyan jê bikin û bînin di bin vê darê de, li ser hevdu kom bikin.

Wî bi xwe jî, bi rîha Serokê gêrîkên zerî yê ku li ba wî bû girt û di wê deqîqeyê de serê wî ji gewdeyê wî hilqetand û avêt bin darê. Ü di bin darê de, ji serêن zerîyan girek çêbû.

– Nuha, ji min re bibêjin, em ê binê welat û bajarêن gêrîkan bi kîjan hêzê û çawa bikolin? Ma hêza me dê têrî kolana binê vê dinyayê bike?

Gêrîkan hemuyan bi hevdu re bang kir:

– Dê têr bike! Gava ku hemû gêrîkên dinyayê bibin yek...

Çavêن Hesinkerê Kulek ji bextiyariyê biriqî û got:

– Gava ku hemû gêrîkên dinyayê bibin yek...

Gêrîk, dinya, ax, av, ezman, mexlûq bûn sitran û ev goti-nêن ha bê rawestan tekrar kîrin.

Hesinkerê Kulek î Rîhsor got:

– Wê gavê, de heydê têkevin rê û li welat û bajaran belav

bibin, bila sitrana we li hemû dinyayê olan bide. Bila guhê ku nebihîse, çavê ku nebîne, dilê ku hez neke û serê ku bawer neke nemîne. Gêrîkên hemû dinyayê bibin yek!

Zingînî ji Dinyayê hat.

– Gêrîkên hemû dinyayê bibin yek!

Ü gêrîk ketin rê, deşt, derya, daristan, avên kûr derbas kirin û ev sitrana herî xweş û biaqil gîhand heta quncika dinyayê ya herî xewle. Mexlûqê ku nebihîst û gêrîkê ku bawer nekir nema... Siltanê Filan, Serkumikê Berz û filên din jî bihîst.

Siltan keniya:

– Haaah haaaah! Piça êqil di serê we de tune ye, gêrîkno! Hemû gêrîkên dinyayê dê bibin yek û binê dinyayê bikolin, hela bila bikolin û em bibînin.

Serkumikê Berz jî ji ber vê bêhişîya gêrîkan, pir hêrs bûbû:

– Hela bila bikolin, bila bikolin, em ê jî wan weha bikin ku ew ê dîsa nikaribin serî hildin.

Siltanê Filan got:

– Gêrîk heta nefirin, têk naçin.

Serkumikê Berz bersiva wî da:

– Ev firiyan, Siltanê min.

– Hiiş, bila tu kes pê nizanibe ku em bi wan hisiyane ku ew ê binê dinyayê bikolin. Em ê vê hêviya wan a dawiyê jî ji destêن wan werbigirin, dû re ev mesele diqedede. Piştî ku wan binê erdê kola, em ê wî Kulekî jî bigirin. Hiiş, birayê min î Serkumikê Berz, hiiiişş!

Serkumikê Berz got:

– Divê em dengê xwe nekin.

Baskên xwe yên ku ji ber qelewbûnê giran bûbûn, bi kêf li hevdu xistin û ber bi welatên gêrîkan ve firiya. Ji jêrê dengê sitraneke ecêb, germ, dost ku mirov ji rê dibir dihat. Vê sitrana ha dilê wî jî nerm dikir û ew jî dawetî xweşikahiyê di-

kir. Ger Serkumikê Berz hebekî din jî bimaya, ew ê jî bi ber vê sitranê biketa û nikarîba dîsa vege riya ba Siltê.

Bi lez ji wê derê bi dûr ket û hat Filistanê, lê ji Siltê re qet behsa vê sitranê nekir. Sitranê ew mest kiribû û bi temamî guhertibû. Dibe ku Siltê jî rojekê ev sitran bibihîsta û li gorâ wê, li tiştinan bifikiriya. Feqîrê Serkumikê Berz ji ku dizanîbû ku Siltan dê qet tu carî nikaribe bibihîse!

– Hah haaah!

Siltanê Filan dikene û li benda wê roja xwe ya ku ew ê derba dawiyê li gêrîkan bixe, radiweste. Gêrîkê Kulek jî wek hertim, ev kenê wî yê dirêj bihîst û ew jî bi bêsebirî li benda wê roja ku binê dinyayê dê bête kolan, radiwestiya. Wî dizanîhû, wî dizanîbû ku ew ê nikaribin binê dinyayê bikolin, lê hela bila carekê dest pê bikin...

Gêrîk bi rojan bi mehan meşîyan, çûn û çûn, xwe gîhand hemû welat û bajarêñ gêrîkêñ dinyayê. Mesaja ku dibêje, hemû gêrîkêñ dinyayê bibin yek, ji hemû gêrîkan re got. Û ev mesaj ji başûr heta hakur, ji rojhilat heta rojava, li hemû dinyayê wek sitranekê belav bû... Û gêrîk bûn yek û dest bi kolana binê dinyayê kir. Binêñ welat û bajaran bi dû hevdu re dihatin kolan. Ew sitrana mezin a ku ji dilêñ wan dihat û ji aliyê çiya, kevir, ax, av, gur, çivîk, kurm û kêzik û mirovan ve dihat gotin, ji wan re dibû pişt.

Serkumikê Berz û hudhudêñ din her roj, bi derketina rojê re diçûn li welat û bajarêñ gêrîkan digerîyan. Li ser welat û bajaran difirîyan û ci li wan deveran diqewimî, digîhandin Siltê.

Li gorî fikira Serkumikê Berz, li bajaran aramî hebû, gêrîk ne bûbûn yek û ne jî dest bi kar kiribû. Siltan li ber vêya diket.

Gêrîk jî ji bo xwe eşkere nekin, bi rojê ji Siltê re û bi şevê jî ji bo xwe dixe bitin. Axa ku ji binê erdê derdiket jî wenda

dikir. Ew qas ax datanîn kî derê? A, ev bi dizî bû.

Gêrîkan di demeke kurt de, binêñ welat, bajar û dinyayê kolan. Û bi vî awayî, hat îsbatkirin ku hêza gêrîka ji hemû hêzan û sitranêñ wan ji hemû qanûnan hîn bi hêztir in.

Gêrîkan li ser qotê çiyayekî bilind agirekî mezin pê xist û bi vî awayî xeber da Gêrîkê Kulek ì Rîhsor ku binêñ hemû welat û bajaran hatine kolan. Gêrîkê Hosteyê Hesinker hîn di bin erdê de dixebeitî. Li jêrê, kulgul du kulm axa wî mabû, gava wî ew jî bikişanda jorê, karê wî dê biqedîya. Ji nişka ve, dilê wî û dora wî bi sitraneke şahiyê ya bi qasî ku mirov nikaribe texmîn bike xweş ve hat dagirtin. Tavilê derket derive, lê çi bibîne, agirê li serê çiyayî her ku dicû mezintir dibû û wek rojê dinya di nav ronahiyê de dihişt.

Gêrîkê Kulek ì Rîhsor ji gêrîkên li dora xwe te got:

– Serêñ wan gêrîkên zerî yên ku me ew li çiyayî jê kiribûn û veşartibûn, ji min re bînin...

Serêñ gêrîkên zerî ji xwe hazir bûn, li hember, di kortalekê de bûn.

Tam di vê esnayê de, kevokeke spîboz û wek ronahiyê bi şewq ji ezmên daket. Gêrîkê Kulek ber bi wê ve baz da, hevdû himbêz kirin.

Hesinkerê Kulek got:

– Ez li benda te bûm, tu bi xêr hatiyî xwişka min. Te çawa dizanîbû ku binê dinyayê hatiye kolan û tu hatî?

Kevokê got:

– Min ronahiya ku li serê çiyayî teqîya dît, min sitran jî bi-hîst û min baskêñ xwe vekirin û ez hatim.

Hesinkerê Kulek li baskêñ wê siwar bû û got:

– Wan seriyan bidin min. Wan seriyan zerîyan...

Serî dan wî û kevok firiya.

Serkumikê Berz li bexçeyê seraya Siltêñ, derket pêşıya yê Hesinker û kevoka spî. Gava Serkumikê Berz Hesinkerê Ku-

lek î Rîhsor dît, ew bi derbekê re nas kir. Tiştek di vêya de hebû, lê çi bû. Tew yê Hesinker li pişta kevokê siwar bûbû û hatibû.

Hesinkerê Kulek got:

– Ez ê Siltên bibînim.

Hesinkerê Kulek berdilka xwe ya sor kiribû ala û li ser bas-kê kevokê hildabû. Û berdilka sor li vê dinyayê, wek alayeke hêviyê ya herî muhteşem, germ û xweşik li ba dibû.

Serkumikê Berzê kû tavilê ji ba Siltên vege riya, got:

– Kerem bikin, werin serayê. Siltan dê we qebûl bike.

Gêrikê Kulek got:

– Em nikarin têkevin hundur, bila ew derkeve derive.

Gêrikê Kulek ditirsiya ku li hundur dikarşbû tiştekbihata serê wî.

Serkumikê Berz ket hundurê serayê û rewş bi temamî ji Siltên re got. Siltan hêdî hêdî keniya, kêfa xwe anî û derket derive.

Hesinkerê Kulek bi dengekî bilind got:

– Ez hiryara gêrîkan digihînim te, hey Siltano!

Siltan keniya û ji Hesinkerê Kulek ê li ser pişta kevokê bû re got:

– Bibêje! Tu kî yî?

Gêrikê Kulek got:

– Ez Hesinkerê Kulek im. Me ji îro û pê ve, serxwebûna xwe ûlan kir. Me hemû welatêñ gêrîkan biryar da ku êdî tu gêrîk dê ne ji te re û ne ji filan re û ne jî ji hudhudan re bixe-bite. Welatêñ gêrîkan ên gêrîkan in û em azad û serbixwe ne.

Siltanê Filan pirsî:

– Ma hûn li vêya pir baş fikirîn?

Siltên hem dipirsî û hem jî dikir tîqe tîq, dûr û direj dike-niya.

Hesinkerê Kulek got.

– Em fikirîn. Gêrîkan ji te re diyariyek jî şand.

Siltêن got:

– Diyariya wan ci ye, ka em bibînin.

Gava Siltêن ev gotin digotin jî guhêن wî yêن wek merşan bilind dibûn û pir dikeniya.

Hesinkerê Kulek got:

– Ji te re, Siltano! Ji te re, Siltano!

Berê serê Serokê gêrîkên zerî avêt ser çavêن Siltêن.

Bi dû wî re got:

– Ji te re, ji te re, ji te re!

Ü hemû serênen zerîyan avêtin.

– Te ev serî nas kirin, te nas kirin? Ji te re, ji te re, ji te re!

Gava Serkumikê Berz ji Siltêن re got ku bê ev seriyêن kêne, Siltan dîn bû, kef bi devê wî ket û got:

– Filên min, hudhudêن min, leşkerêن min biçin ser welatêن gêrîkan, ne kevir li ser kevirî û ne jî tu benderuhî bihêlin, bi meşin!

Dengê wî ew qasî bi hêrs bû ku pişta çiyayan jî lerizî.

– Vî Kulekî jî tavilê bigirin û serê wî jê bikin.

Gava kevoka spî ev bihîst, wek gulê firiya çû. Ew hudhudêن ku baskêن wan bez girtibû, dê çawa xwe bigîhanda vê birûska spî?

– Bimeşin, bimeşin, bimeşin!

Filleşker jî li hember vê serihildana gêrîkan pir hêrs bûbûn. Ji nişka ve, rehetiya wan xera bûbûn. Bi xezebeke bêsinor êrîşî welatêن gêrîkan kir, filê ku digîhaşt wê derê, digot ‘guuurm’ û diket bin erdê... Filê ku digîhaşt wê derê diket. Bi vî awayî, hemû filên ku êrîşî welatêن gêrîkan kir, di demeke kurt de, ketin bin erda ku gêrîkan kolabû.

Gava Serkumikê Berz xebera vê têkçûna mezin, vê rastiya ecêb a ku hemû fil ji ortê rabûbûn, gîhand Siltêن, Siltan ji

ber êş û hêrsa ku vê xebera jê nayê bawerkirin pê re çêkiribû, bi qasî bejna mirovekî hilor bû û ket erdê. Carekê dît ku erd ji zelzeleyê jî bêtir diheje. Hîn digot, ev ci hal e, carekê dît ku axa devera ku ew li ser in jî diçe xwarê. Erd bi carekê veqelişî, seray jî bexçe jî û Siltanê Filan jî dabelihandin. Gava gêrîkan binên welatan kolabûn, binê seraya Siltêن jî ji bîr nekiri-bû.

Dersa ku divê ji vê bûyerê bête wergirtin, ev e ku gava hemû gêrîkên dinyayê bibin yek...



"Em ê dibistanê ku gêrîkan dikin fil vekin. Gava çêlikên gêrîkan hîn nuh çêdibin, em ê wan bînin li van dibistanan perwerde bikin. Ew gêrîk bin jî ew ê xwe fil bihesibînin û ew ê ji filan bêtir bi filşîtiyê ve bêñ girêdan. Bi sedan salan e ku li Mirovistanê, ev sîstema perwerdekirinê tê meşandin. Ew ê bibin fil û xwe fil bihesibînin, lê ew ê qet ji bîr nekin ku ew filêñ bi qasî gêrîkan in."

Ji romanê